



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



Over dit boek

Dit is een digitale kopie van een boek dat al generaties lang op bibliotheekplanken heeft gestaan, maar nu zorgvuldig is gescand door Google. Dat doen we omdat we alle boeken ter wereld online beschikbaar willen maken.

Dit boek is zo oud dat het auteursrecht erop is verlopen, zodat het boek nu deel uitmaakt van het publieke domein. Een boek dat tot het publieke domein behoort, is een boek dat nooit onder het auteursrecht is gevallen, of waarvan de wettelijke auteursrechttermijn is verlopen. Het kan per land verschillen of een boek tot het publieke domein behoort. Boeken in het publieke domein zijn een stem uit het verleden. Ze vormen een bron van geschiedenis, cultuur en kennis die anders moeilijk te verkrijgen zou zijn.

Aantekeningen, opmerkingen en andere kanttekeningen die in het origineel stonden, worden weergegeven in dit bestand, als herinnering aan de lange reis die het boek heeft gemaakt van uitgever naar bibliotheek, en uiteindelijk naar u.

Richtlijnen voor gebruik

Google werkt samen met bibliotheken om materiaal uit het publieke domein te digitaliseren, zodat het voor iedereen beschikbaar wordt. Boeken uit het publieke domein behoren toe aan het publiek; wij bewaren ze alleen. Dit is echter een kostbaar proces. Om deze dienst te kunnen blijven leveren, hebben we maatregelen genomen om misbruik door commerciële partijen te voorkomen, zoals het plaatsen van technische beperkingen op automatisch zoeken.

Verder vragen we u het volgende:

- + *Gebruik de bestanden alleen voor niet-commerciële doeleinden* We hebben Zoeken naar boeken met Google ontworpen voor gebruik door individuen. We vragen u deze bestanden alleen te gebruiken voor persoonlijke en niet-commerciële doeleinden.
- + *Voer geen geautomatiseerde zoekopdrachten uit* Stuur geen geautomatiseerde zoekopdrachten naar het systeem van Google. Als u onderzoek doet naar computervertalingen, optische tekenherkenning of andere wetenschapsgebieden waarbij u toegang nodig heeft tot grote hoeveelheden tekst, kunt u contact met ons opnemen. We raden u aan hiervoor materiaal uit het publieke domein te gebruiken, en kunnen u misschien hiermee van dienst zijn.
- + *Laat de eigendomsverklaring staan* Het “watermerk” van Google dat u onder aan elk bestand ziet, dient om mensen informatie over het project te geven, en ze te helpen extra materiaal te vinden met Zoeken naar boeken met Google. Verwijder dit watermerk niet.
- + *Houd u aan de wet* Wat u ook doet, houd er rekening mee dat u er zelf verantwoordelijk voor bent dat alles wat u doet legaal is. U kunt er niet van uitgaan dat wanneer een werk beschikbaar lijkt te zijn voor het publieke domein in de Verenigde Staten, het ook publiek domein is voor gebruikers in andere landen. Of er nog auteursrecht op een boek rust, verschilt per land. We kunnen u niet vertellen wat u in uw geval met een bepaald boek mag doen. Neem niet zomaar aan dat u een boek overal ter wereld op allerlei manieren kunt gebruiken, wanneer het eenmaal in Zoeken naar boeken met Google staat. De wettelijke aansprakelijkheid voor auteursrechten is behoorlijk streng.

Informatie over Zoeken naar boeken met Google

Het doel van Google is om alle informatie wereldwijd toegankelijk en bruikbaar te maken. Zoeken naar boeken met Google helpt lezers boeken uit allerlei landen te ontdekken, en helpt auteurs en uitgevers om een nieuw leespubliek te bereiken. U kunt de volledige tekst van dit boek doorzoeken op het web via <http://books.google.com>

BS
1545
V45

Tappan Presbyterian Association
LIBRARY.

Presented by HON. D. BETHUNE DUFFIELD.

From Library of Rev. Geo. Duffield, D.D.

Geo Duffield
17.11.1842

1842



George Duffield A.M.

In tali nunquam lassat venatio sylva.
A.D. 1884.

MANNI VENEMA

TIONES ACADEMICAE

A D

ECHIELEM

PARS I. AD CAP. XXI.

DIDIT ET PRAEFATUS EST

ES HENRICUS VERSCHUIR,



LEOVARDAE,

RNELIUM VAN SLIGH;

LUGDUNI BATAVORUM.

ET J. HONKOOP.

M D C C X C.

ANNALS OF THE

ROYAL CANADIAN MOUNTED POLICE

VOLUME XXII

PART I

1911-1912

(1912)



THE
HISTORICAL
RECORD
OF THE
POLICE
DEPARTMENT
OF THE
CITY OF
TORONTO
1911-1912

L. B.

S. P. D.

J. H. VERSCHUIR.

Offerimus tibi novum Celeberrimi *H. Venemae* opus, cui edendo tandem vir optimus, nonagenario major, immortalis fuit, commentarium nempe in difficillimum *Ezechielis* librum, diu desideratum. Post commentarium in *Zachariam* feliciter absolutum, ad fatalem morbum usque semper laboriosus, illico *Ezechielis* manum admovit, sed exiguum tantum ejus partem typis expressam vidit, quando supremus rerum humanarum Arbiter, per morbum paucorum dierum haud gravem, sanctissimum senem, corporis viribus longa vita, et immensis laboribus, exhaustis, felici *indagatione* ad aeternam et beatam quietem evocavit. Hujus autem operis curam mihi, discipulo et nepoti suo, demandavit, quam alacriter suscipere pietas et studium publico inserviendi jussit.


Est hoc quoque opus auctore suo dignum, et librum hunc propheticum multis in locis nova luce perfundit. Destinaverat id auctor ab initio juventuti Academicæ, cui in lectionibus publicis Ezechielem interpretatus est, deinde in publicam lucem emittere in animum induxit. Multa in mar-

P R A E F A T I O.

gine manuscripti sui immutavit, alia nova subinde addidit. Si omnia de integro describere potuisset, sermonem magis nitidum reddidisset, sed nimis erat occupatus, tam multos edidit libros, et aetas adeo ingravescebat, ut ultima lima hunc librum perpolire non potuerit, rem ipsam, auctoris sui illustrationem et interpretationem tantum spectabat, laureolam ex stili elegantia non captabat. Nos autem egregium hunc commentarium exire sinimus, qualis ex auctoris manibus prodiit, et ab ipso typographo traditus fuit. Unicum ejus propositum erat in veram Prophetæ mentem penetrare, eamque claris verbis exhibere, quod egregie praestitit, et rectius S. hunc librum interpretatus fuit, quam ullus ante eum fecerat. Nulli itaque dubitamus, quin omnes eruditi et aequi arbitri hunc quoque commentarium magni facturi, et tanquam eximium donum accepturi sint; vitio autem creatos censores, corticem lambentes, et ornatorem desiderantes stilum, parum curamus. Omnia vitia typographica prorsus evitari non potuerunt, non sunt tamen valde multa, aut magni momenti, et facile a perito lectore corrigenda, exstantiora quoque ad libri finem annotata. Pars nunc editur prior, quam statim sequetur pars altera. Convertite B. L. laborem hunc Maximi interpretis in tuos usus, et ita vale.

Franequerae Kalendis Septembr.
anni M. D. C. C. X. C.

LEG.





LECTIONES ACADEMICAE

A D

EZECHIELEM.



PROLEGOMENA.

§. I.  **A**  Utor libri adpellatur יחזקאל q. d. *nervabit Deus fortis*, ex voto quidem parentum, quo spem in Deo forti posuerunt, fore, ut filium hunc *firmum* reddat, et vitae et fidei ac religionis respectu, sed simul ex destinatione Dei, quia hunc filium ad arduum opus, non sine robore Dei et singulari constantia efficiendum, destinaverat: quo respici videtur cap. III: 8, 9. uti a Villalpando in praefat. recte est observatum. *Patrem* habuit nomine כוזי, adpellatur enim c. I: 3. *filius Buzi*; de quo nihil constat. *Genere* et munere fuit *sacerdos*, ibid., adeoque hac parte illustris, quemadmodum et *Jeremias*. Reliqua, quae ad dotes, virtutes, et fata ejus spectant, cum ex hoc libro tantum consent, suis locis sub manus venient. Fabulosas vel incertas

A

certas qui velit de vita et morte ejus narrationes, adeat Fabrit. cod. apoc. V. T. t. I. p. 1117— et autores ibi citatos, ubi etiam de apocryphis ejus libris et dictis agit. Haec enim ad nostrum scopum nihil faciunt. Tantum notetur, vulgo censerī, *duos* libros Ezechielī adtribui a Joseph. Ant. l. X. cap. 5. unde variae sunt Doctorum ortae conjecturae, dum alii ad *duas* hujus libri partes, in quas divisus fuisset, eum respexisse censent, ut Moine V. S. p. II. p. 332. et Huet. Dem. Eu. p. 465., alii librum aliquem apocryphum intendi autumant: de quo vid. Fabric. l. c. Sed, praeterquam quod haec nihil solidi habeant, locus Jos. male intellectus antea opinionis dedit; non enim de Ezechiele, sed Jeremia tradit Jos., eum duo scripsisse volumina. Cum enim dixisset, *non solum Jeremiam illa praedixisse populo, sed et Ezechielem vatem*; ita pergit; *et πρώτος πρὸς τὸν δῶδε ἑβραῖα γράψας κατέλιπον*, qui *primus de his duos libros reliquit scriptos*; quae verba retulerunt male ad Ezechielem, cum ad Jeremiam pertineant, ut vox *πρώτος* *primus* satis indicat; nullam enim emphasin habet de Ezechiele intellecta; relat. *ἔ*; qui est mendosum, ex praeced. litteris ortum, nec a Mss. ac vet. Interpr. Lat. agnitum; *primus* itaque est *primus* eorum, modo memoratorum, adeoque *Jeremias*, duorum librorum, *Prophet. et Threnorum*, autor. Ipse Jos. contra Apion. l. I. ubi librorum sacrorum catalogum texit, unius tantum libri Ezechielis meminit.

§. II. De *tempore* muneris prophetici, a quo, ut dicitur, et ad quem terminum, ex ipso libro facile constat. Incepit enim anno 30mo epochae, quae non nominatur, et 5to deportationis Jechoniae c. I: 1, 2. et ultima, quae memoratur, revelatio ipsi contigit anno epochae posterioris 27mo c. XXIX: 17. adeoque per 22 annos fuit in hoc munere versatus; num diutius, non constat. Quenam autem sit epocha prior, cujus anno 30mo incepit, cuique respondet annus 5tus deportationis Jechoniae, non convenit inter doctos; sed alibi in historia Eccles. demonstravi, esse Nabopolassar

polassaris *הַיְּהוּדִים*, cui anni non male respondent. Est utique aera non Judaica, quia ab ea distinguitur, sed *civilis* populi, in cuius medio tunc degebat, sicut et *Daniel* ejusmodi epocham sequitur in libro suo, praeterea nota et illustris, ut exprimi non fuerit necesse; qualis illa, cujus memini, fuit. Vid. quoque *Pradus* ad h. l.

§. III. Ad hujus temporis adcuratiorem notitiam, et verum conspectum, pertinet notasse 1. illud ex parte incidere in periodum muneris prophetici *Jeremiae* in Cananaea primum, et dein AEgypto post destructam Hierosolymam, nec non *Danielis* in Babylonia; adeo ut hi *tres* prophetae fuerint aequales; sed duo posteriores, *Ezechiel* et *Daniel*, in exilio Babylónico, *Jeremias* jam aliquamdiu prophetaverat, a 13mo Josiae usque, et ejus munus ad finem vergebat, cum noster incepit, anno 5to exilii Jechoniae et regni Zedekiae, ultimi regis; qui post *Jeremiam* aliquamdiu in eo opere perrexit inter exsules. *Daniel* vero jam in aula *Nebucadnezaris* erat illustris factus, cum incepit *Ezechiel*; quippe ann. 3tio *Jojakimi* jam in exsilium abductus Dan. 1. quare *Danielis*, tanquam eximii intercessoris apud Deum pro populo, mentio fit in hoc libro; ut suo loco videbimus. 2. Destructionem Hierosolymae, et plenariam populi abductionem in exsilium, esse ante fores; *sex* quippe annis post initium muneris *Ezechielis* perfectam: uti notum est. 3. Statum populi in Cananaea fuisse summe et insanabiliter corruptum, et religionis, et vitae morumque respectu; nec in exilio fuisse plane emendatum: uti ex *Jeremia* et nostro propheta manifestum est; adeo ut, nisi populus cito resipiscat, brevi actum futurum sit cum eo. 4. Populum, non obstante corruptione, sese vana adhuc spe lactasse liberationis a Chaldaeis, et instaurationis rerum, quam pseudoprophetae foverunt et in Cananaea, et in exilio Babylónico; contra quos populus erat admonendus, et melior ejus pars imprimis armanda. In ipso exilio tales non defuisse falsos vates, ex Jer. XXIX. satis constat. 5. Denique, destruc-

ta rep., et populo in exsilium deportato, spem populi, etiam piorum, plane esse fractam, et vicinorum populorum animos esse erectos, ac laetitia super Judaeorum calamitate, tanquam signo falsae eorum religionis, et in perpetuum duraturae, perfusos. Ad quam Judaeorum spem erigendam, et populorum vicinorum animos domandos ac prostituendos opus erat, ut Judaeorum conversio efficeretur, instauratio praediceretur, et vindicta de hostibus sumenda evulgaretur. Quod sicut Jeremias, ita et Ezech., strenue egit.

§. IV. Quod ad *locum* adinet, quo munere functus est, is non fuit Cananaea, sed Babylonia, inter exules; quorum sedes erant in Mesopotamia, ubi fluvius *Chaborras* in Euphratem incidit, uti ex c. I: 1 liquet. *Fluvius* enim כְּבֶרֶס non est fossa fluvii Euphratis, jussu regis alicujus Babyloni, inde deducta, quae *Neharmalacha* fluvius regius adpellatur, ut multi volunt, et Fuller. misc. l. IV. c. 2. disputat, sed *Chaborras*, ut recte Jun. et Trem. qui ex monte Masio, teste Ptolemaeo, in Euphratem defluit, et Mesopotamiam dividit in *Paddan-aram* et *Aram naharaim*, illam versus Syriam, hanc versus Babyloniā, illam fertilem, hanc asperam et incultam. De quo vid. Boch. Phal. l. II. c. 6. *Alveus* enim iste non eo nomine, sed alio *neharmalacha* insignitur, et fluvius Mesopotamiae est nomine *Chaborrae* notus. Vid. Cellar. Geogr. l. III. c. 15. p. 437. Tradit quidem Plin. hist. nat. l. VI. c. 26. esse, qui tradunt, Euphratem Gobaris praefecti opere diductum, ubi eum diximus findi, ne praecipiti cursu Babyloniā infestaret; ab Assyriis vero univ. adpellatum *Armatchar*, quod significat regium flumen: sed non dicit nomen *Chaborrae* tulisse. Nec obstat, quod Fullerus opponit, Jechoniam cum reliquis legi 2 Reg. XXIV. abductam *Babelem*, quia nomine Babyloniae reliqua pars Mesopotamiae Assyriae quoque adpellata est, ut Plin. l. c. adserit, et res ex Script. nota est. Accedit, Judaeos, secundum Berosum, fuisse in locis commodis Babyloniae collocatos; qualia fuerunt circa *Chaborram* fluvium, ut modo vidimus. Vox:

כבר vero exprimit *magnitudinem*, et de aquis aestuantibus ac humidis usurpatur, sicut Chaborras quoque *magnus fluvius* adpellatur *Procopio* Bell. Pers. l. II. c. 5. Habuit praeterea visiones haud uno in loco, sed in variis: uti ad ipsum *fluvium* c. I: 1, 3. in *valle* c. III: 22. in *domo* sua coram senioribus c. VIII: 1. etc.

§. V. Cum *argumenti et scopi* respectu satis conveniat inter Jeremiam et Ezechielem, moras hic non necesse habeonectere, sed in *dictis* ad Jer. acquiescere licet, quae huc facile adplicantur. Quare ad *methodum*, verbaalem et realem, mox pergo. *Stilus* est gravis, vehemens, copiosus, patheticus, et saepe emblematicus ac figuratus; scatet etiam visis ac parabolis, magis quam reliquorum prophetarum, excepto Zacharia, et propterea intellectu obscurior, praecipue ubi nulla explicationis et adplicationis principia traduntur. Vid. Lowth de poesi Hebr. prael. 21. p. 209. nimiae esse artis et luxuriae disputat Michaelis ad l. c. p. 417. Accedit, quo obscuritas augetur, varias occurrere voces, alibi non obvias, et incertae significationis, varia etiam menda in textum irrepsisse, partim ex conjectura, partim ex Vers. Gracca et Syr. emendanda. *Tres* sunt generales libri partes, quarum *prima* et *tertia* ad Israellem directe spectat, *secunda* ad populos vicinos; *prima* est elenctico-prophetica, qua vitia populi in lucem proferuntur, et reprehenduntur, ac judicia Dei ei denunciantur, *tertia* est praecipue *paracletico-prophetica*, qua, inserta ad poenitentiam adhortatione, populi instauratio, et laeta fata praenunciantur, usque ad Oecon. V. consummationem in Nova sub Messia. *Secunda* est mixta, quae populorum vicinorum crimina, et judicia Dei in eos, repraesentat, ad consolationem et defensionem populi Dei. In *partibus* hisce ordinandis observatus maxime est *ordo* temporis, quo visiones aut revelationes contigerunt, *anno* deportationis Ezechielis *quinto*, *sexto*, *septimo* et *nono*; omnes ante destructam Hierosolymam; quae sese ad cap. XXV. extendunt. *Secundae* partis, contra populos

6 L E C T I O N E S A C A D E M I C A E

pulos vicinos, sese inde porrigunt ad c. XXXII. inclusum; maximam partem factae tempore obsidionis Hierosolymae, ann. *undecimo* et *duodecimo*. *Tertiae* denique partis, inde usque ad finem libri, post reip. desolationem factae in solationem populi Dei. Praemissa autem est omnibus *partibus* *inauguratio* prophetae in publico munere per illustre visum ipsi factum, et expressa verba, quibus de officio admonetur, et contra oppositiones populi contumacis corroboratur. Inauguratio duplex est, *altera* implicita cap. I. *altera* vera et expressa c. II. III: I. *Prior* fit per *visum*, quo argumentum et scopus muneris prophetici exhibetur cap. I,

C A P.

CAP. I.

§. VI. **C**ontinet hoc caput *inscriptionem* libri prophetici Ezechielis, et primi visi, ac ipsum visum inauguratorium. *Inscriptio*, vers. 1—3. *partim* est ab ipso propheta, *partim* ab alia manu, ad temporis et personae accuratiorem notitiam dandam, inserta per modum parenthesis, ut notavit Rev. Hartman; nisi quis potius velit, *primum* ad marginem positam, dein in textum irrepsisse, cujus indicium est in vocibus, *quinto die mensis*, repetitis; quod factum est, ut nota marginalis iis adnecteretur. Repetitio vero et harum vocum, et aliarum, *ad fluvium Chebar*, nec non mentio Ezechielis in tertia persona, ejusque descriptio, haud obscura indicia praebet glossae, ab alio autore, forte Ezra, additae. Praeterea obiter notetur, Verbum *וַיִּבְרַח* vers. 1. loco esse motum, et praemittendum verbo *אֲפֶרְסֶה* *aperiti sunt*: incipere enim nequit sermo, absque ut aliquid praecesserit, cum verbo, *et est factum*: uisi forte pro *וַיִּבְרַח* quis legere malit *הִנֵּה הָנִיחַ* *ecce*! uti Jes. II: 2. et III: 24. et alibi contigit.

§. VII. Ipsum visum, vers. 4—28., ante quoad litteram hic illic illustrabo, Iquam ejus scopum et sensum pandam. *Partes* visi memorantur ordine sequentes. *N.* *Prima* comprehendit *ventum procellae urentis venientem a septentrione*, vers. 4. *Vidi et ecce ventum procellae urentis venientem a septentrione*, scilicet ipsa Babylonia, versus Judaeam, et Hierosolymam, cujus respectu e septentrione venit; non enim tam prophetae, qui in tractu occidentali Babyloniae versabatur, quam Judaeae, ad quam spectabat procella, respectu dicitur e *septentrione*: quia calamitas Judaeorum inde veniret, ut venit semper, et passim a Prophetis venire sistitur; uti notum: si *prophetae* quoque ratio sit habenda, notio *septentrionis* latius est sumenda pro tractu *Aquilonari-Orientali*,

sicut subinde solet; quod hic eo rectius admittitur, quia ex Assyria initium supersit Israelitarum excidium, et regnum Assyriacum hoc tempore erat Babylonico subiectum et insertum. Vidit itaque e regione media inter septentrionem et orientem ingruere procellosum ventum, ut calamitates, quae ab Assyriis inceperunt, comprehenderentur omnes. *Ventus* vero סַעַר est ventus *adustionis*, turbo aestu praeditus, qui in Oriente grassari solet cum pernicio itinérantium; et absolute etiam סַעַר adpellatur, sed plene סַעַר, ut et Pf. CVII: 25. Radix סַעַר proprie est, *ussit, aestuavit*. Emphasin habet verbum בָּרָא; cuius proprietates est *tendere, intendere*, cum *intensioe ferri*, et specialis usus in hostili et subitaneo impetu, quo dicit *supervenire*, impetuose et hostiliter irruere; uti saepe observavimus, Jer. XXI: 13. XXXII: 24. Pf. XXXV: 8. XXXVI: 12. XXXVII: 15. XLIV: 8. LXXIX: 1. Sed quo tendit haec procella aestuans? illud expresse non additur, sed aliunde, et ex ipso viso, colligi facile potest, spectasse *Hierosolymam*, quod ipsis verbis expressum est c. XLIII: 3. adeo ut nullum dubium supersit. Est autem hoc probe notandum, quia ad intellectum visus sequentis haud parum facit.

§. VIII. ב. *Secunda pars repraesentat crasse compactam nubem, in cuius medio erat ignis, splendorem per eam emittens, tanquam ex qua ventus urens erat ortus, vers. 4. his verbis, quae sequuntur, nubes magna, et ignis se continens, splendor ipsi circumquaque.* Intelligitur nubes crassa, densius intorta, et intus ignea, extus splendens, seu quae ignem in medio habebat comprehensum, et splendorem quaquaversum extra se emittebat. *Nubes גדול* est proprie valida, intorta, et crassa, firmiter compacta; quod proprie dicit radix גדל *implicari* multis filis, et sic densius intorqueri, inde invalescere, validum esse et densum. *Ignis vero מתלקחת* est se complectens, proprie *compingens*, capiens et continens, quae vis est formae Hithp., scilicet in *medio ejus*, seu nubis; uti additur Exod. IX: 24. *ignis se continens*

nens in medio grandinis, denique additur, et *splendor ipsi*, non igni, sed *nubi*, וְנִיב enim cum foemin. construitur, sed נִיב cum masc., ut hic, וְנִיב *ipsi circum*; ut sensus sit, nubem intus habuisse ignem conclusum, et extus fulgur vibrasse, seu fulgurasse, vox enim נִיב non simpliciter splendorem denotat, sed splendorem emicantem, seu fulgur. Radix enim proprie dicit, *istū vehementiore pulsare, verberare*, indeque splendorem vehementiorem, oculos ferientem et verberantem, ut in *fulgure et fulmine*. Quae ignea et fulgurans nubes vento aestuanti subjungitur, tanquam ejus causa et principium, unde ventus urens fuit ortus.

§. IX. 2. Tertia pars exhibet summam, quod primum ex medio ignis, nube inclusi, adparuit prophetae, sed cuius descriptionem vel mox subjungit, vel differt ad finem; his verbis, vers. 4. *et ex medio ejus instar coloris Orichalci*; *ex medio ignis*, h. e. ex medio istius ignis prodiit quis, vel quid, colorem referens metalli ex auro et aere conflati. Singulare est, prophetam non memorare, quid vel quem viderit ejus coloris; quale tamen necesse est aliquid fuerit, non enim de ipso ignis colore loquitur, nec etiam in igne fuisse conspicuum, sed *ex igne fuisse*. Ex quo mihi probabile fit, vel eum intelligi, quem postea formam hominis habuisse docet, adeo ut hic tantum obiter ejus mentionem faciat, ut ordinem adparitionis servaret, mox in ejus notitiam ducturus: vers. 27. enim personae, quae speciem hominis praeferebat, colorem tradit similem esse Orichalco; ubi eadem voce utitur, qua hic: vel, quod forte verius, introductionem esse ad animalium picturam, quae mox sequitur, quia eorum conspectus talis fuit, vers. 13. et de pedibus eorum diserite adfirmatur vers. 7. *animalia* denique mox *ex medio ignis* orta dicuntur. Voce vero חשמל significatur vel *electrum*, ut LXX. verterunt, ex tribus vel quatuor partibus auri, et argenti una, conflatum, vel metallum ex aere et auro, quod ori vel aurichalcum adpellatur, de quo vid. Boech. H. p. II. l. VI. c. 16. qui derivat ex חשמל aere et מללל auro

B

rudi

rudi apud Chald., ut plene sit נחשכלל. Quod suo loco re-
linquo; significatus enim מללא pro *aure* non satis certus est
apud Chald., vel denique *aes* simpliciter ignitum, seu igne
excoctum, ac fulgidissimum; ex נחש et מלל, quae poste-
rior radix originem habet in *incisura* et *fissione*, unde est
significatio *urendi*, *amburendi*, quod per ignem fiant *incisurae*,
fissurae, et sic *coquendi*, *excoquendi*. Est itaque חשכלל *aes*
excoctum, seu *ustum*, urensque, adeoque ignitum, et fulgi-
dum. Convenit כלל נחשת *aes politum* vers. 7. et χαλαρο-
Cavor *aes candidum*, *rutilans*, a לבן, Apoc. I. Confirmat prae-
terea, quod additur, sicut Chasmal *ex medio ignis*, quod est
epitheton לִּי Chasmal, ad illud ulterius describendum; ut de
aere ignito, et fulgente cogitaremus.

§. X. 7. *Quarta* pars continet specialem descriptionem
quatuor animatorum, de quibus dixerat in genere, ea colo-
re referre *aes* ignitum, ex medio ignis ortum, vers. 5—14.
Ubi a. *animata* ipsa depinguntur vers. 5—12. β. eorum co-
lor et conspectus traditur vers. 13, 14. ut adpareat ea esse
instar aeris igniti, ex igne orti: ut modo dixerat. a. In
animatorum pictura a. sese offert humana forma, quam prae-
tulerunt, vers. 5. Et, sive etenim, ex medio ejus species
quatuor animatorum, quorum haec erat forma, hominis iis erat
species. h. e. Quod dixi ex igne prodiisse quid aeri igni-
to simile, illud constitit ex quatuor vivis seu animatis, spe-
ciem humanam praeferebantibus. Traditur manifeste explica-
tio illius modo indicati, sed non nominati, cui aeris igniti
color erat tributus: quare repetitur ex medio ejus, sc. ignis,
et ו in ומתוכה et ex medio ejus, hic est pro etenim, ha-
betque usum explicandi, ut sit etenim, nimirum, scilicet:
uti saepe alias. Adpellantur *quatuor viva*; sic enim rectius
vox חיות redditur, quam *animalia*; non enim formam et
speciem animalium habuerunt, sed *hominum*; exceptis capi-
tibus et pedibus, in quibus animalium figura obtinuit, ut
mox patebit. Verba sunt diserta, similitudo hominis ipsis,
quibus externa eorum forma humanae similis clarissime de-
pingitur,

pingitur, uti recte viderunt et observarunt. Interpretes: non erant homines, sed formam externam habebant iis similem: quare *animata*, seu *viya* in genere adpellantur, ad indicandum iis inesse vim vitalem, et motricem; quemadmodum *spiritus* ipsis in seq. tribuitur. Vox חיות proprie denotat *coagmentationes vitales*, vel eas virtutes et facultates, per quas natura continetur, a rad. חי vel חיי *coagmentare*, in *unum compingere*; unde varii nati sunt usus secundarii. Indicantur itaque *viya* firmiter compacta et vegeta, vi agendi et se movendi praedita. Ceterum non *unum* fuisse animatum cum *quatuor* capitibus, et inde *quatuor* adpellari, quod Pintus censuit, sed *quatuor* cum totidem capitibus, ex textu et seq. manifestum est, et ab Interpr. jam demonstratum.

§. XI. b. Partes speciales memorantur, ipsis peculiares, quibus ab humana forma fuerunt distinctae, 1. in genere vers. 6—8 2. in specie respectu alarum et facierum vers. 9—11. 1. Speciales et distinctivae partes in genere recensentur, *quatuor facies*, *alae*, *pedes* et *manus* vers. 6—8. a. *facies* et *alae* vers. 6. Et, vel sed, *quatuor facies unicuique erant, et quatuor alae unicuique eorum*: h. e. licet humanam formam praetulerint singula animata, habuerunt tamen illud singulare, ab humana forma distinctum, quod singula habuerunt *quatuor* capita cum faciebus distincta, et totidem *alas*; cum homo *unum* habeat caput, et nullas *alas*. Quae et qualia fuerint *capita*, et quo ordine disposita cum alis, postea exponitur. Hic notasse sufficit, singulis adfuisse vere et proprie sic dicta *quatuor* capita et vultus, cum alis; quae quoque communior est hypothesis, uno alterove dissentiente; de quo vid. Sanctius, qui etiam recte observat, *facies* sumi pro capitibus, *vultum* habentibus. Nec praeterea *unum* caput singulorum cum *quatuor faciebus*, sed totidem capita distincta *superne*, non *inferne*, ut vers. 11. videbimus. Ceterum et hic recte vertitur *sed*, quia discrimen a forma humana hic traditur; ut recte Ligtf. Templ. Hieros. c. §8.

B 2

§. XII.

§. XII. β. *Pedes et plantae pedum sequuntur vers. 7. Et pedes eorum, unusquisque pes erat aequabilis, et planta pedum ipsorum sicut planta pedis vituli, et splendentes erant sicut species aeris politii.* Quibus tria pedum adtributa recententur 1. primum est, quod *aequabiles* et *recti* fuerint, sine protuberatione, majore minoreve crassitie, sine juncturis, et curvaturis. Radix enim שר"י originem habet in *aequatione* et *complanatione*, unde *recti* notio orta est, opposita *cum* ad *inflexum* et *curvum*, *tum* ad *elatum* et *tumidum*: partes itaque infra ventrem, quae hic, voce late sumta, *pedes* appellantur, erant et hominum et animantium partibus hisce dissimiles; uti dixi. 2. *Secundum* est, plantas pedum fuisse rotundas et unguatas, adeoque *duras*, et in omnem partem incedere aptas; eaque ratione aliquatenus similes *plantis vitulinis*; licet non per omnia. Usus est propheta voce עגל, quae *vitulum* dicit, ut *rotunditatem* exprimeret, non ut perfecte plantas indicaret *vitulinas*; quippe quae *bifidae* sunt, et ex parte tantum *rotundae*; cum hae perfecte, et ab omni parte, fuerint *rotundae*; quia sese in currendo non vertebant animata, ut mox traditur; quod locum non habet in *vitulinis* pedibus: nec *vituli*, sed vaccae aut bovis nomen adhibuisset, si id voluisset: nunc cum *vituli* nomen עגל adhibeat, *rotunditatem*, cum *ungulis*, unice in oculis habuit; ad vocis significatum respiciens. Dicit enim proprie *rotundum*, unde, a *rotunda* volubilitate, orta est *festinationis* et *celeritatis* significatio, nec non *plaustri*, ipsius *vituli*, a *rotunditate*, volubilitate et forma terete; ut Boch. H. p. I. l. II. c. 28. jam observavit. Confirmat opinionem nostram Chald., qui *rotundum* vertit. 3. *Tertium* est, quod pedes fuerint *splendidi instar aeris politii*: quare modo color חשמל ipsis fuit datus, ut supra vidimus. Nihil hic difficile. De voce צנצנ"ה vid. Cl. Schroeder ad Orig. Hebr. c. VII. p. 9. ubi et *aes splendere* illustrat. Vox קלל, quae *politum*, vel *fulgidum* censetur denotare, unde sit, non adeo constat. Boch. H. p. II. l. VI. c. 16. fin. ex Arab. גלל illustrat, Coec.

Cocc. ex קלה *torreri, aduri*: non male, si קלל sit pro קלקל; quod verbum occurrit pro *laevigavit, polivit*, Ecclef. X: 10, et Ez. XXI: 21. Simon de form. nom. p. 82. a נקל Syr. *purgavit, mundavit*, derivat. Mihi non liquet, forte cum קול comparari potest, cujus proprietas est in *secundo, findendo*, unde cum *laevitatis* tum *politurae* notio facile fuit. Ceterum cum *pedes* simpliciter memoret, *numero* non addito, tutius est statuere, in eo nihil singulare fuisse, adeoque *duos* tantum singulis esse dandos, ut hominis sunt; quot etiam sufficiant, cum *pedes rotundi* in omnes partes verti potuerint, ante et post, ut et in *latera*.

§ XIII. γ Sequuntur *manus*, quae et situ et numero aliquid singulare habuerunt, vers. 8. *Et manus hominis de sub alis ipsorum ad quatuor latera ipsorum* h. e. singula animata habebant sub singulis alis ad quatuor partes manum cum brachio, quod haec etiam vox, ut Graec. χεῖρ, comprehendit, uti Jer. XXXVIII: 12. et Ezech. XIII: 18. sicut hominis. Cum itaque, ut mox sequitur, quatuor habuerint alas, ab ante et post, et ad duo latera, ad singulas illas partes unam, tot quoque iis adfuerint *manus* in iisdem partibus, necesse est. Vulgo *duae* tantum manus singulis tribuuntur, instar hominis; sed *quatuor*, quod recte vidit praeter alios a Lapide, requirit textus, cum quod alis adiungantur, quae fuerunt *quatuor* numero, tum quod diserte addatur, *ad quatuor latera ipsorum*, quae phrasis alium non fert sensum, ac manus per quatuor latera singulorum fuisse dispositas. Quod ipsum quoque lectio textualis ידו in sing. et *manus ejus*, quam LXX. et Syr. confirmant, adfert, modo *manus ejus* sumatur pro manu cujusque, et *sub alis* eodem modo capiatur pro *singulis* earum. Duo itaque de *manibus* traduntur, quorum alterum cum forma humana, quae ipsis data erat, habebant commune, quod articulatae fuerint manus, et digitis instructae, *alterum* inde diversum, quod et *quatuor* habuerint manus, et *alis tectas*, non *infra*, ut multis videtur, sed *sub*, quod phrasis indicat, et ex cap.

X: 8. confirmatur, ubi non, nisi manu porrecta, vidisse legitur propheta *manus* ipsis adesse sub *alis*.

§. XIV. 2. Partibus in genere recensitis, propheta pergit ad accuratorem notitiam *alarum* et *facierum* dandam, praemissa praefatione, qua declarat, se nunc de illis speciatim dicturum; quo refero voces vers. 8. *et facies eorum et alas eorum secundum quaternionem eorum*, scilicet tales erant, seu quod ad eas adtinet; uti modo vers. 7. *et pedes eorum* scilicet ad pedes eorum quod adtinet. Voces itaque illae per se stant, et transitum faciunt ad specialem *alarum* ac *facierum* descriptionem; nec cum praeced. cohaerent, secus ac vulgo visum. Praeterquam enim quod cum praeced. connexae commodum non fundant sensum, sequentia clare demonstrant, praefationis et transitus habere conspectum, cum mox sequatur *alarum*, et dein *facierum*, descriptio. In qua *a.* *alarum* et *facierum* situm, nec non harum speciem tradit vers. 9, 10. *β.* utrarum usum, et situs scopum vers. 11. 12. *a.* Prius his verbis vers. 9, 10. *Junctae erant aliae aliis alas ipsorum*, non vertebantur cum incedebant, singula animata coram facie sua ibant. Et similitudo *facierum ipsorum* erat facies hominis, et facies leonis ad dextram quaternionis ipsorum, et facies bovis ad sinistram quaternionis ipsorum, et facies aquilae quaternioni ipsorum. *h. e.* Facies et alas ea ratione erant secum conjunctae et dispositae, ut animata non necesse habuerint sese vertere, sed quaquaversum haberent faciem et alam versam, coram qua irent. Erant vero facies ipsorum, similes humanae, leoninae, bovinae et aquilinae, ita dispositae, ut humana fuerit ante, leonina ad dextrum, bovina ad sinistrum latus, aquilina retro, seu a tergo.

§. XV. Quae paraphrasis, in qua habeo consentientem Ligtf. l. c. ut in lucem prodeat; 1. notandum est, vers. 9. aequae pertinere ad facies ac alas, etsi harum expressa tantum fiat mentio; facierum tacita tantum in posteriore membro. Rationes sunt, *a.* quod vers. 11. *facies et alas*

in

in altera parte pericopae, qua scopus et usus *scitus*, modo memorati, accuratius enarratur, jungantur, et expresse memorentur, *b.* quod in altero membro versus *facierum* quoque ratio habeatur, ubi exponitur ratio positurae alarum et facierum: ut mox dicam. Non enim *alis*, sed *faciebus* praecipue, earumque positurae, erat tribuendum, quod non necesse habuerint sese in eundo convertere; sed semper coram facie procedere poterant, quia habebant ad omnes partes faciem aliquam versam. *c.* Accedit, in praefatione *alarum*: non tantum, sed et *facierum* expressam fuisse factam mentionem; quae utraque itaque hoc versu conjungendae sunt. *d.* Denique, cum in *priore* membro *alarum*, in *posteriore* *facierum* meminerit propheta, manifestum est, membra esse elegantiae causa divisa, ut saepe fit, secumque concinnanda, acsi utrobique *alae* et *facies* essent memoratae; hac ratione, *junctae erant alias aliis facies et alae ipsorum, nec vertebantur in eundo, quisque coram facie et alabat sua.* 2. Duo membra ita cohaerent, ut posterius parcat rationem, et scopum, juncturae facierum et alarum, adeoque exponat, quo modo fuerint sociatae secum invicem facies et alae, hoc nim., ut necesse non habuerint sese convertere. Quod vers. 11, et 12. clarius traditur. Ex quo manifestum est, singula animata habuisse in quatuor partibus, in singulis unam *faciem* et *alam*. 3. Denique non agitur de quatuor animalium positura ad se invicem, respectu alarum et facierum, sed *singulorum*, ratione quatuor suarum partium: habebant enim singula *capita* seu facies *quatuor*, vers. 6. adeoque et totidem alas: ut postea videbimus. Cum itaque dicitur, et *facies leonis* etc. *quatuor illis*, de *singulis* quatuor illorum capiendum est. 4. Postremo notari velim, *facies* ita fuisse dispositas, ut humana *anterior* fuerit, *aquilina posterior*, reliquae *leonis* et *bovis* ad utrumque latus; *Alius dextrum*, hujus *sinistrum*. Cum enim *duabus* faciebus *leonis* et *bovis* *latera* diserte adsignentur, de reliquis nihil habeatur, res ipsa exigit, ut *ante* et *post* fuerint collocatae.

B 4

Humana

Humanam fuisse anteriorem facile liquet, quod formam humanam praetulerint animata: accedit, prophetae ita occurrisse hoc visum, ut facies *humana* ad ipsum fuerit versa. De loco c. X: 14. videbimus postea.

§. XVI. β. Scopum et usum, simul speciale adtributum facierum et alarum, 1. his verbis subnectit propheta vers. 11. *Et facies eorum et alae illorum, illae separatae desuper, cuiusque animati, hae duae coagmentantes unumquodque, et duae tegentes corpora eorum.* h. e. Quod ad facies et alas eorum praeterea adtinet, illae a superiore parte inferiorem versus erant divisae, et sejunctae, *infra* in collo adhaerentes, hae vero, quatuor numero, duae adhaerebant animato, illudque compingebant, et obvelabant in eundo, duae aliae corpus cingebant, et obvelabant. Verba sunt difficiliora intellectu, nec recte expediri solita propter concilam orationem. Sensus, quem expressi, ut elucescat, 1. voces, *facies eorum et alae ipsorum*, per se quasi stare, et res complecti, de quibus mox quaedam peculiaria proferuntur, adeoque respondere Lat. *quod adtinet ad facies et alas*; uti habuimus vers. 8. in fin., ante omnia notandum est. Deinde 2. reliqua, quae sequuntur, esse dividenda, ut alia ad *facies*, alia ad *alas* referantur; uti in versione expressi. Ad *facies* pertinent hae voces, *divisae desuper viro*; hae enim conjungendae sunt, ut structura docet. Vox *לאיש* non pertinet ad facies aut alas, est enim in masc., sed ad *animatum* quodcunque, ut sit, *divisae esse cuique desuper*. Sensus est, facies, licet in collo connexas et junctas, de parte tamen superiore eoque fuisse *separatas*, adeo ut totidem etiam capita distincta fuerint, non unius capitis diversae tantum facies; quod supra quoque observavi. Ex quo liquet, de *alis* hic non agi, quae superne non tendebant, sed se expandebant, ubi opus erat; quod non est *dividere et separare*: uti verbum *פרד* denotat. Ad *alas* vero respiciunt sequentia, *duae coagmentantes virum*, seu quodque animatum, *et duae tegentes corpora ipsorum*. Quorum sentius est, ani-

mata

mata illa semper habuisse *duas* alas sibi sociatas in eundo et agendo, *duabus* vero obtectum fuisse corpus ipsorum undiquaque. De *priore* pare alarum dicitur, *eas sociasse virum*, de *posteriore*, *eas texisse corpus*. Quod posterius non est difficile, sed *prius* male intellectum: non habetur *duas esse junctas* aliam alii, uti vers. 9., sed *duas junxisse virum*, h. e. unumquodque animatum; quatenus ei adfuerunt in agendo et itando, eumque compegerunt, et constrinxerunt. Quod proprie est חָרַר, et hic denotat. Qua ratione sensus redditur facilis. Solere autem orationem saepe ita concinnari, ut, subjecto memorato duplici, subjungantur quaedam, quorum aliud ad hoc, aliud ad alterum pertinet, notissimum est. Ex quo simul elucescit, non 6 sed 4 tantum alas singulis esse dandas; secus ac Ligti. opinatus est. De vers. 23. postea videbimus.

§. XVII. 2. Modum incessus ipsorum subjungit vers. 12. *Et quisque coram facie sua ibant, quo erat spiritus eundi ibant, nec vertebant se cum irent.* h. e. quamcunque in partem itabant, semper habebant faciem adversam; ibant quocunque impetus erat eundi, absque ut sese vertere necesse haberent; ratio est, quod ad quatuor latera haberent *faciem*, et *alam*, ut supra dictum erat. Verba itaque continent peculiarem incessus modum, ab aliis animatis, seu hominibus, longe diversum; et accuratius exponunt, quod vers. 9. obiter tantum erat, ad dispositionem facierum et alarum explanandam: subjunguntur vero alarum diverso usui, modo memorato, ad modum incessus magis illustrandum. Alarum enim diversus usus eo etiam pertinebat: cum enim itabant, *duae* alae in eundo compingebant unumquodque animatum, et *duae* alae tegebant corpus: praeterea, quod hic additur, semper coram facie aliqua ibant, absque ut se verterint, in quamcunque partem impetus esset eundi. Solent quidem verba capi, ac si dicerent, animata illa cursum suum, semel inceptum, recta persequi; absque ut alio respicerent, aut se retro, aut ad latera verterent, sed, licet illud verum sit, hic ta-

C

men

men non dicitur; phrasae enim, *coram facie ire*, et *se non vertere*, se mutuo explicant, ut vers. 9. et ad quatuor facies ac alas explicandas tendunt; adeoque simpliciter dicunt, ea se in eundo non vertisse, ut coram facie irent, sed habuisse semper faciem adversam, quacunque irent: ut recte vidit, et verbo notavit Ligtf. l. c. Ceterum *spiritus eundi* in genere denotat *voluntatem et impetum* eundi, sive insitum, sive inspiratum, sive potius utrumque. Locutio enim generalis est, et propositum ac impetum in genere exprimit; quare non dicitur Spiritus Dei, aut *ipforum*, sed absolute et in genere *spiritus*; secus ac in *rotis*, quae spiritu animatorum agebantur; ut mox videbimus. Tantum inde colligitur, animata habuisse *spiritum* sese movendi insitum, secus se *rotae* habebant. Quod mox usui erit.

§. XVIII. β. *Partium* animatorum descriptione tradita, propheta subjungit *cum* colorem et conspectum eorum, *tum* agilitatem et celeritatem motus in eundo. vers. 13, 14. *Et similitudo animalium* (quod ad similitudinem animalium addinet) *adpectus eorum erat instar carbonum ignis ardentium, sicut adpectus facium: hic, ignis, itabat inter animata, et splendor erat ignis, et ex igne emicabat fulgur, et animata currebant et aestuabant instar adpectus scintillationis.* h. e. Animata, quae depinxi, sicut tota erant ignita, et flammantia, ita, igne fulgurante, quem in medio habebant, discurfante inter ea, ciussime quaquaversum movebantur, nunc huc, nunc illuc, haud secus ac scintillae. Plenior hic datur, ut recte Sanctius, explicatio *adpectus Chasmal e medio ignis* vers. 4., et *partim* adpectus ac species eorum accuratius traditur, *partim* eorum agitatio, cum ejus causa et origine, depingitur. Prius his verbis: *et similitudo animatorum, adpectus eorum instar carbonum ignis ardentium, sicut adpectus facium flammantium.* Antea dixerat, eorum similitudinem fuisse instar hominis, et hunc fuisse adpectum eorum, scilicet, quoad formam et figuram externam, quae in oculos incurrebat, nunc specialius declarat, cujus naturae fuerit illa forma

forma humana, quae ejus qualitas interna; esse nimirum totam ignitam, et flammantem, instar carbonum ignis ardentium et facium flammantium; non coloris tantum respectu, sed et internae qualitatis, quatenus formae illae humanae fuerint totae igneae, et flammantes, quare dicuntur **סרפים** *seraphim* Jes. VI. Utitur enim voce **דמות** *similitudinis*, aeque ac antea ubi formam humanam eorum descripsit; argumento non de colore simpliciter agi, sed et formam seu qualitatem eorum describi, seu materiam, ex qua constabant. Erant itaque corpora ex aere et igne conflata, quae formam praeferebant humanam cum quatuor faciebus et aliis. Cum carbonibus ignitis et facibus ardentibus non formae, sed materiae, illis similis, respectu, comparantur; non quod ex eadem, sed simili materia constabant; sicut antea cum metallo igneo, ita nunc cum carbonibus et facibus conferuntur; quod aëreae fuerint et igneae naturae. Voces nihil habent obscuri.

§. XIX. *Posterius his verbis comprehensum est, iste, scilicet ignis, itabat inter animata, et splendor erat igni, et ex igne emicabat fulgur: et animata currebant et aestuabant instar adspetus scintillationis.* Quibus cum causa agitationis, tum agitatio ipsa describitur. Haec enim verba cohaerent, et hunc fundunt sensum; animata igne, quem in medio habebant, concitato et inter ea discurrente, fuisse in celerrimum motum quaquaversum agitata, ita ut nunc huc, nunc illuc, citissime cucurrerint, instar scintillarum. Modo dixerat, ivisse quorsum spiritus agebat; quod ut clariore in luce poneret, iis celerrimum motum tribuit, ab igne in medio eorum ortum. Ex quo elucescit, spiritum esse igneum, ex medio ignis, quem in medio sui habebant, ortum; adeo ut, illo igne in medio sui corrente, et ipsa in agilissimum fuerint concitata motum. Duo itaque hic sese offerunt, ut dixi, causa agitationis, et agitatio ipsa. Causa his verbis, ipse itabas inter animata, et splendor igni, et ex igne emicabat fulgur. Pronomen relat. **וְהוּא** omnino pertinet

ad **א** passim foem. gen., cujus modo facta fuerat mentio in carbonibus *ignis*, et mox recurrit, cum *splendor ignis* adfuisse dicitur, alio itaque ac ad *ignem* referri nequit. *Tria* vero de eo memorantur 1. eum fuisse *inter animata*; adeo ut in medio sui focum ignis habuerint; quod ex c. X: 6, 7. extra controversiam positum censi debet. Accedit, nubem supra fuisse cum *igne* in medio, unde animata prodierunt, depictam. Ignis itaque non est cum *carbonibus* ignis modo memoratis confundendus, ac si de animatis, qua carbonibus, ageretur, sed pro causa habendus est ignei conspectus animatorum. Quod observatum sicut omnem difficultatem tollit, ita lectionem, quam LXX. secuti sunt, saltem in versione expresserunt, refutat. De quo plura dixisse nihil adtinet. 2. Eum fuisse *splendidum*, quatenus *splendorem* extra nubem emisit, ut vers. 4. habetur, et ex eo *emicasse fulgura*: quod nihil habet difficilis. Verbum **א** veram suam hic exserit emphasin; proprie enim dicit, *emicuit ignis*; unde alii usus orti sunt, vid. Schult. clav. p. 319. et Lette ad Jud. V. 3. denique eum *itasse inter animata*, seu vehementius fuisse concitatum in medio eorum: id enim est **מתהלפת**: rad. **הלך** primariam notionem habet *volvere, volubilem esse*, in Hithp. *se volvere*, et quidem concitatissime, inde *itare*, gradi, in bonum et malum, ut Lat. *graffari*. Vid. Schult. ad Job. I.

§. XX. Ipsa animatorum agitatio, inde orta, his verbis subnectitur vers. 14. *et animata currebant et aestuabant, ad instar scintillationis*, proprie, aestu reciproco, eundo, redeundo, celeberrime currebant. Radix **רוץ** proprie est *quatero*, inde concitatissime currere, et **שוב** proprie teritur in aestu maximo, identidem et statis vicibus recurrende, dicitque *aestuare*, et de aquis usurpatur, speciatim *crecentibus et decrecentibus*. *Currere et aestuare*, itaque est concitatissime, statisque vicibus moveri, nunc huc nunc illuc, et eundo redeundo. Quod ulterius illustratur ex simili *scintillationis*. Vox **קץ** in origine habet *vibramen sparsum*, inde *lumen*

lumen vibratum, ac sparsum, et scintillationem denotat. Cohærent vero hæc cum superioribus, tanquam effectum cum causa, adeoque indicatur, igne concitatissime moto inter animata et ea fuisse in agilissimum motum concitata: ita ut motus eorum fulmineus inde dependerit, et is pro spiritu sit habendus, quo ea modo fuerunt dicta *agitata*. Quæ ab Interpretibus minus sunt observata.

§. XXI. 7. *Quinta* pars visi continet *rotarum* in terra juxta animata, antea non visarum, descriptionem vers. 15—21: ubi *a.* generalis occurrit rei, quam vidit, propositio vers. 15. *β.* ejus peculiaris expositio vers. 14—21. *α.* In genere proponitur his verbis vers. 15. *Et intuitus sum animata, et ecce rotam unam in terra juxta animata*, (unumquodque eorum) *ad quatuor eorum facies*, h. e. hisce, quæ narravi, visis, cum oculos in animata defixos tenerem, *ecce* novi quid, non animadversum! rota erat una in terra posita ad latus uniuscujusque animatorum, tunc in terra stantium, idque ad quatuor eorum facies, adeo ut ad singulas fuerit rota una et eadem. Quæ paraphrasis ut in lucem prodeat. not. 1. præfationem indicare, prophetæ in animata intento novi quid adparuisse, sive antea non fuerit, sive non observatum. Alterutrum enim statuendum est, cum voces quid novi requirant: *vidi animata, et ecce*, nunc vel postquam ea vidi, *ecce* quid aliud et novum sese mihi obtulit, vel, vidi iterum, et intento oculo, et *ecce*: quæ eodem redeunt. Probabilius vero est, antea non fuisse *rotas*, cum alias conspectum prophetæ non fugissent: nisi velis, cum oculos superne habuisse defixos, cum animata in aere ipsi occurrerent, et ad id quod in terra erat non attendisse: *animata* enim ipsi visa sunt supra terram in aëre; quæ nunc in terra conspecta sunt; ut mox dicam. 2. *Rotam* fuisse, quam vidit, et non *curtum*, aut quadrigam; sed singularem *rotam*, similem quidem *rotæ* currus, sed sine eo: quia solius *rotæ*, nulla *currus*, fit mentio: præterea *thronus* Dei deinceps visus est non in *curru*, sed *super capita*.

animatorum, seu *expansio* super ea vers. 26. Radix vero ~~est~~ primariam vim habet *inversi* et *impulsi*, dicitque *verti*, et *volvi*; unde vox ~~est~~ *volubilem rotationem*, et ita *rotam* denotat; quae cap. X. 13. per ~~est~~ exponitur, cujus proprietas est *volvendi in orbem*, et usus de quacunque re *voluminosa*, in specie *rota* currus.

§. XXII. 3. Rotam vidit *unam* in terra *juxta* animata, non plures, seu primum *unam*, mox tres alias; sed *unam* numero, nec infra, verum *juxta* animata, idque in *terra*, non in aëre; adeoque et animata nunc in *terra* consistentia; quod ex vers. 19. confirmatur. Sed quo sensu *una* dicitur *rota juxta animalia*, cum mox *rotae* adpellentur, et singulis *una* detur? resp., *juxta* animata hic esse pro, *juxta* unumquodque eorum; quod est facillimum, et ex seq. firmatur, praeterea *una* *rota juxta animata* adpellatur, quod fuerit *una* species et forma apud omnia animata; ut vers. 16. expresse traditur. Fuerunt itaque tot *rotae*, quot animata; *rotae* separatae, non, ut in curru, junctae; quas non infidebant animata, sed *juxta* se habebant, et *olvebant* quaquaversum: ut est vers. 19. etc. 4. Denique additur, *rotam* fuisse *unam*, *juxta* animata, *ad quatuor facies* eorum, non *rotarum*, sed *animatorum*, ut facile cernitur; nec tamen ab omnibus observatum est. Quod qua ratione intelligendum sit, ex seq. est explicandum, ubi habetur, *rotam* fuisse duplicem, *rotam* in *rota*; quae itaque *ad quatuor facies* animati cujusque sese porrigebat; ita ut unaquaeque facies habuerit *juxta* se *rotam*, seu ejus partem; *una* enim *rota* erat inter facies ad ortum et occasum; *altera* transversa per eam inter facies ad septentrionem, et austrum. Qui facillimus est sensus, ab omnibus tamen non perspectus.

§. XXIII. β. *Specialis* explicatio versatur a. circa *rotarum* structuram et speciem vers. 16—18. b. earum *agitationem*, et causam ac modum vers. 19—21. a. De *rotarum* specie et forma sequentia notantur. 1. *Primum* est, epe colore fuisse *similes lapillo Tarsis* vers. 16. in prima mem-
bro:

bro: *species rotarum et operum earum erat instar Tharfis*, seu secundum oculum Tharfis; h. e. colore similes erant chrysolitho, lapidi pretiosissimo, aurei coloris, a loco Indiae sic dicto; ut probavit Cl. Braunius de vest. sacerd. Hebr. l. II. c. 17. Sed quid sibi velit *opera ipsorum*, vix adparet, cum vox ad formam spectare videatur, quae cum lapide nihil habet commune: superflua itaque est hoc loco vox, vel ex seq. membro hic male inserta; ubi recte locum tenet, nisi quis velit per anticipationem hic occurrere, ut ejusdem coloris fuisse rotam in rota indicaretur. 2. *Secundum est*, eas fuisse per omnia sibi similes, et quatuor numero, his verbis ibid. *forma una quatuor illis*, h. e. quatuor erant ejusdem plane formae; ad singula animata una rota. Potest enim vox ארבעת et ad *rotas*, et ad *animata*, supra memorata, referri. 3. *Tertium est*, singulas rotas fuisse duplices, se ex transverso secantes, et complexas, his verbis: *et forma earum et opera earum erant, quemadmodum rota erat in medio rotae*, h. e. duplex erat quaeque rota, quae duas habebat rotas per transversum implicitas; ita ut una spectaret ad ortum et occasum, altera ad sept. et austrum: uti a nonnullis recte observatum, et a Coccejo depictum est, patetque ex seqq. verbis vers. 17., quae explicationis ergo, ut de ratione et scopo harum duplicium rotarum constaret, subjunguntur; *ad quatuor sua latera, cum progrediebantur ibant, nec convertiebantur cum ibant*. Quae hic obiter inferuntur eo, quo dixi, scopo, mox accuratius explicanda, ut sit vers. 19. Sensus, qui in oculos incurrit, est, rotas quaquaversum ivisse absque ut fuerint conversae, adeoque ad quatuor partes fuisse rotas singulas versas; quod nisi duae fuerint rotae, se ex transverso secantes, fieri non poterat. Quemadmodum itaque animata habuerunt quatuor facies, et pedes rotundarum plantarum, ita ad singulas erat rota, adeo ut nec animata, nec rotae necesse habuerint ad quaquaversum eundem converti.

§. XXIV. 4. *Quartum est* apfides rotarum fuisse ingenis

C 4

uis

tis altitudinis, et oculorum plenas in circuitu, vers. 18. *Et apsidēs earum*, quod ad apsidēs earum adinet, *et altitudo ipsis et timor*, vel terribilitas, *ipsis erat*, et *curvaturae earum plenae erant oculis circum quatuor ipsis*, h. e. quatuor illae rotae habebant curvaturas altissimas, et terribiles et in iis circumquaque oculorum species. Vox נִבְרָם seorsim stat, et idem est ac, *quod adinet ad curvaturas earum*. Radix נִבְרָ Arab. est *insecuit*, secando excavavit, et sic curvando fornicavit; unde sumitur de omni convexa, et suspensa velut, compage. Apte itaque *apsides*, quas *curvaturas* rotarum adpellat Ovidius, denotat. Tribuitur autem ipsis *a. altitudo et terribilitas*, sive sit *altitudo terribilis*, seu summa et maxima, sive praeter altitudinem adfuerit *terribilitas* aliunde, ex colore radiante ex. gr., nata, *coruscatio*, inde splendor vibrans uti vers. 22. Radix enim נִבְרָ proprie dicit *vibrationem*, *b. oculorum insculptorum copia in circuitu, et convexitates earum erant plenae oculis circum quatuor illis rotis*, h. e. formas oculorum habebant illae curvaturae undiquaque insculptas. Vox נִבְרָ hic non colorem, ut Ill. Grot. putat, acsi fuissent *versicolores*, sed *oculum* notat, nec alium fert sensum vox absolute posita, et dualis.

§. XXV. *b.* Quoad rotarum agitationem propheta *a.* in genere tradit, rotas eodem, quo animata, spiritu fuisse motas, sive in terra, sive supra eam vers. 19. *Et cum ibant animata, ibant rotae juxta ea, et cum sursum tollebantur animata de super terra, tollebantur rotae* h. e. sive in terra procedebant animata, sive de super terra elevabantur, rotae ad eorum latus idem faciebant. Nihil hic obscuri; observari tantum meretur, *rotas* non dici ante animata, sed juxta ea fuisse mota, nec *volatus*, sed incessus tantum tribui animatis; denique non dici, rotas fuisse per animata motas, sed simpliciter, eundem motum fuisse utrisque communem. *β.* In specie duo de hoc communi motu, ad eum explicandum, adfirmat, *alterum* est, ab eadem causa fuisse motum ortum, *alterum*, non motum, sed et *quietem* ipsis ab eadem

eadem causa adfuisse aliquando. Prius his verbis exponit vers. 20. *Quocunque erat spiritus eundi, ibant, eo altum versus si erat spiritus ire, etiam rotae adsollebantur e regione eorum, quia spiritus animati cujusque in rotis erat, h. e. quod dixi de communi animatorum et rotarum motu, illud partim ad omnem qualemcunque motum, sine exceptione, extendendum est, partim eidem spiritui, qui in animatis et rotis fuit, adtribuendum, tanquam causae. Duo itaque de hoc motu communi tradit, modo non memorata; prius est, rotas juxta animata fuisse non huc aut illuc tantum, aut subinde, sed semper et quaquaversum motas, adeo ut quocunque impetus fuerit animatorum eundi, sive in terra, sive desuper ea, eo etiam rotae fuerint motae, his verbis, quae repetam et exponam mox: *quocunque erat spiritus eundi* (scilicet in animatis,) *ibant* (scilicet rotae juxta ea; uti ex praeced. et seq. manifestum est,) *eo spiritus eundi* (sc. eo in altum si erat spiritus eundi in animatis.) Hac enim ratione capienda sunt verba, quia alias tautologia vitari nequit, et rectius, ut versiones Graeca et Syriaca fecerunt, expungerentur, nec sequentia apte subjunguntur: non enim hic de incessu in terra, sed sublatione in altum loquitur, cujus utriusque distincta modo facta fuerat mentio, et mox subnectit, *rotas* etiam fuisse elevatas e regione ipsorum; manifesto indicio, se hic de motu animatorum in altum loqui. Vocula itaque שמה hic peculiarem exserit usum, in ejus originali potestate latentem, dicitque eo, digito quasi monstratum, *in altum*. Radix שמה proprie dicit, *altum esse, eminere*, uti apud Arab., unde شمس *coelum* ab altitudine super caput expansa, et eminente, et שם *ibi*; quod ante oculos exstat, proprie eminent, et imminet; hic vero שמה locum quoque eminentem, ut dixi, denotat; sive digito elevato demonstratum *ibi vel ubi*,) *et rotae elevabantur e regione illorum*, (c. animatorum elevatorum, ut modo erat dictum, vel sicut illa, aut in adfinitate illorum, quod est לעמת, cujus primigenia potestas est *glomerandi*, unde, si-*

D

cut

cut Gr. *συνάδωρα* orta est notio *adfinitatis* et *convenientiae*.) *Posterior* est, eundem spiritum, qui in animatis, fuisse in *rotis*, indeque repetendum esse, quod eodem, quo animata, fuerint motae *rotae*; quia uno et eodem spiritu agitabantur et illa et hae. Spiritum fuisse ab animatis cum *rotis* communicatum non dicitur, sed tantum in utrisque fuisse eundem.

§. XXVI. Repetuntur, per modum conclusionis, dicta de hac communi agitatione, sed cum novo additamento, antea non memorato, *quietis* nimirum animatorum et rotarum quoque communis et ejusdem vers. 21. Cum *progrediebantur* illa, *ibant*, (*rotae* cum vero *stabant* illa, *stabant* (*rotae*) cum illa *evehantur* de super terra, *evehantur* *rotae* in *vicinia* eorum, quia *Spiritus animati* cujusque in *rotis*. Quae ex superioribus satis clara sunt. Habent vero verba conspectum conclusionis, qua superiora repetuntur, sed cum additamento aliquo novo. Nihil enim hactenus de cessante motu animatorum et rotarum dictum erat; quod nunc expresse memoratur, ne putaremus animata et rotas in perpetuo fuisse motu, et nunquam quiescisse. Licet vero non expresse dicatur, abi quieverint, in terra, an super ea in sublimi? cum tamen *quiescere* et *ire* connectantur, et ab iis *offerri* in altum distinguatur, iisque subjungatur, manifestum est, locum *quietis* atque *itationis* fuisse terram, ubi quoque primum vidit propheta *rotas* positas juxta animata, vers. 15., ut supra vidimus.

§. XXVII. 1. *Sexta pars* visi et ultima repraesentat supremum Dominum ex *rege* insidentem throno, posito super firmamentum, imminente capitibus animatorum, tranquille se in terra tenentium, vers. 22—28. In qua pericopa a. *sappedanum* throni depingitur vers. 22—25. respectu coloris, situs, et habitus animatorum sub eo. Ubi a. color et situs exponitur vers. 22. Et *similitudo expansi* super capita animatorum *instar* *crystalli*, *horrendi*, *extensi* super capita *ignorum* *superne*, h. e. capitibus animatorum *superne*.
inmi-

imminebat terribile aliquod expansum aëreum, coloris crystallini, nitidi et pellucidi. Vox קָרָע hic denotat *suppedaneum* pedibus calcari solitum, quod proprie est קָרָע *calcare* pedibus Ezech. VI: 11. Nihil non clari hic; quare illud tantum observo, voce מְרִירָה, cum *expanso* construenda, significari expansum illud habuisse aliquid majestuosum, et venerandi, quod reverentiam et timorem incutiebat, sive magnitudine, sive splendore, sive alia ratione. Proprie dicit *coruscationem*, adeoque splendorem se *vibrantem*, ut vers. 18. habuimus. *b.* Habitus animatorum sub eo firmamento, tanquam suppedaneo throni, mox depingendi, 1. in genere explicatur vers. 23. *Et sub expanso alas ipsorum complanatae* erant, *alia ad aliam*; *unumquodque duae hinc, et unumquodque duae illinc tegebant corpus ipsorum*, h. e. quatuor eorum sub firmamento consistentium alas erant compositae, una ad alteram, adeoque omnes complanatae, quarum *duae* hinc, et *duae* illinc, et sic ab omni parte, obvelabant corpus ipsorum. Solent haec accipi, acsi alas fuerint erectae; et directae in animatis ad se invicem, ita ut se mutuo adtingerint: quemadmodum apud Coccejum repraesentantur, tanquam thronum sustinentes per alas. Cui cum maxime obstat, quod *alas* hic occurrant demissae, et circa corpus flexae; nec *sex*, sed *quatuor* tantum alas ipsis tribuantur; secus ac Ligtf. opinatus est, qui et hinc collegit, ea fuisse *sex* alis praedita: de quo supra dixi. Errandi ausam praebuit vox מְרִירָה male intellecta; acsi *erectas* significaret, et se invicem adtingentes, alas. Quod secus est; denotat vox *complanatas*, sedatas, et demissas; quae vera est et propria ejus potestas, oppositae ad *agitatas* et *expansas* alas; uti mox clarius et expressius traditur.

§. XXVIII. 2. In specie exponitur iste alarum habitus accuratus, et ratio ac causa traditur, quare alas habuerint sub hoc firmamento compositas et aequatas, oppositae ad tempus praecedens, quo in continuo erant motu, et alas concutie-

D 2

instat

instar sonitus aquarum multarum, instar vocis omnipotentis, quum ipsa ibant (sonus exundantis imbris erat sicut sonitus exercitus) cum consistebant illa, alae ipsorum flaccidae erant et remissae: facta quippe fuit vox desuper firmamento, quod super capita eorum erat, cum consistebant, flaccidae erant alae ipsorum h. e. Diversus fuit habitus animatorum respectu alarum sub firmamento: nunc enim stabant, antea in vehemente erant motu, quo quaquaversum ibant. Terribilis enim erat motus alarum, cum ibant, cujus sonus erat haud absumilis tonitru, ac vehementissimi imbris decidentis continuo et cum impetu, instar strepitus exercitus sese moventis; sed nunc erant alae remissae et compositae, voce de superiore parte firmamenti audita, quae hanc quietem et remissionem imperavit, et produxit. Quae paraphrasis, ut sese commendet, notandum est vers. 24. opponi habitum alarum antecedentem, et consequentem, et vers. 25. rationem dari tranquilli habitus, a voce de throno Dei missa repetendam: qua ratione *versus* cohaerent, et faciles habent explicatus. Cum versu praeced. dixisset propheta, alas eorum fuisse sub firmamento compositas, et circa corpus flexas, mox illustrationis ergo discrimen tradit habitus praecedentis et sequentis, dicendo, alas ingentem et horrendum dedisse strepitum, cum quaquaversum irent, sed nunc, cum starent, quietas et remissas tenuisse alas. Quem in finem diserte dicit, se strepitum audivisse *cum irent* animata, sed dein *remissas* habebant alas. *Ire* itaque ipsorum respicit ad motus, et *stare* ad consequentem statum. Antea dixerat ea *ivisse*, sed num tradit ea *stetisse*; cum vero *ibant*, enarrat se terribilem audivisse alarum sonitum, quem non sine ratione, postea tradenda, comparat cum sonitu *aquarum spissarum*, cum vehementiore motu agitantur, et voce *omnipotentis*, seu *tonitru* murmurante, ut recte ab Interpr. notatum, nec difficile est. Addit vero per parenthesin, ad clariorem intellectum soni istius dandum, vocem omnipotentis esse, ut *imbris* vehementioris, et proxime respondere

dere *sono exercitus* se moventis. Voces enim intermediae, vel ad finem descriptionis soni adjectae, habent speciem parenthesis, et per se stant, quare non legitur, ut modo *sicut sonus imbris*, etc. sed *sonus imbris sicut sonus exercitus*, h. e. sonus omnipotentis, cujus memini, est ut imbris fluentis, et aquarum, ut exercitus se moventis: vox מַחֲנֶה enim hic non denotat exercitum in castris quiescentem, sed in genere exercitum, et hic in specie *se moventem*; quemadmodum et alibi sumitur, ut ex Lex constat. animata enim diserte sistuntur in *motu*. Ceterum vox הַמֶּלֶה significat *imbrem exundantem*, et perpetuo fluentem, a rad. מָלָה proprie *libere et solute fluxit*, in specie *exundavit imber*, perpetuo fluxit coelum, continuata pluvia, unde הַמֶּלֶה *strepitus effusi imbris*. Schult. clav. p. 202. Interpretes sonum loquelae seu articulatum, intelligere solent, acsi esset, ut Cocc. conjicit, a מָלַל, quod valde alienum est. Longe rectius pro הַמֶּלֶה *confusio* adacto malleo; indeque ortus *strepitus* haberetur, cum Simone form. p. 71. sed non necesse est, nec ita quadrat apte, quam *imbris strepitus*.

§. XXIX. Subjungitur causa hujus *quietis* et alarum nunc remissarum, vers. 25. *Et fuit vox de super expanso, quod super capita eorum erat, cum starent illa, remittebantur alae ipsorum*. h. e. Audita est vox de super firmamento, et inde accidit, ut, cum steterint, remissae fuerint alae ipsorum. Hac enim ratione supplenda est oratio; cum manifeste *causa* et *effectus* hic conjungantur; nec alium sensum fundere possunt verba, aut ratio reddi, quare voce de super memorata repetatur illud de quiete et remissione alarum. *Vox* itaque est jussus supremi Domini throno insidentis, qui mox depingitur, quo animata quiescere jussa sunt. Quod Interpretes non latuit: quare plura non addo. In quibus si quis acquiescere nequit, cum vere insolita sit constructio, is voces *cum starent* etc. librarii culpa ex praecedente male repetitas censet; uti nonnulli codices Graeci ac Syri habent.

D 1

§. XXX.

§. XXX. β. Pergit propheta ad *thrōni*, super firmamento; descriptionem, quam his verbis dat vers. 26. *Et desuper firmamento, quod erat super capita ipsorum, erat sicut species lapilli sapphiri, similitudo thrōni.* Quae satis plana sunt. Thrōnus comparatur cum *sapphiro* respectu *coloris* tantum, quod sit *coerulei pellucidi coloris*, qui in *Sapphiro* dominatur, instar *coeli*, Exod. XXIV: 10. *puri et sereni.* Vid. Braun. vest. sacerd. Hebr. I. II. c. 12. et Vit. ad Jes. LIV. γ. Sequitur denique regis in thrōno descriptio sub forma humana, igneo splendore praediti; vers. 26—28. Ubi a. forma humana ipsi aptatur vers. 26. *Et super similitudine thrōni, similitudo sicut species hominis super ipso superne.* Quae etiam facilia sunt. Cavit propheta, ne de vero homine cogitaretur, cum *similitudinem* hominis, et *instar speciei* hominis, expresse memoret. b. *Ignea* mox subjungitur species, quae splendorem arcus coelestis similem undiquaque sparsit; vers. 27, 28. Ubi a. *ignea* species depingitur vers. 27. β. *splendoris* externi accuratior datur intellectus vers. 28.

§. XXXI. a. *Ignea* species, quae sedenti in thrōno tribuitur, aliquid discriminis habuit pro partibus supra et infra lumbos; *supra* enim ignem habebat inclusum et absconditum, sed *infra* ignem, qui *splendorem* emittebat, cujus accuratior descriptio mox datur. Verba, quorum conspectum dedi, ita sonant vers. 27. *Et vidi instar coloris aurichalci, sicut adspectum ignis, cui domus circumquaque, a specie lumborum ejus et sursum versus; et, vel sed, a specie lumborum ejus et deorsum vidi sicut speciem ignis, et splendorem ipsi circumquaque,* h. e. forma humana sedentis in thrōno erat instar aurichalci, coloris aurei et ex parte argentei, seu aeris pretiosissimi candentis, tota ignita, sed hoc cum discrimine, quod in superiore parte a lumbis ignis esset inclusus, qui splendorem non emittebat, in parte vero inferiore a lumbis splendidus, qui hominem hunc totum undiquaque cingebat, et inde vibrabatur. Nihil hic difficilis, nisi in phrasi

כריכ

כִּבִּיב *proprie domus ipsi circum*, quae varie expeditur; mihi dubium non est, quin *לה ipsi* pertineat ad ignem, foem. quippe passim generis, uti nonnulli recti notarunt, et *בית* significare *vas* aut receptaculum aliquid continens; ut observavit Cl. Schroeder de *vestitu mulierum* Hebr. Jes. III. p. 147., adeoque sensum esse, ignem habuisse receptaculum, quo fuit inclusus, absque ut radios splendentes fuerit ejaculatus; oppositè ad ignem *splendentem circumcirca* in fin. vers. 8. ubi hoc tantum not. in phrasi, *et splendor לה ipsi circum*, pronomen mascul. pertinere ad hominem, et sensum esse *splendorem* ignis fuisse circa hominem respectu partis inferioris. Qua ratione cuncta fiunt facilia.

§. XXXII. β. *Splendoris*, quo circumfulgebat persona regia respectu partis inferioris, notitia traditur accuratior vers. 28. his verbis: *sicut adpectus arcus, qui est in nube die imbris, ita erat adpectus splendoris circumquaque* h. e. splendor, quem vir iste in parte inferiore ignita vibrabat, imaginem praetulit *arcus coelestis*, qui in nube se ostendat die pluviae, et rotunditatis et colorum respectu, quorum dominantes sunt *igneus* et *viridis*, justitiae, longanimitate et gratia temperatae, signa. *Splendor* igitur hic repraesentatur tanquam inferiores personae regiae partes cingens, et colores illos praeferens, instar *vestis* extremitatum, seu *fimbriarum stolae talaris* Jes. VI. Quae nihil habent obscuri. Subjungitur toti descriptioni; *hic est adpectus similitudinis gloriae Jehovae*, ut indicaretur, viso hocce fuisse repraesentatum emblemata gloriosae majestatis Dei Israelis, veracis, justi et boni; quam emphasin habet, uti notum, nomen *Jehova*. Sed notandum est, *gloriam Jehovae* proprie esse quid distinctum ab *animatis* et *rotis*, et continere regiam majestatem throno insidentem; cum quod hic referatur ad majestatem illam, cui immediate subjungitur, tum quod a Cherubis et rotis distinguitur, et subinde separatur c. X et XI.

§. XXXIII. Viso, quoad litteram per partes exposito,

de ejus scopo et sensu *emblematico* differendum est. Quae tractatio, per se difficilis, longe difficilior per varias Interpretum, et Doctorum, dissensiones et disputationes facta est; quae ab ipsis petendae, hic discutiendae non sunt. Consulendus est praeter Interpretes Ezechielis, satis notos, Cl. Vitringa Obs. S. I. IV. c. 1, 2. et Witz. AEgypt. I. II. c. 13. Nostras hypotheses exhibuisse suffecerit. Supremam majestatem Jehovahae, Dei Israelis, tanquam regis et judicis, justi et aequi, in judiciis suis in populum Israelis rebellem in primis, dein et alios populos peccatores, demonstrandam per Chaldaeos primum, hic in genere depingi, multa sunt, quae demonstrant. 1. Cap. XLIII: 3. ipsis verbis dicitur, hanc gloriam Jehovahae *venisse ad destruendam urbem Hierosolymam*. 2. Conjuncta fuit majestatis divinae imago *nubes* scilicet, *ignem* habens inclusum, cum *vento procellae urentis a septentrione* c. I: 4. certo symbolo impetus hostilis Chaldaeorum in Judaeos: uti constat. 3. Cum visum hoc praetulerit conspectum inaugurationis prophetae in munere prophetico, ut ex seq. manifestum est, oportet ei fuerit congruum, adeoque *judicii* divini in populum Judaeum rebellem descriptionem emblematicam praecipue contineat, necesse est; cum hic scopus, et hoc argumentum fuerit concionum Ezechielis. 4. Denique ipsa imago Dei, animatorum et rotarum, tota est terribilis, undiquaque *ignea*; quae justitiam spirat vindicantem et judicia; ut cuique in oculos sponte incurrit.

§. XXXIV. Haec licet in genere consent, habet tamen partium visus consideratio multa, quae accuratiorem merentur explicationem; quam tradere adgredior. Etsi visum ad Hierosolymae destructionem per Chaldaeos depingendam primo sensu tendit, porrigit sese tamen latius, et judiciorum Dei seriem comprehendit cum in Israel, tum populos vicinos, nec per Chaldaeos tantum, sed et alios populos executioni mandandorum, eventum denique et consequens eorum, respectu populi Dei, in regno Dei inter Israelitas

raelitas erigendo, et per orbem propagando, situm; una et ultimo repraesentat. Quo imprimis pertinet quaternarius numerus animatorum et rotarum, versus quatuor orbis plagas, et regni Dei, sub forma *hominis*, erectio, in qua desinit illustre hocce visum. *Tres* sunt praecipuae *visi* partes recte distinguendae: quarum *prima* majestatem Dei Israelis, regis et judicis *cum* Israelis, *tum* totius terrae, iudicium pronuntiantis et exsequentis, in populum suum rebellem, et vicinos populos peccatores, depingit, vers. 4—14. *secunda* modum executionis per bellicas expeditiones illustrium Imperatorum, sub emblemate *rotarum*, repraesentat vers. 15—21. *tertia* exitum et eventum iudiciorum Dei, in regni Messiae manifestatione, majore minoreve emphasi, situm, ob oculos sistit vers. 22—28. *Primae* duae partes cohaerent, quatenus ad *judicia* Dei respiciunt, cum *prima* Majestatem Dei regis et judicis, iudicia exsequentis, et *secunda* modum executionis exhibeat: *tertia* pars longe aliam scenam, ex iudiciorum executione oriundam, et secuturam, introducat in regno tranquillo et glorioso sitam; ut suo loco patebit. *Primis* duabus partibus, tanquam connexis, praemittitur generalis earum conspectus et scopus, his verbis vers. 4. *Ecce ventum procellae urentis venientem e septentrione*. Quae est notissima descriptio iudicii Divini per bellicas expeditiones, initium habituras e Septentrione, seu Assyria et Babylonia, executioni mandandi; de quo alibi saepe dixi. Spectat vero hic directe et primo sensu ad *Hierosolymitanos*; adeo ut *venire* sit supervenire, et cum impetu tendere Hierosolymam versus ad eam destruendam: uti c. XLIII: 3. dicitur. Conf. etiam Jer. I: 13, 14. et ibi dicta.

§. XXXV. Huic Iudicio, quod Judaeos primum, dein et alios populos, feriret, explicando intervniunt *primae* duae partes *visi*, quae cum *prima* majestatem supremi judicis, *secunda* ipsum iudicium et ejus modum repraesentat. In *prima* parte N. iudex et rex, iudicium habiturus depingitur 2. ejus

E

ministri

ministri et executores. *R. Judex* describitur emblemate *ingentis nubis ignem*, radios quaquaversum emittentem, complexae vers. 4. his verbis, *nubes magna erat, et ignis se continens, et splendor ipsi circum.* Respicitur manifeste ad notissimum illud symbolum Jehovae, Dei Israelis, quo se manifestum fecit Israeli ex Aegypto liberato, et in deserto degenti, *columnae nubis et ignis* nomine notum, et deinde in Tabernaculo ac Templo subind: se manifestavit: cujus emblematicam significationem docti satis illustrarunt, in primis Cl. Vitr. Obs. S. I. V. c. 16. quare hic tantum observo, hoc emblemate significari, Deum Israelis esse, qui hic in scenam producit, eundem illum, qui olim populum ex Aegypto liberavit, et sibi adseruit, in populum peculiarem formavit ad montem Sinai, dein firmavit in Cananaea et exaltavit, sed nunc judicium exerciturus erat in populum illum rebellem per Babylonios, quare e septentrione fingitur venire contra Hierosolymam; *judicium* quidem severum, et justum, per *ignem* depictum, attamen *bonitate* multiplice temperatum, absque ut populum plane exterminaret, ac repudiaret, quod per *nubem* significatur, qua ignis involutus erat, et per quam *radii* tantum splendentes emittebantur. Quae tetigisse suffecerit.

§. XXXVI 2. *Ministri* Dei judicis et regis emblemate *quatuor animatorum* veniunt, quorum accurata traditur descriptio. Cum enim conspectum hic gerant *animata*, quo ministri Dei judicis sunt, et judiciorum ejus executores 1. inde patet, quod ex *medio ignis* venisse dicantur, a justitia itaque emissi, 2. quod speciem praetulerint *carbonum ignis et facium ardentium* vers. 13 3. quod *ignem* habuerint in *medio* positum, vers. 13., quo Hierosolyma est destructa cap. X: 2. Sed quae sunt personae, hoc emblemate depictae? et quid sibi vult *partium* earum descriptio? *Angelos* repraesentari per haec animata, equidem non dubitaverim, ob has rationes. 1. Ipse propheta c. X: 20. declarat, se intellexisse, fuisse *Cherubinos*; quo nomine *Angelos* veni-

re

re constat. De quo postea suo loco. 2. quia Ies. VI. ubi simile aliquod visum occurrit, *seraphini* adpellantur, per quos etiam Angelos indigitari notum est. 3. Comparatio cum manifestatione Dei in nube et igne in deserto, monte Sinai, et supra arcam, quo hic respici modo demonstravi, de *Angelis* esse cogitandum confirmat, cum exercitus Angelorum ibi adfuerint, et per Cherubinos super arca depicti sint. Vid. Deut. XXXIII: 2. Ps. LXVIII: 18. Quo etiam facit *angelorum* mentio, tanquam Deo regi et iudici adstantium Dan. VII: 10. quemadmodum et hic fit. 4. Processus animatorum *ex medio ignis* vers. 5. et forma seu species *carbonum ignis*, ac *facium ardentium*, quae ipsis aptatur vers. 13., ad Angelos, coelestes creaturas, Deo proxime similes, et cum igne comparari solitos, nos manifeste ducit. Conf. Ps. CIII: 19, 20. CIV: 4. Denique 5. *sistuntur* hic tanquam in *coelo*, et a *rotis* in *terra* subsistentibus vers. 18. distinguuntur. 6. Postremo quod *alae* ipsis adtribuantur, et *pedes* scintillantes, instar aeris fulgentis, non nisi in *Angelos*, quibus illud tribui solet, convenit. Opponitur quidem, in quo unice fere sese fundant dissentientes. Ap. IV. per *animalia* non intelligi *Angelos*; quin ab ipsis distinguuntur cap. V. et canticum ipsis in os datur, quod non nisi in homines quadrat. Sed 1. Angelorum mentio distincta non magis probat animata illa non esse angelos, quam *angelum Domini* Luc. II: 10. non esse, quia mox vers. 13. *exercitus angelorum*, ipsi adstantes, memorantur. Sunt utique et principes angelorum Dan. X: 13. et cum *exercitus* facere dicantur, oportet et sint eorum duces; quemadmodum *ordo* est inter Angelos; Col. I. et alibi. 2. Cantici, quod Ap. V: 9. 10. occurrit, et animatis ac presbyteris in ore datur, quae sunt partes, quarum prior vers. 9. presbyteris, posterior vers. 10. animatis danda, adeo ut per *choros* accinuerint; *presbyteri* priorem partem et *animata* posteriorem; quae ipsis rectius competit secundum veram lectionem, in *Mss.* extantem, quae habet: *et fecisti ipsas*, non

nos, ut legitur, *Deo nostro reges et sacerdotes*, et, non *regnabimus*, ut habetur, sed *regnabunt in terra*. Succinuerunt itaque presbyteris, uti *mox angelis* et omni creaturae fecisse leguntur verſ. 14. dicentes, *amen*.

§. XXXVII. *Angeli* autem hic in scenam introducuntur 1. tanquam supremam et sanctissimam regis et iudicis celestis maiestatem augentes et repraesentantes; quemadmodum in monte Sinai; et Ps. LXVIII. ac Dan. VII. quare Deus *exercituum* adpellatur, ad maiestatem eius depingendam, et hic occurrunt *ignis* ex igne orti, et eum in medio sui habentes tanquam satellites et custodes; verſ. 13. sicut alias throno Dei adsistere, et eum cingere dicuntur, Dan. VII. 2. qua *nuntii* et *interpretes* iudiciorum Divinorum, per quos Deus voluntatem suam passim *revelasse* legitur, ut et Danieli, ac Johanni contigit, et unus Seraplinorum *labra* Jesaiae purificavit ac aperavit ad loquendum cap. VI. Quo respectu ipsis quoque iudiciorum executio tribuitur, sicut prophetae dicuntur *destruere* et *plantare*, quatenus illud faciendum esse declarant nomine Dei Jer. I. 10. Denique 3. instar ministrorum, qui ipsa iudicia exequuntur, et homines, tanquam instrumenta, agunt et dirigunt, sive vere, sive scenenice tantum. Sicut enim *angeli* subinde leguntur missi ad ea facinora, uti notum, ita ipsis aliquando *tormenta* in visis prophetis talia tribuuntur, quae Deus ipse agit. De quo vid. Cl. Vitringa ad Ap. XV: 6. et Jes. VI: 6, 7.

§. XXXVIII. Angelis, quae talibus, si aptetur emblematica descriptio, quae hic occurrit, difficiles non habebit explicatus, si res in genere consideretur, nec nimium indulgeatur imaginationi. Dabimus generalem partium conspectum. a. *Quaternarius* numerus animatorum totidem angelos principes denotat, relate ad totidem regna, quibus censentur praeesse ad iudicia Dei exsequenda, et motus in mundo dirigendos, in primis respectu Israelitarum et Judaeorum. Quatuor facies desumptae sunt a quatuor animatorum in terra principibus, *homine*, *leone* inter feras, *bove* inter jumenta,

et

et *aquila* inter aves; adeoque *Angeli* principes designantur, alias Archangeli dicti, *principum* titulo jam insigniti Dan. X: 13. non, quod *quatuor* tantum sint Archangeli, sed quod *quatuor* tantum hic in censum veniant, et nulli repraesententur tanquam ministri ad molimina Dei exsequenda, relate ad quatuor non tantum terrae angulos, sed et *regna* totidem per terra dominantia, quorum hic ratio habetur in judiciis Dei exsequendis, praecipue in Judaeos. Antiqua traditio Judaeorum de quatuor archangelis, Michael, Gabriele, Raphael et Uriel, quam exhibet praeter alios Cl. Vitr. ad Ap. IV. p. 189. videtur partim hinc, partim ex Dan. IX et X. exsculpta. Memorantur apud Dan. Michael, Gabriel, et duo principes, alter Persarum, alter Graecorum: hic autem *quatuor* animata cum quatuor faciebus occurrunt, quibus nomina illa aliqua ratione adcommodari possunt, *Gabriel* enim ex גַּבְרִיֵּל viro, אֲרִיאֵל ex אֲרִי leone, מִיכָאֵל per litterarum transpositionem ex מִיכָאֵל vitulo, אֲדָמֵל ad *aquilam* transatus est, quod coelum verius altissime omnium volet, et Deo sese equiparare videatur: quo etiam facit, esse *aquilam soli* dicatam apud veteres. Vid. Cuper. ad Harpocr. p. 70. dicit enim vel, *quis sicut Deus*, vel *invalescentiam* Dei, ut מִיכָאֵל ex יִכָּל. Sed *quatuor* principes angelorum in scenam tantum introducuntur, in genere quod ad quatuor terrae angulos in munere hoc suo respectum habeant, in quibus hi motus existerent, in *specie* *quatuor* regnorum, per quae Deus judicia exsequeretur, fata dirigerent, sicut eam ob rationem *tres* equites cum supremo eorum dace *equite* quoque occurrunt Zach I: 8. et *quatuor* currus, totidem *spiritus*, seu venti, *coelorum* c. VI: 5. Quae *quatuor* regna hoc loco sunt Babylonicum, Medicum, Persicum et Syro-Macedonicum; eadem, quae Danielis in libro, duplici viso, exhibentur, c. II, VII., de quo fufe disputavi in Diss. ad ea visa; quorum et haec ratio est, quod regna intelligenda sint, quorum expeditio- nes militares respectum peculiarem habuerunt ad populum Judaeum,

Judaeum, et praecefferunt regni Dei inter Judaeos erectionem, quae tempore Maccabaico incepit; cujus imaginem gerit *ultima* pars hujus visi, ut suo loco videbimus. Potest quoque ipsum nomen *אנני* *animata*, aequae ac numerus *quaternarius*, ad regna ea adcommo- dari, quatenus societatem *coagmentatam* denotat, et unitam. De quo dixi ad Ps. LXVIII: 11. et alibi: ut *quatuor animata* adpellentur Angeli, non tantum quod ipsi sint *viya* quaedam animata, sed etiam, quod respectum habeant ad totidem regna, societates compactas in unum; quibus a Deo destinati sunt, ad judicia ejus adnuncianda et exequenda, et quorum emble- mata sunt, ac personam praeferunt.

§. XXXIX. *b. Facies* quatuor, *hominis, leonis, bovis et aquilae*, quae singulis eorum dantur, referri possunt *partim* ad angelos ipsos, et officium eorum in genere, *partim* relate ad regna, quibus hic destinati erant, et judicia Dei executioni danda, quibus hic inserviunt. *Priore* respectu *facies* expingunt facultates et *quantitates* eorum ipsis proprias, quas ostentant, et a quibus innotescunt; quae ad quatuor cardinales et praecipuas referri possunt, *prudensiae et sapientiae*, *homini* propriae, intrepiditatis et fortitudinis, quae *Leonem* caracterizat, constantiae et laboriositatis, quae *bovem* distinguunt aratorem, denique coelestium et arcanorum Dei cognitionis, ac velocitatis, quae *aquilis* competit. Quae *latius* deduci, et ex emblematico horum animatorum usu illustrari, facile possent, si exspatiari liceret. *Posteriore* respectu, relate ad personas, quas hic in specie gerunt, tanquam judiciorum Dei praecones et executores, *motuum*que per quatuor regna, modo *monstrata*, *directores*, *quatuor* hae facies, cum totidem capitibus, supra divisis, *infra* connexis, ut suo loco vidimus, *i. in genere quantitates et actiones*, cum earum effectis, pingunt, alias *terribiles et destrutorias*, alias *jucundiores et utiliores*, respectu populo- rum aliorum, et praesertim Judaeorum, ad quos hoc visum maxime spectat, plane ut *colores equorum* in visa *Zachariae*,
et

et VI. ac Ap. VI. et a'ibi. *Prioris generis* conspicuae sunt in *leonis* et *aquilae* faciebus, cum sint animalia terribilia, ferocia, et voracia: unde est, quod *aquila* apud Orientales depingat ferociam cum indole sanguinaria conjunctam, vid. Schult. ad Prov. XXX. p. 469. et avibus ac cadaveribus inhiet, *leo* rugiens et raptans sic notissimum emblema terribilitatis, et vastationis. *Posterioris generis* se offerunt in faciebus *bovis* et praecipue *hominis*; initium, utilium et bonorum animatorum. Utriusque generis effecta experti sunt populi, in specie Judaei, a quatuor illis regnis; majore minoreve gradu, per judicia Dei partim severa, partim benigna. Chaldaei Judaeos, ut eorum rationem hic tantum habeam, destruxerunt, et dissiparunt, *Medi* eos in exilio retinuerunt, sed mitiore, *Persae* partim benigne partim dure eos tractarunt, Syrc-Macedones itidem, sed sub finem crudelissime sub Antiocho Epiphane. 2. In specie censerī potest ad totidem reges, regnorum capita, illustriores in singulis illis regnis ab his actionibus et qualitatibus famolos, digitus intendi. Utique animadversionem meretur, singula illa regna habuisse quatuor reges maxime notabiles, *Babylonicum* Nabopolassarum, Nebucadnezarem, Evilmerodachum et Laborosoarchodum cum tutore Neriglissore, seu Beltazarem, priores duos *leonem* et *aquilam*, posteriores duos *hominem* et *bovem*, hunc etiam mactatum, quod *bovi* proprium est. *Medicum*, Deiocem, Phraortem, Cyaxarem Imum et Ildum, seu Darium Medum, primum *humanum*, secundum et tertium *debellatores* populorum *aquilae* et *leonis* instar, *quartum* pacificum, et subactum, instar *bovis*, *Persicum* Cyrum, Cambysen, Darium Hyst., et Xerxen, qui quatuor Dan. XI. tantum memorantur, ut ibi vidimus, et per quatuor capita tertiae bestiae figurantur Dan. VII: 6. primum *hominem*, prudentem, strenuum, iustum, et aequum, Judaeis benivolū, secundum *aquilam* se efferentem, et saevientem in Aegyptios, et eorum Deos, Judaeis iniquum, tertium *leonem*, generosum, magnanimum, Judaeorum patronum, quartum

tum *bovem* stupidum, varium, qui fundamenta jecit ruinae regni, quia contra Graecos moverat; ut ad Dan. exposui. *Syro-Macedonicum* denique Seleucum Nicatorem, Antiochum M., Epiphanem et Eupatorem, ejus filium; primum *hominem*, secundum *leonem*, tertium *aquilam*, quartum *bovem*: quod ex modo dictis facile intelligitur. Denique, ut illud verbo addam, *dispositio* capitum et facierum, quae talis erat, ut necesse non habuerint sese vertere, sed quatuor versus angulos recta ire potuerint, referri potest *cum* ad munus eorum, quod quaquaversum spectabat, sive *bona* sive *mala*, secundum supremae majestatis voluntatem, exsequerentur, sive humanam, sive bovinam, sive leoninam sive aquilinam faciem praeferrerent, tum ad promptitudinem et facilitatem in officio praestando; qua semper parati erant, nec moram necitebant, ut qui se *vertere* necesse habent. Quo etiam facit, quod semel notasse suffecerit, quod totidem *alas et manus* habuerint, et *plantas pedum rotundas*. Ea enim erat *alarum* positura, ut semper *duas* haberent paratas, una cum *manu*: quare *duae* alae dicuntur *constrinxisse* animata in cundo, reliquis duabus *cessantibus*, et corpori adnexis, vers. 11. in quo aliud non est ibi quaerendum mysterium.

§ XL. c. *Manus et pedes*, quorum hi a lumbis usque ad plantas erant *scintillantes*, instar aeris candentis et politi, expingere possunt in genere *aptitudinem* eorum ad fortiter et perite, adeoque cum felici semper et *glorioso* successu, agendum, exequendum, quod ipsis erat demandatum; adeo ut ubique et quaquaversum prompte ire potuerint, plantis quippe pedum rotundis instructi, ut modo vidimus, et firmos ubique facere gressus ac perite agere; quo *pedes et manus* tendunt in homine; uti notum est. Quales sunt Angeli, per se quippe *validi viribus*, *facientes verbum* seu *jussu Dei* Ps. CIII: 20., et relate ad regna memorata, quibus inserviebant in judiciis Dei implendis, quae ad haec effecta praestanda apta forent, viribus et peritia instructa, et etiam gloriose efficerent. d. Quo itidem collineat, quod *alae ipsae* dentur,

dentur, praeterquam quod in specie *celeritatem* in agendo expingant. Quod hic in primis intenditur; est enim *ala* notum *celeritatis* emblemata, quare *alae venti* memorantur Ps. XVIII: 11. et CIV: 3. Orientalibus, ut et Gr. et Rom., alae sunt symbola ventorum. Vid. Jablonski in Pantheo Aeg. l. V. p. 128. et diff. nostrae ad Dan. l. c. p. 52. Sunt praeterea emblemata *exercituum* et copiarum militarium; uti Ez. XII: 14, 17. et alibi. Vid. Diff. ad visa Dan. emblematica p. 60, 223. quo digitus etiam videtur intendi infra vers. 24. Nec illud hic alienum est; cum *exercitus* angelorum sint ducibus, seu archangelis, subiecti, et judicia Dei quoque, quae hic in censum veniunt, per expeditiones militares, ut mox videbimus, executioni mandentur. Sed illud non erat omittendum, *alas* ipsis non datas legi ad *volandum*, sed *celeriter tantum currendum*, plane uti primae bestiae Dan. VII. *alae aquilinae* eum in finem aptantur; de quo dixi, l. c. Nihil enim hic de *volatu* animatorum occurrit, tantum *incessus* memoratur, qui emblemati hominum, quo animata veniunt, et modo, quo per expeditiones militares judicia Dei exequerentur, quoque est convenientior: significatur praeterea summa celeritas expeditionum illorum regnorum, quibus praecerant angeli, de qua respectu Nebucadnezzaris dixi ad Dan. l. c. et de Cyro vid. Jes. XLI: 2. Ceterum not. est, alium *alarum* usum, ac quem dixi, hic non memorari, secus ac Jes. VI., ubi *sex* alae occurrunt, quarum quatuor capiti et pedibus tegendis inserviebant, quod hic locum non habet, quia non sub *throno* Dei hic sistuntur, ut mox, sed a Divina majestate, quae hic symbolo *nubis et ignis* venit, *emissi* ad judicia ejus exercenda. Quod vero vers. 11. habetur, *duas alas* constrinxisse animatum, et *duas texisse corpus*, illud nihil aliud expingit, quam *duabus* tantum alis opus fuisse ad celerrimum *incessum*, duabus tunc quiescentibus; erant enim *quatuor* alae ita dispositae, ut quacunque irent *duas* semper alas, absque ut se *vertere* necesse haberent, invenirent paratas.

F

§. XLI.

§. XLI. 1. Denique animadversionem meretur, adspectum animatorum fuisse *igneum*, et ea in medio sui habuisse ignem splendentem ac fulminantem, quo etiam incitata itarunt celerrime et redierunt instar scintillationis, quo spiritus erat eundi. Quibus significari existimo 1. eos fuisse in continuo motu, nunc hu: nunc illuc, adeoque perpetuas et connexas fore in regnis, quibus praeerant, tanquam ministri Dei, concussiones et mutationes, easque celerrime factas. 2. Supremam causam eorum motuum esse Deum Israelis, qua justum et sanctum judicem, adeoque ortum habere ex *justitia* Dei, scelerum vindicem, cui inservierunt. Quo *cum* ignis ardens in medio eorum, *tum* flammans eorum adspectus, *tum* denique *spiritus* quo concitabantur, nos clare ducit. 3. Eo spectasse eorum motus, ut judicia Dei exsequerentur, et singulares ac stupendas in orbe producerent mutationes; aliis perniciosas, aliis utiles. 4. Denique ea efficerentur cum clara demonstratione justae et sapientis gubernationis Dei, in illis motibus conspicuae: ut ex igne *splendente* et *fulminante* facile patet. Conf., quoad rem ipsam, visum Zachar. VI. et Hag. II: 6, 21.— nec non Dan. VII.

§. XLII. *Secunda* pars visi repraesentat, ex mea opinione, stupenda effecta judiciorum Dei per angelos, et regna illa, oritura in terra, una cum modo et instrumentis, quibus ea fierent, sub emblemate *quatuor rotarum* duplicium, seu *τετρακυκλῶν*, in terra consistentium juxta animata, coloris aurei, et stupendae ac terribilis altitudinis et contemplationis, eodem spiritu, quo animata, agitatarum, et cum iis nunc euntium, nunc stantium, nunc e terra elevatarum: uti supra, ubi de *littera* visi, exposui; vers. 15—21. Singularis est haec visi pars, et plane nova, ad nullam formam notam expressa, licet Cl. Vitringa ad labra aenea minora decem, *quatuor rotis* innixa, in Templo Salomonis, adlusum existimet, ingeniosius, quam verius; cum *rotae* hic sint singulares, et separatae, nihil ferentes, et longe alium conspectum

speculum habeant, quippe per terram agitatae, et judiciorum ac mutationum in terra emblemata; ut ex hac et praecedente parte visi manifestum est. Sunt autem *rotae* difficilis explicatus, et varias pepererunt Interpretum ac Doctorum hypotheses; quibus meam addam. *Triplicem* potissimum sentium emblematicum habet *rota* per se considerata, cujus hic ratio habenda est. 1. *Primus* est, quo subitam dicit et mirabilem rerum catastrophem, passim exitialem, qua, instar *rotae* volvuntur, et lusque deque vertuntur, inagnumque strepitum edunt per orbem. Ad citum et streperum cursum respicitur Ps. LXXVII: 19. ut ibi exposui. Rerum stupendam et subitam eversionem expingit Ps. LXXXIII: 14. nec non ubi pro *turbine rotata* sumiter vox לללל, quae hisce rotis expresse datur c. X., uti eodem Ps., et Jes. V: 28. ubi *rotae* bellicae dicuntur esse instar *procellae*, vel venti ratoris. Accedit, fatorum vicissitudinem, et rapidum cursum, eodem *rotae* nomine insigniri apud autores. Vid. Nepos meus Verschuir in Diss. Acad. sub Cl. Schroedero, et quos ibi citat, p. 24. etc. In specie ejusmodi vicissitudo per *rotam*, et circumvolutionum, significatur, qua idem oritur, floret, et interit. Quod in haec regna apte quadrat. 2. *Secundus* est, quo *rota* denotat judicium destructorium, et poenale, simili ducto a *rota plaustritriturante*, uti Jes. XXVII: 27. ubi vid. Vitr., cujus et hic eo majore jure ratio habetur, quod inter facies animatorum sit *bovina*, et pedes eorum sint *vitulini*. Huc respicitur, et pro gravissimo judicio sumitur Prov. XX: 2. *Ventilat improbos rex sapiens, et super eos reducit identidem rotam*: ubi vid. Schult. Conf. Jes. XLI: 14. Quem conspectum scopus visi nostri omnino exhibet, ut ex dictis liquet, agitur enim hic de judiciorum Dei rotatione per terram: adeo ut *rota* recte habeatur *judicialis* ac poenalis; qua homines conteruntur, et grana separantur a paleis. 3. *Tertius* est, quo *rotae* intelliguntur curruum bellicorum, et expeditionum bellicarum emblemata sunt. *Et si enim nulla curruum fiat mentio*,

tio, ad eos tamen respici potuit, et *rotae* accipi pro ejusmodi curruum rotis: quemadmodum *rotae* quoque occurrunt Jer. V: 28. et Jer. XLVII: 3.

§. XLIII. Expingant itaque *rotae* magnas mutationes, in specie destructiones, ex judicio Dei ortas, et per expeditiones militares regnorum, quibus angeli praesident, a regibus ac imperatoribus productis, quae hic unice in censum veniunt, et secundum eam hypothesein explicemus, sed brevibus, hanc visi partem. 1. *Rotae* fuerunt visae in terra, ad indicandum, ea, quae dixi, in terra locum habitura, et per angelos ibi esse executioni mandanda; adeoque praecedentem visi partem ad hasce catastrophas in terra respicere. 2. *Quatuor* erant *rotae*, secundum *quatuor* angelorum numerum, quia totidem forent in terra regna, quae has mutationes in ea judiciales ac bellicas efficerent. *Rotae* non sunt ipsa ea regna, sed eorum expeditiones militares, quae judicia Dei exsequerentur, Babyloniorum, Medorum, Persarum et Syro-Macedonum; plane quemadmodum *currus* bellici Zach. VI. sumuntur. Ubi vid. dicta; et supra, ubi de animatis, demonstravimus ea regna hic innui. 3. singulae *rotae* erant *duplices*, quae itaque ad *quatuor* angulos terrae spectabant; ut doceretur, expeditiones et mutationes, inde ortas, fore *universales* quaquaversum. Licet enim Propheta viderit animata et rotas tendere Hierosolymam versus, ut supra vidimus, eo tamen solum non spectabant, sed ad vicinos simul populos quaquaversum; cum regna, ex illis mutationibus oriunda, forent aliquatenus *universalia*. 4. *Rotae* erant magnae, excelsae et terribiles adspectu, coloris aurei; ad indicandum, magnas et terribiles mutationes in terra esse producendas per horrendas expeditiones bellicas, quae judicia Dei exsequerentur, et justitiam Dei, per colorem *aureum* splendentem depictam, manifestarent.

§. XLIV. 5. Arcte connexae erant cum *animatis*, juxta quae stabant, et movebantur, eundem *spiritum*, quem animata, participantes; indicio, mutationes eas ab eodem Spiritu

ritu divino oriri et dirigi, iustitiae divinae et-potentiae esse acceptas ferendas, ac utriusque indicia praeferre, simul per angelos, et supremos imperatores administrari. Ipsae itaque *rotae* non habebant *spiritum* insitum, ut animata, sed horum *spiritu* tantum agebantur, non ergo suo proprio, sed alieno; adeo ut *rotae* non pingant personas ratione praeditas, quod nonnulli hinc male colligunt, sed catastrophas judiciales a spiritu divino, qui in animatis erat, productas et administratas; licet expeditiones militares per homines, ratione praeditos, fiant, et hoc respectu *spiritus* iis quoque tribui possit. 6. Quo eodem sensu *rotis oculi* dantur, ad indicandum *cum* sapientiam et prudentiam, qua mutationes illae fiunt ad certos fines, *tum* peritiam militarem in expeditionibus conspicuam; quod a multis recte quoque observatum est; oppositae itaque ad *rotam fortunae coecae*; cum haec oculata sit; quatenus sapienter et ad certos fines directa est. In quo nihil est difficile, nec aliud mysterium quaerendum aut colligendum, quod nonnulli faciunt, *rotas* fuisse, ratione praeditos homines.

§. XLV. 7. Denique *triplex* status *rotis* tribuitur successivus, quo primum *ibant*, dein *stabant*, et denique *elevationem* de terra, vers 21. quo indicari videtur ipsa mutatio, ejus effectus, et finis. *Ibant* *rotae* cum animatis ad mutationes eas judiciales, et expeditiones faciendas, *stabant*, iis peractis, in signum eas aliquandiu durasse catastrophas in statu eodem, et effectum fuisse durabile; denique *de terra tollebantur*, quando e medio sublatus est status ille rerum, qui per eas mutationes erat effectus, et aliquandiu constitisset, aut alio translatus. Hunc enim sensum putem habere *rotarum elevationem*, uti res ipsa et phrasis indicat. Verbum *נשא* tollere etiam e medio auferre, inde *vastare* denotat, et diserte habetur, *rotas* de *terra* fuisse sublatas, cum in *terra* primum visae fuerint *stare*, argumento, eas locum amplius non habuisse, utique non in eo loco. Inducatur itaque, rerum illarum *catastrophen*, per *rotam* explic-

tam, evanuisse, nec amplius locum in terra habuisse. Sed quaeritur, num *quatuor* illae rotae simul, an successive iv-
rint, steterint, ac sublatae sint? quod ex ipsa descriptione
vix definiri potest, cum successivus rotarum incessus aequè
admitti possit ac simultaneus: licet enim a propheta fuerint
simul visae; fieri tamen potuit, ut, quod ipse non adnota-
vit, una post aliam successive fuerint motae; quemadmo-
dum in visis Dan. VII. et Zach. VI. quoque obtinuit: non
enim quatuor rotae fuerunt junctae, ut *curram* fecerint,
quod probe notandum, sed singulae rotae seorsim sunt con-
spectae, singulis animatis adnexae; ut vers. 19. innuitur; et
supra observavi. Quod ipsum ansam praebet cogitandi,
rotas non una, sed aliam post aliam, ivisse, stetisse, et sub-
latam fuisse: *successionem* autem requirit collatio visorum,
modo citatorum, et res ipsa; cum quatuor regnorum mu-
tationes et expeditiones magnae hic sint depictae: quod non
simul, sed successive factum est.

§. XLVI. *Tertia* visi pars exhibet regni Messiae imagi-
nem secundum duplicem ejus *periodum*, *alteram*, et priorem,
bellicam et praeparatoriam, seu praelusoriam, *alteram*, et
posteriolem, veram et pacificam, *illam* sub emblemate *expans-*
i super capitibus animatorum, quorum alae horrendum so-
num primo ediderunt, cum irent, dein complanatae quieve-
runt, ad vocem de super expanso emissam, vers. 22—25.
hanc sub emblemate hominis in throno super firmamento
sedentis, ignita veste amicti, quae supra ignem habebat in-
clusum, sed infra splendentem instar iridis. vers. 26—28.
Quae scena consideranda est, tanquam nova, et superiori-
bus partibus posterior, ac ex iis quasi nata. Cujus indici-
um est 1. in serie narrationis; in qua postremum locum ob-
tinet, argumento, eam postea, animatorum et rotarum ope-
re absoluto, locum demum habituram, posteaquam *quatuor*
illae superiores mutationes judiciales et expeditiones essent
peractae. Quod si enim contigissent, cum thronus jam esset
super capitibus animatorum; ejus mox in principio visi me-
minisset

minisset propheta, et inde incepisset visum enarrare; sicut alias fit, ut Jes. VI. et Ap. IV. 2. in longe diverso animatorum habitu, et statu. Antea enim visa sunt ex ignea nube emissa, et ei in judiciis excquendis inservire, hic sistuntur sub expanso et throno, cui hominis persona insidet: antea fuerunt repraesentata instar scintillarum huc illoc citissime currere, nunc vero sub firmamento stantia: antea alas habuerunt, alias cursum promoventes, alias corpus tegentes, nunc alae ipsorum simpliciter sonum edunt, et eo facto quiescunt, et corpori adplicitae sunt ab omni parte omnes. Denique antea sejuncta fuerunt, et seorsim iverunt, singula rotis adfixa; nunc unita sub uno et eodem firmamento, et throno.

§. XLVII. Ex quibus, ni fallor, elucescit, longe aliam scenam hic aperiri, quae locum haberet in medio populi Dei post superiores catastrophas judiciales et bellicas quatuor absolutas, vel ad finem vergentes; qua regnum Dei manifestaretur in terra, cui ministrarent animata, aliam nunc gerentia personam, quam antea, cum judicia Dei per orbem, etiam in Judaeos, exercuerunt. Cujus duae distinctae occurrunt periodi, altera, qua sub firmamento iverunt, alis sonum terribilem edentia, et mox steterunt, alis compositis, et corpori adfixis, altera, qua thronus super firmamento fuit, et in eo persona hominis, instar regis, se conspicendam praebuit. Cum autem firmamentum fuerit expansum super animatorum capitibus eo scopo, ut thronum regium sustineret; adeoque eo spectaverit, ut regnum illud Dei, qua hominis erigeretur, eaque ratione cum eo fuerit connexum; duae istius regni periodi sese sponte sua offerunt, altera praelusoria et praeparatoria, altera vera et propria, quarum prior, quae bellicum praetulit conspectum, ut ex animatorum processu cum alarum sonitu liquet, alio ac ad Ecclesiam Maccabaicam commodius referri nequit; posterior directe spectat ad regnum Messiae, inde ortum. Cui hypotesi ingens momentum addit duplex visum Dan. II et VII.,

quo utroque regnum Dei repraesentatur, *primo* bellicum et judiciale tempore Maccabaico, sub emblemate *lapidis* de monte excisi, et statuam confringentis, ac *throne* judicialis, quo bestiae sunt condemnatae, *dein* spirituale et pacificum, ac coeleste, sub emblemate *montis* ex lapide orti, et filii hominis regnum a Judice supremo accipientis. Quae latius sunt a nobis in Diss. ad Dan. visa emblematica exposita, et confirmata.

§. XLVIII. Hac jacta hypothefi, *duplicem* hanc visi partem, secundum eam, exponam, et inde ipsam hypothefin confirmabo. In *priore* a, sese offert *expansum crystallinum verendum* vers. 22. seu nubes caerulea, late expansa, quae summe erat majestuosae, plane quemadmodum Deus senioribus Israelis adparuit in monte Sinai, cum foedus solenniter pactum est inter Deum et populum Ex. XXIV: 10. super quo Deus erat sine imagine aut figura, forte in *igne*, alias *nubi* incluso. Quo hic omnino respicitur, adeoque indicatur praesentia Dei *foederati*; qui sese hoc symbolo manifestavit populo praesentem, tanquam *foederis*, ad montem Sinai iusti, patronum et defensorem: qualem sese omnino praestitit tempore Maccabaico: uti constat, *cum* respectu hostium et foedifragorum ex Israele, *tum* Chasidaeorum, legis studioforum, quorum *illos* punivit, *hos* liberavit et vindicavit, super quibus itaque Chasidaeis sese *conspiciendum* praebuit, ut est Zech. IX: 14— ubi vid dicta. Quod ipsum *expansum*, seu Dei foederati praesentis symbolum, mox in suppedaneum throni Messiae versum est; regno Messiae quippe in illo foedere fundato, sed sub pedes misso, de quo mox. *Verendum* autem erat hoc expansum, quod majestatem Dei terribilem hostibus, et piis adorandam, referebat. §. *Expansum* hoc *aëreum* dicitur fuisse *super capitibus animatorum*, seu angelorum, majestati Dei et ejus foederi Sinaitico intervenientium, simul nunc illud sustinentium, et vindicantium, tanquam ministrorum, per *Maccabaeos* fratres; quorum emblemata quasi gesserunt, tanquam a Deo electorum ad foedus

Os Dei tutandum et vindicandum. Conf. Zach. IX: 14, 15. et ibi dicta. *Animata* itaque *angeli* sunt, proprie sic dicti, simul Maccabaei fratres, quos expinxerunt, etc. *Animadversionem* meretur, *quatuor* quoque fuisse praecipuos Maccabaeos, per quos Deus sua judicia executus est, et populum vindicavit, ac foedus, Judam, Jonathanem, Simeonem et Joh. Hyrcanum, quorum emblemata recte censentur *quatuor* animata sub *firmamento* majestatis Dei; quibus *quatuor* istae facies, humana, leonina, aquilina, et bovina, cum reliquis partibus animatorum, supra descriptis, recte applicari possunt: ut cuique, huc animum adplicanti, sponte sua adparebit. Nobis hic prolixioribus esse non licet. Not., in *Juda* eminuisset *fortitudinem leoninam*, in *Simeone* sapientiam prudentiamque *humanam*, ac *pacem* sub ipso, de *Juda* et *Simeone* vid. 1 Maccab. II: 65, 66. in *Jonathan* constantiam et patientiam *bovinam*, rebus, *Juda* mortuo, fere desperatis, in *Hyrcano* coelestium cognitionem per revelationes divinas, et summam populi gratiam et elevationem.

§. XLIX. 7 Singulare plane est, cujus propheta mentionem expresse facit, quod *alis*, cum *irent*, horrendum ediderint sonum, et dein eas remiserint cum steterint, voce de super firmamento audita. Propheta *primum* dicit, animata habuisse *alas* compositas, et corpori quaquaversum adpaectas, sed mox, se quasi corrigens, accuratius tradit, quando *alas* habuerint tranquillas, nimirum postquam magno cum alarum strepitu ivissent, et vox desuper esset audita. Quod meretur verbo exponi; cum multa singularia et praeclara hic doceantur. *a. Ivisse* dicuntur animata *cum rotis sub firmamento*. Rotarum licet expressa non fiat mentio, eas tamen adfuisse sub ipso firmamento ex c. X. patet, nec hic expresse negatur; uti factum fuisset, si sine *rotis* fuissent. Emblemata est expeditionum judicialium et bellicarum Maccabaeorum in Syros, et populos vicinos, ad judicia Dei in eos exequentia, et legem ac populum Dei vindicandum et liberandum, cum manifestis praesentiae Dei signis. *Ire cum rotis* ante expositum est; quare illud notum praesuppono. Hic singulare

lare est, quod *iverint sub firmamento*, seu divinae majestatis, quae Israel legem dedit, et eum adoptavit populum suum, ut modo explicui, symbolo *iverint*, adeoque tanquam judiciorum Dei Israelis in hostes legis et populi executores, et cum claris praesentiae Dei signis; quo pertinet, quod Deus sese *super ipsis conspiciendum* dicatur praebuisse Zach. IX: 14. et *eos protexisse* vers. 15 ubi vid. dicta. Non quidem, quo *iverint*, additur; sed *quaternarius* numerus, ut supra explicui, etiam indicat, eos *quaquaversum ad quatuor angulos Terrae Cananaeae* ivisse, uti fecerunt Maccabaei, populos ab omni latere domantes.

§. L. b. In specie notetur, *animata cum ingente alarum sonitu* ivisse h.e. cum clamoribus magnis, partim *incentivis* ad bellum, partim *jubilis* super victoria reportata, partim cum fama sonora per orbem sparsa. Quae nihil habent difficilis. c. Datur *soni alarum* accuratior descriptio per comparationes cum sono aquarum multarum, voce omnipotentis, et exercitus streperi. Quae, ex mea opinione, nonnulla expeditionum illarum adtributa et effecta repraesentant, non enim *grâvitas soni* simpliciter indicatur, sed tale quid cum expeditionibus conjunctum, quod aquarum strepitus, et vox omnipotentis, et exercitus motus, stylo emblematico exhibere solet; non enim frustra adcumulatae censerî possunt comparationes; aptae etiam sunt in hanc rem, et eventui recte respondent. Dicamus de singulis. 1. Prima comparatio est *cum voce aquarum multarum*, et magnarum, seu marium et fluviorum vehementer commotorum; quo manu quasi ducimur ad populorum, et regnorum graves commotiones, quae expeditiones Maccabaicas comitarentur, etiam Ecclesiae Dei causa vel respectu excitarentur, ita ut harum alarum motu censerî possent factae. Respicitur in primis ad motus bellicos Romanorum, quibus regna Orientis fere absorpta sunt. De quo, et qua ratione cum Ecclesia Maccabaica cohaereant, pluribus disserui ad Dan. visa emblematica diss. VII^{ma}, quare hic plura non addo. *Aquas* vero

vero commotas, et streperas, esse Imperiorum et motuum bellicorum emblemata, notius est, quam ut ei hic immoremur.

§. LI. 2. Secunda comparatio cum voce *omnipotentis*, voce *exundantis imbris* (haec enim cohaerent, et vocem omnipotentis indicant sese exferere instar imbris streperi exundantis) ducta a tonitruante et imbrifera procella, divinitus concitata (vox omnipotentis enim vox *tonitruans* est, et vox *imbris* est streperi et vehementis imbris sonitus, adeoque recte procellae tonitruantis ac imbriferae est descriptio) significare videtur, illas expeditiones memoratas fore conjunctas cum terribilibus *potentiae* et *justitiae* Dei signis, et ad ejus judicia exequenda destinatas, simul effectus habituras esse terribiles, tonitruanti et imbriferae procellae haud absimiles. Conf. Zach. IX: 14. et ibi dicta. 3. *Tertia* comparatio cum voce strepera *exercitus* tendere videtur ad *alarum* sonitum exponendum, ut cogitatio fuscitaretur *exercituum*, seu expeditionum *militarium*, per *aquarum* sonitum etiam depictarum. In quo nihil est, quod moram injicit.

§. LII. 4. Subjungit dein propheta, *alas* animatorum, cum *steterint*, fuisse compositas, et *remissas*, opposite ad sonum ab iis inter eundum editum, adeoque post expeditiones factas. Quo significatur, statum pacificum et tranquillum, eumque durabilem, fuisse ex illis motibus ortum sub *firmamento*, seu majestuosae Dei praesentiae symbolo. Qui status Ecclesiae Maccabaicae fuit post hostes superatos, et populos vicinos subactos; *mundi* quoque seu orbis post regna Orientis Romano imperio subjecta, quando Messiae regnum est erectum: ut mox sequitur. Quae ex harmonia verbi prophetici, et historia, quoque constant: *status* autem animatorum tranquillius sub *firmamento* indicat, populum tunc Dei tutela perrexisse gaudere, et legem ac religionem, cuius supra in *firmamenti* expositione memini, observasse, et exercuisse.

§. LIII. 1. Ultimum singulare, quod a se animadversum dicit, est, *vocem de super firmamento fuisse auditam*, adeoque coelitus a summa maiestate Dei Israelis, tanquam legislatoris et iudicis, emissam. Quae qualis fuerit, et quo tetenderit, licet sileatur, ex nexu tamen et scopo huius partis visum haud difficulter eruitur. *Vox enim de super firmamento orta est*, et occasione stationis tranquillae animatorum memoratur, quam mox excipit manifestatio regis coelestis in throno super firmamento. *Vox itaque est Dei Israelis*, qua legislatoris, et legis patroni, *vox est*, quae relationem habet ad quietem animatorum, et cum manifestatione regni Messiae connexa est. Unde, ni fallor, colligere licet, 1. *vocem esse divinam*, qua Deus legem et foedus de novo promulgavit quasi et sanxit; sicut olim de monte Sinai fecerat; quo supra dixi symbolum hoc maiestatis Dei respicere. Quemadmodum itaque olim hoc symbolum in monte Sinai se manifestavit, et legem promulgavit, foedusque sanxit; ita nunc rursus faceret tempore Maccabaico, quo lex et foedus erant abolita; et per Maccabaicas expeditiones restituta. Cui ergo recte convenit *vox Dei de super firmamento audita*. Addi potest, *oracula Dei Israelis*, quae diu siluerant, rursus incepisse *audiri*, *partim* in verbi prophetici studio, tunc maxime suscitato, ejusque et Psalmorum divinum adnuntiacione et cantatione publica, *partim* in praedictionum implemento, vel facto, vel mox faciendū: *partim* denique in *revelationibus* extraordinariis, etiam per *בן קל* *filiam vocis* tunc concessis.

§. LIV. 2. *Vox Dei desuper missa recte habetur pro jussu Divino*, quo bella et motus hostilesque invasiones cessare fecit, et populo suo *quietem*, *pacem*, *securitatem* et *prosperitatem omnigenam*, procuravit. Memoratur enim haec vox inter *alarum demissarum* descriptionem, argumento, eo spectasse hanc *vocem*, et providentiam Dei designari, cui hoc effectum erat acceptum ferendum. Denique 3. *Vox divina*, de coelo facta, recte habetur pro publica fori coelestis declaratione,

claratione, et promulgatione *tum* finis Oeconomiae legalis, cujus emblema, ut dixi, erat in praesentiae Divinae majestatis hocce symbolo, et cui animata, seu angeli, in specie interserviebant tanquam tutatores et vindices, quare iis dicitur *subiecta* Oeconomia legalis Heb. II: 5. *tum* erectionis regni gloriosi et pacifici in Messia, mox secuturae. Prius utique illud ex effecto *remissionis* alarum animatorum, ejusque repetitione, colligi posse videtur. Prior enim *remissio* recte ad expeditionum bellicarum, causa religionis et reip. ad eam vindicandam aut tutandam, cessationem referri potest, et *posterior* ad muneris angelorum, relate ad Oeconomiam legalem, cujus symbolum est in *firmamento*, abolitionem; quae utraque a *voce* Dei super firmamento recte repetitur, uti constat. Quae satis apta ratio est repetitionis *alarum remissarum*. *Posterior* vero, cujus memini, ex connexione cum regno Messiae, mox memorando, sese facile offert. Audita quoque est ea vox Dei de regno Messiae, eo ipso tempore, de quo agitur, *cum* in rumore per orbem sparsq. de rege Messia revelando, *tum* in piorum vocibus, qui *consolationem Israelis expectabant*, ut est in Evangelio, *tum* in Johannis, *voce clamantis in deserto* Jes. XL., et angeli *praecursoris* Mal. III. praedicatione, qua *regnum coelorum* adesse promulgavit. *Utriusque*, cujus memini, *voce* divinae mentio fit Jes. XL: 4—11.

§. LV. In *posteriore* parte visi, quae regni Messiae manifestationem veram et propriam repraesentat, ex *priori* oratione, et eam mox secutam, uti hic exhibetur secundum *seriem* orationis, *✠*. memoratur *thronus sapphirinus* supra *firmamentum*, capitibus animatorum, nunc cessantium et quiescentium, imminens, vers. 26. Quo manifeste ducimur ad regnum coeleste, in supremo coelo positum, et *firmamento*, seu Oeconomia legali, cujus emblema est *firmamentum*, superius, ac illud subiectum habens, instar suppedanei. Cum *firmamentum* sit *coelum aëreum*, Gen. I., thronus super eo oportet sit in *coelo supremo*; quod est proprium et distingu-

ens criterium regni Messiae, uti notum. Praeterea, cum Deus, tanquam rex Judaeorum, in *firmamento* sistatur praesens, adeoque ejus Oeconomiae sit symbolica repraesentatio, regnum Messiae ei super impositum sistitur, tanquam eo superius, divinius, et illud sub pedibus habens, simul ei quasi innixum, quippe ex promissis, et typis ejus stabilitatem consecutum. Quod discrimen *coeli* et *coeli* coelorum egregie adtenditur Ps. LXVIII: 34. ut ibi exposui. Epitheton *regni coelorum*, Messiae regno proprium, nemini non notum est, nec res ipsa ignota: quare plura non addo. Conf. etiam Jes. VI., ubi *sanctum* sanctorum est emblemata *coeli* coelorum, et Ap. IV. ubi in *coelo* visus est *thronus Dei*. Color *sapphirinus* summam et coelestem regni Messiae puritatem, et sanctitatem, qua ab omni parte fulget, depingit, ut facile cernitur, sed est et is regni ejus character distinguens, quo nihil vilis, terrestris, carnalis et sordidi admittit. Angeli vero quiescentes sub hoc throno indicabant, eorum ministerium antiquum sub Oeconomia legali cessasse, et regnum hoc esse simul quietum et pacificum: sicut ubique repraesentatur in verbo prophetico, et angeli cecinerunt tempore nati Messiae Luc. II., ne alia adferam in re nota. Sed aliud adhuc in eo latet mysterium, non negligendum, quod supra *firmamentum* fuerit thronus, quo cum natura et qualitas, tum stabilitas et immobilitas regni Messiae depingitur. *Firmamentum* est sedes meteororum, tonitru, fulminis, venti etc. praeterea in continua mutatione. Indicatur itaque, regnum Messiae, supra firmamentum, nihil habere terribile, nullum irae Dei signum, nihil non grati, amoeni et placidi; denique esse perenne et immobile. Conf. Heb. XII: 18. etc. et Ap. XII: 1. ubi Ecclesia Christi exhibetur, tanquam mulier, quae lunam sub pedibus habet; indicio, rebus mutabilibus in religione abolitis eam consecutam esse regnum immobile; ut Cl. Commentator inquit.

§. LVI. 2. *Humana* forma, quam rex in hoc throno sedens praefert, etsi Deo in genere aptari possit, ut Dan. VII.,

VII., quia sese ad homines adcommodat, et cum his agit, non tanquam Ens infinitum, sed humanae fragilitati ac imbecillitati, captuique hominis, convenienter, vera sua emphasi respicit ad magnum illud *mysterium*, quo Deus manifestatus est in carne, et homo factus est, adeoque Deum in Christo mediatore et sponfore, seu Christum *Ἰσχυρὸν* designat; in quo Deus rex est, et ipse cum Deo in throno ejus sedens. Qualis etiam hic occurrit, cum de regno Messiae incarnati et exaltati agatur; ut supra vidimus. Quam ob causam Dan. VII. *filius hominis* adpellatur, qui regnum a Deo Patre ibi fingitur accepisse, ad dextram ejus evectus. Cujus tituli loco hic *homo* simpliciter adpellatur, quia propheta Ezechiel passim *filius hominis* vocatur in hoc libro. Messias itaque hic intelligitur, et repraesentatur, qualis foret, cum secundum hoc visum rex coelestis fieret, non igitur, ut humana ejus natura praefiguraretur, sed quia eam hoc tempore, ad quod visum respicit, jam haberet; sicut Dan. VII. in scenam quoque prodit.

§. LVII. 1. *Species* denique, quam haec forma humana praefert, est in genere *ignea* tota, sed dimidia parte superiore *occulta* et inclusa, altera inferiore *splendens* instar *arcus coelestis*, adeo ut *ignis* in parte superiore fuerit quasi *domo* seu vase occlusus, inferiore parte splendorem, similem arcus, emiserit. Quo non tam expingitur, in Christi superiore parte, seu humana, multam claritatem et perspicuitatem, quam regni ejus administrationem esse a parte superiore et anteriore, et respectu consiliorum divinorum, eorumque causarum, finium et nexus, nobis occultam, sed a parte posteriore et inferiore per opera ipsa manifestam; esse praeterea formam regiminis ejus illustrem per duplicis generis virtutes, *justitiae* et *gratiae*, quae ab omni parte inde elucescunt, et secundum quas regnum administrat, peccatores et impenitentes puniendo severe, fideles et resipiscentes, leniter et misericorditer tractando, justitiam etiam et sanctitatem temperando longanimitate et bonitate. *Arcus*

est emblemata regiae administrationis, et colores ejus dominantes, *igneus*, seu ruber, et *viridis*, duarum illarum virtutum. Quae ab aliis abunde illustrata, hic tetigisse suffice-rit. Convenit autem haec imago proxime viso Moſis, quo non *faciem* seu anteriora, sed *tergum* et *posteriora* Dei vidit Ex. XXXIV. de quo in libris Diff. S. fuſius egi, nec non columnae *nubis* et *ignis* etc. cujus conſpectum myſticum dedit Cl. Vitr. Obſ. S., ut et viſo Jeſ. VI., quo vidit Jehovah *ſedentem ſuper throno excelfo* in ſancto ſanctorum et *fimbrias* ejus *replentes Templum*, ſeu *ſanctum*: ubi vid. Cl. Vitringa.

§. LX. Explicatione viſi, et litterali, et emblematica ac myſtica, abſoluta, nihil ſuperest, quam ut de *ſcopo* ejus aliquid moneam, et ad prophetias Ezechielis adcommodem; unde hypotheſis noſtra haud parum firmabitur. Cum enim conſpectum *inaugurationis* ſymbolicae prophetae in munere ſuo gerat, ut facile patet; prophetiarum ejus argumento reſpondeat, neceſſe eſt. Quod ſecundum noſtram tantum hypotheſin plene et perfecte facit. Repraefentantur enim *primum* judicia Dei in Judaeos et populos vicinos, per bellicas expeditiones exequenda, variſque vicibus repetenda, ſecundum quatuor regnorum ſucceſſionem: deſin populi Judaei inſtauratio perfecta per Maccabaeos, regno Dei inter Judaeos renovato, denique regni Meſſiae erectio, mox ſecutura. Quae omnia in hoc libro eodem fere ordine pertractantur. Agit enim hic liber de judiciis divinis in Judaeos, et populos vicinos, per omnia fere tempora Oeconomiae V., de judicio etiam in ſpecie in Syro-Maced., ſub nomine Gog et Magog, de inſtauratione populi et imperfecta poſt exilium Babylon., et perfecta ſub Maccabaeis, denique de regno Meſſiae, et Eccleſiae Chriſtianae, etiam ſub emblemate Hieroſolymae et Templi, myſtico ſenſu; etc. Quae omnia in ſeq. ſub manus venient.

C A P.

C A P. II.

§. LIX. **I**nauguratio ipsa, explicitè et directè facta, cap. II, III. comprehendit **N.** declarationem et instructionem verbalem, qua Deus ipsi injungit munus propheticum inter Israelitas, et instruit ac corroborat eum contra omnia obstacula vers. 3—7. praemissa narratione status prophetae; post visum superius, primum perturbati et infirmati, dein erecti, et roborati, vers. 1, 2. In praefatione dicit, se in faciem cecidisse perturbatum, et debilitatum, sed voce divina jussum consistere, et spiritu fuisse erectum, aptumque factum ad vocem divinam excipiendam; vers. 28. fin. cap. praeced., et vers. 1, 2. hujus. Ultima enim verba, *et vidi et cecidi in faciem, et audiui vocem loquentem*, manifeste cum hoc cap. cohaerent, inde male avulsa per pravam distinctionem capitum; cujus varia exempla produxi ad Mal. II: 17. Parum hic occurrit, nobis notandum. Verbo tantum observo 1. *vocem loquentis* esse ejus, cujus vers. 25. cap. I. facta fuerat mentio, adeoque, non *hominis*, throno insidentis, sed ejus, cujus symbolum erat *firmamentum*, adeoque Dei Israelis, legislatoris et judicis Israelitarum; qui prophetam misit ad *judicium* suum adnunciandum populo rebeli, nisi ad resipiscentiam se permoveri patiatur. 2. *Spiritus*, quo erectus est, fuisse vim divinam, cum jussu ejus, ut propheta staret, conjunctam. Hic Spiritus enim, qui ipsum intravit, simul *erexit* ad jussu Dei, ut pedibus constiterit firmatus, et ad verbum Dei audiendum aptus. 3. Titulum *filius hominis* ipsi dari hic et ubique, ut admoneretur *cum* de summo honore, quo cum vilis esset homo mactaretur, quod ad tantam cum Deo familiaritatem, et tam illustre munus vocaretur, *tum* de obligatione ad fidelitatem in hoc munere, cum ipse esset homo, et jubens Deus, *tum* de modestia servanda, ne aut suis viribus fidat,

H

aut

aut se extollat excellentia muneris et visionum. Ceterum, quod non homo, sed *filius hominis* ubique adpelletur, illud inde forte repetendum, quod inter Chaldaeos fuit vertitatus, ubi ea phrasis erat vulgata: quod observavit Ligti. Misc. cap. 4.

§. LX. Declarationis et instructionis divinae sunt sequentes partes. *a.* Prima habet, eum a Deo constitui prophetam inter Israelitas: vers. 3. *mitto ego te ad Israelitas*, scilicet, sine discrimine omnes, sive in exilio, sive in Judaea, sed in specie illos, in quorum medio debebat; cum ad *has* non nisi per *scripta* missus sit, nusquam enim legitur adiisse Judaeos in Cananaea. *Mitto* autem est, ut recte Pradus, et alii, *constitui* te mittere, et *prophetam* te pronuncio, sicut mox eo titulo insignitur, vers. 5. Nec emphasi caret pronomen *ego*, et *te*: dicit enim Deum, Dominum, regem, et judicem supremum Israelis, mittere *ipsum* filium tantum *hominis*, eumque inbecillum; sed a Deo corroborandum, ut mox habetur.

§. LXI. *β* Secunda pars atris coloribus depingit Israelitas, quoad statum eorum moralem, tanquam ab antiquis temporibus *defectores*, a Deo, legitimo Domino, et in defectione nunc cum maxime contumaces et obstinatos, qui omnem pudorem decoxerunt, *gentium* propterea rebellium potius, quam Israelitarum titulo insigniendos, vers. 3, 4. his verbis: *ad gentes obstrigillantes illas, quae in me rebellant contumaciter; illi et patres eorum eruperunt effuse in me ad hunc ipsum diem usque; et filios duos vultu, et valide adstrictos corde.* Sermo est valde emphaticus, et durus, de Israele, quo longinqua ejus, et summa ac insuperabilis corruptio, et defectio a Deo, ejusque foedere et lege, fortiter describitur, eaque ratione est concinnatus, ut *a.* status corruptus summatim proponatur, *b.* dein illustretur et deducatur latius. *a.* Prius his verbis: *ad gentes obstrigillantes illas, quae in me rebellant contumaciter.* Adpellat 1. Israelitas *gentes*; peculiari vinculo aut foedere cum Deo non con-

conjunctas; ut indicaret, eos sese respectu Dei tales habere et gerere; quemadmodum Hof. VI: 7. *illi sunt sicut homo h. e. gentes*, uti alibi observavi. Dubium vero non est, quin, non *gentes* proprie dictae, sed Israelitae eo titulo insigniantur, quae communior etiam est sententia, cum quod orationis structura requirat, non enim dicitur, et *ad gentes*, sed *ad Israelitas*, *ad gentes*, tum quod Propheta non fuerit ad *gentes* missus, licet contra eas quoque propheta-verit, quae longe diversa sunt, tum quod *gentes* dicantur *rebelles* contumaciter in Deum, et mox ad Israelitas id adplicetur. 2. *Gentium* epitheton licet satis odiosum, cum *gentes* essent contemptae in oculis eorum, non tantum iis datur, sed *gentium obstrigillantium*, seu contumaciter *rebellium* eximie sic dictarum; quare cum emphat. המורדים, quo titulo digni erant, quod vere tales sese praestarent erga Deum, Dominum et regem suum. Sic enim sermo est ordinatus, ut vocabulum *obstrigillantium* sit pro epitheto *gentium* habendum, et sequentia ad Israelitas pertineant, quibus exponitur titulus iste, Israeli aptatus. Sensus enim est, Israelitas recte appellari *gentes obstrigillantes*, quippe qui in Deum contumaciter sint rebelles. Verbum מרד proprietatem habet *stringendi*, *perstringendi*, et quidem gravius, ut quid adteratur, vel conteratur, et inde ad *rebellionem* transiit, qua quis Dominum regem acerbius perstringit, et pertinaciter *obstrigillat*. Vid. Schroeder Obs. Sel. ad Orig. Hebr. cap. I.

§. LXII. b. *Deductio* propositionis duo, vel tria, comprehendit ad statum, modo definitum, illustrandum, et adgravandum. 1. *Primum* est, quod effusa sit et summa depravatio, qua in Deum sese effuderunt sine ulla mensura, aut temperamento, verbo נשע expressa. Dicuntur enim *in Deum sese effudisse*, seu effuse eum offendisse, et ab ipso ac lege ejus summo gradu defecisse. Quam emphasin habet verbum, cujus propria notio est *erupit e cortice*, inde defecit, exorbitavit a lege; vid. Schult. clav. p. 271. Denotat

H 2

verq

vero *eruptionem* validam, qualis est aquarum perruptis aggeribus sese effundentium, et late grassantium; unde ad *effusam* corruptionem transit, quum quis fractis omnibus vinctulis sese in omne nefas pro lubitu effundit. Quo summus gradus et universalitas corruptionis emphatice pingitur. 2. *Secundum* est, quod inveterata sit, et a longo ducta corruptio; cum dicitur, *ipsi et patres ipsorum ad hunc ipsum diem usque* defecerunt effuse. In quo nihil est difficile. Tantum not. *emphasis, ad hunc ipsum diem*, scilicet, quo iudicium meum jam experti sunt ob defectionem suam, et in exilio degunt, poenam defectionis ferentes. 3. *Tertium* est, quod impudentes et obstinati sint, adeoque incorrigibiles in eo statu his verbis: *et filios illos duros vultu, ac valide adstrictos corde*, scilicet ex superioribus, *mitto ego te*; non enim cum seq. construenda sunt verba, sed praeced, ut nexus orationis docet. Quemadmodum vero *Israelitas* appellaverat *gentes rebelles*, ita nunc, ad rebellionem adgravandam, eos vocat *filios illos duros vultu, et constrictos corde* h. e. impudentes, nullo pudore molliendos, et obstinatos, ac incorrigibiles. Cum autem absolute *filios* eos adpellet Deus, *suos* aequae ac patrum intelligere potest; quos enim modo *eos et patres eorum* dixerat, hic *filios* nominat, eos itaque et *patres*, adeoque *filios* utrosque Dei et patriarcharum, sed *degeneres*, et *refractarios*, uti Jes. I: 2. et alibi.

§. LXIII. 7. Tertia pars instructionis exponit naturam muneris, et eventum missionis prophetae ad Israelitas vers. 4, 5. his verbis, *ego mitto te ad eos, et dices iis*, vel, *ut dicas*, sic dixit Dominus Jehova, et illi, *sive audiant, sive flaccescant*, quia domus obstrigillationis sunt, et *cognoscent*, prophetam fuisse in medio ipsorum h. e. mitto te ad eos, tanquam prophetam, qui meo nomine et autoritate loquiturus est, quemcunque effectum habeat munus tuum, sive verbis tuis auscultent, sive sese flaccidos et torpidos praebeant, qui nihil moventur verbis tuis, quod verius est, et magis expectandum, quia sunt refractarii et obstrigillantes, quicquid

quid eveniret, illud constabit, et experientur, prophetam fuisse inter ipsos, qui eos ad meliorem frugem voluit revocare, adeo ut inexcusabiles sint futuri, et interminationes ejus non fuisse vanas sensuri. Verba continent muneris prophetici *descriptionem*, et *eventum* ejus declarant. Prius in eo situm est, quod *verba Dei* sit elocuturus, seu nomine et autoritate *Jehovae* acturus, quod est, *dices iis, sic dixit Dominus Jehovae*; quae solennis erat formula prophetarum, satis nota. *Posterius* duplicem comprehendit eventum, *alterum* dubium, seu in incerto relictum, *alterum* certum. Prior his verbis profertur, *sive audiant, sive flaccescant*, quia *domus obstringillationis sunt*, quae licet in dubio relinquunt, num obedituri sint nec ne, posterius tamen locum habiturum esse tacite insinuat, cum additur, eos *esse refractarios*; utique in initio tales se praestarent, licet non defuerint, qui obedierint; postea tamen ad meliorem mentem adducendi; uti docuit experientia. *Posterior* est, reapse, quacunque ratione se gesserint, constituturum et experientia esse manifestum futurum, *Ezechielem* fuisse verum prophetam, et inter eos munere functum, cujus et minae et promissa implementum consequerentur, contumaces sua culpa, et cum propria convictione fore miseros. In verbis nihil est difficile, non saepe alibi expositum: quare nihil addo, nisi verba, *ego mitto te ad eos*, cum seq. connectenda et repeti, quia *modus*, quo munere fungeretur, et *eventus* hic traditur.

§ LXIV. *Quarta* pars est consolatoria, qua animus ipsius corroboratur contra quascunque hostiles Israelitarum oppositiones, quas subiret propter eorum perversitatem et obstinationem, vers. 6, 7. *Et tu, fili hominis, ne metuas ab iis, et a verbis eorum, ne metuas*, inquam, *quod refractarii sint, et spinas tecum, et ad, vel apud, scorpiones tu habites; a verbis eorum ne timeas, et a facie eorum ne converteris, quod domus rebellionis obstringillantibus sint; et loqueris verba mea ad ipsos, sive audiant, sive flaccescant, quia do-*

mus obstrigationis sunt. Quae admonitionem comprehendunt de non timendo a facie aut verbis eorum, sed verbis Dei fidenter ac fideiiter proferendis, cum consolatione, quae omnis ratio timendi aufertur, conjunctam, sed bis cum insigni emphasi et variatione repetitam, adeo ut *a.* admonitio consolatoria hic occurrat, *b.* ejus repetitio emphatica. *a.* Admonitio his verbis profertur; *et tu, fili hominis, ne metuas ab iis, et a verbis eorum, ne metuas, quod refractarii sint et spinæ tecum, et apud scorpiones tu habites.* *h. e.* iratas et autoritate praeditas facies, verba quoque superbiae, irarum et minarum plena, offendes, quia sunt refractarii, spinarum et scorpionum instar, apti ac parati ad te lacerandum, et laedendum, quibuscum tibi res erit; ne propterea absterrearis, sed auctoriter age, nec mali quid ab iis timeas; sed securus sis. Verba nihil habent difficilis, quare paucis defungar. *Ne timeas ab iis et verbis eorum* (vultus et verba eorum ne tibi timorem incutiant, quo in loquendo et agendo te subducas, aut mali quid expectes. Cum dicitur, *ne timeas ab iis et verbis eorum*, respici videtur ad *facies* et *verba*, ut mox exponitur, adeoque scelus esse, nec auctoritatem, majestatem, aut irrisum et iram, quae per *vultum* significantur, nec *verba* aut contemptus, aut interminationis, aut prohibitionis, ipsum deterrere debere, aut metum mali incutere) *ne timeas* (repeto majoris emphasis ergo, ut altius in animum tuum penetret, et animosior fias ac securior) *quia refractarii sunt et spinæ tecum, et apud scorpiones tu habitas* (propterea quod tales sint, et eos experieris, ne timeas; sunt revera refractarii, et spinarum ac scorpionum instar, sed illud tibi metum non incutiat, nec tibi nocebit. Adpellantur סרבים *refractarii*, seu rebellantes, et audire recusantes; quae potestas est verbi סרב apud Qhald., ut observavit Boch. H. p. II. l. IV. c. 14. Concipit usus apud Arab., quo liberam *vagationem* denotat, omni vinculo soluto. Forte rectius per *urticas*, herbas adurentes, vertitur cum aliis a rad. סרב *arere*, uti in cognatis

natis radicibus שרר, et שרר obtinet: quod cum seqq. epithetis est conjunctus, etiam cum praeced. *ne metuas*: Latin. *artica* etiam est ab *urendo*. Dein comparatur cum *spinis* et *scorpionibus* ad animum et potestatem nocendi, carpendi, lethali plaga adficiendi, exprimendum. Vox סלן *spina* est a סלל proprie *nectere, connectere, implicare*, unde varii usus fluxerunt, et *spinarum* notio derivari potest, quod sint quid *impliciti*, et *implicent*. Sic altera vox, spinas denotans, שרר est a rad., quae *texere* dicit, et *texendo* implicare. Vox עקרב *scorpionem* denotat, et *virgam aculeatam*, ut docuit Boch. H. ib. c. 29., qui derivat a עקרב *aculeo pungente magno*.)

§. LXV. b. Admonitionis repetitio cum emphasi et variatione his verbis fit, a verbis eorum *ne timeas*, et a faciebus eorum *ne consterneris*, quia domus rebellionis sunt; et loqueris verba mea ad eos, sive audiant, sive flaccescant, quia rebellio sunt. Triplex praecipue hic occurrit variatio a praecedentibus. 1. Prima est, quod verbo *metuendi* addatur *consternandi*, emphasios ergo; plus enim dicit quam *metuere*; majorem metus gradum, quo mens quasi *conteritur* et *friquitur*, quae propria est verbi שרר potestas; vid. ad Jer. 4: 17. ubi eadem occurrit admonitio, Jeremine facta. Sensus est, *ne metuas*, nedum, vel multo minus, *consterneris*. 2. Secunda est, quod admonitioni de metu deponendo addatur de verbis Dei *eloquendis*, intrepide scilicet et fideliter; adeo ut *metuere* non tantum non debeat, sed officio prophetiae et animose et studiose defungi in verbis Dei proferendis coram ipsis. 3. Tertia est, quod *eventus* repetatur, *sive audiant, sive flaccescant* etc. uti supra vers. 5. habuimus. Emphasi non caret, quod non, ut inodo, domus rebellionis, sed ipsa *rebellio* adpellantur, abstractio pro concreto sumto, ut *perfidia* pro *perfidio* Nah. III: 1. et *scelus* pro *scelere*. etc.

§. LXVI. 2. Secunda pars complectitur solennem inaugurationem, qua munus ipsi est delatum, et ab ipso susceptum,

tum, sub emblemate vel symbolo *voluminis*, manu coelestis ipsi porrecti, et expositi, ita ut argumentum ejus perceperit, dein in os, sponte ab ipso apertum, ingesti, et in ventriculum immissi, cum suavi gustu in ore vers. 8—III: 3. Quae pericopa cohaeret, ut facile cernitur, male per capitulum divisionem divulsa. Praemittitur admonitio de munere prophético admittendo, et fideliter obeundo; vers. 8. his verbis: *Et tu, fili hominis, audi quicquid ego ad te loquor, ne sis rebellis sicut domus rebellionis hujus.* Quae eo tendunt, ut munus sponte suscipiat, et accurate exequatur, si-bique ab exemplo populi rebellis studiose caveat imitando, ne sese in Deum refractarium praebeat, munus detrectando, aut male faciendo. *Rebellio* populi et prophetae, cujus hic fit mentio, non est eadem, sed diversa intelligenda, cum populi sit in legem et foedus Dei in genere, sed prophetae in hoc Dei mandatum, quo munus propheticum ei injungitur; uti ex scopo et antecedentibus verbis, quibus *audire* jubetur, quod *Deus* ad ipsum loquitur, manifestum est: *verba Dei* enim *audire*, et *rebellem* esse opponuntur; adeoque *rebellem* esse dicit *non audire verba Dei*, ipsi proferenda data. Nihil hic praeterea notandum, praeter emphasin vocis *דָּבָר* cum *וְ* demonstrativo. Non enim *domus דָּבָר*, ut modo, sed *דָּבָר* adpellatur, ut digito monstretur populus Israelis, adeoque sit, *domus ista* vel *istius rebellionis*.

§. LXVII. Symbolum, quo inauguratio fit, et confirmatur, muneris injunctionem non tantum comprehendit, sed et prophetae adiensum, quo sese ad illud suscipiendum et exequendum demonstravit paratum: quod ad plenam inaugurationem erat necessarium. Situm est in *volumine libri*, seu membrana, convolvi solita pro more Veterum, de quo dixi ad Ps. XL: 8., *intus et extus scripto*, adeoque non magno, sed presse scripto, ut facilius deglutiri posset, cum *inscriptione* argumenti; quo refertur verba vers. 10. *et scriptum super eo, planctus, exaestuatio suspirii, et anxietas profunda*: non enim verba scripturae in hoc volumine, ut vulgo putatur,

satur, sed *inscriptionis* vel *rubricae*, intelliguntur, cum quod intus et extus erat scriptum volumen, non ergo tria tantum haec vocabula continebat, tum quod non dicitur *scriptum in eo*, sed *ad* vel *supra* illud ad titulum vel inscriptionem voluminis indicandum: unde de argumento scripturae constabat. Titulus libri itaque erat, *planctus, aestuatio et lapsus*, seu summa tristitia et miseria, in lamenta gravia coniciens. Prima vox קנים *plausus* vel *planctus* denotat, a rad. קן proprie *plaudere*; unde ad *planctum*, et *cantum lugubrem* transit. Secunda גרה proprietatem habet in *exaestuatione*, seu fervore aestuante, unde inter alia denotat *gemitum, rugitum, suspiria* ex profundo cordis commoti aestuantia. Vid. Schult. ad Prov. XXV: 4. Tertia הוי vel est vocula lamentantis, a sono ficta, ut אה, et אהה, אה, *ah, vas*, vel ab הוי proprie *cecidit*, et quidem *lapsu* in profundum, unde inter alia transit ad casum vel *lapsum mentis*, prae moerore vel anxietate in vastissimum aliquod profundum praecipitatae, Prov. XIX: 13. Job. VI: 2. XXX: 13. ad quae loca vid. Cl. Schult.

§. LXVIII. Hoc volumen vidit propheta in manu alicujus ad ipsum porrecta; (ubi obiter notetur pro בן legendum בה in ea; respicit enim ad פ foemin, ut Ccd. Mss. quoque habet, ut postea vidi, apud Kennicot) quem non nominat, sed quem unum fuisse de *animatis*, ex superiore viso facile patet, conf. etiam c. X. Vidit autem primo *complicatum* in manu angeli, dein *evolutum* et *expansum* coram se, ut illud intus et extus fuisse scriptum animadvertere potuerit, dein rursus *convolutum*, cum inscriptione, seu titulo, cujus meminit; quando jussus est *os aperire*, ut deglutiat: dictum enim ipsi est, *quod inveneris ede* h. e. quod tibi praesto est, ut possis uti, quod hic *invenire* dicitur, ut Jer. XV: 16. quo facto, in os suum vidit illud ingestum, ac in *ventriculum* demissum, absque ut dentibus illud fregerit: quod verba indicant c. III: 3. *et dixit mihi*, (scilicet ipse ille, qui c. II; 1. et deinceps prophetam est adlocutus) *fili hominis!*

minis: ventrem tuum comedere facies, et viscera tua repedis; non ergo ore, sed ventriculo comederet, et per os apertum tantum demitteret non mansum in ventriculum et viscera; quod etiam est naturae rei convenientius; cum volumen non sit manducationi aptum. Tetigit tamen palatum et linguam, cum *suave* illud esse gustaverit, his verbis: *et comedi*, vel potius *comedi illud*, ut Graeca versio habet, leg. *ergo* אכלה cum ח' mappik., *fuitque in ore meo instar mellis prae dulcore*. Singulare est, quod dicat *in ore* tantum fuisse dulce; quo videtur indicari, illud superficiem habuisse mellitam, sed intus amaritudinem, adeoque dissolutum in ventriculo alium habuisse effectum, licet expressa ejus non fiat mentio: quod ex vers. 14., ubi acerba *tristitia*, qua animi adfectione post hoc visum legitur abiisse, confirmatur; non quidem *ventris* amaritudinem, ex libello deglutito ortam, memorat, videtur tamen eo respexisse, cum rem ipsam, per *ventriculi amarorem* depictam, exprefferit. Accedit, Ap. X. in simili viso, nostro plane respondente, illud ipsis verbis occurrere.

§. LXIX *Sensus et scopus emblematis* non est in difficili, quare paucis desungar. Tendit manifeste ad prophetam in unere prophetae inaugurandum, ac confirmandum, et a *parte Dei* repraesentat ipsum munus, ipsi a Deo demandatum, ejusque officii naturam, et modum exequendi, a *parte* vero prophetae ejus promittitudinem ad illud implendum, una cum animi adfectione partim grata, partim tristi. *Libellus*, cum dura illa inscriptione ipsi divinitus datus, in ventriculum demittendus, significat a parte Dei 1. ipsum notitia voluntatis Dei esse immediate a Deo imbuendum, et verba proferenda ab ipso hausurum, 2. materiam fore maximam partem tristem et lamentorum causam, 3. revelationem ipsi factam toto animo esse recipiendam, et recondendam, ita ut eam recte sit percepturus, et memoria retenturus, meditationibusque continuo ruminaturus: quem admodum usitata phrasi homines dicuntur libros *devorare*, ac

in succum et sanguinem convertere. 4. Eum itaque aptum esse reddendum ad voluntatem Dei perite et promte adnuntiandam, et ex intimo corde quasi eruendam: quod ipsi faciendum injungitur; c. III: 1. et deinceps fusius vers. 4. Cum vero propheta *os aperuerit*, et libellum in ventriculum admiserit, simul *suavitatem* in ore, et *amarorem* in ventriculo expertus sit, significatur 1. ipsum hoc munus sponte et pleno consensu adiungere, 2. fidelem functionem promittere, 3. cum delectatione quidem in omni verbo Dei, ipsi revelando, acquiescere, tanquam Deo glorioso, et hominibus utili, quod est *ore* gustare suavitatem libelli, sive iudicio sano, per palatum et gustum expingi solito, illud adprobare tanquam iustum, sanctum et bonum. Sic in proverbiali locutione, *auris explorat verba, ut palatum gustu explorat cibos* Job. XII: 11. XXXIV: 2.— ubi vid. Schult., atamen 4. tam duram et tremendam revelationem, severum iudicium in populum Dei complexam, ejusque rationem in horrenda populi contumacia sitam, acerbum in propheta, prae affectu ergo populum, suscitare moerorem, per *amaritudinem ventriculi* expictum; de quo ad vers. 14. dicemus. Conf. Jer. XV: 17. et ibi dicta.

C A P. III.

§. LXX. 1. **T**ertia pars continet actualem *missionem*, inaugurationi jam factae apte subjunctam, una cum instructione indolis populi et effectus missionis, ac consolatione, eamque *bis* factam, vers. 4—11. Hac enim ratione cohaeret haec pericopa, quae missionem prophetae, post factam solennem inaugurationem, complectitur, *bis* cum insigni variatione et emphasi factam, *primum* vers. 4—9. dein repetitam vers. 10, 11. In *priori* parte occurrit a. mandatum de domo Israelis adeunda cum verbis Dei in *ora* vers. 4.

b indolis populi perversae, et frustranei effectus inde oritur, declaratio vers. 5—7. *c.* consolatio et corroboratio prophetae contra duritiem et contumaciam populi, qua omnis metus ipsi interdicitur, vers. 8, 9. *a.* Missio prophetae his verbis vers. 4. *Fili hominis! iso, adi domum Israelis, et loqueris ipsissima mea verba ad eos:* ita enim recte vertitur vox כִּדְבָרִי, cum כִּ elegantem suum usum hic exserat, quo cum emphasi redundat, vel intimam rei naturam denotat, uti saepe alias; ceteroquin etiam posset verti, *verbis meis eos adloqueris:* sed prius est magis emphaticum. *b.* Instructio prophetae, quoad indolem populi et effectum irritum concionum ejus, habet, Israelitas, licet ad audiendum aptos, verba ejus sponte et obstinate esse spre-
turos, vers. 5—7. his verbis: *Quia, vel quamvis, non ad populum profundis labiis et gravibus linguis tu missus sis, ad domum Israelis, nec ad populos multos profundorum laborum et gravium linguarum, quorum verba audire, vel intelligere, non poteris, si non ad eos tales te misi, ipsi utique te audient, vel audire deberent; attamen domus Israel te audire nolent, quia me audire nolunt, quia tota domus Israel fortes sunt fronte, et duri corde.* Quorum sensus est, Israelitas, licet ad prophetam audiendum et auscultandum facultatibus idoneis instructos, illud tamen ex perversitate animi et obstinatione voluntatis esse recusaturos, adeoque scopus est, irritum non tantum concionum prophetae effectum tradere, sed et rationem ejus pandere, non in defectu facultatum populi, sed perversa ejus voluntate sitam: sicut et alibi a prophetis declaratum est, populum habere oculos ad videndum, aures ad audiendum, nec tamen videre ac audire. Ez XII: 2. Hunc sensum et scopum esse pericopae ex verbis recte intellectis, et nexu vers. 7. cum praeced., facile patescit. Quod enim vers. 5 et 6. dictum erat, eos esse aptos ad audiendum, cum verba prophetae recte possint intelligere, et tale quid ab hujusmodi populo expectari posse, illud vers. 7. negatur ab ipso praestandum esse propter voluntatis et animi obstinaram perversitatem.

vitatem. Constat itaque pericopa e *duabus* partibus, quarum prior exponit quid possit populus, et ab eo expectandum sit, posterior vero tradit, quid facturus sit, et quare? quia Deum audire prae cordis duritie sit recusaturus.

§. LXXI. In *prior*e parte *a*. occurrit populi aptitudo ad audiendum, vers. 5, 6. *β*. expectatio, in ea fundata, boni eventus vers. 6. in ult. membro. *a*. Aptitudinem populi haec verba declarant vers. 5, 6. *Quia*, vel *quavis*, non ad populum cum profunditatibus labii et linguae gravitatibus tu missus es ad domum Israelis, non ad populos multos profundos labio, et graves lingua, quorum verba non audies, vel intelliges. Quorum sensus est, ipsum non esse missum prophetam ad populum Israelis cum lingua barbara, et ipsis non intelligibili, nec ad populos variarum linguarum, quas ipse non intelligebat, sed ad populum unum, quocum sermonem conferere poterat, cui nec ipse barbarus erat, nec is ipsi; sed scopus est exponere, Israelitas fuisse idoneis praeditos facultatibus prophetae conciones intelligendi, et admittendi; sed, non obstante hac aptitudine, eos renuisse audire, ut mox sequitur. Vocula itaque *quia* hic omnino vertenda est *quavis*; uti saepe alias, uti ad Gen. IX. demonstravi. Quando oratio omnibus partibus recte fluit, et facilis est intellectu. Duo autem videntur negari de sermone prophetae, respectu populi, ad quem a Deo mittitur, *alterum*, eum non esse barbarum populo, *alterum*, populum non esse variarum linguarum et ignotarum, quae prophetae sunt obscurae, ut indicaretur, prophetam mitti ad populum et unius linguae, et vernaculae prophetae, ita ut commercium sermonis inter ipsum et populum sit facile intellectu, quatenus et ipse ab eo capi, et ipsius sermonem capere possit; praeterea populus sit, ad quem mittitur, non peregrinus, sed proprius et familiaris. Prius vers. 5 indicatur his verbis, *non ad populum cum profunditatibus labii, et gravitatibus linguae, tu missus es ad domum Israelis*, h. e. ad populum, scilicet domum Israelis, non es missus cum lingua

lingua ignota et barbara, sed vernacula et facili intellectu; sic enim rectius videntur verba capi et verti, quam vulgo solet, ita ut *profunditas labii et gravitas linguae* respiciat ad prophetam, ejusque sermones relate ad Israelem, cui ipse sit barbarus, cum quod distinguatur a populis, quos ob barbarum sermonem ipse intelligere non poterat, ut expresse additur, *tum quod* Jes. XXVIII: 11. Deus declaret, se in poenam populi obstinati locuturum esse ad eum *labijs balbis, vel ridiculis, et lingua peregrina*. Voces itaque, *profunditates labii, et gravitates linguae*, non sunt cum *עם* populo construendae, acsi populus tali labio et lingua esset praeditus; sed ad prophetam loquentem referendae, qui tali labio et lingua uteretur, adeoque supplenda praepositio *ב* ante *עם*, in vel *cum*; quae Jes. l. c. additur, vel etiam particula *עם* cum censeretur posset ex praeced. *עם* excidisse, et *עם* ac *כדרי* substant. capi debeat, vertique per *profunditates et gravitates*, sicut Jes. l. c. *בלנעי* in vibrationibus ac contorsionibus labii. Prior vero phrasus videtur ad linguam incognitam, posterior ad vitium pronunciandi respicere, ita ut *profunditas labiorum* sit lingua abstrusa, in profundo latitans, et longe ab intellectu audientis remota, *gravitas* vero linguae sit pronuntiatio difficilior et impeditior, lingua non facili ad movendum, sed *gravi* et onerosa: quemadmodum Moses se dixit *gravem ore et lingua* Exod. IV: 10. oppositae ad virum disertum et promptum eloquio. Praeterea *prior* phrasus referri potest ad *res*, *posterior* ad *linguam*, qua proferuntur, ut sensus sit, prophetam ad populum mitti, nec cum rebus abstrusis, nec cum lingua ignota, sed res prolaturum populo non ignotas, quippe saepius ab aliis prophetis inculcatas, easque faciles captu; lingua quoque usurum vernacula. *Labia* pro rebus per labia prolatis, et *linguae* pro verbis et vocibus, facile sumuntur. Conf. Cl. Vitringa ad Jes. XXVIII: 11. *Gravitas linguae* recte ergo usurpatur de lingua peregrina, per quam quis audienti videtur *balbutire*, quatenus non intelligit, *magis quam balbutientem*. *Posterior* ad

ad populos barbaros, et rebus et lingua, respiciens, ita habet vers. 6. *non ad populos multos, profundos labio, et graves lingua, quorum verba non audies, scilicet missus es, ex praecedentibus.* Quorum sensus est, ipsum non ad multos et peregrinos populos mitti, quorum nec doctrinam et instituta nec linguam novit, sed ad populum unum ejusdem secum religionis et linguae, a quo facile intelligi poterat, et fructum concionum exspectare debebat, quem sibi promittere non poterat inter peregrinos et gentiles, a quorum institutis et lingua erat alienus, ita ut *audire* non potuerit. Huc enim verba tendunt, ut doceatur, prophetam ad eos non mitti, apud quos nihil proficere posset, quales sunt gentiles et peregrini.

§ LXXII. β. Subjungitur etiam eum in finem expectatio boni effectus concionum prophetae inter Israelitas, quia non ad tales peregrinos et barbaros, sed populares et familiares mittebatur; his verbis vers. 6. fin. *si non ad eos tales misi te, ipsi audient te* h. e. cum te ad tales populos, *profundos labio et graves lingua* non mittam, quorum instituta et verba a te sunt aliena, sed ad populares, eorundem tecum institutorum et linguae, nec cum profunditatibus labii ac gravitatibus linguae, ipsis non abstrusa, aut lingua peregrina, annunciaturum, utique audire te deberent, et merito ab illis hoc exspectaretur. Qui sensus, sicut scopus et nexui est adcommodatus, uti facile cernitur, ita ex verbis sese sponte offert, modo notetur, 1. negativam locutionem per reticentiam involvere positivam contrariam, hac ratione, ut in paraphrasi expressi; *non ad eos tales, sed alios, populares scilicet et ejusdem linguae* etc. 2. pronomen **הם** illi respicere ad eos, qui non tales erant, sed populares, ut sint illi, ad quos te mitto, populares et ejusdem linguae, 3. *audient te* esse pro et debebunt, et facerent, si non obstinati essent animi, et volentes responderent. Quod non est difficile. Interpretes haec verba passim capiunt ac si dicere vellent, peregrinos audituros esse, si

✠ expunctum velint, ut versiones antiquae, sive, voce ✠ non retenta, capiant vel non obstante linguarum discrimine, ut sit interrogative, *nonne*, si ad tales te mitto, te audient, sive affirmative quasi per iuramentum, *si non futurum sit* etc. vel sublato linguae discrimine, ut sit, si tales non essent gentiles, profundi labio et graves lingua, et ad eos te mitterem, *audirent te*. Quae omnia valde aliena sunt et a scopo, et re ipsa, et verbis. Quibus non immorabor. Nostra interpretatio sponte sese commendat.

§. LXXIII. *Posterior pericopae pars, quae tradit, quid facturus sit populus, et quare? his verbis continetur vers. 7. et, vel attamen, domus Israel nolent audire te, quia nolunt audire me, quia tota domus Israel fortes fronte, et duri corde ipsi.* h. e. quamvis non sint peregrini, sed populares, ne tu profundus sis labio, gravisque lingua, adeoque deberent et possent te audire, illudque expectandum foret; longe secus tamen eveniet, non audient, quia *nolent* te audire, quod mihi omne obsequium renunciarint, et impudentes sint ac obstinati. Culpa itaque penes ipsos erit, et ratio in obstinata eorum pravitate quaerenda. Hac ratione omnia recte fluunt, et faciles habent explicatus. Emphasin habet 1. quod habeatur, *non volent audire*; significatur enim eos posse, et debere, sed *nolle*; esse itaque *voluntariam*, ex libidine ortam, inobedientiam. 2. quod in fin pronomen *הם* ipsi repetatur, quippe quod ad praeced. *הם* vers. 6. respiciat, ut de ipsis illis cogitarem, *qui audirent*, vel deberent et possent, vers. 6. Reliqua sunt facilia

§. LXXIV. c. Consolatio et corroboratio prophetae vers. 8, 9. his verbis subjungitur, ut c. III: 6. habuimus. *Ecce vultum tuum fortem posui e regione vultus ipsorum, et frontem tuam validam e regione frontis ipsorum, instar durissimi lapidis rupe firmioris reddidi frontem tuam, non timebis eos, nec consterneris a facie eorum, quia domus rebellionis ipsi.* Quae planiora sunt, quam ut nos detineant. Promittit Deus prophetae animum constantem, intrepidum et firmum contra ipsorum

ipforum impudentiam et obstinationem, auctoritatem, potestatem et minas; imo firmissimum, nulla re frangendum, instar durissimi lapidis, rupe fortioris; adeoque exigit, ut non metuat, nedum consterneretur; uti supra c. II: 6. Vox **אֶבֶן** proprie non est *adamas*, sed lapis tam durus, ut eo gemmarii ad gemmas expoliendas utantur. Vid. Boch. H. p. II. l. VI. c. 11., qui lapis adpellatur *smiris*. Vid. Harenberg in mus. Brem. vol. II. p. II. p. 287. Radix est **אֶבֶן** proprie *constringere*, et ita *compingere*, unde **אֶבֶן** lapis fortiter compactus, et ita durus.

§. LXXV. Repetitio missionis, cum variatione et emphasi facta, ita habet vers. 10, 11. *Et dixit ad me, fili hominis! omnia verba mea, quae ad te loquar, recipe in cor tuum, et auribus tuis audi, et ita adito transmigrationem, filios populi tui, et loqueris ad ipsos, dicesque ipsis, sic dixit Dominus Jehova; sive audiant sive flaccescant, seu desinant.* Missionem hic repeti, facile cernitur, sed notanda est variatio, quacum sit. 1. Quod supra in genere dictum erat, *eum verba Dei elocuturum*, illud hic circumductius fit, et ad omnia, qualiacunque, et cujuscunque naturae, verba extenditur; *omnia verba*, dicit Deus, *quae loquar ad te*. 2. Additur et hic, eum verba Dei *in cor recepturum*, et *auribus auditurum*; quo haud obscure respicitur ad libellum in *ventriculum demissum*, et *ore gustatum*; illudque emblemata hic exponitur, *demissioni in ventriculum respondet receptio in cor*, et *gustationi oris, seu palati, auditus aurium: auris enim explorat verba, ut palatum gustu cibos* Job. XII: 11. XXXIV: 2.— de quo supra dixi. Ex quo simul patescit, *auribus audire simul comprehendere verborum Dei dijudicationem et adprobationem*. 3. Qui supra in genere dicti erant *domus Israel*, illi hic distinctius adpellantur *transmigratio et filii populi prophetae*; ut indicaretur, eum in specie et directe mitti ad Israelitas et Judaeos in exilio degentes, in quorum medio versabatur; quo vox **גֵּר** ducit, proprie *deterfio, denudatio*; unde ad *exules*, libertate et patria denudatos ac

K

deterfos,

detentos, transfertur: iubetur vero adire *exsules*, quia in visione alio erat transportatus, sicut visione finita ad eos tendere traditur. v. 15. Additur epitheton *filiorum populi* prophetae, ut indicaretur, eos esse non peregrinos, sed populares, eorundem institutorum et flaguae, ut supra habuimus, praeterea *populum* prophetae potius esse, quam *Dei*, qui se Deo immorigeros praestiterant, et quasi a Deo erant exterminati. 4. Denique, additur quoque hic expositio et *muneris prophetiae, et eventus ejus*, uti supra c. II: 4, 5 —

§. LXXVI. *Inauguratione*, partim emblematica partim anda oratione, peracta, vidit propheta in visione se a spiritu alio transferri, et symbolicam gloriae Dei repraesentationem auferri, ipseque, ad se redactus, spiritu leniore est adprehensus, et e loco illo, ubi visio ipsi obtigerat, discessit, effectum visi in animo amaro retinens. Quae summa est pericopae vers. 12—14. qua finis et exitus visionis praecedentis narratur, qui verus est pericopae conspectus: cuius *duae* sunt partes, *altera* ad visionem adhuc pertinens, *altera* ad prophetam extra visionem constitutum; prior occurrit vers. 12, 13. *posterior* vers. 14. Prior in visione comprehendit prophetam abductionem, et symbolicam gloriae Dei repraesentationem e medio sublatam. adeoque visi cessationem, vers. 12, 13. *Et abstulit me spiritus, et audivi post me sonum ingentis fragoris, valedicta sis gloria Dei e loco suo! et sonum alarum animatorum, se invicem adtingentium, et sonum rorum juxta ea; et sonum fragoris ingentis.* Quae ad simplicem sensum redacta nihil aliud deunt, ac finitum fuisse visum, propheta abducto, et gloriae Dei symbolo ablato: quod Interpretes minime recte perceperunt. Constituunt autem haec partem visi, sed ultimam; quatenus visum penitus cessavit: cuncta, supra memorata, in visione itaque prophetae obtigerunt, quae nunc finita est. Vidit autem a. se a spiritu tolli et alio transferri; non ergo vere et corporaliter est sublatus, sed in visione tantum; uti phrasis indicat, et seqq. extra dubium collocant, quibus narratur, ipsum

facti abiisse spiritu ducente; non ergo vere in sublime raptus et transportatus est, sed in visione, in signum discessus mox secuturi. Quod enim in visione sibi contingere vidit, illud ipse mox abundo praestitit et implevit. *b.* Statim ac tergum sibi visus sit vertere, audivit, in visione quoque, symbolum gloriae Dei ingente cum strepitu e loco suo auferri. Audivit autem 1. *sonum ingentis fragoris clamantium*, *benedicta sit gloria Jehovae e loco suo*, h. e. sonoram et streperam vocem multorum clamantium audivit, dicentium cum benedictione, discedat hinc gloria Jehovae. Ad quorum intellectum not. 1. verba, *benedicta sit gloria* etc. habenda esse pro vocibus sonoris, quas audivisse se dicit, adeo ut haec verba audiverit magno cum clamore prolata; quod ex structura orationis clare elucescit. 2. Verba esse valedictoria, quibus alicui discedenti cum fausta adprecatione aut gratulatione adclamatur. Quo nos clare dicit vox *מקום* *e loco suo*; quam minus recte expediverunt Interpretes, qui varia commenti sunt; *e loco suo* nihil aliud est ac *e loco suo* discedens *benedicta sit gloria Jehovae*. Intelligitur itaque hic ipse locus, quo gloria Jehovae adparuerat prophetae in illustri hocce symbolo, unde nunc discedebat; voces autem, *benedicta sit gloria Jehovae*, sunt faustae adclamations, quibus gloriam discedentem laeti et gratulabundi prosequuntur coelestes spiritus. Quem significatum verbum *ברך* subinde habet, sive in bonum, sive in malum, ab interpretibus minus observatum, nam *ברך* *benedicere* usurpant, amat, verba sunt Cl. Schult. ad Job. II: 5., *pro validicare alicui*, *hinc porro gradus factus ad usum secundarium vel triumphum, quo valere jubemus ea, quas rejicimus, seponimus, amandamus, parum curamus*, etc. Proprie itaque, ut hic, pro fausta et grata adclamatione valedictoria sumitur, quae hic uni-e locum habet. 2. Praeter has voces valedictorias audivit streperum sonum *alarum* animatorum se plaudentium, et *rotarum*; eoque gravata et ingentem, instar soni ingentis fragoria. Ultime enim voces, *et sonum ingentis fragoris*, distinctum

distinctum aliquem sonum ab eo alarum et rotarum non designant, sed superioris soni adtributum, seu gravem esse sonum denotant, sicut modo sonus clamantium, *benedicta sit* etc. quoque cum tali sono fuit comparatus. Accedit, ionum alarum supra cum sono aquarum multarum fuisse collatum c. I: 25. Potest itaque ם in לִקְרִי ult. membri sumi pro ם sicut: uti haud infrequenter alias. Reliqua sunt facilia. Selecta phrasis est, qua alae dicuntur aliae alias מְשִׁקֵּי אֵרֶץ arte comprehendentes ad sonum edendum, et plaudentes cum sonitu, ut in osculando fit, cum labra labris arte adpinguntur, et fortiter non sine sono. Proprie enim שִׁקֵּי dicit labra labris conjunxit, et arctius adpoluit, unde est, *arctius adhaesit*.

§. LXXVII. Posterior pars tradit, prophetam, visione finita, ab eodem spiritu, a quo in visione erat abreptus, fuisse adprehensum, et ductum, ac alio discessisse ad locum suum, vel solitarium, quo meditationibus visi posset incumbere, et adfectui indulgere, ex hoc viso orto; vers. 14. *Et, vel cum, spiritus abstulit me, et, vel tunc, adprehendit me, et abivi amarus in aestuatione spiritus mei; etenim manus Jehovae fuerat super me valida.* h. e. Postquam visus mihi fuerim a spiritu raptus in sublime et abreptus, contigit mihi, ad me rediit, et visione finita, ut ab eodem spiritu fuerim adprehensus, et, eo ducente, discesserim in locum alium, quando amaro et aestuante adfectu sui occupatus super viso, et munere mihi demandato: fuerat enim *manus Dei super me valida* in viso, mihi oblato. Hunc existimaverim verum esse verborum conspectum et sensum. Duo de se, post visionem finitam, tradit, *alterum*, se fuisse a spiritu adprehensum, *alterum*, se tristitia fuisse ob visionem illam, et zelo aliquo repletum. Prius his verbis, *et sustulit me spiritus et adprehendit me* h. e. cum me in visione sustulisset spiritus, ea cessante me adprehendit, et totum occupavit, sibi vindicavit in posterum, tanquam prophetam, a spiritu Dei agendum et ducendum. Interpretes se
hic

hic implicuerunt, quod non obseruarint, verbum *suscepit me* ad visionem pertinere, et alterum *adprehendit me* exponere, quid spiritus iste post visionem fecerit, adeoque 1 repetitum exferere usum, quo prius dicit *cum*, postquam, et posterius *tum* mox: cujus usus varia prostant exempla, ut 2 Reg. XI: 1. *et vidit* — — — *et perdidit*, pro *cum* vidisset, *tunc* perdidit: sic et Jer. II: 7. XX: 9. XXXII: 23. et alibi. Quo etiam facit, quod *prius* sit in praet., *posterius* in fut., ad indicandum *prius* esse factum, *posterius* nunc fieri et futurum in posterum. Exponit itaque propheta *raptus ecstatici* sensum et scopum, in spiritus ductu, quo gauderet, situm, quidque raptum illum fuerit secutum. Verborum differentia et significatus nos eo quoque ducit. Verbum *tollere* enim manifeste pertinet ad superius illud, quo in visione fuit *abreptus* a spiritu, alterum illud *adprehendere* denotat, ductum spiritus perpetuum, quo tanquam propheta gavisus est. Denotat enim לקח proprie *carpsit*, *decerpfit*, unde varii usus *capiendi*, in bonum et malum, orti sunt, idea *carpendi* in nonnullis locis in bonum adhuc residet, ut ubi de *electione* actuali in populum peculiarem sumitur Ex. VII: 7. *decerpfi vos in populum e reliquis gentibus* etc. quae idea huic loco recte applicatur; nec non ea *capiendi* ad ducendum, uti Prov. VI: 25. et alibi; denique ad *decendum*, et doctrina ac sermone florido foecundandum; de quo peculiari usu vid. Schult. ad Job. XI: 4. Prov. I: 5. XI: 30. quo sensu pseudo-vates Jer. XXIII: 31. לקחים *foecundantes linguas suas* dicuntur: ubi vid. dicta.

§. LXXVIII. *Posterius*, quo propheta suum adfectum exponit ex viso conceptum et sibi relictum, haec verba exhibent: *et abii amarus in aestuatione spiritus mei, et manus Jehovae super me fuerat valida*. h. e. e verenda visione, quae mihi valide incubuit, hunc retuli effectum, quod tristis et aestuabundus in locum secretum discesserim. Verba continent adfectus animi, et ejus originis descriptionem; ad eum enim respiciunt voces, *ivi*, vel *abivi*, *amarus*, *cum aestua-*

*assuetudine spiritus mei, et ad hanc ultima verba, ac manus
Jehovae fuit super me valida. Prius membrum nihil habet
obscuri, indicat se inde, ubi visionem habuerat, alio disces-
sisse, absque ut locum, quo tetenderit, definiat; qui itaque
est in incerto relinquendus: praeterea declarat, se fuisse
tristem, et assuetudinem, animo; respiciens ad effectum vo-
luminis in ventriculo; ut supra observavi, et ab aliis jam
notatum est. Possant vero haec duo, vel conjungi, tan-
quam effectum et causam, adeoque verti acris prae assue-
tione, et וְיָ accipi pro acerbo, seu acri, indignatione ex-
acerbato, qui in opere inpetuosus est, et fortis, sicut mi-
lites dicuntur acerbi animo fortes et acres Jud. XVIII: 25.
2 Sam. XVII: 8., vel ita distingui, ut amaritudo humanum
adfectum denotet, quo tristis fuit super populi contumacia
statu et fatis ipsi imminuentibus, et a propheta denunciandis,
affectus vero spiritus zelum divinum, quo animatus intrepide
et contra omnia obstacula et pericula munus exsequeretur.
Radix וְיָ proprie est *fervere*, inde fervore generose a se
repellere noxam. Vid. Schuk. ad Har. conf. I. p. 27. Hinc
ad *fecerum* transit a fervente defensione, nec non ad *mo-
nis* q. d. fervidam defensatricem et inaccessam, quae se
violari non patitur impune: qualem Deus promiserat se
futurum vers. 8, 9. Hunc duplicem affectum, *alium* tristem
respectu populi, *alium* generosum et firmum respectu Dei
et muneris, declarat se retulisse ex superiore viso, quum
haec verba subjungit, *et*, vel etenim, *manus Jehovae super
me valida*, scilicet, non est, sed fuit, et hinc mihi relictus
est duplex huius affectus. Phrasis enim est in visione ec-
statica describenda usitata; ut ex hoc libro manifestum est,
adeoque respicitur ad visionem praecedentem, et ejus effec-
tus in propheta post visionem declaratur: non itaque indi-
catur, *manum Dei* nunc esse super ipso, sed fuisse, et inde
hunc affectum mansisse superstitem; nunc enim non erat
in visione, sed fuerat: וְיָ in וְיָ et *manus*, idem est, ac *es-
sive*, ac rationem reddit affectus, modo memorati. Qua
ratione cuncta sunt facilia.*

§. LXXIX.

§. LXXIX. Inauguratione hac ratione peracta, *revelationes* sibi ordine factas recensere incipit propheta. *Prima est*, quae vers. 15. usque ad finem cap. Vii narratur; nova enim incipit revelatio c. VI. cum formula illa solita, *factum est verbum Jehovahae ad me*: quae etiam huic revelationi praemittitur vers. 16. Praemittitur loci et temporis adnotatio, ubi et quando revelationem acceperit, vers. 15, 16. *Et adii exules Tel-abib sedentes ad fluvium Chebar, et quia sedebant ipsi ibi, etiam sedi ibi, septem diebus obstupescens in medio ipsorum, et factum est post finem septem dierum, verbum Jehovahae ad me factum est.* Quae verba exponunt cum eos, quos adierit, tum habitum et statum suum aceorum, tum tempus, quo revelatio facta est. 1. Exules, quos adiiit, erant incolae *Tel-abib*. Est enim *תל אביב* nomen loci, ut *הל חרשא*, et *תל מלח* in Mesopotamia apud Ezr. et Nehem., et notare videtur *tumulum viridem*, seu pascuum aut sativum. Vid. Simon Onom. p. 63. Proprietas radicis *אבב* est in micando, unde fluxit *viroris* et *vigoris* rerum crescentium usus. Proxime convenit Ptolemaei *Thelda et apphadana* ad Chaborram fluvium, quae duo sunt unius urbis nomina, ut ex tabula Peutingeriana liquet, ubi *Thelbon* tantum adpellatur. *Thelda et Thelbon* sunt ex *תל* forrata, et *אבב* *apphadana*, addita voce *פון*, unde *פון ארם* pro *שרה ארם*; locus irriguus, pascuus, et sativus. Vid. Boeh. in Phal. l. II. c. 6.

§. LXXX. 2. Quod ad statum et habitum eorum adinet, tradit propheta *eos sedisse ad fluvium Chebar*; scilicet lugentes, et jejunantes; non enim de habitatione eorum, sed statu ac habitu afflicto agitur, quemadmodum ex seq. liquet, ubi propheta cum iis et in medio eorum *sedisse* traditur *obstupescens*, una ergo cum iis. Quod etiam est proprie *sedere*, ut Ps. CXXXVII. ubi vid. dicta. 3. Hos exules, ibi congregatos, ut lugerent, propheta dicitur *adiisse*, et una cum iis *sedisse*. Fuerat ibi paulo ante, eum visio, supra memorata, ipsi contigit, sed, finita;

alio discesserat, ut vers. 14. habuimus, nunc vero eundem locum, ubi populus in unum erat coactus, repetiit; quae ratione omnia recte cohaerent. *Sedit* autem una cum ipsis, et in medio ipsorum, tanquam doctor, quoque taciturnus et moerore obrutus. Quo tendunt verba, quae verti: *et quia ipsi sedebant ibi, etiam sedi ibi obstupescit in medio ipsorum.* Turbas concitavit vox ושא, quae varie punctatur, et explicatur; sed vera est lectio textualis ושא, et vocis punctatio esse debet, ut sit particula relativa, quae hic exserit usum *causae* redditionis, ut sit pro *quia, quod*; quemadmodum alibi haud raro. Vid. Schroeder ad Pl. X: 6, p. 141. et Jer. XVI: 13. XXXI: 32. ubi vid. dicta. Sensus ergo est, ideo se sedisse, quod illi ibi sederent. Qua ratione cuncta sunt facilia. Addit propheta, *se obstupescitum sedisse*, ad luctum et moerorem exprimendum, quem *sedendo* expungebant, ipse et illi; sed *in medio* ipsorum indicat, ipsum *doctoris* personam gessisse, cujus erat illos instruere aut consolari. Sedebant enim doctores in medio auditorum: uti notum est. Verbum ושא proprie est *siderari*, tanquam urente et pestifero adflatu, unde ad *vastationem*, et ad *obstupescitionem* animi, ut hic, transit; adeoque denotat, ipsum, una cum illis, fuisse in mentis adtonitae horrorem defixum, et ore clausum, ut prae moerore, horrore, et stupore ne verbum potuerit eloqui.

§. LXXXI. 4. Duravit hic status et habitus prophetae et exulum per *septem dies*, quot scilicet luctui solenni, ut propter mortuos, dari solebant. Gen. L. et Eccles. XXII: 12. et Job. II: 13. uti a nonnullis, in primis Sanctio, recte observatum est: addo 2 Sam XII: 18. Vid. etiam Cl. Schult. ad Job. I. c. aliud itaque mysterium hic non est quaerendum. 5. Hoc septiduo solennis luctus finito, Deus prophetam nova revelatione dignatus est; uti diserte dicitur vers. 16. sive quod Deus prophetae hoc luctus tempus indulserit, sive quod ipsum tentare voluerit, quam esset animosus et fervens in munere, cui modo erat inauguratus: quo sequens respicere

respicere videtur pars introductoria ad novam revelationem ecstaticam vers. 17. etc. quae tacitam comprehendit reprehensionem prophetae ob stupidam illam taciturnitatem, uti mox patebit.

§. LXXXII. Duae sunt revelationis partes, *prior* introductoria et nuda sine visione, *posterior* prophetica et ecstastica. *Prior* vers. 17—21. continet admonitionem de officio speculatoris extraordinarii et vigilis, cui muneri modo erat inauguratus, fideliter fungendo, cum interminatione conjunctam, si officio deesset, respectu peccatorum, a Deo puniendorum. Ubi *a.* officium ipsi demandatum exponitur vers. 17. *Fili hominis! speculatorem dedi te domui Israelis; et audies ex ore meo verbum. et argues eos ex me,* h. e. ad animum revoces velim, personam publici vigilis in medio Israelis tibi a me commissam esse, adeoque officii tui esse, verba, quae ex mea revelatione acceperis, fidenter et fideliter eloqui, et peccatores, quibus ego mortem inflicurus sum, nisi resipiscant, serio ac convictorie admonere de judicio meo ipsis imminente. Declarat Deus, se Ezechielem constituisse *speculatorem* Israelitarum, et *officium*, ab ipso praestandum, exponit. *Dedi te*, inquit Deus, *speculatorem domui Israelis*, cujus est mala et pericula ingruentia adtendere, et populo annunciare, ut sibi caveant, et ea praeveniant aut avertant: respicitur enim ad vigilem in specula constitutum; qui quod videt promulgat, Jes. XXI: 6.— Sed hoc loco, uti et Hab. II: 1. *speculator* est, qui in gratum populi, et ad ejus instructionem, adtenta mente considerare debet, quid Deus ipsi in mandatis det communicandum cum populo, in specie quae judicia in peccatores pronunciet, ac paratus sit exsequi. Quo tendit *officii*, quod praestare qua speculator debeat, expositio his verbis: *et audies ex ore meo verbum, et argues eos ex me.* Duae itaque partes erant officii, ipsi demandati, *audire verbum ex ore Dei, et arguere populum ex Deo*, *prior* ad Deum, *posterior* ad populum respicit. 1. Adtendere debebat ad Dei revelationem,

L

eamque

eamque expectare, et intenta mente recipere, in genere quidem omnem qualemcumque revelationem, sed in specie quae sententiam condemnatoriam in peccatores continet; ut seqq. demonstrant, 2. revelationem receptam communicare cum Israelitis, idque ea ratione, ut eos conveniat, redarguat, et ad saniores mentem, si pote, adducat, ut iudicium Dei praeveniant, vel avertant: quod est *וַיִּתֵּן* proprie *splendentem*, vel *lucidum* facere, inde erudire, convincere, sapientem et prudentem facere. Sed quid est, quod additur, *ex me*? dupliciter capi potest, ut sit vel *ex me*, vel *a me*; prius dicit, eum ex Deo ejusque verbis argumentum sumere debere ad convictionem suam urgendam; adeoque nomine et vice Dei id agere, et ipsius verbis uti; sic Eccles. XII: 12. *posterius* dicit, eos admonendos esse, ut sibi caveant a Deo, ejusque verbo condemnatorio, et a se illud avertant, uti vers. 18., et Cocc. in Lex. accepit. Ex dictis manifestum est, prophetam hic constitui speculatorem extraordinarium, qui verbum immediate a Deo audit, et nomine Dei defert ad populum, praeterea sententiam condemnatoriam in peccatores, jam jam puniendos, latam ex Deo haurit, et peccatores de eo admonet, ut sibi caveant, et resipiscant. Quod itaque omnes pastores, et praecones evangelii sibi adplicare non debent; licet nonnulla hinc in usum suumvertere possint. Quae latius non exsequor.

§. LXXXIII. β. Officii accuratiores explicatio, et prophetae ipsius ad illud fideliter implendum excitatio interminatoria, vers. 18—21. exhibetur a. respectu peccatorum vers. 18, 19. *Quum dixero improbo, morte morieris, nec argueris eum, nec locutus fueris ad ipsum arguendum a via ipsius improba, ad ipsum vivificandum; ipse improbus in sua perversitate morietur, et sanguinem ejus e manu tua requiram. Sed tu quum argueris improbum, nec reversus sit ab improbitate sua, et a via sua improba, ipse in perversitate sua morietur, sed tu animam tuam arripisti. h. e. ut officium accuratius cognoscas, et ad illud faciendum accenderis, scias velle;*
tu

tuum esse, ut sententiam mortis, mox exsequendam, a me pronunciatam fideliter adnuncies improbo populo, et cuivis ex ipso, eumque omni ope ad sanio rem mentem compellas; ejusque officii executionem cum morte vel vita tui ipsius esse conjunctam: quod si enim eam neglexeris, eandem sortem cum improbis subibis, cum iis e medio tollendus, si vero praestiteris, pro fructu et praemio habebis conservationem in vita, solo improbo morte sublato. Offert sese hic *a.* officii accuratior expositio *ß.* excitatio prophetæ ad illud implendum ex consideratione propriae fortis, inde pendentis *a.* Antea Deus duo in genere memoraverat, ad officium prophetæ pertinentia, *verba ex ore Dei audire, et arguere populum ex eo*; quæ nunc clarius traduntur: prius his verbis: *quum dixerò improbo, morte morieris*; h. e. quum hoc verbum ex ore meo audiveris, *improbus* iste a me ad mortem est condemnatus. *Dicere Dei improbo, morte morieris*, est prophetæ id revelare, et in mandatis dare, ut hoc ei nomine Dei declaret. Continent verba non generalem interminationem mortis, sive temporalis sive æternæ, cuivis improbo factam, sed sententiam mortis temporalis, de judicio divino testantis, in improbos latam, et mox executioni mandandam. *Improbus* est vel populus Israelis in genere, vel quisquis ex ipso in specie, foederis Sinaitici manifestus violator aut idololatra: missus enim erat propheta ad domum Israelis, et ejus erat speculator constitutus. Phrasis *morte morieris* comprehendit, stylo Script., mortem temporalem, divinitus inflictam; nec ulterius extendi debet: de quo ex cap. XVIII. clarius constabit. *Dicere Dei improbo* est sententiam in eum ferre, illudque prophetæ deferendum, et cum improbo communicandum, tradere: adeoque respicit ad tempus, quo Deus eam executioni mandare decrevit; sicut hoc tempore, quo missus est propheta, factum est. *Posterius*, ad prophetæ officium spectans, modo in genere verbo *arguendi ex Deo* propositum, nunc latius deducitur, verbo *arguens* nonnullis additis, ad modum

et scopum ejus explicandum, quum dicitur, *loqui ad arguendum eum a via sua improba ad vivificandum eum*: quorum sensus est, eum sententiam Dei, in peccatores illos latam, non simpliciter pronunciare debere, sed longius deducere, quod est *כִּדְּרָה*, et ad convictionem eorum differere eo scopo, ut a via seu vita improba sese convertant, et a morte liberati in *vita* relinquantur, quod est *vivificare*, uti constat. *Arguere improbum a via* etc. est ut ab ea recedat, et se convertat; uti vers. 19. additur. Vult itaque Deus pro singulari sua bonitate, ut propheta nomine Dei ante admoneat populum improbum, quam sententiam mortis, jam latam licet, exsequatur, ut resipiscentiae et vitae conservandae locus detur.

§. LXXXIV. *β.* Excitatio prophetae ad hoc officio probe desungendum fit per sortem ejus bonam vel malam independentem; quum ipse eodem judicio sit involvendus, si negligat, liberandus, si faciat. Quo tendunt verba, *si non argueris — — — ipse improbus in sua perversitate morietur; sed sanguinem ejus e manu tua requiram*: si vero argueris, nec se converti patitur, *moriatur ipse in perversitate sua, sed tu animam tuam eripuisti*. Quae huc redeunt, prophetam, si non admonuerit improbum de judicio mortis in ipsum pronunciato, tanquam reum caedis ipsius esse e medio tollendum, si fecerit, esse *salvum* futurum; *sanguinem alicujus ab aliquo requirere* est ipsum caedis reum agere, et tanquam homicidam punire. Conf. Gen. IX: 5. 6. et ibi dicta. *Sanguis ejus est caedes ejus*. Vid. cap. XVIII. Cui oppositum est, *animam suam eripere*, scilicet judicio mortis, adeoque vitam suam retinere. Plura ad intellectum non sunt necessaria, nec phrasae ulterius extendendae sunt.

§. LXXXV. *b.* Sequitur altera pars deductionis officii, et excitationis prophetae, respectu iustorum, a justitia deficientium, vers. 20, 21. *Et quum recesserit iustus a justitia sua, et fecerit perversitatem, et posuero offendiculum coram ipso, ipse morietur; quia non arguisti ipsum in peccato suo morietur*,

moriatur, nec commemorabuntur justitiae ejus, quas fecit, et sanguinem ejus e manu tua requiram. Sed tu quum argueris justum ne peccet justus, et ipse non peccat, vivendo vivet, quia argui se passus est, et tu animam tuam eripuisti. Quibus verbis duo ponuntur casus respectu justī exorbitantis, quorum prior habet, eum non admonitum mala morte perire; posterior, eum admonitum et conversum in vita conservari; in priore propheta idem judicium subiret, in posteriore, tanquam officio bene functus, salvus maneret. Uterque casus itaque pertinet ad *justum* a *justitia* deficientem, quod in priore diserte traditur, sed in posteriore subintelligitur; ut mox dicam. Ante omnia notandum est, *justum* intelligi non euangelicā justitiā praeditum, regnitum et vere sanctum, nec etiam hypocritam, qui externam tantum habet istius justitiae speciem, licet de alterutro cogitent Interpretes, pro diversis hypothesibus de perseverantia sanctorum, sed *legalem* justitiā habentem, in foederis Sinaiici externi et legalis observantia, quae jus dabat ad promissa externa ejus foederis, sitam. De hypocritica enim justitia ex nullo constat indicio agi; *euangelicae* quoque obstat non tantum *defectio* secundum nostram fidem, quae hic praesupponitur locum habere aliquando; sed et scopus ac orationis structura; agitur enim de *justo*, qui facit justitias, et eo ipso jus ad vitam habet, quo excidit, et mortis poenam incurrit, qui deficit, non obstante justitia ante praestita; *mors* et *vita* est temporalis et corporea; ut supra observavi. Accedit c. XVIII., ubi eadem res fufius pertractatur, legaliter *justum*, et vitam ac mortem temporalem manifeste intelligi, ut in libris Diff. S. demonstravi lib. II. c. 6. In *justum* secundum foedus legale Sinaiicum cuncta recte conveniunt, et faciles habent explicatus. Vidit quoque illud et recte urfit Rev. Hartman ad h. l. in de *Huis-bybel*.

... §. LXXXVI. In priore casu parum est obscuri, quod nostram requirit operam; tantum not. 1. verba, et *posuero offendiculum ante ipsum, ipse morietur*, non de occasione peccandi

ecandi et tentatione esse capienda, sed de iudicio Dei, quo iustus deficiens in mortem traditur; quemadmodum ex ipsa phrasi, et *morte* cum offendiculi positione connexa, facile liquet. *Ponere ante faciem alicujus offendiculum*, non est animam peccandi praebere, et tentare, sed in ejusmodi ponere circumstantiis, quibus quis in *mortem* praecipitatur, uti mox additur, *ipse morietur*. Radix כשל proprie est *adpac-tus haesit*, unde כשול offendiculum, ad quod ita impingitur, ut simul in eo haereatur, unde latius ad omne illud transit, quod ruinam et interitum trahit. Sic Prov. XVI: 18. *ante confractionem elatio, ante ruinam, כשל, altifons elatio spiritus*, Pl. CXIX: 165. *pax multa attingens legem tuam, et non est ipsis offendiculum*, Ez. VII: 19. *quia offendiculum extitit iniquitas ipsorum*, seu causa ruinae. Ipsa phrasis Lev. XIX: 14. *occurrit, coram cosco non dabis offendiculum*, quo cadat; ita hic *dare offendiculum et ante ipsum, ipse morietur*. 2. *in peccato suo mori* est propter illud tanquam causam; adeo ut sensus sit, illum peccati poenas luiturum per mortem non obstante multiplice justitia, quam ante fecerat, sed cui nunc renunciaverat.

§. LXXXVII. *Alter casus habet, iustum deficientem a justitia, sed admonitum a propheta et conversum, non moriturum, sed in vita mansurum esse, et prophetam muneris bene functi praemium consecuturum in animae suae liberatione vers. 31. Ubi not. 1. iustum* intelligi, qui quoque a justitia defecerat; uti ex praeced. liquet, et suppleri debet: nec non ex eo firmatur, quod ejusmodi iustus proprie sit objectum *argutionis* prophetae, tanquam *speculatoris extraordinarii*; cum *iustus*, qui viam illam retinet, ejusmodi redargutione non indigeat admodum: *promissum* quoque *vitas* non necesse erat, ut per prophetam ejusmodi *iusto* fieret, cum illud notum esset, et in foedere datum iustis, sed *iustus*, justitiae tramite relicto et mortis reatu subjectus, opus habebat ejusmodi promisso erigi; et ad conversionem excitari. 2. *Iusti admonitio ne peccet. itaque est, ne porro peccet,*

peccet, in peccando perseveret, sed resipiscat: quem sensum etiam habet phrasís et *ipse non peccet*, scilicet amplius. 3. Phrasís, quia *tu* admonitus est, significat admonitionis receptionem, et usum salutarem, ita ut idem sit, ac *admoneri se passus est*, et ita permotus ad peccati cursum sistendum. 4. Promissum, *vivendo vivet*, dicit, eum, licet per peccata morte dignum, in vita mansurum, ex, sicut modo de impenitente iusto dictum erat, *eius iustitias in censum non venturas*, ita poenitenti promittitur, *eius peccata ipsi non nocitura*, sed eum, non obstantibus peccatis, esse *victurum*. Conf. infra cap. XVIII., et ibi dicenda.

§. LXXXVIII. Pericopa exposita, duo subjungam observata, quorum alterum ad scopum ejus spectat, alterum ad usum, quem pastores Ecclesiae inde capere possunt. Prius non est in difficili; cum enim occasione silentii prophetae in medio exsulum in unum coactorum haec revelatio ipsi facta sit, postquam in munere prophetico esset solenniter inauguratus, facile patet, eo tendere, ut propheta ob hoc silentium tacite reprehenderetur, et fortiter instigaretur per munus ipsi demandati considerationem, et interminationem mortis, ad munus fidentius et accuratius exsequendum; quemadmodum Deus Jeremiae dixit c. I. 17. *ne consterneris a faciebus ipsorum, ne conteras te coram ipsis*. Quod ad usum adinet, quem inde capere debent pastores, et ministri evangelii; ante omnia notandum est, eos haec verba non posse tanquam sibi dicta considerare, sibi que applicare, quia non sunt ejusmodi *speculatores* a Deo missi, et ex ejus ore verba ad homines deferenda recipientes; nec etiam sententiam condemnatoriam a Deo iudice in peccatores latam promulgare possunt, et eo nomine eos ad poenitentiam excitare, nec poena mortis ipsis incumbit, si id non agant, singulisque dicant, eos esse a Deo devotos morti. Conveniunt haec tantum in prophetas, ad id speciatim et expresse missos, uti Ezechielem et similes. Possunt tamen et debent hinc colligere, se in munere sibi demandato debere fideles esse.

esse et constantes, peccatores per minas et promissa per-
movere ad resipiscenciam; quod nisi fecerint, se Deo fieri
obnoxios, et ejus vindictam in se provocare: etc.

§. LXXXIX. *Posterior revelationis pars, quae ecstastica
est, continet, post praefationem, varias visiones tunc accep-
tas, vers. 23.— VII: 27. Praefatio vers. 22, et 23. init.
notitiam tradit cum ecstasios, in quam incidit, tum loci,
ubi visiones ipsi contigerunt, his verbis. Et fuit ibi super
me manus Jehovae, et dixerat mihi, surge et egredere in val-
lem, ibique tecum loquar; et surrexi et egressus sum in vallem.
h. e. cum mihi dixisset Jehova, ut me in vallem conserrem,
egoque id fecissem, manus Jehovae mihi mox incubuit,
ita ut in ecstasin inciderim. Hac ratione voces sunt ordi-
nandae, quia phrasis, manus Jehovae fuit super me, ecstati-
cam revelationem constante suo usu denotat, quae ipsi non
contigit, nisi quum in vallem venisset; oportet itaque dic-
tum, seu jussum Jehovae de valle adeunda, et exitus ejus
ad eam, praecesserit; adeoque וַיִּסַּר et dixit vertatur, et
dixerat, cum, seu postquam dixisset, et ego venissem in
vallem. Conf. similem usum verbi hujus Jes. XXXVIII:
21. et ibi Cl. Vit. Interpretes aliter intituunt, sed contra
usum phrasios, manus Jehovae fuit super me; qui si retinea-
tur, ut debet, alterutrum dicendum, vel ipsum in visione
surrexisse et abiisse in vallem, non vere et corporaliter,
vel praecessisse mandatum de valle petenda, ejusque execu-
tionem. Prius admitti nequit, quia, si in eodem loco man-
sisset, ratio mandati cessaret, nec ipse in valle, sed ad flu-
vium Chebar, visum habuisset, cum tamen fluvius iste hic
distingatur a loco, ubi visum nunc recepit vers. 23. O-
ratio quoque, dixit mihi surge ——— et surrexi ———
nimis plana est et simplex, quam ut de visione capi possit,
conf. c. XXXVII. ubi longe alia phrasis. Ceterum, quae
vallis fuerit, et quare eo secedere debuerit propheta, non
constat. Fuisse videtur campus aliquis patens, eo nomine
notus, quare n. demonstr. praemittitur, nec inde longe re-
motus:*

motus, et ideo in locum *vifi* electus, ut ibi liberior esset propheta, a loco, ubi lugens cum lugentibus federat, obstractus. Alia ratio fuit secessus prophetae in *vallem* cap. XXXVII. de quo postea.

§. XC. *Prima* visio, quae ipsi contigit, est inaugurationis symbolicae renovatio et confirmatio, simul *instructoria*; quae ratione sese in posterum gerere debeat, ad superiorem admonitionem, vers. 17—21. clarius explicandam. Continet itaque *duas* partes *α*. *vifi* gloriae Dei, antea facti cap. I., renovationem vers. 23. *Ecce ibi* (in valle,) *gloriam Jehovah stantem! sicut gloriam, quam vidi ad fluvium Chebar*. Scilicet in omni complexu suo, omnibus itaque partibus eandem; cap. I. descriptam, et expositam. Cujus renovatio eo videtur spectasse, ut *cum* animo ejus altius imprimeretur, *tum* ipse in munere confirmaretur, et magis corroboraretur, ad munus fidenter et fideliter exsequendum, *tum* denique, ut in *vifi* istius scopum et sensum duceretur per nova *visa*; quae judicia Dei in populum Judaicum repraesentarent; quae mox sequuntur. *β*. *Alter*a pars est verbalis, et instructoria, qua Deum ad se audivit loquentem, posteaquam *spiritu Dei* fuerat erectus et firmatus, seque instruente, quando sese occultare, aut in publicum prodire, tacere aut loqui debeat. Misso effectu, quem visum in ipso habuit, et spiritus confortatione, quae ipsum ad Deum audiendum reddidit aptum, de quibus supra vidimus c. II: 12.; sermonem instructorium consideremus, et exponamus, vers. 24—27.; cujus *tres* partes sunt; *prima* ad *occultationem* ejus spectat, opposita ad manifestationem ejus publicam, vers. 24, 25. *secunda* de silentio agit aliquando tenendo vers. 26. *tertia* de tempore, quo loqui debeat, vers. 27. Quae, quoad sensum *litteralem* parum videntur habere difficilis, sed quoad verum conspectum et scopum multum, nec haecenus, quantum novi, recte expeditum. Inspiciamus 1. *litteralem* sensum, et dein 2. in scopum et conspectum inquiramus. 1. *Primum*, hic memoratum, continet mandatum de inclusione domi, tanquam

M

quam in carcere, absque ut in publicum prodeat, his verbis vers. 24, 25. *et dixit mihi, intra clauditor in medio domus tuae; et tu, fili hominis, ecce posuerunt super te funes, ii/que te ligarunt, nec egredieris ad eam, seu in medium eorum.* h. e. ecce; fili hominis, sicut in te conjectus, quibus ligatus es; jubeo enim ut domi te contineas, tanquam in carcere, nec in publicum libere prodeas. Costringunt verba et mandatum, et signum externum status, quem secundum mandatum teneret: ipsum *jussum* est, ut domum intraret, et ibi tanquam *clausus* haereret, ita ut egredi non potuerit in publicum. Additur signum externum, ad illud expingendum et confirmandum, in *ligatione* prophetae situm, *ecce derunt super te funes, et ligarunt te iis*; scilicet ministri Dei, seu angeli, in visione; non enim verba de fut., sed praesente loquuntur, et significant, non, quod *vinciendus* sit, ut capi solet, et varie exponi, sed quod *vincus* jam sit. Quod non nisi de *visione* intelligi potest. Statim itaque ac verbum Dei de *inclusionis domi* ad ipsum delatum est, vidit se futurum *vincum*, in signum inclusionis tanquam in carcere, ad statum illum, quem domo inclusus teneret, expingendum et confirmandum.

§. XCt. Secundum est, linguam ipsius a Deo esse palato ejus adfigendam; ipsumque esse *mutum* futurum; nec arguentem fore virum in medio populi, vers. 26. *Et linguam tuam adhaerescere faciam palato tuo, erisque mutus, nec eris ipsis vir arguens, quia domus rebellis sunt.* Quae continebantur antecedens et consequens, una cum ejus causa. *Antecedens* est, linguam ejus palato adhaesuram; et eum futurum *mutum*, h. e. tristitia et moerore confusum non nisi triste murmur edicturum, non libere et hilariter quicquam prolaturum. Sensus itaque non est, ipsum vere et litteraliter *mutum* futurum, qui vitio linguae plane ineptus est ad loquendum, cum quod ejus nullum exstet indicium, tum quod ubique in seq. listatur semper loquens, tum denique, quod non simpliciter dicatur, eum *mutum* fore, sed linguam palato

fato adhaesuram, et inde mutum esse reddendum. Phrasis, lingua palato adhaeret, usurpari solet de eo, qui vel sui quasi enectus, vel moerore confectus est. Conf. Ps. XXII: 16. CXXXVII: 6. Thren. IV: 4. aut etiam stupore et pudore confusus, ut vix fari possit, Job. XXIX: 10. et apud Poetam.

Obstupuit, steterumque comae, et vox faucibus haesit.

Quod idem verbo אָלַם comprehensum est: proprie enim dicit ligavit, ligando adstrinxit, unde transit ad os vel linguam ligatam, et obmutescere dicit, praeterea ad graviores dolorem et luctum, quo tanquam vinculo ligamur. Declarat itaque Deus, prophetam personam praelaturum tristitia et stupore obrutam, quae libere et fidenter loqui nequeat, sed triste tantum murmur ciere solet. Quo sensu mutus etiam usurpatur Jes. XXXV: 6. et lingua balbusiens ib. XXXII: 4. opposita ad nitidam, disertam et hilarem, loquelam. Quod ipsum ex consequente quoque confirmatur, nec eris ipse vir arguens, qui ad convictionem et persuasionem loquitur, in specie laeta et grata; quae cadent, et animum permulcent. Est verbum דָּוִיךָ proprie facere, ut quid candidet, inde ad evidentiam demonstrare, convincere simul et emendare, etiam, in bonum, pro aliquid in clara luce collocare, et jus alicujus demonstrare, atque adjudicare: de quo vid. Schult. ad Job. Licet sese quoque in malum flectat, pro increpare, imo conviciari; hic tamen potissimum sumem in bonum, ut exposui, ob has rationes, 1. quia illud rectius antecedenti, tanquam consequens, respondet. Moerore confectus, et inde mutus, rectius dicitur non posse animum alterius luce perfundere, quam non posse increpare, non posse animum flectere et erigere in spem laetam, quam non posse reprehendere. Est enim ejus, qui linguam habet palato adfixam, et inde mutus est, magis proprium, tristitia murmurare, et alios absterre, quam ad convictionem; et

consolationem ac emendationem loqui, et fidenter differere.

2. Quia proprium prophetae munus foret, increpare et ob-
jurgare populum, et per minas ac judicia Dei perterreface-
re: ut modo, vers. 17.— et supra cap. II. ac III. vidimus.
Dici itaque non poterat, ipsum non fore virum redarguen-
tem, et increpantem in medio Israelitarum: accedit, ipsum,
antequam liberam nactus est linguam, in populo reprehenden-
do fuisse totum: ut ex hoc libro patet usque ad c.
XXXIII: 22. quando cessavit esse *mutus*. Interpretes varia
sunt commenti ad hoc expediendum, sed frustra laborarunt.

3. Ratio, quae datur, quare non sit futurus vir arguens,
in hanc hypothesein unice quadrat, non in communem illam
de populo non reprehendendo, *quia domus rebellis sunt*. Tan-
tum abest, ut propterea ab hoc officio desistere deberet,
ut contra eo cum maxime fungi: quemadmodum cap. II et
III. diserte habetur. Sed, quia tales erant, recte dicitur,
prophetam iis non fore virum *arguentem*, quatenus eos con-
vincere, flectere, et laeta iis annunciare non posset. 4. De-
nique sequens, seu *tertium*, quod subjungitur, ingens mo-
mentum huic interpretationi addet, si recte intelligatur: ad
quod pergo.

§. XCII. *Tertium* his verbis profertur vers. 27. *Et, vel
deinde, cum te adloquar, aperiam os tuum, dicesque ipsis, sic
dixit Dominus Jehova, audiens audiet, et flaccescens flacces-
set, quia domus rebellis sunt.* h. e. Quum deinceps tempus
venerit, quo laeta et prospera tibi promulganda commiserō,
personam tristem, et obstupefactam, mutamque depones, et
ore aperto libere, facunde ac hilariter, proferes mea dicta,
nomine meo usus; nec sine successu, *audiens* enim, seu qui
aures habet, audiet inter illos, reliqui, qui non adverterint,
sint maneatque tales, quales non deerunt, *quia domus rebel-
lis sunt*. Quam paraphrasin α. illustrabo β. adstruam. α. Ad
eam explicandam duo tantum sunt observanda, *alterum*, ver-
bum *דבר* hic singularem exserere usum, quo *verbis solanti-
bus adloqui*, quod alias dicitur *loqui ad cor*, denotat, ut

Lat.

Lat. suum *adloqui* usurpant. De quo egi ad Gen. XLIX. §. 201. et Mal. III. §. 169. *alterum, aperire os* esse, potestatem dare libere, facunde, et ad persuasionem ac consolationem loquendi, opposite ad triste illud murmur moerentis, et muti. Conf. Jet. XXXII: 4. XXXV: 5. et ibi Cl. Viir. in primis Ezech. XXIX: 21. Addatur, ex super. repetendum et supplendum, ipsum tunc fore populo *virum argumentum*, quo sensu supra exposui. β. Quod ad demonstrationem adinet; licet ex modo jacta hypothese de persona tristi et muta sponte sua sese commendat, cum *apertio oris* superioribus sit contraria, ex cap. XXXIII: 22. extra dubium collocari videtur. Narratur ibi, nuncio de Hierosolyma destructa ad prophetam delato, ipsum cessasse esse *mutum*, os apertum esse natum, et retinuisse. Ab illo enim tempore, quod not., prophetae non nisi laetae et jucundae revelationes de populi liberatione et instauratione contigerunt, ut ex seqq. capitibus manifestum est. Ex quo, ni fallor, manifestum est, os prophetae clausum ad tristitia, et *apertum* ad laeta esse referendum, conf. Ez. XXIX: 21. Accedit, non dici, ut supra, *sive audiat, sive flaccescant*, sed *audiens audiet, et flaccescens flaccescet*; quo indicatur, conciones prophetae a nonnullis esse recipiendas, secus ac antea erat factum, cum tristitia et minacia prophetabat, quae rejiciebant, dum adhuc stabat Hierosolyma, et spes eos alebat proximae liberationis. Additur *flaccescens flaccescet, quia domus rebellis* sunt, ad indicandum, ab omnibus eam conversionem non esse expectandam, propter nimiam eorum perversitatem et obstinationem.

§. XCIII. 2. Ex dictis difficile non fuerit, in verum pericopae *conspicuum* et *scopum* penetrasse, quem Interpretes, qui hic varia commenti sunt, et a nobis suo loco relinquuntur, non perceperunt. Licet non negaverim prophetam, hic in genere admoneri de se in tota conversatione sua ad voluntatem Dei, sibi revelandam, adcommodando, ita ut se domi contineat, in publicum prodeat, silentium teneat, os aperiat,

aperiat, non quando ipse, sed Deus voluerit, et ipsi prae-
 ceperit; secus ac modo fecerat, quum coetum exsulum ad-
 iit, et obstupescens in medio eorum sedit ore clauso: nul-
 lus tamen dubitaverim, quin pericopa eo collineet, ut *du-
 plex periodus* muneris ipsius ipsi ob oculos poneretur, *altera*,
 qua tristitia et dura proferret, nec aliquid proficeret, apud
 exules contumaces, *altera*, qua laeta et prospera praenun-
 ciaret, majore cum fructu apud eos: *prior* mox cum mu-
 nere suscepto inciperet, et *posterior* deinceps, quando Deo
 fuerit visum, quum laetior ipsi daretur revelatio: quae ratio
 est, quare non tantum *illa* praemittitur, sed propheta *jube-
 tur* domo se includere, *posterior* suspenditur ab *adloquio* Dei,
 suo tempore post futuro. Ex eventu vero adparuit, *priorem*
 durasse usque ad Remp. Jud. penitus destructam, et nunci-
 um ejus rei ad prophetam adlatum; tunc incepisse *posterior-
 rem*; uti ex c. XXXIII. clarissimum est. Eousque in vitiis
 ac criminibus populi proferendis, et reprehendendis, ac ju-
 diciis divinis promulgandis totus fuit, ut ex revelationibus,
 eousque habitis, elucescit, sed ab eo tempore non nisi laeta
 et prospera adnunciavit, et populum cum fructu ad mores
 emendandos adhortatus est, ut ad bona illa consequenda
 praepararetur: quo tendunt revelationes c. XXXIV. et seq.
 Ad *priorem* periodum depingendam jubetur propheta,
 durante illa, secessum quantum pote quaerere, domi se con-
 clusum tenere, quasi funibus ligatum; et instar lugentis,
 cujus lingua palato adhaeret, verba quasi lamentando, et mu-
 tiendo proferre; ut *cum* ipse sese tristitia et stupore esse
 obrutum demonstraret, ne afflictione publica, et duris re-
 velationibus, videretur laetari, *tum* statum populi, in specie
 arctam Hierosolymae obsidionem, et destructionem in sua
 persona repraesentaret, uti cap. XXIV. discrete habetur, *tum*
 denique ipsi insinueretur, non nisi tristitia et calamitosa ip-
 sum a Deo auditurum et cum populo communicaturum esse;
 adeo ut laetorum et prosperorum respectu vox faucibus hae-
 reat, et mutescat, sive obstupescat et *muti instar sit, et*
tristitium

tristitiam respectu lamentabile murmur magis cieat, quam libere et fidenter loquatur. Convenit huic statui prophetae quod Jer. XV: 17. de se fatetur, non sedi in caetu residentium, et exultavi, propter manum tuam solitarius sedi, quum aestu effervescente implexisti me: ubi vid. dicta. Ad posterioram periodum pingendam pertinet apertio oris, ut facile cer- nitur ex supra dictis: quare plura non addo, nisi illud u- num, simul includi publicam sui manifestationem, ut in die solenni et lactiore, opposite ad inclusionem domi, et liga- tionem. Conf. Jer. XV: 16.

C A P. I V.

§. XCIV. *Secunda visio, quatuor vel quinque comprehen- dit urbis obfessionis, et destructionis populi, per Chaldaeos emblemata, successive ipsi contemplanda oblata, cap. IV. et V. Quorum 4. primum est tabulae lateritiae positio ante ipsum, Hierosolymae insculptio, et instrumentorum adpara- tus ad oppugnandum ipsi imperatus vers. 1, 2. Et tu, fili hominis! sume tibi tabulam lateritiam, eamque coram te con- stitue, et in ea urbem sculpe Hierosolymam, et pone contra eam turres, et funde contra eam aggerem, et pone contra eam castra, et adpone in eam arietes, circumquaque. Quae, ut facile adparet, symbolicam continent descriptionem obfi- dionis et oppugnationis Hierosolymae per Chaldaeos, quo- rum personam hac in visione praefert propheta; sicut tabu- la lateritia emblemata est Hierosolymae, ipsi inscriptae, ita prophetae habitus et actiones expingunt obsidionem et op- pugnationem Hierosolymae per Chaldaeos; addidi expresse oppugnationem, quia eam existimem comprehendere ultima phra- si, ponere in eam arietes, quae non collocare simpliciter, sed et emittere denotat; secundum usum verbi *נָשָׂא* ponere bellicum, quo impressionem denotat hostilem, ut Gr. *ἐνδύειν**

Job. I: 17. IV: 20. 1 Sam. XV: 5. 1 Reg. XX: 12. Quod etiam instrumento poliorcetico, hic occurrenti, est convenientius. *Arietes* enim non ponuntur simpliciter, sed imponentur in urbem seu muros, cum in eos quatiuntur. Vox **כר** est a **כרר** *salire, infilire*, et inde ad *arietem* transit, animal saltatorium, nec non in oves infiliens, ad instrumentum poliorceticum eandem ob rationem, quod in muros infiliat, refertur, Gr. dicitur *αἰς* et Lat. *aries*, ut et **אריס**: uti notum est. Conf. Ez. XXI: 22. Reliqua pertinent ad *obsidionem*, uti *aedificare* **בן**, et *fundere aggerem, constituere exercitus, seu castra*: quae nihil habent difficilius. Vox **בן** recte sumitur pro *turri moenibus pulsandis et comminuendis* admota, a rad. **בן**, eadem ac **בן**, *contudit minutissime* in pulverem veluti, aut farinam: cum quod verbum *aedificare* ei conveniat, tum quod cum *aggere* recte conjungatur. Utramque, et *obsidionem* et *oppugnationem*, quoque comprehendit phrasis generalis, quae praemittitur, *da-bis*, vel *da*, contra eam **בן** proprie stringentem *arstationem* ad summum usque discrimen, a rad. **בן** proprie *stringere, arstare*, vid. Schroeder ad Ps. X: 1., quae et *obsidionem* et *oppugnationem* involvit. Imaginem vero Hierosolymae gerit *tabula lateritia*, nomen vel figuram Hierosolymae inscriptam, vel incisam, habens, alterutrum, vel utrumque, enim intelligi potest. Sed Sanctius ulterius ad sequentia, seu machinamenta et castra mox memoranda, extendit, ac si ea omnia fuissent incisa, contra clara textus verba, et ex falsa hypothese, ac si propheta, domo inclusus, populo spectandam misisset in lamina quadam universam *obsidionem* et *oppugnationem*. Vox **לכנה** *laterem* designat; a *linendo*, quo pingitur et formatur: adeoque non crudum et mollem, sed coctum et igne induratum, cui quid insculpi potest, quod est **בן** proprie *incidere*, incidendo lineas insculpere, uti Job. XIX: 23. in specie *albicantem*; propria enim verbi **בן** potestas videtur esse *linendi* vel *liniendi*, unde multi alii usus fluxerunt. Quod emblemata in rem erat satis aptum, cum urbs

urbs sit muro circumdata, et splendidis aedificiis constructa; sed quae confringi et contundi poterat: nec aliud hic quaerendum est mysterium.

§. XCV. 2. *Secundum est sartaginis ferreae, in usum parietis ferrei inter prophetam et urbem, ab ipso tollendae, et obsessionis cum effectu repetitae, qua urbs expugnaretur, vers. 3. Et tu sume tibi sartaginem ferream, eamque pone parietem ferreum inter te et inter urbem, et adpone firmiter faciem tuam ad eam, et erit in obsidione, et coarctabis illam: signum hoc sit domui Israelis!* h. e. ferreum instrumentum, parietis instar ferrei, inter te obsidentem et urbem obsessam erectum ad te arcendum ab obsidione, et urbem tutandam, vultu tuo adposito, e medio tolle, et resume cum effectu obsidionem, urbemque expugna; in signum inpedimenti obsidionis a Chaldaeis auferendi, et urbis denuo arcitius obsidendae ac expugnandae ab illa. Littera emblematis parum habet difficultatis, modo recte capiatur. Jubetur I. propheta sumere *sartaginem ferream*, eamque erigere in *parietem ferreum* inter se et urbem: vox Hebr. מחבת notat *sartaginem*, seu instrumentum planum et latum, ad coquendas placentas, a rad. חבת *planus, complanatus* fuit, unde vox חבת omnem terram planam et late patentem denotat, et hinc *placentam* Gr. *πλαγίοντα* panem in *πλάνα* *planio-rem* et *latiorem formam ductum*: *πλάξ* est tabula plana et lata, cui convenit מחבת. Haec tabula ferrea inserviret loco parietis ferrei, inter prophetam et urbem scilicet tabulae lateritiae insculptam, quo hic respicitur, adeoque literaliter inter *ipsum* et *laterem* ab ipso obsessum; non itaque ad juvandam, sed intercipiendam et avertendam obsidionem; quod probe notandum: non enim *paries* ejusmodi erectus alio poterat respicere, quam ad obsessorem impediendum. Cum enim aggerem et turres circumdedisset urbi; *paries* ferreus, cui ului ipsi foret? Tendebat itaque ad obstaculum injiciendum obsessioni, et urbem obsessam tutandam; quare cum *pariete* comparatur, et *sartaginis* imago sumta est,

N

cum

cum adlusione ad radicem similium litterarum **חכר** et **חכר** *occultavit*, tanquam *sub vase superinjecto*. Licet enim *sartaginis* usus sit, a **חכר** *planus*, *complanatus* fuit, adludi tamen potuit ad aliam radicem **חכר**; uti et aliis in casibus fit; ut *Jes. XIII: 6. sicut* **חכר** *vastatio a Schaddat*; et alibi. Quo etiam facit, quod propheta s. mox jubeatur faciem contra *hanc sartagine* ponere, ut eam loco moveat, et sic resumere obsidionem, ac ad finem perducere. *Præ* his verbis effertur, *et firmam dabis faciem tuam ad eam* scilicet *sartagine* intermediam, de qua hic agitur, et modo sermo factus erat, quæ quoque proxime in oculos incurrebat; cum *urbs* per interjectam hanc tabulam ferream fuerit oculis crepta: in *eam firmare vultum* est, vultum minacem et hostilem in et contra eam vertere, et fixum tenere; adeoque declarare, eam esse destruendam; quemadmodum ex vers. 7. elucescit, ubi huic phrasi, explicationis gratia, additur; *et brachium tuum sit nudatum, contraque eam raticinaberis*. *Posterior*, ad urbis obsidionem resumtam pertinens, habet; *et eris firmiter in obsidione, et coarctabis illam*. Quæ dubium non est quin ad *urbem* respiciant, ut facile patet, dicantque, eam, remota nunc *sartagine*, pressius esse et sine intermissione obsidendam, donec expugnetur. Verbum **חכר** exserit hic usum, quo *stabilem* dicit et plenam existentiam, in omni vigore suo; de quo dixi ad *Mal. II: 5. p. 173*. Indicatur, obsidionem, modo memoratam, fuisse minus stabilem, sed interruptam per interjectam *sartagine* ferream in *parietem ferream*; nunc vero fore stabiliorē, et immotam, ad finem usque; præterea fortiorē et arctiorē fore, adeo ut ad incitas sit redigenda urbs, et expugnanda; quod indicatur verbis sequentibus, *et arctabis eam*. Summa constrictione ad ultimum discrimen; ut supra in **חכר** observavi.

§. XCVI. Hac admissa explicatione litterali, sensus emblematicus longe alius sese offeret, ac quem Interpretes, qui hic in diversa abeunt; et mirifice ludunt, perceperunt: quæ

quæ suo loco relinquo, cum sponta ruant. Cum novum sit emblemata, a superiore distinctum, ad eandem tamen obsidionem Hierosolymæ pertinens, *sartago ferrea* hic conspectum ferat *parietis* inter obsessam urbem et obsidentes hostes interjecti, adeoque impeditenti, ad urbem tutandam et obvelandam destinati; sponte ducimur ad Hierosolymæ obsidionem interceptam et intermissam per Aegyptios, in ejus defensionem sese moventes; et docemur, illum *parietem*, quam firmum etiam in oculis obsessorum, esse e medio tollendum, seu Aegyptios esse repellendos; et, eo facto, obsidionem fortius et cum majore successu resumendam, ac ad finem, seu expugnationem usque, immobilem futuram. *Sartago ferrea*, in *parietem* erecta inter urbem obsessam et obsidentes, expingit Aegyptios, ad urbem tutandam accurrentes, et efficientes, ut obsidioni fuerit aliquod impedimentum injectum, eaque sit soluta. Quod cum a propheta, jussu Dei, fuerit factum, indicatur, illud specialem Dei providentiae esse acceptum ferendum, et a propheta, tanquam *vate* effectum, cum ut tempus daretur Judæis excidium urbis praeveniendi per deditionem et subjectionem Chaldaeis, tum piis occasio daretur *elabendi*, uti Jeremias voluit, et nonnulli fecerunt Jer. XXXVII. XXXVIII. *Remotio* hujus impeditenti, per *vultum* prophetae in illud coniectum indicata, respicit ad Aegyptios per Chaldaeos repressos, et fugatos; uti ex historia constat. Minans enim et fixus prophetae intuitus in hanc sartaginem instar realis prophetiae erat de ejus sublatione; quemadmodum per *prophetare contra* urbem explicatur vers. 7. Egit itaque hic personam *vatis*, ut modò in fumenda *sartagine*, sed simul expinxit hoc suo habitu Aegyptios a Chaldaeis esse prosternendos, et metu percellendos, ut discesserint: quemadmodum *videre* in re bellica asurpatur de conflictu; uti 2 Chron. XXV: 23. Ps. XLVIII: 6. CXII: 8. LIX: 5. et Deus Ex. XIV: 24. *ex columna* nobis et ignis intuitus est exercitum Aegyptiorum. Talis enim hic est prophetae intuitus firmus fixus

que in hanc *sartaginem*, qua impetum bellicum in eam fecit et destruxit. Quo facto, *urbs fuit in obfessione*, et a *propheta arde preffa*, quatenus longe gravior et tortior secuta est Hierosolymae obsidio et angustatio, quae firma fuit et fixa ad usque expugnationem. uti notum est.

§. XCVII. Commendat hanc hypothesin 1. quod emblematis, et eventui, apte respondeat, ut ex dictis liquet. 2. quod utriusque emblematis, et huius et superioris, connexio et discrepantia sibi hac ratione constet. Utrumque pertinet ad obfessionem urbis per Chaldaeos, et haec est *connexio*, sed prius ad urbis priorem obsidionem, posterius ad ejus solutionem per injectum impedimentum, et repetitionem arctiorem, adeo ut per hoc quid novi figuretur, sicut requirit distinctum emblemata, 3. Casus hic singularis interceptae et resumtae obsidionis negligi non poterat, et in seqq. emblematis etiam locum invenit, ut quod primum 390 dies, dein 40 lateri incumberet, quorum illud ad priorem, hoc ad posteriorem obfessionem pertinet, ut mox patebit; nec non quod cum mensura quaevis legumina tantum ederet et aquam biberet, dein panem tantum hordeaceum, cum excremento hominis vers. 12. quorum illud ad 390 dies restringitur vers. 9., hoc itaque ad reliquos 40 dies, seu posteriorem obsidionem, referendum est.

§. XCVIII. 2. *Tertium* emblemata est prophetae, funibus a Deo ligati ac super sinistro latere 390 dies, et dein super dextro 40 dies decumbentis, vultumque Hierosolymam versus tendentis cum brachio extenso, et prophetantis, vers. 4—8. In qua pericopa cum litteralis et emblematicus sensus permisceatur, ita ut uterque tradatur; nos a. litteram b. sensum emblematicum et scopum distincte contemplabimur. a. Ad litteram tria pertinent, *ligatio* prophetae, *cubatio* super lateribus, et *prophetandi actio*. a. *Primum* continet *ligationem* prophetae, ultimo quidem loco narratam, sed cum cubatione mox factam, ut facile liquet ex scopo *ligationis* addito, ne *se ab uno latere in alterum converteret*,
vers.

vers. 8. statim itaque ac super sinistro latere cubaret, funibus a Deo constrictus et terrae adligatus est, ne se verteret; dein momento solutus, ut in dextrum latus se verteret, rursus ligatus est eodem modo. Quae ligatio diversa est ab ea c. 11. 25. ut facile adparet; licet confusa sit a multis. Visa enim sunt longe diversa. Respicit itaque ligatio non ad cubationem super uno latere dextro, sed utroque, et significat, eum in ea positura mansurum constantem et immobilem, usque ad terminum fixum. *b. Secundum continet cubationem primum super latere sinistro per 390 dies; dein dextro per 40 vers. 4—6. adeoque in universum dies 430. seu annum 1. M 2 D. 6., intelliguntur enim anni lunares dierum 365. Sunt, qui volunt, prophetam in universum in utroque latere tantum cubasse 390 dies, reliquos 40 censentes eo numero comprehendi, sese in vers. 9. fundantes, ubi 390 dies tantum memorantur, quibus ad mensuram ederet et biberet: sed non adtenderunt, id tantum pertinere ad cubationem super latere sinistro; et vers. 12. referendum esse ad super dextro; ut patebit suo loco. Nostrium emblema ab eo est diversum, et nihil de cibo et potu habet; nec textus illam interpretationem admittit, 1. quia diserte distinguuntur, et separatim memorantur, 2. posteriori cubationi praemittitur, vers. 6. *et absolvisti illos et cubabis super dextro* h. e. cum illos absolveris, tunc cubabis, seu illis exactis cubabis, nec aliam patitur phrasim explicationem, 3. quia subjungitur ibid. *אחרת* altera vice: argumento, 40 dies pertinere ad alteram et distinctam cubationem. *c. Tertium est, eum in ea positura vultum debere fixum habere contra urbem Hierosolymam, et brachium nudatum, eoque extensum, ac prophetare contra eam vers. 7. Et ad obsidionem Hierosolymae firmam figes faciem; et brachium tuum sit nudatum, et prophetabis contra eam* h. e. Vultu, brachio, et ore repraesentabis Hierosolymae obsidionem, ejusque consequentia tristitia, diu duratura. Priora duo consideranda sunt, tanquam signa obsidionis, vastationis,*

tioidis, et ejus consequentium, per Chaldaeos; uti facile cernitur, et ex voce *obsidionis* addita clarius elucescit. *Vultum figere et brachium nudare* contra Hierosolymam obsessam, est declarare, ac expingere, eam vultu minace ac viribus exertis a Deo per hostes esse oppugnandam. Quod nihil habet difficilis. *Posterior, prophetare contra illam*, comprehendere potest, et *realem* per signa memorata, et *verbalem* prophetiam, ore prolatam. Quod utrumque hic conjungi potest. Ceterum haec verba eo tendunt, ut prophetae posituram, modo descriptam, ad Hierosolymae obsidionem ejusque consequentia, spectare, significaretur; nec tamen, acsi obsidentium personam in ea positura praetulisset, sed obsessorum, ad quam declarandam oculos, et brachium tendere debebat Hierosolymam obsessam versus: acsi haberetur; obsessorum praefer statum et habitum, et signis gestisque declarata urbem esse obsidendam ac exscindendam; ut intelligant, tuam posituram ad urbem obsessam spectare.

§. XCIX. β. Intellectus emblematis figuratus, ejusque scopus, ut in lucem prodeat, notandum est, 1. prophetam hic non, ut antea, hostium obsidentium, sed *Judaeorum* obsidendorum, et in exilium abducendorum, personam gerere. Cujus clarum est in eo indicium, quod *iniquitatem* domus Israelis et Judae dicatur *portaturus*: quemadmodum in seq. emblemate penuriae et fordidi victus ac potus diserte subjungitur vers. 13. *sic comedent filii Israelis inter gentes* etc. Quo etiam facit, quod positura ejus referatur ad *obsidionem* ejus vers. 8., argumento, ipsum nunc obsessorum gerere personam. *Judae* vero additur *Israel*, ut, emblemata ad totum populum, ejusque defectionem, et statum poenalem, respicere, indicaretur. 2. Posituram prophetae praeferre conspectum non *peccati*, sed *poenae*, adeoque phrasin, *ferre iniquitatem*, significare *poenam* peccati ferre; uti a nonnullis recte observatum est: licet passim de contumacia in peccatis interpretentur, vel *peccatum* et *poenam* conjungant. Rationes nostrae sunt. a. Phrasin, *ponere iniquitatem super se, et ferre eam*,

eam, non *patrationem*, sed *poenam* ejus denotant. Conf. cap. XVIII: 20. Jes. LIII. et alibi. *b.* Positura prophetæ, quæ et *ligationem* et *cubationem* super lateribus comprehendit, non nisi ad *poenam*, seu malum triste ex peccato ortum, referri potest. Exprimit enim *conditionem* vilem, *servilem*, *adstrictam*, et *miseram*. *z.* Manifeste spectat ad *obsessorum* statum, ejusque *consequentia*, ut modo vidimus, et mox ex *numero dierum* quoque adparebit.

§. C. 3. *Tertia* thesis est, *durationem* positurae prophetæ habere duplicem respectum, *alterum* ad tempus obsidionis Hierosolymæ, *alterum* ad tempus status vilis, servilis et afflicti post Hierosolymam destructam: de quo distincte est egendum. *a.* Prior relatio, quæ directe et primo intenditur, ad *durationem* obsidionis Hierosolymæ clavis et certis nititur fundamentis. 1. *Primum* est, quod dies *obsidionis* adpellentur, quibus cubaret, nunc in uno, nunc in altero latere, vers. 8. 2. *secundum*, quod ea in positura jubeatur vultumvertere, et brachium nudare ac prophetare contra Hierosolymam obsessam vers. 7., argumento, eo spectasse hanc posituram, ut supra observavi. 3. *Tertium* est, quod *numerus dierum* in tempus obsidionis conveniat, et inde ratio unice capi possit aptissima *dierum* 390 super uno, et 40 aliorum super altero latere. Duravit obsidio 18 mensibus in universum, seu *anno* et *dimidio*; incepit enim anno IX^{no} Zedekiae, M. 10^{mo}, Die 10^{mo}, et duravit usque ad annum ejus XI^{mum} M. 4^{tum} d. 9^{num} 2 Reg. XXV. Jer. LII. Jos. Ant. X: 10, 11. Quibus *dierum* numeris demendi sunt 3. *mens*es et dies 27, quibus soluta fuit obsidio per Aegyptios ad Judæorum auxilium advenientes; quibus debellandis totum illud tempus insumtum est, quando resumta est obsidio, et urbs expugnata, adeo ut, intermedio illo spatio ablato, obsidio duraverit annum *unum*, *mens*es *duo*, et dies *sex*; seu dies 430, quot faciunt 390, et 40, iis additi. Divisio autem temporis 390, et 40 dies, et diversa positura super latere sinistro primum per dies 390, et dein dextro per 40,

N 4

spectat

spectat ad duplicem eam obsidionem, per bellum Chaldaeorum cum Aegyptiis interceptam; cum *prior* duraverit 390 dies, et *posterior* obsidio 40 dies. Resumpta enim est anno *XI^{mo}* Zedekiae, mense *3^{to}*, die *1^{mo}* Ez. XXXI: 1. expugnata est urbs eodem anno, mense *4^{to}* die nono, 2 Reg. XXV. Jer. XXXIX et LII. De quibus omnibus legendus est *Vignolius* Chron. S. t. I. p. 489. et t. II. p. 450. Cum vero *cubatio* in latere expinxerit obsidionem, seu statum obsessorum, in *utroque* latere recte repraesentavit duplicem obsidionem, unam post alteram, et *solutio* prophetae, ut in alterum latus decumbat, delineavit spatium intermedium, quo cessavit obsidio; adeo ut *tres* hic sint distinctae periodi, *prima* obsidionis, quae dies 390, *secunda* solutae obsidionis, quae in emblemate tempus non habet notatum, *tertia* obsidionis repetitae, quae duravit 40 dies. Quam utramque obsidionem ut expingeret cum tempore durationis, non in uno latere cubare debebat per 430 dies, sed alternatim primum in uno per 390 dies, dein in altero per 40 dies, sed quare primum in *sinistro*, et dein *dextro*, et quare in illo dicitur portare iniquitatem *domus Israel*, et in hoc *domus Judae*? Ad *prius* resp. *vel*, nullum esse quaerendum mysterium, cum initium ab uno latere esset sumendum, adeoque perinde foret, quodnam prius sit, adeo ut idem sit, ac si haberetur, *cubabis* in uno latere 390, in *altero* dein 40 dies, *vel*, cubationem in *sinistro* latere fuisse praemissam, et dein *secutam* super *dextro*, ad indicandum utriusque obsessionis aliquod adtributum, ei proprium, respectu majoris minorisve virtutis et resistentiae obsessorum; quae in *priori* obsidione major, in *posteriore* minor fuit, cum in *illa* minor fuerit penuria et pestis, in *hac* major, quare et illa diutius duravit, et soluta est. *Priori* convenit cubatio super latere sinistro, quae *dextrum* brachium ad defensionem relinquit iberum, *posteriori* respondet super *dextro* latere, quae brachii dextri usum aufert. Quod ad *posterius* adinet quaesitum, nihil mihi suppetit rectius, quam elegantiae causa *da-*
inum

nam *Israelis* in una periodo cubationis, et *Judae* in altera memorari, et utrobique *Israelem* et *Judam* comprehendī, adeo ut nomine *Israelis* *Juda*, et vice versa, comprehendatur; cujus indicium quoque in eo est, quod vers. 13. *Filii Israelis* tantum adpellentur, sed *Judae* includantur; sensus itaque simpliciter est, totius populi iniquitatem puniri in obliuione et expugnatione Hierosolymae, *Judae* non tantum sed et *Israelis*, quia erat totius populi metropolis ab Israele scelestē repudiata, a *Juda* contaminata. De quo plura dixi ad Jer. XXXII: 30. ubi ratio desolatae Hierosolymae, aequē ab *Israelis* ac *Judae* defectione repetitur. Accedit, emblemā hoc sese ulterius extendere ad statum populi post destructam Hierosolymam, utrique populo in exilio et deinceps communem; cujus noticiam nunc dare adgredior.

§. Cl. β. Posterior emblematis relatio, cujus memini, ad statum vilem, seruirem et infirmum, *Israelitarum* et *Judaeorum*, post Hierosolymam expugnatam, his *duobus* nititur fundamentis, altero, quod *dies* prophetae dicantur pro *annis* dati, altero, quod sequens emblemā, idem temporis spatium continens, diserte adplicetur ad statum in exilio, seu inter *gentes* vers. 13. Quod ad *prius* adinet, *posterius* enim per se clarum est, cum *dies* dati dicantur Prophetae pro *annis*, quibus ferret iniquitatem populi, *alterutrum* statuendum est, vel totidem annos *durasse* iniquitatem populi, vel *duraturam* poenam ejus, adeoque hanc ulterius extendi quam ad tempus obsidionis. *Prius* communiter quidem statuitur, sed recte est a Vignolio resutatum Chron. S. p. I p. 473. Nobis hae sufficiunt nunc rationes. 1. Phrasis, *ferre iniquitatem*, et *ponere super se*, et ipsum emblemā ligationis ac cubationis, nos unice ducunt ad *poenam* iniquitatis, tam diu *duraturam*, nec de ipsa iniquitate intelligi possunt, ut supra vidimus. 2. Cum *chronologia* conciliari nequit, cum, quod *terminus* a quo defectionis figi pro certo nequeat, solet in *tertio* Rehabeami, sed minus recte, cum quod ejus certum non sit in Script. indicium, et ab eo tempore dici nequeat

O

durasse

durasse iniquitas, utique non sub piis regibus Judae, nec etiam Israel tot annos 390. superfuit, tum quod anni 430, tot enim numerandos esse ex 390 et 40 additis, supra demonstravi, in illud tempus a 3tio Rehabeami non conveniant, ut in *institutionibus* Hist. demonstravimus. 3. Nulla ratio dari potest, quare prophetae injungeretur repraesentatio temporis durationis iniquitatis, multo minus per *cubationem* tot dierum super lateribus; cui bono hoc? et quo hoc tendet? quid tot anni defectionis huc facerent? 4. De *annis* dies facti sunt in gratiam prophetae tantum, non populi, adeoque indicatur manifeste, quod propheta per tot dies faceret, illud populum *per tot annos* pati debere, nec dici potest, tot annorum defectionem per tot dierum miseriam tantum luendam esse. 5. Denique visa, et somnia prophetica non ad praeteritum, sed futurum tempus respicere solent, quemadmodum et hic fit vers. 13.

§. CII. Referamus itaque ad statum populi futurum, et statuamus, Deum diserte dixisse, *dies* pro *annis* ipsi esse datos, non ut ad eum statum unice respici indicaretur, sed ulterius, et sensu secundario, eo etiam spectare. Cum enim directe et primo sensu obsidionem, et ejus durationem, expingeret per hanc cubationem, ut supra vidimus, ne ulterius non spectasse existimaretur, Deus hoc diserte addidit, *dies* prophetae pro tot annis, respectu populi, habendos, adeoque statum populi, cubationi et ligationi prophetae respondentem, statum abjectum, infirmum, et servilem tot annos duraturum esse. Sed, quot *anni* tunc numerandi sunt? et qui sunt termini, *a quo* et *ad quem*? Annos esse 390 et 40 simul sumendos, et 430 conficere, adsumere licet, cum divisio in 390 et 40 tantum ad tempus duplicis obsidionis respiciat, ut supra exposui; quia eo primo et directe pertinent *dies* memorati. Cum vero de singulis, et 390 et 40, dicatur, *dies* esse loco annorum, eos simul sumendos in *annorum* supputatione indicatur. *Terminus a quo* cum sit Hierosolymae destructio, agitur enim de statu populi post eam delo-

desolationem, quippe per *dies* cubationis proprie sumtos expictam, et in exilio, vers. 13., terminus ad quem, si historiam consulamus, erit *tertius* Jonathanis Maccabaei, quando status Judaeorum factus est liberior et firmior; sunt enim 421 anni inde ad Judam, cui 6 competunt, quibus si tres Jonathanis addantur, anni erunt 431. De quo dixi ad Dan. XI et XII. §. 234. quare plura non addo. Ceterum toto illo tempore Judaeos et Israelitas quasi cubasse in *lateribus*, et *ligatos fuisse*, licet majore aut minore emphasi, facile patet, cum status ipsorum etiam in Canaana fuerit toto illo tempore *servilis, infirmus et adflictus*: uti constat.

§. CIII. 7. *Quantum emblema continet cibum et potum*, toto illo spatio dierum, modo memoratorum, a propheta sumendum, in genere vilem et parcum, sed in specie primum vilem parva copia, spatio 390 dierum, dein sordidam et obscenum altero spatio 40 dierum, in signum partim penuriae et famis tempore obsidionis, partim contaminati et polluti status inter gentes, post destructam Hierosolymam: vers. 9—17. Ubi *a.* litteram *β.* sensum emblematicum et scopum illustrabo. *a.* Duo sunt, quae prophetae in visione injunguntur, ad *cibum* et *potum* ipsius pertinentia, quorum *prius* est tolerabilius, et ad priorem periodum obsidionis 390 dierum refertur, *posterius* longe molestius, et vix ferendum, ad posteriorem periodum pertinens, ut probabile est. Hac enim ratione recte distinguuntur, quae hic occurrunt, ut mox patebit. *Prius* vers. 9—11. describitur, *posterius* vers. 12—15. *Prius*, vers. 9—11., continet *a.* *cibum*, ejusque mensuram, durante spatio 390 dierum vers. 9, 10. *b.* *potum*, ejusque mensuram vers. 11. *a.* In *prioris* descriptione 1. memoratur materia cibi, seu panis ex variis frugibus ac leguminibus confectus vers. 9. *tritico* nim, *hordeo*, *faba*, *lentibus*, *milio*, vel potius *panico*, et *zea*, in *unum vas confectis*. De quibus praeter alios legendus est Olavus Celsus in Hierobotan., nobis enim in hisce votibus illustran-

dis non est morandum. Sensus est, qualescunque fruges, qualiacunque legumina, sine discrimine, sine molitione et praeparatione ulla in panem, quae alias fieri adsolet, cibi loco esse futura, et panis vicem habitura: et scopus est, penuriam, famem, ac status vilitatem et anxietatem expingere, adeo ut homines, instar jumentorum, sint alendi, cibum crudum et fortuitum qualemcunque, ad famem pellegendam, sumturi. 2. Additur *duratio* hujusmodi alimentorum, his verbis: *pro numero dierum, quibus super latere cubabis, 390 diebus vesceris iis.* Quibus manifeste respicitur ad superius emblemata, et indicatur, eum tot diebus, quot super *latere sinistro* cubaret, ejusmodi cibo tantum esse sustentandum. Sunt, qui 40 dies alios super latere dextro comprehendere statuunt, sine ulla ratione, et contra clara verba, etiam scopum emblematis, ut mox dicam, cum hic respiciatur ad priorem periodum obsidionis Hierosolymae. 3. Sequitur *mensura* cibi quotidiana, valde modica, vers. 10. *Cibus, quo vesceris, erit ad mensuram, 20 siclorum in diem, a tempore ad tempus comedes illum.* h. e. de cibo, quem praescripsi, quotidie sumes per omne illud tempus, non quantum voles et desideres, sed exiguum portionem, infra libram. *Siclus* si dimidiam ponderet unciam, ut putatur, 20 erant *decem unciae*, adeoque nondum *libra*; in nervum autem conjectis ex lege XII. tabularum dabatur *libra farris*, ut observat Grot. Phrasia *a tempore ad tempus* comedere, simpliciter exprimit per omnia temporis istius spatia, uti Lat. *de die in diem*, et belg. *van tyd tot tyd*; etc. b. In *potus* definitione itidem *materia et mensura* occurrit; vers. 11. *Et aquam mensura bibes, sextam partem Hinis; a tempore ad tempus bibes.* Vili cibo additur similis potus ex aqua tantum, et parca etiam mensura, *sexta pars hinis*: *hin* capiebat 12 logos, seu quantitatem 72 ovorum; *dimidium* itaque *hin* 36 ovorum, quarta pars 18 ovorum, et sic porro. Ex quo liquet, quam parca fuerit mensura aquae, ab ipso per diem bibendae.

§. CIV. Ad posteriorem periodum 40 dierum cubationis super dextro latere, pertinet pericopa vers. 12—15. qua prophetae praescribitur cibus stercoreis humani, et mox, ad ejus deprecationem, *stercoris bovini* in ejus locum; adeo ut, vers. 13. misso, de quo mox, in sensu emblematico tradendo, tres sint pericopae partes. 1. Prima continet *cibi abominabilis* praescriptionem e stercore humano; vers. 12. *Et placenta hordeacea, quam comedes, ipsa erit in stercorebus globatis excrementi hominis, coques eam coram oculis ipsorum.* h. e. spatio 390 dierum finito, quo fruges et legumina quavis loco panis comedisti, longe gravior te invadet penuria, qua loco panis hordeacei, quo velci solebas, stercoreis humani globuli tibi sunt devorandi, quos in eorum conspectu in cibum parabis. Interpretes haec verba capere solent, ac si propheta deberet vel placentam hordeaceam, vel aliam ei similem, ut Jun. et Pisc., coquere super oleo, aut stercore humano siccato et accenso, loco ligni aut alius materiae combustilis, in signum penuriae lignorum etc. Quod a vero sensu loci longe aberrat. 1. enim nihil de stercore *accenso*, nihil de coquendo *super illo*, nec hic nec vers. 15. ut mox patebit, habetur. 2. Phrasis, *et ipsa in globulis excrementi*, id non fert, sed vero suo sensu dicit, *placentam* ipsius fore ipsissimum illud excrementum; sicut vers. 15. de stercore bovino disertè dicitur, *facies panem tuum, de ipsis vel coram ipsis.* 3. Tanti non erat, penuriam esse materiae combustilis, et ejus loco *stercus* siccatum et accensum sumere; cum tamen hic tamquam grave, et superiore gravius, malum memoretur. 4. Robur addit locutio proverbialis ad summam famem designandam, qua *stercus edere*, et *urinam bibere* dicuntur, ut Assyrii Hierosolymitanis denunciant tempore Hizkiae 2 Reg. XVIII: 27. Jes. XXXVI: 12. Sensus itaque est, prophetam loco placenta hordeaceae nunc *stercus humanum* in placentam formatum edere debere coram populo. Relegamus verba in hunc sensum, et illustremus. *Et placentam hordeaceam comedes eam* (insuper, deinde, placenta hordea-

hordeacea, qua vesci fuisti solitus, quam nunc comedes, longe alia erit: *placentam hordeaceam* appellat Deus relate ad cibum solitum, et gratum, quo vesci solebat; sed eam nunc aliam fore, quam comederet in posterum, indicat, et mox exponit, cum subjungit) *et ipsa in globationibus stercoris hominis* (ipsa erit stercus hominis conglobatum; hoc erit nunc placenta tua hordeacea. Hunc enim sentum fundit phrasia Hebr., ut facile cernitur. Vox לללל notat proprie *globos*, a rad. ללל *volvere*, inde *stercus animalis globosum*, Schult. ad Job. XX: 7., altera vox ללל significat *faeces*, quae emicant ex alvo, et egeruntur, a rad. ללל, ללל quae sororia est rad. ללל proprie *emicuit ignis*, etc.) *coques eam* (sc. placentam stercoream, scilicet in placentae formam rotundabis. Rad. ללל proprie est *curvum esse*, *incurvari*, inde ad *placentam* transfertur, quae in Oriente rotundo amphorarum dorso aptabatur, et ita *curvabatur*, ac sub cinere coquebatur. Vid. Dieu ad Hof. VII. et de re ipsa Boch. H. p. I. l. II. c. 33. Sic apud Lat. *torta* et *tortula* est massa panacea, in rotundam formam deducta, et contorta, Gal. et Belg. *taart*, a rad. Lat. *torfit*,) additur, *coram oculis ipsorum* (sc. in visione, et postea palam cum ipsis communicanda; unde itaque colligi nequit, ut solet, prophetam extra visionem id fecisse: de quo mox)

§. CV. Ceterum notandum superest, hoc iussum non spectare ad superiorem pericopam, et periodum 390 dierum, sed novi quid continere, superiore longe gravius, ac ad alteram periodum 40 dierum, supra memoratam, pertinere. 1. enim toto spatio 390 dierum comederet fruges et legumina, ut modo vidimus; non itaque *placentam stercoream*, ut hic, adeoque illo spatio finito demum hic cibus locum haberet. 2. Deus, emblemata explicans vers. 16, 17. diserte dicit, Hierosolymitanos *panem* et *aquam* ad mensuram sumpturos, *donec* deficient *panis* et *aqua*, quod posterius hic per *placentam stercoream* indicatur, loco panis et aquae adhibendam; quod itaque in alteram periodum obsidionis convenit, qua

qua panis plane deficeret; et ad quaevis sordida comedenda vulgus adigeretur. Conf. 2 Reg. XXV: 3. ubi illud diserte traditur. Ex quibus manifestum est, alteram periodum obsidionis ad finem vergentis hic describi, licet non expresse addatur, ut modo, *ad numerum dierum* 40 etc. quod non necesse erat, cum ex superioribus per se sequebatur.

§. CVI. 2. *Secunda* pericopae pars exhibet deprecationem prophetae, qua se a placenta stercoreis humani supplicat liberum manere, ratione ducta ab immunditie ejus, a qua in omni cibo per vitam sibi caverat, ex. gr. memorata carne quavis foetida, *morticinii* aut animalis lanjati, vers. 14. Quae nostram curam, quoad sensum, non requirunt. Tantum observabo, hinc sequi, *placentam*, modo memoratam, non posse intelligi *hordeaceam* subcinericiam, stercore humano loco ligni superimposito; cum ea ratione cocta placenta non potuisset pro *contaminata* haberi, nec tam foetida esse; quod mox ex vers. 15. ulterius confirmabitur. Sed substitue placentam vere stercoream, ex stercore humano factam, omnia recte quadrant, cum illud *stercus* secundum legem erat impurum, quare Deus voluit illud mox terra tegendum, nec in castris futurum. Deut. XXIII: 13—15. Quod vero dicant, placentam excrementis esse imponendam, et ita igni suscitato in excrementis esse coquendam, plane abhorret, nec etiam fieri poterat, nec verbo *IV* respondet.

§. CVII. 3. *Tertia* pars continet temperamentum superioris jussi, ad hanc deprecationem, in eo situm, quod loco excrementi humani sumeret *bovinum*, et inde faceret placentam coram ipsis, vers. 15. his verbis, quae recensebo et exponam: *Et dixit mihi, vide, dedi tibi stercus bavis loco stercoreis hominis*, (Vox *בִּינָה* proprie significat *plausa*, cum flatu explosa, et in solum cum plausu cadentia; quod in bovum excrementa aptissime convenit. Est verbum *בָּנָה* ex sono fictum, et proprie dicit *plaudere*, ex. gr. cervicem manu passa leniter. Vid. Schult. ad Prov. XXIII: 3a. et.

212 LECTIONES ACADEMICAE

ep. II. ad Mencken. p. 100.) *et facies panem tuum apud ipsos, vel de illis (utrumque enim admittit פנים עליוס apud ipsos, scilicet in eorum corona circumstante; quod eleganter est על; quando idem erit ac vers. 12. פנים לעיניהם ante oculos ipsorum, vel de illis, scilicet excrementis bovinis, facies panem, quem usum etiam על, ut פנים, super habet. Solet intelligi de pane facto super excrementis accensis, ut ita coqueretur. Quod supra refutavi: nec illud tanti erat, cum iatis usitatum sit nonnullis in locis, uti excrementis bovinis ad ignem faciendum: quod et hodie Aegyptiis, aliis Orientis populis, in usu est, ob penuriam ligni, ut stercore bovino camelino, et equino utantur ad coquendum, testibus Itineratoribus, nec illud convenit urbi tam arte obsessae, et tanta penuria laboranti, ubi tanta non est boum copia: uti ex. gr. in obsidione Samariae 2 Reg. VI: 25.) Ceterum sicut a stercore bovino non tam, quam humano, abhorret natura nostra, ita minus illud erat immundum sub lege.*

§. CVIII. β. Emblematis, aequae ac superioris, sensus figuratus est duplex, *alter proximus et directus, alter remotior et indirectus, cuius utriusque indicium non tantum est in nexu emblematis cum superiore, ut ex cubatione super latere et numero dierum patet, qua durante haec alimenta sumerentur, sed certa demonstratio in verbis Dei, quibus emblemata exponit, vers. 13, 16, 17. quorum vers. 13. ad remotiorem, vers. 16, 17. ad propiorem sensum pertinent; ut explicatio docebit. Incipiamus cum sensu directo et proximo, qui his verbis traditur vers. 16, 17. Et mihi dixit, fili hominis! ecce me confringentem baculum panis Hierosolymis, et, seu postquam, comederunt panem mensura, et anxietate homida, et aquam mensura et obstupescatione biberint; propterea deficient panis et aqua, et siderati obstupescunt vir et frater ejus (unus et alter, unusquisque,) et pure ac sanie erepabunt in suis iniquitatibus. h. e. posteaquam cibi et potus aliqua penuria laboraverint Hierosolymis, ita ut ad mensuram comederint panem et biberint aquam, magna anxietate*

tate et sollicitudine majoris defectus adfecti; totalem immit-
tam penuriam, ita ut, pane plane deficiente, dirissima fame
sint et siti premendi, qua instar tabis diffluent, et peribunt
propter iniquitates suas. Duos continent gradus penuriae
haec verba, qui sibi succederent, quorum posterior longe
foret priore gravior, pro duplici obsidionis periodo per ali-
menta vilia et modica, dein sordida, expectata. Ad quam du-
plicem periodum, et ei congruam speciem cibi et potus;
verba haec omnino respiciunt. Memoratur enim distincte
parca mensura alimentorum, et totalis defectus, prior per
comedere ac bibere ad mensuram; posterior phrasi fractionis
baculi panis, ejusque defectus ad fiderationem et tabefactio-
nem usque; prior praeterea occurrit tanquam praecedens,
et posterior tanquam consequens; uti in versione expressi.
Voces enim, et comederunt panem, ac bibent aquam in men-
sura et anxietate, insertae sunt, non tanquam fractionem ba-
culi panis explicantes, sed eam antecessurae, et reliquae vo-
ces, propterea deficient panis et aqua etc. cohaerent cum
fractione baculi panis, ejusque consequens comprehendunt.
Particula itaque ו in ואכלו est ordinativa et dicit postquam,
ut Gen. XLIX: 27. Deut. XXIII: 14. Jos. VII: 25. Jer.
XII: 14. Job. XIV: 10. et alibi. Quod ex ipsis phrasibus
confirmatur; frangere enim baculum panis et panem edere ad
mensuram non possunt conjungi, cum prior phrasis totalem
panis defectum denotet; adeoque non praecedere, sed sequi
debeat portionem mensuratam. Accedit, in esu et potu
mensurato respici manifeste ad vers. 10 et 11., adeoque
priorem cubationem in latere sinistro, in defectu panis vero
ad vers. 12. seu posteriorem cubationem, et cum ea con-
junctam placentam stercorem loco panis, jam deficientis.
Qua ratione cuncta apte cohaerent, et faciles habent expli-
catus.

§. CIX. Duo itaque Deus declarat Judaeis Hierosolymae
respectu alimentorum esse obventura, tempore obsidionis,
alterum, parco mensura ipsis esse edendum et bibendum, al-
P terum

terum, eos omni pane esse carituros, et atroce fame premendos. Prius his verbis continetur, *edent panem in pondere sorto et anxia sollicitudine, et aquam mensura bibent et obstupescatione*. Quae nihil habent difficilis; parca indicatur alimentorum copia, quae anxietatem parit et obstupescationem super praesente gravi calamitate, et graviore instante. Cujus imaginem gessit propheta, dum fruges et legumina quavis comedit in mensura, super sinistro latere cubans per 390 dies: de quo supra egimus. Accidit illud Judaeis in priore periodo obsidionis; quando alimentorum copia valde parca fuit: uti notum est. *Posterius* his verbis exponitur; *ecce me frangentem baculum panis, propterea deficient panis et aqua, et fiderati erunt vir et frater ejus, ac tabescent in sua iniquitate*. Quae judicium Dei et ejus effectum continent; prius designant verba, *frangam baculum panis* h. e. alimenta, vitam sustentare apta, e medio tollam. *Baculus panis* non est, ut multi capiunt, *vis* panis alens, sed ipse panis, baculi instar vitam sustentans; et *baculum panis frangere*, est panem sustentantem delere, et e medio auferre, adeoque non *vis* alentis in pane destructio, sed ipsa ejus penuria totalis, ita ut deficiat panis. Vid. Lev. XXVI: 26. Jes. III: 1. et ibi Vitr. ac Clericus. *Consequens* et effectum judicii, per voculam *propterea* expressum, ita habet: *propterea deficient panis et aqua, et fiderati jacebunt vir et frater ejus, et tabescent in sua perversitate*, h. e. dira fame per defectum panis et aquae oppressi, tanquam sidere tacti, decumbent, et peste aut tabe diffuent propter perversitatem suam. Summae famis et sitis est descriptio, cum ejus effectis, in stuporem, debilitationem et pestem ac mortem exeuntibus. Verba et phrasae nihil habent obscuri. Radix *רָדַף* proprietatem habet in *radendo*, deradendo, unde ad penuriam rasam, cum nihil superest, transit. Vid. Schult. ad Prov. *רָדַף* proprie est *fiderari*, tanquam urente ac pestifero adhiatu, inde *vastari*, et ad animum translatum *obstupescere*, ac in mentis attonitiae horrorem defigere, cujus

atriusque

utriusque ratio haberi potest; *vir et frater ejus est*, unusquisque, unus et alter; passim itaque et communiter. Verbum *pro* est e sono fictum, et proprie notat *fissionem* et *crepationem* latius fusam, et adhibetur de ulceribus purulentis, quae fissa crepant, et sonum *pro* edunt. In Niph., ut hic, duplicata intransitive, vel passiva gravata, est adigi illuc, ut *pure et sanie quis crepet*; adeoque ad famis effecta, putredinem, pestem, et mortem, apte applicatur. In quam conditionem miserabilem recte quadrat proverbialis locutio *placentae stercoreae*, sive humanae sive bovinae, quippe quam edere est desperatissimae famis indicium, et funestae tabefactionis praesagium, cum ad sustentandum nihil faciat. Conf. supra dicta ad vers. 12. quibus adde Thren. IV: 5. ubi famelici dicuntur siderati, et *amplexi stercus*. Ceterum, eam dirissimam famem tempore obsidionis Hierosolymae tacevissent ex Jer. XXXVII: 21. XXXVIII: 9. 2 Reg. XXV: 3. Thren. IV: 5. et aliunde constat.

§. CX. Veniamus ad sensum remotiorem et indirectum, vers. 13. his verbis indicatum. *Et dixit Jehova, sic comedent filii Israel panem suum pollutum inter gentes, quorsum eos dissecero*. h. e. Quod tibi placentam stercoream injunxi edendam, illud eo etiam ultimo spectat, ut Israelitis, quorum personam geris, ob oculos ponatur, eos non tantum instar servorum et mancipiorum, quorum est vili cibo et promiscuo vesci ad mensuram, sed et vilissimorum et abjectissimorum, seu canum et porcorum, qui stercore voluntur, et illud absorbent, futuros esse in exilio inter Gentes, a me abjectos et pro immundis, quorum est pollutis vesci, declaratos. Subjunguntur quidem verba praecepto de stercore comedendo, sed porrigunt quoque sese ad vilem et promiscuum cibum et potum vers. 9—11. memoratum, sicut utrumque illud etiam respectu obsidionis Hierosolymae est conjunctum vers. 16, 17., adeoque significant, Israelitas in exilio non tantum vili cibo et ad mensuram, sed et sordido abominabili esse uturos. Respici vero ad statum

Israelitarum in exilio, et non ad obsessos, ut Sanctius et alii autumant, ex titulo *filiorum Israelis* non solum colligitur, eo enim usps non fuisset propheta, nisi Judaeos et Israelitas in eodem statu exilii comprehendisset, sed clare evincitur, 1. ex phrasi *inter gentes*; quae ad Judaeos, a Chaldaeis obsessos, ut illi volunt, referri nequit, 2. quia additur, *quorsum disperdere eos*; manifesto indicio, eos inter gentes disiectos eo cibo usuros esse. Offendit eos, quod putarunt, emblemata unice spectare ad obsessos, ad quos vers. 16, 17. refertur, non observantes, eo directe quidem et proxime respici, sed ulterius et indirecte quoque ad exules, eorumque statum; uti in praecedente emblemate quoque habuimus, et dies pro *annis* dati exigunt. Quod ne nos lateret, Deus expresse illud his verbis insertis admonuit; quae itaque, emblemata eo etiam pertinere, demonstrant.

§. CXI. Significant vero verba, cum emblemate, modo memorato, comparata, α. Judaeos et Hierosolymitanos, aequae ac Israelitas in exilium esse abducendos, eandemque sortem subituros, adeo ut communi *Israelitarum* nomine recte insigniri queant, ut hic fit, β. eos esse a Deo abjiciendos, tanquam impuros, et ex commercio cum gentibus magis polluendos, acsi nulla lege amplius de puritate et impuritate legali tenerentur. Phrasis, *edent cibum impurum inter gentes*, non tam indicat, Judaeos in exilio talem cibum vetitum esse sumturos, quam in genere immundos fore in oculis Dei ab ipso repulso, et tanquam gentiles tractandos esse, qui nullum norunt ciborum, aut rerum aliarum, respectu puritatis, discrimen. *Comedere cibum impurum inter gentes* denotat immundum esse, abjectum, et in talem redactum statum, in quo sunt, qui polluto cibo vescuntur, seu legibus illis non sunt adstricti; praeterea peccatorum suorum poenas luunt, et ea ratione *immundi* sunt: uti de se fatentur Judaei poenitentes in exilio Jes. LXIV: 5.— γ. eos, ut propius ad emblemata veniam, non tantum in vili, servili et paupere conditione futuros, *instar servorum*, qui quaevis legumina edere

edere debent, et ad praescriptam mensuram, verum etiam
 objecta valde et miserabili, instar *canum* et *percorum*, qui
 stercore pascuntur; quod hic *אֵלֶּיךָ* est, panem *immun-*
um comedere, fordidum et detestabilem. Sensus non est,
 talem ad litteram fore eorum cibum, sed in tam vili et con-
 temnibili statu futuros, subinde etiam summa cum paupertate
 et inopia esse luctaturos, ut proverbialis haec locutio,
stercus comedere, iis conveniat.

C A P. V.

§. CXII. ה. **Q**uintum emblemata est crinium capitis ac
 barbae detonforum *partim* in medio urbis, durante obsi-
 dione, igni combultorum, *partim* gladio circa urbem per-
 cussorum, *partim* denique quaquaversum disjectorum, sed
 ex aliqua parte recollectorum in unum fasciculum, dein in
 ignem immisorum, qui omnes illas reliquias Israelitarum
 corripere et absumeret. Quod emblemata *א*, describitur
 vers. 1—4. ב. exponitur vers. 5—17. א. Descriptio pa-
 rum habet difficilis, quod nostram requirit operam, qua-
 re celeriter percurram. א. Jubetur. Propheta sumere et
gladium acutum et *novaculam tonsorum*, (non itaque *cul-*
trum, seu *novaculam*, sed et gladium et novaculam, adeo
 ut utrumque illud accipiat instrumentum, et praef. י in
 תעך deficiat, usitata itaque vocis תעך pro gladio signi-
 ficatio est retinenda, ut ex vers. 2 et 12. elucescit. Utri-
 usque quoque instrumenti indicium est in repetito verbo
 לקח *sumere*, nec non in eo, quod *novaculae* tribuatur ra-
 tio crinium, vers. 1. et dispersio eorum gladio.) Novacu-
 lam autem *transire facere* jubetur *super caput suum et barbam*,
 scilicet hostiliter invadere faciendo et corripiendo crines
 capitis et barbae, adeoque detondere caput et barbam, quam
 potestatem adfert עבר; dein *stare* sumto cum ponderibus,
 P 3 crines

crines detonsos in tres partes aequabiliter, et iuste, dividere; ac forti suae destinare; eo enim *stateras* et *ponderum* pertinet usus hoc in loco. β . Quo facto, jubetur, *tertiam* partem in medio urbis, scilicet Hierosolymae, ubi in visione fingitur praesens, *igni comburere* tempore obsidionis, quamdiu ea duraverit: qui sensus est phrasis vers. 2. *secundum quod pleni fuerint dies obsidionis*, h. e. donec fuerint impleti, adeoque durante obsidione ad finem usque: *tertiam* partem *gladio* percutere in circuitu Hierosolymae, et ita in partes secare, ac perdere, adfix. enim foemin. relativum in כִּבְרֵי תַּיִתִּי respicit ad *urbem*, modo memoratam, et indicat in circuitu ejus id faciendum esse; *tertiam* denique partem in *ventum* spargere, et ita quaquaversum dissipare, sed gladio persequendam: quod Deus ipse dicitur factururus, quia propheta in hoc emblemate Dei personam sustinebat, ut mox observabo. Verba sunt, *et gladium evacuabo post eos* h. e. faciam, ut gladius eos persequatur, et sanguinem effundat ac prosterнат: quem specialem usum habet verbum פָּרַץ apud Arab. Vid Lette ad Ex. XV: 9. et quae dixi ad Pf. XXXV: 3. Causam itaque verba non continent, quare diffugiant et vagentur, metu scilicet gladii stricti, uti accipi solent, sed diffusorum *sortem* exponunt, qua mala morte et ipsi dissipati perirent, uti vers. 13. exponitur. γ . Denique ei injungitur e crinibus jam disjectis pauculos recolligere, eosque *oris vestis* suae includere, dein aliquos in ignem conjicere, et comburere, addito, isto igni *totam domum Israelis* esse *corripendam*, vers. 3, 4. Ad quae not. 1. spectare hanc sortem ad *tertiam* partem crinium non tantum, quod jam est observatum, et ex nexu facile patet, sed et jam *dispersorum*, et non ante dissectionem; uti manifestum est ex vocula פָּרַץ *ex inde*, et non, *ex istis*; non enim habetur פָּרַץ sed פָּרַץ, qua vocula ducimur ad locum dispersionis; ubi sumerentur aliqui crines parvo admodum numero, 2. pauculos illos crines primum esse in unum colligendos, ac tuto in loco, ut ora vestis, constringendos et conservandos,

dos, sed mox aliquos ex iis in ignem mittendos et comburendos esse, 3. reliquos omnes eandem sortem deinceps subituros; secus ac Interpretes capiunt, qui putant illos esse conservandos. Verba seqq. id, quod dixi, clare indicant: *emicabit inde ignis in totam domum Israelis*, scilicet superstitem illam, seu reliquias Hierosolymitanorum, quae effugerant, et dispersae erant; uti restringitur phrasis vers. 10. Quod ex scopo emblematis confirmatur; ut mox patebit.

§. CXIII. 2. *Expositionis emblematis*, a Deo ipso factae vers. 5—17. tres partes sunt. a. *Prima* definit personas, quibus hoc iudicium infligeretur, his paucis verbis vers. 5. *hoc est Hierosolyma* h. e. hoc omne, hoc tantum, tam grave, malum accidet Hierosolymae ejusque civibus. Particula *NON* non est cum Hierosolyma construenda, et vertenda *haec Hierosolyma est, quam posui in medio gentium*, uti multi capiunt, sed ad superius emblemata referenda, quo digitus quasi intenditur; et sensus est, *hoc omne*, quod tibi faciendum iussi, spectat ad Hierosolymam, et ei eveniet, ut ab aliis recte est animadversum, nec stylus alium sensum admittit. Addo, vocula hac simul comprehendi *gravitatem* mali, urbi infligendi, ut *NON* sit *hoc*, quod fecisti, hoc tam durum malum Hierosolymae fatum erit: quam emphasin particula illa haud infrequenter habet, uti apud Lat. et Belg. *hoc et hoc* tibi eveniet. Vid. 2 Sam. XIV: 13. Ps. XXXVII: 3. XLIV: 18. Jer. IV: 8. IX: 11. XXXII: 23. Mich. 1: 8. et alibi. Ex quo manifeste adparet, emblemata restringendum esse ad Hierosolymam, ejusque incolae et cives, et non ad totum populum Judaicum extendendum; non ad eos, qui jam erant in exilio, sed qui Hierosolymis, et in Judaea adhuc versabantur; quemadmodum Jer. XXIV. quoque fit, quocum nostrum caput est conferendum. Ex qua hypothese cuncta faciles habent intellectus, alias valde intricata; ut sequentia docebunt.

§. CXIV. 2. *Secunda* pars continet *causam* iudicii Dei in hanc urbem, in ejus corruptione et defectione a Deo si-

tam, qua se indignam praestitit arcta ad Deum relatione; et praerogativa, qua gaudebat, vers. 5, 6. Ubi *a.* praerogativa ejus et relatio ad Deum memoratur vers. 5. *in medio gentium posui eam, et in circuitu ejus sunt terrae.* h. e. Inter populos, et terras vulgares et gentiles, circum eam, constitui eam urbem sacram, et gloriosam, reliquis omnibus circum excellentiorem, et venerandam; quam ipse elegi, et mihi arcte junxi ac dedicavi, quaeque reliquis gentibus exemplum esse deberet fidei et virtutis. Ultimae voces, *et circum eam terrae*, non pendent a verbo *ponere*, ac si sensus sit, *et circum eam posui terras*, quod sensum et emphasin non habet, nec usus verbi *ponere* hoc in loco admittit, ut mox patebit, sed vel per ellipsin verbi *sunt* verti debent, ut feci, vel subintelligi debet ante *circum eam*, particula *וְכָל*, hac ratione: *in medio gentium posui eam*, et quae *circum eam sunt terrarum*, uti mox plene habetur vers. 6. *Gentes* vero et *terrae* sunt synonymae, quare vers. 7. *gentes* tantum memorantur, quae *circum* sunt, adeoque *terrae* sunt vulgares, quae nihil sancti habent, oppositae ad *terram sanctam*, seu *desiderabilem*, aut quae alia epitheta sunt *terrae* Israelis; *terrae* itaque gentiles, ut *gentes* et *terrae* sint *terrae gentium*. Sensus vero non est, Hierosolymam simpliciter inter gentes, et earum terras, esse constitutam, multo minus in *meditullio* seu centro omnium terrarum, prius emphasi caret, posterius verum non est, nec quid huc faciat patet, sed urbem esse a Deo solam inter gentes et alias terras electam, et in sedem Dei ac religionis dedicatam, adeoque singulari praerogativa et relatione ad Deum ornatam. Quam emphasin adfert verbum *וְנָתַתִּי* *ponere*; quod etiam *dedicare*, *consecrare* denotat; ut *ponere statuum* apud Lat. Sic Ps. L: 23. LXXIV: 4. Jer. XI: 13. XXXI: 21. XXXII: 20. Potest quoque pro concisa et elliptica haberi locutione, quae plus dicit, quam exprimit, adeo ut *ponere* sit pro *ponere sibi in locum et sedem habitationis*, uti Deut. XII: 5. *ad ponendum nomen suum ibi, quod inhabitet eum locum*.

Re-

Respicitur manifeste ad emblemata *crinium capitis et barbae*, ejusque explicatio hic traditur, in eo sita, quod Hierosolyma Deo ita arcte et gloriose adhaereat, ut *capilli* capitis et barbae, quibus caput viri tegitur et honoratur. Propheta enim hic personam Dei sustinet, et non, ut alii putant, populi; quare, quod prophetae injunxerat faciendum, ipse se facturum esse declarat; sicut in ipso emblemate jam fecerat vers. 2. fin. *evacuabo*, dicens, *gladium* post ipsos: significatur itaque, Hierosolymam habuisse arctam et gloriosam relationem ad Deum; instar *crinium* ad *caput*. Quae latius facile ab unoquoque possunt extendi.

§. CXV. β. Obstinata Hierosolymae a Deo et lege ejus defectio ad impietatem, qua praerogativae illi renunciaverat, et se dignam, quae a Deo rejiciatur, praestiterat, his verbis, valde emphaticis, profertur vers. 6. *Obstrigillavi judicia mea ad impietatem prae gentibus, et statuta mea prae terris, quae circum eam sunt, quia, vel profecto, exulcerati fuerunt in judicia mea, et in statutis meis non ambularunt, vel nihil minus, quam ambularunt: h. e. leges meas quascunque, quibus Hierosolymam mihi devinxi, et arctius adligavi, instar capillorum capitis et barbae, illa contumaciter abnegavit, simul illudit, et quasi strigillante tonsura abrasit, prolapsa ad quamvis impietatem in religione idololatrica, et vitae morumque depravatione; exulcerato utique cives ejus animo tanquam quid foedum leges meas spreverunt, et abjecerunt, nec ulla ratione eas observarunt, nihil minus quam hoc. Expressi quantum pote, omnem veram emphasin, et amplitudinem ac nexum orationis hac paraphrasi, quam uno alterove observato illustrabo et adstruam. 1. Verbum *סרה*, inde enim *סרה* est in Hiph. pro *סרה*, vid. Schult. Gr. p. 438. et Buxt. vind. ver. Hebr. p. 862., in origine sua valet *strinxit*, *perstrinxit*, *praestrinxit*, inde *stringendo* pressit, et met. contentiose restitit, et contumaciter reluctatus est, ac rejecit, ac cum *סרה*, ut hic, construi solet. Vid. Schult. defect. §. 130. etc. Sed teritur*

Q

etiam

etiam in *tonfura*, qua capilli destringuntur, dicitque *detondere*, unde vox *תִּכְתֹּךְ* pro *novacula* sumitur apud Hebr., hinc refertur ad illusionem et subannationem, met. petita ab eo, qui in constricta sedens sub novacula vexatur et raditur pro arbitratu tonsoris. De quo Id. vid. ad Prov. VI: 19. Quo admissio, sensus erit, Hierosolymam leges Dei vexasse, fannis excepisse, et ludibrio habuisse, ac exposuisse; respicietur simul ad *novaculam tonsorem*, qua propheta pilos capitis detondit, ad indicandum, Judaeos leges Dei deradendo sese a communione et favore Dei separasse; adeoque dignos praestitisse, qui a Deo repudientur, et novacula iudicii ejus abradantur. 2. Phrasus, obstrigillare iudicia Dei *תִּכְתֹּךְ אֲדֹנָי* ad impietatem est praegnans, et dicit, obstrigillando se conjicere in impietatem, adeo ut per legum Dei contemptum prolapsi fiat in omnem idolatriam, et corruptionem vitae ac morum, quae utraque nomine *impietatis* solet insigniri. 3. Cum vero addiatur, ad crimen Hierosolymae aggravandum, *prae gentibus, et terris circum eam*, indicatur Hierosolymitanos *partim* sese peiores gentibus in eo praestitisse, quod tam sanctas et bonas leges praevissent, et contra tot ac tanta privilegia et beneficia egissent, quibus gentes fuerunt privatae, *partim* peiores fuisse gentibus, et idolatriae et corruptionis morum respectu. 4. Particula *וְ* rectius per *profectio*, quam *quis* venit; cum hic non tam ratio superiorum deat; quam ea confirmetur ulterius, et cum adseveratione ac adgravatione repetantur. Usitatus autem is particulae usus satis est, uti notum. 5. Emphaticum valde est verbum *תִּכְתֹּךְ*, proprie *hiare, fluere* speciatim *ulceribus*, meton. *spernere, contemnere*, quasi dicas exulcerato: et aliquando velut adfectu fuit, et aliquid tanquam foetidum reject. Vid. Schult. ad Prov. III: 21. Odium contumax, averfatio purulenta, et taedium gravissimum, quo quis dissilit veluti et disrumpitur, hoc verbo exprimitur. Denique 6. emphatica sumenda est phrasus, *non ambulare*, pro nihil minus quam hoc, sed contrarium; quae satis frequens est voculae *אֵל* non potestas.

§. CXVL. 1. *Tertia pars continet judicii Divini in Hierosolymam, ejusque cives, una cum effectis ejus descriptionem, vers. 7—17. per sequentes articulos. a. Primus comprehendit declarationem judicii generalem ob illam contumacem perversitatem, modo memoratam. vers. 7, 8, 9. Ubi 1. repetitur perversitas tanquam judicii causa, ut intelligerent Judaei, eos propterea tam severe a Deo esse tractandos. vers. 7. Propterea sic dixit Dominus Jehova, propter aestuare vestrum, vel obstrigillare, prae gentibus, quae circum vos sunt, in statutis meis non ambulastis, et judicia mea non fecistis, nec secundum judicia gentium, quae circum vos sunt, fecistis. Nihil hic difficile, nisi infin. המנכם, quod varias peperit interpretationes. Nobis maxime arridet, vel radicem fuisse המן, ejusdem potestatis ac הום, המה et המם, quae propria est aestuationis streperae, et hic referri ad impetum libidinosum in omnem idololatriam, omne nefas ruentem; sicut adultera adpellatur Prov. VII: 10. aestuans strepera et procax, quod huc recte quadrare, facile intelligitur, vel leg. esse המרנכם ex vers. 6. a rad. מרה, ut modo exposui. Quod nunc magis placet. Qua ratione autem Judaei nequidem secundum instituta gentium dicantur fecisse, ex superioribus satis elucescit. Conf. Jer. II: 11. et ibi dicta. Fuerunt enim vita et moribus corruptiores, ut modo habuimus, praeterea in statutis suis observandi inconstaniores, ut est Jer. II. Nec obstat, quod c. XI: 12. fecisse dicantur secundum statuta gentium; cum diverso respectu utrumque verum sit: de quo postea. Vid. Glass. Gr. S. l. I. tr. 1. p. 71. ubi lectionem לא nostro loco vindicat.*

§. CXVII. 2. In pronuntiatione sententiae judicialis a. Deus declarat se iudicium in Hierosolymitanos esse exerciturum vers. 8. b. grave et singulare illud futurum esse, subiungit vers. 9. a. Prius his verbis vers. 8. Propterea sic dixit Dominus Jehova, ecco me contra te, etiam me ipsum, inquam, et faciam in medio tui iudicia coram gentibus. Em-

Q 2

phasin

phasin habet 1. quod repetatur, *etiam ego*, significatur enim 1. Deum fore quoque contra eos, sicut illi contra Deum, 2. Chaldaeos non tantum, sed Deum quoque eorum hostem futurum, 3. ipsum illum Deum, quocum tam arcte fuerant uniti, et a quo tot ac tanta nacti erant bona, qui antea Deus et patronus eorum fuerat, ipse ille nunc adversarius foret. Ceterum non erat praetermittendum, hic exponi emblemata *derasionis crinium capitis et barbae*, in signum separationis populi a Deo, et vinculi unionis rupti. Antea fuerant Deo arcte conjuncti, et honorati, ut crines capitis et barbae, sed nunc Deus declarat, *se contra eos* fore, adeoque ab iis alienum esse, et eos a Deo, ejusque favore et defensione avulsos. Praeterea, non sine ratione dicit Deus, *faciam judicia in medio tui coram gentibus*: indicat enim non unam, sed variam plagam iis esse immitendam, non in occulto, sed publice esse judicandos, *coram gentibus*, ut magis pudeant, et Deus glorificetur, denique in ipsa urbe Hierosolyma, etc. Exponit hic Deus, quod prophetae jussert respectu *staterae et ponderum*; indicat enim justum fore iudicium, et plagas varias esse juste dispertiendas: uti supra monui

§. CXVIII. *b.* Gravitatem et singularitatem iudicii haec verba exhibent, vers. 9. *Et faciam in te, quod non feci, et quod non faciam sicut illud amplius, propter omnia abominanda tua* h. e. Iudicium, hoc tempore tibi infligendum, erit omnibus praecedentibus et sequentibus, usque ad finem Oeconomiae Veteris gravius; adeo ut nec ante tale quid experta fueris Hierosolyma, quamdiu steteris, nec post expertura sis, quamdiu duratura sis. Interpretes varias sibi hic rexerunt difficultates, quod a scopo et vero conspectu verborum aberraverunt; variasque commenti sunt explicationes, qua ratione iudicium per Chaldaeos dici possit gravius omnibus praecedentibus et sequentibus, nonnulli etiam aliena sectati sunt, quorum aliqui comparisonem institui censent cum populis gentilibus, nunquam tam gravia passis, aut

aut passuris, alii etiam de iudicio per Romanos interpretantur, quo dictum Christi referunt Matt. XXIV: 21. Sed dubium non est, 1. quin de Judaeis secum comparatis agatur, cum gentium nulla fiat mentio, et series sermonis exigit, ut illud *non feci, et non faciam*, ad eosdem referatur ad quos *faciam in te* 2. de solo iudicio per Chaldaeos verba sint intelligenda; cum scopus et tota series orationis eo ducat, nec ullum indicium sit ultimi iudicii per Romanos. Nulla vero hic est difficultas, modo restringatur ad Hierosolymitanos, non universum populum, uti supra observavi, et capiatur de Hierosolymae, tanquam sedis reip. et religionis, totali destructione, diu duratura, denique tempus antèrius repetatur ab Hierosolymae constitutione in metropolin, et posterius ad durationem Oeconomiae V. referatur. Quibus admittis, sensus erit, Hierosolymae aliquid nunc eventurum esse, quod nec antea nec post, ex quo metropolis fuit, et erit, toto tempore Oeconomiae V. durante, in eo situm, quod urbs, qua metropolis, fuerit abjecta et desolata, omniaque mala passa sit, quae poterat, gravissima. Ante hoc tempus nunquam tale quid ei evenerat, nec postea accidit; quamdiu duravit Oecon. V. Iudicium vero per Romanos inflictum est, cum jam abolita erat illa Oeconomia, adeoque huc non pertinet. Nihil est in Verbo Prophetico institutum, quam Judaeis post liberationem ab exilio Babylo-nico promitti durabilem et perpetuam stabilitatem, et a gentibus nunquam esse ita amplius tractandam; quod eodem modo est intelligendum: uti saepe monui. Conf. ad Jer. XXXI: 40. et alibi.

§. CXIX. b. *Secundus* articulus continet paulo specialiorè recensionem partium iudicii divini, relate ad superius emblemata, sed phrasibus generalioribus et obscurioribus vers. 10. *Propterea patres comedent filios in medio tui, et filii comedent patres suos, et faciam in te iudicia, et reliquias tuas in omnem ventum spargam*, h. e. famēs dirissima te premet, gladio te feriam, et reliquias quaquaversum dispergam. Triamemo-

memorantur mala, quorum *primum* accideret Hierosolymitanis in ipsa urbe, *secundum* et *tertium* extra eam, quare *primo* expresse additur, *in medio tui*. *Primum* situm est in *fame*, quae efficeret, ut in propria viscera saevirent; alii alios comederent, sive proprie, sive figurate magia. Capi enim verba possunt in genere de dirissima fame, etiam specialius de mutua violentia, qua prae fame se mutuo diripiunt, denique specialissime et proprie, qua alii alios devorant; uti Deut. XXVIII: 53. Thren. IV. 10. Ex. gr. tantum memorantur *patres et filii*, unde de reliquis colligendum erat. *Secundum*, *faciam judicia in te*, ad reliqua mala capitalia referri potest, quibus neci darentur, tanquam fontes, per *gladium*; quod est *נאף יִסְחָר* facere iudicium. *Tertium* continet reliquorum dispersionem, sed generalius propositam, absque ut addatur, quid *dispersis* eveniret; quod mox explicatius traditur.

§. CXX. c. *Tertius* articulus comprehendit specialissimam malorum recensionem, et claram ac distinctam emblematis explicationem, post repetitam, cum aliqua variatione, sententiam condemnatoriam: vers. 11—13. Ubi a. praemittitur sententiae condemnatoriae pronuntiatio, una cum ejus causa, juramento Dei confirmata vers. 11. *Idcirco, vivo ego, inspiratum Domini Jehova, si non, propterea quod sanctuarium meum polluisti omnibus taediosis et abominandis tuis, etiam ego subducam, nec connivebit oculus meus, etiam ego clementem me non praebebo*. Declarat Deus cum magna adseveratione, per modum juramenti, cujus indicium est in phrasi, *vivo ego si non*, uti notum est, se *subducendum* esse omnem suam longanimitatem, clementiam et gratiam, propter profanationem Templi, et religionis per idololatriam et facinora gravia alia; quae grave et *disrumpens taedium* adferunt, (hanc enim emphasin habet radix *שָׁרַף* proprie *findere, disrumpere*, unde ad taedium gravius, quo quis quasi rumpitur, ut in *שָׁרַף* et *שָׁרַף*, transfertur) praeterea valde *sordida* sunt, et inquinantia, quae vis inest rad. *אָרַם*, et inde

de abominabilibus. Ipsa sententia condemnatoria profertur adfirmante verbo, et negantibus phrasibus, quae illud illustrent: sicut saepe moris est Scriptoribus sacris. Radix נָשָׂא proprietatem habet in *resorbendo*, et *adtrahendo* per os et labia; unde ad diminutionem et subductionem transit, vidi Schult. ad Job. XXXVI: 27. spirat itaque *inparatorum*. Cum autem subiungatur, phrasibus negantibus, *non connivebit oculus meus, non clementem me praestabo*, h. e. nec longanimitate nec ulla clementia utar; *resorbere et subducere* Dei in quo situm sit, facile adparet; in eo nim. quod Deus suam longanimitatem et clementiam, seu ejus effecta, retrahat, uti Job. XXXVI: 7. *non subducit*, resorbendo ad se, *oculos*, eorumque influxum salutarem, in se retrahendo, uti exponit Cl. Schult. l. c. Vid. Thr. II: 2. ubi נָשָׂא occurrit, et subiungitur, לֹא חָמַל , ut hic נָשָׂא . Sed Chaldaeis et Syris verbum נָשָׂא usitatum est pro *deradere* crines novacula, unde diminuenti usus etiam derivari potest. Quo admissio, adludetur ad emblemata vers. 1. *capitis et barbae* derasione. Occurrit etiam pro barba *derasa* Jes. XV: 2. Verbi usus ex potestate absorbendi, vel astrahendi crines, dein *deradendi* novacula, fluxit. Phrases negantes, ut dixi, ad *longanimitatem et clementiam* pertinent; radix נָשָׂא proprie est, *strinxit*, *constrinxit* arctius, usu teritur in *angustia oculi contracti*, sive proprie sive figurate, uti Lat. *connivere* et Belg. *ocgluiken*, quare *oculus* vel additur, ut hic, vel per elliptin intelligitur. Vjd. Schult. clav. p. 263. Altera radix נָשָׂא proprie est, *mollis* fuit, hinc *pepercit*, seu mollem se praebuit, et *indulget*. Id. ib. p. 228.

§. CXXI. 3. In malorum recensione, et emblematis expositione, distincte traditur, quid singulis tribus partibus tentis eveniret. 1. *Prima* tertia pars *peste et fame periret in ipsa urbe obsessa*, quo *combustionis crinium* figura pertinet. 2. *Secunda* tertia pars *gladio succumberet in circuitu urbis*, uti per imaginem *crinium gladio percussorum* erat expictum, 3. *Tertiae* partis fata distincte traduntur; a. *dispergerentur*

Q 4

b. dein

b. dein gladio ferirentur dispersi seu iudicio divino absorberentur, his verbis vers. 12. fin. et 13. *et gladium evacuabo post ipsos, et consummabitur ira mea, et aestuationem meam in eos complanabo, et consolationem recipiam, et cognoscent me Jehovah locutum esse in zelotypia mea, quum perfecero aestum meum in eos.* Quorum sensus est, iram Dei ad finem usque, sine cessatione, esse in eos effundendam, donec deleti sint, et ira Dei fuerit *consummata*, ac per sumtam vindictam *sedata*, et Deus quasi inde *consolationem* receperit, quod gloriam suam, et religionem contaminatam vindicaverit. Hanc enim emphasin habent phrasae, *ira consummabitur, aestuationem complanabo, consolationem recipiam.* Radix *נלל* originem habet in *complicatione* et *convolutione*; unde usus consummationis, et absolutionis ortus est, uti Schult. ad Prov. XVI: 30. notavit. Verbum *הנחת* duplicem fert conspectum, *alterum*, quo *complanare, sedare*, denotat, quem in versione et paraphasi secutus sum, *נלל* in origine velet, *tendi*, tendendo *sterni*, unde ad animalia *recubantia*, nec non *fluctus stratos* ac *complanatos* transfertur. Vid. Schroeder Obs. ad Orig. Hebr. c. VI. p. 41. quod voci *הנחת* recte convenit, iram enim *aestuante* denotat, quae instar fluctuum commota *sternitur*, cum saevire desinit, et vindictam explevit; *alter* vero est, quo *stabulationem*, et, in malum, gravem ac diuturnam *incubationem* denotat. Vid. Schult. ad Prov. XXI: 16. Sensus tunc erit, *stabulari et graviter incumbere* faciam iram *meam in eos*. Reliqua sunt facilia. Ceterum notandum est, totalem hanc destructionem restringendam esse ad tertiam illam partem dispersam; ut res ipsa non tantum, sed et nexus ac structura orationis docet. Continet vero pericopa explicationem partis emblematis vers. 3 et 4., ut supra exposui.

§. CXXII. d. Quartus articulus exhibet consequens destructionis Hierosolymae relate ad populos vicinos, in quorum medio erat, situm in stupore eorum super hoc fato, et irrisione, qua ei insultarent, vers. 14—17. Ubi *occurrit*

occurrit propositio vers. 14. β. ejus deductio et amplificatio vers. 15—17. α. Propositio fit his verbis vers. 14. *Es dabo te in stuporem findentem et detractionem lacerantem inter gentes, quae sunt circa te, coram omni transeunte.* Quorum sensus est, Hierosolymam, quae antea fuerat admirationi gloriosae populis vicinis, nunc, post vastationem, fore iis stupori vehementi, et ignominiosae obrectationi, ludibrio et opprobrio. Nihil hic curae nostrae relictum est, praeter verum sensum vocis לדרבה ab Interpretibus non observatum, omnes enim pro vastitate, et solitudine sumunt, cujus hic locus esse nequit, cum non ipsa vastatio, sed, ejus consequens, stupor et subsannatio gentium tradatur, ut ex seq. est manifestum; ne dicam de vastatione supra fuisse actum. Verbum דרב proprie- tatem habet in fissione et laceratione, unde inter alia transiit ad stuporem, eumque vehementiorem, cum animus adtonitus veluti finditur et fatiscit. Quo sensu etiam occurrit Jer. II: 12. *obstuscescite coeli propter hoc, et horrescite דרב findimini*, seu in stuporem adtonitum defixi horrescite. Ita et hoc loco stupor adtonitus attribuitur populis, uti mox vers. 15. משמה sideratio obstupesciendi. Stupescationi populorum super tam gravi facto, et destructione, additur contumelia lacerans, qua Hierosolymae insultarent: uti mox latius exponitur. Conf. de re ipsa Thr. II. Radix דרב primario valet, *carpsit*, *carpendo strinxit*, inde, inter alia, *obrectavit*, meritis detraxit, opprobrio laceravit etc. Vid. Schult. ad Job. XXVII: 6. et Prov., Lette ad Jud. V. Adlitteratio verborum דרב et דרב captata est, pro more veterum, ad elegantiam sermonis.

§. CXXIII. β. In deductione α. repetitur cum amplificatione opprobrium et stupor populorum vers. 15. his verbis: *Et erit opprobrium et blasphemia, exemplaris punisio, et stupor siderans gentibus, quae circum te sunt.* Non dicitur, et eris, nec personae mutatio est secundae in tertiam, ut sit, eris illa, uti accipi solet, verum et eris construi debet cum

R

opprobrio

opprobrio etc. ac tempus denotat, quo hoc opprobrium locum haberet, quod mox subjungitur, *quum fecero in te judicia* etc. adeo ut sermo hac ratione conaereat; et *opprobrium tunc erit quum exercuero judicia*. Repetitur vero stuporis et obprobrii descriptio cum amplificatione, quatenus additur opprobrio *blasphemia*, et *obstupefactio fiderans* adpellatur, eique adjungitur *exemplaris* punitio, quae gentes sicut in stuporem adtonitum conjiceret, ita exempli instar esset, quo justitiam Dei severam discerent, et quid peccatores obstinatos maneat cognoscerent. Radix אָרַךְ proprie dicit, *cum jactu ferire*, inde *feriendo* mutilare, in specie extrema corporis membra, praesertim aures et nares amputare; supplicium in Oriente usitatum, quo quis infamis fiebat per totam vitam, hinc verbis probrosis, et imprecatoriis, male alicui dicere, seu *blasphemare*, a גָּאָרָה, quod est a גָּאָלָה *jacere*, *jactu ferire*. Verbum אָרַךְ, ut saepe observavi, proprie est *fiderari*, tanquam urente et pestifero adflatu, inde inter alia *obstupefacere*; et in mentis attonitae horrorem defigere. Denique אָרַךְ pro exemplo poenae severissimae satis tritum est, a אָרַךְ, cui respondet אָרַךְ, *ligare*, *vincire*, unde ad punitionem exemplarem et disciplinam vincientem transit.

§. CXXIV. b. Sequitur delineatio status miseri, quo haec contumelia et stupor locum haberet inter gentes, 1. in genere vers. 15. *quum fecero in te judicia in ira et excaescentia, et in redargutionibus excaescentiae: ego Jehovah dixi*. Nihil hic not. praeter phrasin *redargutiones excaescentiae*, quae vindictam severam exprimit, quae simul arguit, seu claram adfert justitiae et judicii Divini demonstrationem. Conf. Ps. CXLIX: 7. et ibi dicta, 2. in specie, cum repetita recensione malorum, supra memoratorum, vers. 16, 17. Ubi a. dirissimae famis vivida pingitur imago vers. 16. *Quum immisero tela famis, mala illa inter ea, quae sunt ad perditionem, quae immittam ad perdendum vos; et famem solliget vos, quum fregero vobis baculum panis*. Quae verba con-

continent 1. descriptionem dirissimae famis in genere, quam Deus declarat se in ipsos esse immitturum: quo pertinent verba, *tela famis, mala illa inter illa, quae sunt ad perditionem*: ubi illud tantum not., voces **הרעים בהם** vertendas esse, ut feci, *mala illa inter ea*, vel *in iis*, scilicet *telis famis*, **בהם** enim non cum verbo **שלח** mittere construi debet, ut solet, sed cum **חצי** *telis famis*, ut indicetur, *tela famis*, a Deo immittenda, esse omnium pessima et penetrantissima, **אל לזאמ** *mala in illis* dicenda. *Tela itaque famis* intelliguntur non qualiacunque, sed quae in illis adpellari merentur **הרעים** *mala illa*, uti Deut. XXVIII: 59. et alibi plagae, vel verbera **רעים** *mala*, quae itaque certissimum adferunt exitium; uti mox additur, *quae sunt ad perditionem*: si cum verbo mittere connecteretur **בהם**, personae foret ingrata confusio, pro **בכם**; utitur enim propheta semper *secunda* persona, quam et hic adhibuisset, quare, si ad verbum mittere referatur, legerim **בכם** in vos, quod non est spernendum, et ה ac כ subinde permutantur, 2. effectum famis inter Judaeos, his verbis: *et fames colligens erit vos*, et *fregi vobis baculum panis* h. e. quum sustentacula vitae, seu alimenta, abstulero, fames vos omnes ad unum usque depascet, vel instar retis et verriculi colliget in mortem. Not. ו in **ושברתי** idem esse ac *quum*, postquam fregi, ut saepe alias; praecedit enim famem, et eam produxit fractio illa: praeterea magna emphasi pollet verbum **אסא**, cujus primigenia vis est in *verrente tractione*; unde ad lethalem collectionem, et quidem universalem, qua multitudo tanquam reti congregatur in mortem: sic c. XXXIV: 29. **אסא רעב** *colleſſi famis*.

§. CXXV. b. Famī dirissimae adduntur mox alia quaevis mala exitialia vers. 17. *Et mittam in vos famem, et feram malam, et orbabunt te, et pestis et sanguis, vel caedes, transibunt in te, et gladium vel vastitatem supervenire faciam tibi; ego Jehova dixi*. Nihil hic difficilis; tantum not. 1. vocem **רעב** *famem* hic videri superfluum, et vitio librarii

ex sequente **וַיִּרְאֵהוּ** ortam. 2. Vocem **וַיִּרְאֵהוּ** intestinas caedes de- notare, ut tempore Gedaliae Jer. XLI. qua ratione a *gladio*; seu bello extraneo, et caede inde orta, distinguitur, nisi voce **וַיִּרְאֵהוּ** *vastitas* significetur. Ubique, quod 3. obser- vandum, dubium est, num **וַיִּרְאֵהוּ** *gladium*, an *vastitatem*, de- notet. Punctatura pro *gladio*, sed nexus pro *vastitate* stat; cum **וַיִּרְאֵהוּ** *caedis* jam fuerit facta mentio; alias quidem aliis punctis eo sensu punctatur, sed potest etiam, ut hic, uti Deut. XXVII: 22. vel et cum aliis punctis legi: si *gladii* seu *belli* notio retineatur, ejus hic specialis cenferi debet facta mentio, ut bellum externum, et caedes ob hostibus facta, significetur, et ea ratione a sanguine distinguatur. Sed potest etiam **וַיִּרְאֵהוּ** *sanguis* pro caede per pestem sumi, et in voce *gladii* respici ad Angelum Jehovae cum *gladio* visum tempore pestis sub Davide; sicut vox *sanguinis* etiam ad eam pestem adplicatur Ps. XXX: 10. et pesti adjungitur Ez. XIV: 18. modo ibi genuina sit, de quo suo loco Nihil definitio. Quatuor hae plagae et alibi memorantur, ut Deut. XXXII. et Ez. XIV. et alibi.

§. CXXVI. Nihil restat, quam ut inquiramus, num haec omnia cap. IV et V. prophetae in visione tantum contige- rint, an etiam extra eam locum habuerint, et ipse haec omnia ad litteram fuerit executus? Mihi eorum placet sen- tentia, qui prius statuunt, ob has rationes. 1. Quia certum est, prophetae haec mandata fuisse in visione ecstatica data: quod non videtur fuisse futurum, si extra visionem re ipsa locum habitura essent. Quid enim visione opus, ad mandatum hoc recipiendum? 2. Quia in ipsa visione *funibus* ligatus est c. III: 25. IV: 8. argumento reliqua etiam ab ipso in visione fuisse peracta. 3. Quia actiones, ipsi hic impe- ratae, sine visione omnes peragi non potuerunt, ut super lateribus recumbere c. IV. et capillos radere, comburere, ac dispergere cap. V. Quae tamen eodem tempore fieri de- bebant, cum 430 dies cubare deberet; adeoque ultra annum; et ad finem obsidionis; qua durante *crines* combureret, et
nova

nova revelatio ipsi intra illud tempus obtigerit. c. VI. etc.
 4. Quia tam dura conditio tot dies super lateribus cubandi, sine ulla mutatione a latere ad latus, prophetae censerī nequit imponenda: cuius simile nullum exemplum est, et naturae humanae plane repugnat. 5. Quia panem stercoreum comedere, sive humanum, sive bovinum, plane abhorret: quod tamen prophetae injunctum esse vidimus. 6. Denique quia crines in medio Hierosolymae durante obsidione comburere deberet, c. V: 2. quod sine visione fieri non poterat. 7. Accedit, non legi ea mandata fuisse a propheta executioni extra visionem data. Quod tamen additum fuisset, si locum habuisset. Tantum ex seq. colligendum videtur, duas primas partes visi fuisse ad litteram observatas, quatenus sese, ut plurimum domi videtur continuisse, et linguam tenuisse ligatam, eo, quo supra exposui, sensu, donec Hierosolyma occupata, soluta fuerit; ut supra vidimus. Consequens itaque visionis nullum aliud fuisse videtur, quam quod illud cum exulibus suis communicaverit; ut alia occasione fecisse diserte traditur. c. XI: 25. Fundant sese dissidentes praecipue, vel unice fere, in eo, quod c. IV: 12. jubeatur placentam stercoream parare coram oculis populi: sed et illud in visione quoque sibi visus est facere, et significatur, populo illud esse adnunciandum. Ne autem quis offendant ad id, quod loco annorum dati sint prophetae dies, ac si illud visioni obstarēt, et signum esset, rem ad litteram esse exsequendam, not., illud factum esse non tantum, quod tot anni ne in visionem quidem recte quadrarent, sed in primis, quod cubatio quoque ad dies obsidionis spectabat: ut supra vidimus. Potuisse autem prophetam sterco humanum deprecari in ipsa visione, facile patet. Quare ei non immoror.

C A P. V I.

§. CXXVII. *S*ecunda revelatio, sed sine visione ecstasica, cum simpliciter dicatur, *verbum Jehovah ad ipsum esse factum*, eodem anno 510, quo superiores visiones contigerunt, facta est, cum c. VIII. anni *sexti* expressa fiat mentio, et directa non ad urbem ipsam Hierosolymam, ut visiones superiores, sed ulterius ad reliquam terram Judae, in specie *montes Israelis*, uti mandatum Dei habet vers. 2. *pone vultum tuum contra montes Israelis, isque vaticinare*. Quo indicatur ipsum, vultu eo verio, declaraturum esse palam, montes Israelis hostiles invasiones, quae per *vultus positionem* figurantur, esse passuros. Montes Judae et Benjaminis ac vicinorum locorum, quos Judaei, Israele jam abducto, incolabant, intelliguntur, et non Israelitarum, a Juda distinctorum, uti nonnulli volunt, quia montes Israelis jam erant incolis suis orbati, adeoque objectum prophetiae esse non poterant. Nomine *Israelis* comprehenduntur omnes, qui de populo Dei supererant in terra, alias *Judaei* dicti, qui eo titulo insigniuntur, quia, discrimine Israelis et Judae per regni Israelitici destructionem jam sublato, antiquo et honorabili *Israelis* nomine insigniri poterant, et debebant: erat autem illud honorabilius, quod a Jacobo, *Israele* dicto, erat derivatum, et in eo jus in hanc terram fundatum. Praeterea nomine *montium* quoque continentur, ut vers. 3. habetur, *colles, cavitates, et valles*, montibus cohaerentes, et inde originem habentes. Vox *צֶמֶח* est a rad. *צָרַח*, ut jam vidit Cocc., et *צ* est servile ac superlativi nota; est autem radicis proprietas in *convexo* vel cavitare *convexa*, unde orta est profundioris cavitatis significatio, et inde *torrentis*, captata simul vi in *torrente impetu aquarum*, quam Graeci habent in *κρητίζω* *convexari*, convexum reddi, ad exprimendum *tumorem fluctuum*. Ultima vox *גִּיאֹת*, uti in textu est,

est, et recte sese habet, est a נ"י. quae eadem radix est ac נ"י unde נ"י, et foem. נ"י ac נ"י, significat *mediam* cuiusque *rei cavitatem*, indeque corpus medium, interiorem partem domus, vallem etc. Vid. Schult. ad Job. XXX: 5, Compellantur autem in specie *montes*, et *valles*, quod praecipuae essent terrae Iudaeorum partes, et idolorum sedes; uti in seq. videbimus, ad indicandum, desolationem terrae acceptam in primis ferendam esse idololatriae per totam terram diffusae, ut seqq. quoque docent

§. CXXVIII. *Argumentum* prophetiae est idolorum ac incolarum terrae totalis destructio, per Chaldaeos executioni mandata. Quod enim Coccijus ulterius extendit ad excidium per Romanos, illud sine ratione fit, et ex eo satis refutatur, quod *idololatriae* crimen hic tantum memoretur, tanquam causa excidii. De vers. 9., in quo sese fundat exponam postea. *Partes* capitis sunt *duae* generales, quarum indicium est in formula, *sic dixit Jehova*, vers. 3 et 11. Sunt autem ejusdem argumenti, sed posterior est prioris confirmatio, et per externum signum repraesentatio aliqua. Prior est vers. 3—7, posterior vers. 11—14. sed interieritur, seu priori parti subjicitur, luculenta praedictio conversionis superstitum in exilio, ad fidem et spem piorum firmandam: vers. 8—10. *Tres* itaque in universum sunt prophetiae partes: quarum *prima* continet idolorum et incolarum terrae destructionem, vers. 3—7. *secunda* promissum de reliquiarum conservatione et conversione in exilio vers. 8—10. *Tertia* destructionis repraesentationem et confirmationem vers. 11—14.

§. CXXIX. In *prima* parte a. occurrit propositio, iudicium in montes in genere complexa vers. 3. his verbis, *ecce me: ego adducam in vos gladium seu vastationem; et perdam excelsa vestra*. h. e. adest tempus, quo per iudicia mea et hostiles invasiones, montes et valles, sim ornatu et incotis privaturus, ac excelsa idololatrica destructurus. Nihil hic habeo, quod observem, praeter ambiguitatem vocis נ"י,

R 4

quae

quae et *gladium* et *vastationem* denotat, ut supra c. V: 17. cujus utriusque significationis locus esse potest; adeo ut montium vastatio per iudicium Dei publicum, cujus emblemata est *gladius*, comprehendatur, in specie relate ad habitacula et incolas, quibus *montes* privarentur. Sed vox *כרס* etiam latius sumitur pro omni instrumento, vi sciendi, et destruendi, praedito, uti pro malleo acuto, securi, machinis bellica, et similibus. Hic instrumentum denotare potest, quo aedificia etc. destruuntur; uti mox sequitur, *excindam celsa*. *Excelsorum* destructio additur expresse, ad causam malorum, in idololatria quaerendam, exprimendam.

§. CXXX. β. Propositionis deductio. qua a. recensentur *objecta* destructionis, quorum respectu in montes dictum erat adducendum *gladium*, et *excelsa* excindenda, vers. 4, 5. his verbis, quae proferam et illustrabo. *Et vastabuntur altaria vestra, et confringentur solaria vestra* (*המזבחים* sive sint *fana*, *τεμενία*, in quibus ignis adservabatur, vel continue ardebat, ut Boch., et Selden., sive statuæ soli consecratae, ut disputat Vitranga ad Jes. XVII: 8. quod in medio relinquo; licet in *fana* rectius quadrare videatur, cum quod a statuis et sculptilibus distinguantur vers. 6. et 2 Chron. XXXIV. tum quod in *sublime* supra altaria dicantur ibid. vers. 4. educta, tum quod alias *fanorum* hic et 2 Chron. I. c. nulla facta fuit mentio. Verba vero *כרס* et *כרס* aequè in *fana* ac *statuas* conveniunt) *et cadere faciam confossos vestros coram stercoreis vestris Diis, et dabo cadavera filiorum Israelis coram simulacris eorum*, (filios Israelis super vobis confossos procumbere faciam insepultos coram idolis, ad eorum prostitutionem, tanquam ad cultores liberandos ineptorum; et in poenam idololatriæ ipsorum. Eo enim tendit, quod *coram idolis* procumbere dicantur. Vox *גלל* a *גלל* *convolvere*, *conglobare* in majorem molem, hic *stercus* non denotat, quod *גלל*, non *גלל* adpellatur, nec Dii stercora alibi vocantur, sed lapidem voluminosum, seu statuam ex lapide magnæ molis in formam humanam effigiatam. Quod a nonnullis

nullis jam recte observatum est. Cum propheta, montes adlocutus dixisset, *confossos vestros coram idolis vestris*, ne illud ambiguum maneret, explicationis gratia addit, *et filiorum Israelis dabo cadavera coram idolis ipsorum*; quo indicatur, *confossos montium* esse cadavera filiorum Israelis super montibus: quae itaque verba haberi debent parenthetica, quare *tertia* persona usus est propheta; et mox in secunda persona loqui pergit, *et spargam ossa vestra circum altaria vestra* (scilicet, ad ea contaminanda, ut fecit Josias 2 Chron. XXXIV. *Ossa vestra*, eodem modo montes adlocutus, dicit, quo modo *confossos vestros*.)

§. CXXXI. *b.* Extenditur destructio eorum usque ad omnes terrae partes, et ratio seu finis, ut idololatria penitus excindatur, traditur, vers. 6, 7. *In omnibus habitationibus vestris* (h. e. in omnibus locis vestris habitabilibus, seu quae habitantur, sermo enim continuatur ad *montes* et *valles*, adeoque phrasia alio sensu capi nequit) *urbes* (adeoque non vici tantum et pagi, qui includuntur, sed *urbes* etiam) *vastatae reddentur*, et *excelsa desolabuntur* (omni ornatu, cultu et incolatu orbabuntur, et in vastam solitudinem, quae *בְּשָׁמַיִם* adpellatur, rediguntur) *propterea ut* (sic enim capi debet *וְלָמַד*, ut causa et finis tradatur: quem conspectum habent verba sequentia, quae alias forent repetitio inanis,) *vastentur et rea peragantur altaria vestra* (h. e. altaria profana, super vobis exstructa, ad cultum idololatricum exercendum, diruantur, ac e medio tollantur, eaque ratione demonstretur, ea esse peccaminosa, damnabilia, et excidio digna, simul reatus, populo incumbens, causam. Verbum *בְּשָׁמַיִם* hic recte retinet usitatum *reatus* significatum, licet nonnulli *desolationis* potestatem ei adtribuant, quia priorum usum constanter retinet, ut recte Rev. Lette Obs. ad V. T. p. 95. et is ab hoc loco non abhorret. Altaria dicuntur *rea* peragi, quatenus tanquam instrumenta idololatriae publice damnantur cum toto cultu idololatrico, et pro causa excidii populi habentur, ac declarantur,) *et confringentur*

S

ac

ac defixa humo jacebunt simulacra vestra, (sic recte vertitur שִׁבְרָם, cujus proprietas est in pangendo, sive figendo, unde inter alia ortus est usus, quo denotat, debilitatis ac confusis viribus jacere immobilem. Vid. Schult. clav. p. 307. et Abresch ad Obadj. p. 38. Plus itaque dicit, quam quiescere, cessare, nisi quatenus sistere et cessare eam emphasis adsumant, ut sistere sit prosternere. Indicatur itaque idola confracta esse solo adfigenda, et immobilia ac debilia decubitura, nec renovanda; in signum vanitatis ipsorum.) et exsiccantur solaría vestra (seu fana ignita, de quo supra) et detergebuntur opera vestra (h. e. opera hominum super vobis, montes! exstructa, vobis imposita, evertentur et debentur; quod hic est מַחֲרָה, de quo verbo vid. Schult. ad Prov. XXXI: 3. Per opera hic intelligi videmur quaevis simulacra, eo nomine ad eorum prostitutionem insignita, et superioribus eo scopo addita, ut indicaretur, idola esse hominum solum opera, non veros deos. Conf. Ps CXXXV: 15. Jes. XVII: 8. XLIV: 12.—) et cadet confusus in medio vestrum (sicut urbes et excelsa, ita et homines; vid. vers. 4) et cognoscetis me esse Jehovam; (h. e. experiemini, et, si ratione gauderetis, cognosceretis, me solum esse verum Deum, justum aequae ac bonum.)

§. CXXXII. Secunda cap. pars a, habet, fore aliquos e communi clade superstites, qui inter gentes dispersi forent, vers. 8. Et, vel at, residuos faciam, quum factum fuerit, vobis evasores gladii inter gentes, quum disperferim vos per terras. h. e. quum haec tanta calamitas ingruerit, nonnullis, qui communi illa clade evaserunt, relinquendos faciam inter gentes, postquam incolas vestros illos disperfero per terras peregrinas. Nihil hic nobis relictum est, nisi verbum מְרִיטָה, quod Interpretes turbavit, absolute et seorsim stare, et vertendum esse quum factum fuerit, scilicet, id omne, quod modo erat memoratum, seu per ellipsin voculae אֵת esse supplendum, quum hoc, tam grave malum acciderit: quemadmodum 2 Reg. XXIV: 3. et alibi. Praef. 2 in מְרִיטָה eodem

eodem hic sensu sumi debet, quo vox in כְּהוֹרוֹתֵיכֶם et verti, *quum*. Pronom. לָכֶם vobis recte cum praeced. et seq. constructur, ut sit, *quum factum fuerit hoc vobis, vobis relinquam* etc. Cum vero dixisset, relinquendos eos, qui gadio evaserant, inter gentes, recte explicationis gratia subiungitur *quum disperfero vos*, ad indicandum, eos esse quaquaversum dissipandos inter gentes. Praeterea not., ad quod etiam obhaeserunt Interpretes, sermonem continuari ad montes, de quibus dicitur *Deum eos dispersurum esse*, sive quatenus incolae eorum sit dissipaturus, adeo ut vos sit vos respectu incolarum, sive sit pro כְּהוֹרוֹתֵי לָכֶם *quum disperferim vobis*: quod non est insolitum. Adfixa enim aliq. exponi debent, tanquam a verbo et voce separata. Vid. Danielius Interpr. Hebr. p. 76. Sed forte rectius בְּהוֹת vertitur in calamitatibus profundis, ut sit nomen הוֹת, a rad. הוּת, cui הוֹת respondet, proprie *cecidit*, et quidem lapsus in profundum; unde vox הוֹת usurpatur pro barathro profundissimo omnis calamitatis. Retinet itaque praef. נ. ufitatam potestatem in, uti et in seq. כְּהוֹרוֹתֵיכֶם in dispersionibus vestris, ut sit vox הוֹרוֹת plur. ab הוֹר dispersione, כְּהוֹת vero est idem ac בְּהוֹתֵיכֶם, nisi quis ita velit legendum.

§. CXXXIII. b. Superstites illos inter gentes ad Jehovah, Dei sui, agnitionem esse venturos, quum animi ipsorum et oculi scortantes fuerint a Deo fracti, et illi taedio ac moerore causa peccatorum suorum adfecti vehementiore, subiungitur vers. 9, 10. *Et recordabuntur mei evasores vestri inter gentes, ubi captivi degent, quum, vel quorum, confregi mihi animum eorum scortantem, qui recessit a me, et oculos eorum scortantes post stercoreos suos deos, et taedio ac moerore disrupti fuerint in facibus suis ad mala, quae fecerunt, cuncta abominabilia ipsorum; et cognoscent me esse Jehovah, qui non in vanum locutus sum, ad faciendum ipsis hoc tantum malum.* Quibus verbis a. conversio eorum exulum β. ejus antecedens et ratio describitur; sed oratio ita est concinna-

ta, ut *conversionis* lineae in principio et fine pericopae ducantur, *antecedens* vers. ejus medium locum occupet, et *conversionis* descriptionem dividat: quod adtendenti sese facile adprobabit. Ad *prius* itaque, seu *conversionem* exulum, haec verba pertinent, quae conjungenda sunt in principio et fine pericopae, et *recordabuntur evasores vestri mei inter gentes, ubi captivi degent, et cognoscent me esse Jehovah, qui non in vanum locutus sum, ad faciendum ipsis hoc tantum malum.* Quae nihil habent difficilius. Sensus est, eos Deum, quem antea erant obliti, a foedere et cultu ejus deficientes, ad animum denno revocatu-
 rous, et agnituros esse pro Deo suo justo et verace, qui et justam ob rationem, et ante dictis de populo destruendo propter peccata fidem praestitit. Notetur, alludi ad propriam vocolae **תנא** potestatem in *stridulo* et *tinnulo* sitam, quae nil solidi habet, a rad. **תנן**. *Posterius*, quod insertum est, his verbis continetur: *quum confregi mihi animum eorum scortantem, qui recessit a me.* (hac ratione verba **אשר נשברתי** vertenda esse cenleo; quae alias orationem faciunt impeditiorem, et interpretes turbaverunt. Vocula **אשר** recte vertitur, vel *quum*, quando, vel *postquam*; vid. Nold., reddi etiam potest, cum **לנא** constructa. *quorum animum*, quod forte rectius est, et **נשברתי** in Niph. exserit vim reciprocam, ut sit *fregi mihi*, sic Job. XV: 20. **נצפנו** *condiderunt sibi thesaurum* et alibi. Active etiam sumerunt Chald. et Syr., nisi legerint **שברתי**, quod non est spernendum. Exstat etiam inter varias lectiones, in Hiph. **השברתי**, apud Kennicot. Uique pass. notio, *fractus sum*, sentium non fundit tolerabilem, nec structurae orationis respondet. Interpretes, qui passive sumunt, varie instituunt, ut exponant, qua ratione Deus dicatur *fractus* corde populi scortante. Quibus non immoror. *Cor frangi* dicitur, phrasi satis nota, quum dolore, pudore et poenitentia, afficitur gravi; quod hic unice intenditur. Deus autem id fecisse dicitur, quatenus per judicia sua, verbum et spiritum suum, id efficit: quod facillimum est,) et *oculos eorum*

rum scortantes post stercoreos suos Deos (scilicet, fregit, quod ex praeced. repetendum est. h. e. desiderium et impetum adolauricum, cujus signa et incitamenta sunt oculi, destruxi, et cum dolore ac averfatione commutavi. Vid. Sanctius, qui phrasin recte illustravit) et taedium ac moerorem disrupti fuerint in faciebus suis ad mala, quae fecerunt, cuncta abominabilia sua. (h. e. taedium et moerorem disruptentem palam demonstraverint, ob mala abominabilia, quae patraverunt. Radix נפ habet proprietatem in disruptione cum fragore, unde fastidiendi et lugendi vehementius usus ortus est, quatenus fastidio et moerore quis recte dicitur *disrumpi*. Additur in faciebus ad publicam taedii demonstrationem indicandam. Reliqua sunt facilia.)

§. CXXXIV. Tertia capitis pars exhibet destructionis representationem et confirmationem per gestus prophetae, et repetitam destructionis explicationem. vers. 11—14. Ubi occurrit α . propositio vers. 11. β . ejus deductio vers. 12—14. α . Propositio continet lamentantis, stupentis, indignantis gestum, prophetae injunctum, ejusque causam, in signum miseriae populi ob peccata eventurae vers. 11. Sic dixit Dominus Jehova, percutere manu tua, et tunde pede tuo et dic, ah! ad omnia abominabilia mala domus Israelis, quae gladio, fame et peste cadent. h. e. abominaciones et mala, quae Judaei fecerunt, te conjiciant in gravem luctum et indignationem, ejusque signa manibus, pedibus et voce praefere, quod gravissima inde ipsis oritura sint mala, quae ruinam adferent. Orationis structura exigit, ut abominaciones Israelis constituent materiam luctus et indignationis, destructio vero ejus, inde oritura, rationem moventem. Luctum et indignationem demonstraret ad abominabilia, et ratio repetitur a malis inde eventuris. Vocula enim וְנָא hic est pro וְנָא לָךְ quia, propterea quod; ut saepe alibi. Signa luctus et indignationis sunt percussio manu, calcatio pede, et clamatio ah! Non habetur, percutere manum et calca pedem, sed manu et pede; per ellipsin, pro manu vel manum, vel pectus

pectus vel caput, et pede terram. Quae hic non sunt laetantis, et iridentis signa, ut cap. XXV. sed stupentis, dolentis, et indignantis, ut cap. XXI. Vid. *Sanctius*, qui haec recte illustravit.

§. CXXXV. *β.* In propositionis deductione et amplificatione *a.* extenditur destructio ad omnes Judaeos in Judaea et Hierosolymis degentes, ubicunque locorum fuerint, sive in manus hostium inciderint, sive ab iis fuerint remoti, etiam in tuto positi. vers. 12. *Longinquus peste morietur, et propinquus gladio cadet* (h. e. longe ab hostibus remotus, ita ut gladio feriri nequeat, *peste* peribit; *propinquus* hostibus eorum gladio occidetur: quem sensum recte vidit Grotius, et oppositio longinqui ac propinqui confirmat.) et *relictus*, seu superstes (scilicet, qui et pestem et gladium effugerit) *ac custoditus*, seu arcte inclusus (scilicet in loco tuto et abditio, omnibus rebus spoliatus, cunctis circumquaque locis vastatis, quam sensus amplitudinem adfert מִן־כָּל־מָקוֹם, ut Jes. II 3.) *fame morietur*, (si vel gladio et peste evaserit, fames tamen eum corripiet et aufert.) *et consummabo aestuantem meam iram in ipsos* (itaque ad internecionem usque delebo eos, et quibuscunque malis eos e medio tollam, sine irae meae temperamento.)

§. CXXXVI. *b.* Adjunctum vel finis destructionis, additur, in demonstratione majestatis ac divinitatis Jehovae, ac prostitutione idololatriae vers. 13. *Et cognoscetis*, vel ut cognoscatis (sc. vos, montes! ipso facto experiemini, et, si ratione polleretis, cognosceretis. Sermo enim dirigitur ad montes, ut per totum caput: secunda enim persona utitur Deus.) *me esse Jehovah*, (verum et summum Deum; justam et veracem) *quum erunt confossi eorum in medio stercoreorum eorum Deorum, circa altaria eorum etc* (scilicet, in signum prostitutae idololatriae eorum, conf. vers. 5. Huc enim tendit haec exaggeratio, ut supra vidimus. *c.* Amplificatur destructio quatenus ad totam terram porrigitur, quae desolata jaceret vers. 14. *Et extendam cum inclinatione manum meam super*

super eos (sc. ad feriendum, longe lateque, usque ad ipsam terram habitationis ipsorum, ut sequitur) *vagationem* (proprie siderationem tanquam urente, et pestifero adslatu, adeoque ipsam vastitatem) et *sideratam* (h. e. quin sideratam, et vastatam, scandit enim oratio, nec inanis est) vñcis *pro* repetitio) *prope deserto Diblatæ, in omnibus habitationibus ipsorum* (plusquam vastissimum desertum, desolata jacebit terra ipsorum quaquaversam. Hunc enim sensum fudit מ in מדרב, ut Syr. quod jam est observatum. Sed quodnam est desertum דבלתה *diblatæ*? occurrit quidem ejus nominis locus in terra Moabitica. Num. XXXIII. et Jer. XLVIII., sed ejus ratio, secus ac Jun., et ex eo Grot., putat, hic haberi nequit, cum de vastitate ejus non constet. Mihi videtur in genere epitheton esse deserti vastissimi, a rad. Arab. cum *d/al*, *flecescit*, *emarcuit*; quo etiam Hof. 4. 3. respicitur, ut ibi observavi. Singulare est, quod Ephraem Syr. ad h. l. Oper. Syr. tom. II. p. 17. dicit, *desertum Diblatæ esse locum, quem Daphnem adpellamus prope Antiochiam*. Cui si aliquid tribuatur, verti posset *a deserto usque ad Diblam*, seu prope Antiochiam, adeoque totam Cananaeam. a termino australi, seu *deserto Tsin* uti est Num. XXXIII: 36., et ubi pro termino australi occurrit c. XIII: 21. usque ad terminum Septentrionalem, seu Daphnem, sicut alibi *Chamat*, seu, ut nonnulli opinantur, *Antiochiam*. Sed si terminus Septentrionalis in censum veniat, rectius legeretur, דבלתה *Ribla*, ut aliqui codices habent, et Kimchius accepit, cum litterae ר et 7 facile permittentur. *Ribla* autem locum tenet in limite Oriental. Septentrion. Num. XXXIV: 11. et, quod notandum, locus est, ubi Nebucadneser judicium exercuit in Tzedekiam, ejusque domum et aulam Jer. XXXIX: 5.) et cognoscens, me esse Jehovam (h. e. experientur, vel et, ut cognoscant, et agnoscant.)

C A P. VII.

§. CXXXVII. **T**ertia revelatio, eodem tempore et modo, quo praecedens, facta, cujus indicium est in formula *factum est verbum Jehovae ad me*, ejusdem quoque est argumenti, sed in eo discrepat, quod haec destructionem proximae instantem sistat, cum praecedens in genere, tempore non definito, eam exhibeat, adeoque eo tendit, ut eorum praedictum, minaces prophetias ad longum tempus spectare, quorum mentio est cap. XII., e medio tollatur. Partes capitis, ut recte advertit Junius, *duae* sunt, uti ex formula, *sic dixit Jehova*, vers. 1 et 5. etiam elucescit, quarum prior summariam consilii divini propositionem, cum propheta communicatam, continet, vers. 1—4. posterior ejus fusioem deductionem, quam propheta coram populo pronuntiaret vers. 5—27. In *priori* itaque parte propheta exponit, quid Deus sibi dixerit, in *posteriore*, quid in mandatis sibi dederit promulgandum. Priori parti praemittitur excitatio prophetae ad *audiendum*, quid Jehova ipsi notificet, his verbis, *et tu fili hominis!* scilicet *audi*, uti rectius suppletur imperfecta oratio, quam per *dic*, ut LXX. fecerunt, et alii. Propinquius est, et scopo pericopae convenientius, ut verbum *audire*, quam *dicere*, suppleatur. Phrasus *et tu* idem dicit, ac *heus tu!* scilicet *ad sis et audias*. Pericopa, ut dixi, eo tendit, ut prophetae communicetur sententiae summa, quae ab ipso mox erat coram populo pronuncianda. Summa sententiae 1. proponitur, 2. deducitur. 1. Proponitur his verbis, vers. 2. *sic dixit Dominus Jehova, terrae Israelis finis, venit finis in quatuor oras terrae istius*. h. e. haec est sententia, quam Jehova pronuntiavit, et tecum communicat, in terram Israelis, *finis* est, actum est cum ea, venit consummatio super totam terram, quam late patet. Not. 1. voces, *terrae Israelis*, cum praeced. et seq. recte

recte conjungi, uti saepe alias fit, hac ratione, *vel dixit terras Israelis seu de ea, terrae Israelis finis est.* 2. vocem **¶** *finis*, per accentuationem Masoreth. a seq. divulsam, cum praeced. cohaerere, et per se stare, ut sit, *finis*, scilicet est, h. e. ad *finem* suum pervenit, finem et terminum durationis suae adtigit, nec amplius erit scilicet, quae excolatur, et floreat, quamque incolant Israelitae; adeoque plane et plene destruetur. Quem sensum et phrasin *terrae finis est*, et sequentia omnia requirunt, nec aliam emphasin quaero. Conf. Gen. VI: 13. *venit finis omnis carnis apud me*, et Jer. LI: 13. de Babele, *venit finis tuus* 3. reliquas voces, explicationis gratia, esse additas, ut *finem adesse*, et per *terram* Israelis universam terram intelligi, cognoscere-mus; *venit finis* (seu adest, supervenit, irruit, quem usum adfert **וָיָא** *venire*) *super quatuor oras terrae istius.*

§. CXXXVIII. 2. In deductione propositionis sermo vertitur ad ipsam terram, in quam Deus itaque coram sententiam, modo prophetiae communicatam, directe pronunciat; quod emphasin et elegantiam orationis augeat, vers. 3, 4. Ubi *a.* destructio repetitur vers. 3. his verbis: *nunc finis super te* scilicet *venit*, emphasin habet vocula **נִינְיָ** *nunc*, dicit *nunc* tandem, ante fores est, et certo certius mox est. *b.* destructionis causa efficiens ibid. *et mitto iram meam in te* h. e. ut in te hostiliter grassetur, et ruinam inferat totalem. *c.* ejus justitia his verbis, ibid. *et judico te secundum vias tuas*, (judicium, quod pronuncio et exequor, est institutis incolarum tuorum congruum) *et do super te omnes abominationes tuas* (h. e. non, ut nonnulli, pono contra te abominationes tanquam accusatores et testes, sed imputo tibi abominationes, et earum fructum te carpere, seu earum poenas te luere facio. *Dare super aliquo* est ei imponere, imputare, et ferre facere, tanquam grave onus.) *d.* Severitas et certitudo judicii; ac destructionis gravitas vers. 4. *Nec connivebit oculus meus, nec clementem me praebebo* (quae exposui c. V: 11.) *quia* (rectius, *profectio*, quod saepe est **וָיָא** ut

ut adseverationis conspectus, quem verba habent, elucescat
 clarius) *vias suas super te dabo* (uti modo, *abominaciones tuas
 super te dabo*) *et abominabilia tua in medio tuorum erunt* (h. e.
 irruent hostiter in te totum, et destruent. Haec enim
 notionem subinde admittit *וְהָיָה*, qua hostilem dicit impetum
 ex primigenia *cadendi* potestate; uti 2 Sam. XII: 23. et Ps.
 LV: 19. Interpretes hic varie instituunt, hoc non observa-
 to, etiam aliena sectantur.) *g. Finis destructionis, et cog-
 noscetis, me esse Jehovam.* Quod supra jam est explicitum.
 §. CXXXIX. *Posterior* pars, quae, ut dixi, comprehendit
 ipsam concionem propheticam, cujus summa prophetae mo-
 do erat notificata, *duabus* iudem ex partibus constat, *pro-
 positione* et ejus *deductione* ac amplificatione, et praemissam
 habet formulam, *sic dixit Jehova*, novae pericopae indicium,
 sed elliprice propositam, cum suppleri debeat, *fili hominis
 dic*, seu vaticinare contra terram *Israelis*; uti plane occurrit
 cap. VI: 1, 2. Commentatur vero haec hypothesis de ipsa
 concione hic incipiente, ex eo, quod hinc ratio repeti que-
 at repetitae praecedentis pericopae, licet cum aliqua varia-
 tione, vers. 5—9. quae repetitio ceteroquin minus elegans
 foret, et superflua; sed ex hac hypothesi grata et adcom-
 moda, cum summam prophetiae sibi factae recte praemittat
 propheta, eam repetendo. *N. Prior* itaque pars concionis
 continet summariam destructionis instantis propositionem;
 verbis superioris pericopae repetitis, cum aliqua variatione
 vers. 5—9. ubi, aequè ac supra, occurrit *a. propositio* *β.*
ejus deductio. *a. Propositio* his verbis vers. 5, 6. *Malum
 unum malum ecce venit, finis iste, quasienda se excitat ad te,
 ecce venit.* Vocabulorum repetitio, et ad accumulatio, uti cer-
 titudinem et gravitatem calamitatis exprimit, ita de adfectu
 commoto variatantis testatur, et ad populi attentionem,
 ac adfectum excitandum adcommodata est, scandit praeterea
 sermo, *malum* adpellat, dein *malum unum*; seu singulare, exi-
 mium, magnum: vid. Schult. ad Job. IX: 22. *unum* prae-
 terea, quod summum sit et ultimum, rem perficit, nec alio
 malo

malò ad supplendum indigeat, uti in phrasi: *percussere uno-*
tes 1 Sam. XXVI: 8. addit adhuc *malum*; *malum unum ma-*
lum sive *malum unum malissimum*, ut Cocce., ut posterius sit
adjectivum, sive potius; *malum unum malum*, inquam, *ecce*
venit, per repetitionem emphaticam, vel potius *malum unum*
quassans, et ita frangens: quo sensu aliq. venit, ut Jer.
XXIII: 10. XLVIII: 16. XLIX: 37. et alibi. Subjungit,
crescente oratione, *finis venit* sc. malum non tantum gra-
vissimum, sed *finale*, quod totalem adfert destructionem;
venit, inquam *finis* iste, dudum praedictus diu expectatus
terribilis ille et horrendus sequitur, *quatiendo excitat se ad*
te; magno cum impetu ruit ad te; quam emphasin habet
קָטַץ, praeter elegantiam adliterationis קָץ et קָצָץ. Ra-
aix enim קָץ et קָצָץ, originem habet in *quassando*, *rumpen-*
do, *disrumpendo*; unde *taedii* usus, quo quis rumpi dicitur,
et *aestatis*, quae aestu omnia diffringit, denique *expargiscit*,
e somno abrupto se *excitare*, corpus quassare ad vegetam
agilitatem recipiendam. Clauditur, ut inceperat, propositio,
per ecce venit.

§. CXL. β. In propositionis deductione a. calamitas, ejus-
que propinquitas repetitur, et explicatius traditur verſ. 7.
Venit comata ad te, incola terrae, venit tempus opportunum,
prope adest dies ille, adtonita est discursatio, et non, vel nihil,
fragorem adtollere; h. e. tremenda et mali praenuncia ma-
jestas, stellae comatae instar, supervenit te incola terrae;
tempus, quo vindicta sumenda est, ante fores est, et dies
iste terribilis in propinquo, quo pura puta erit adtonitae
rmentis discursatio, et horribilis omnis confusio, nihilque pro-
ficiet, conclamationem fragrosam adtollere, sive se mutuo
ad auxilium excitantium, sive querulas voces cientium. Quae
paraphrasis sicut in rem praesentem est adcommodata, et
sensum fundit facilem, uti adparet, ita vocibus et phrasibus
recte intellectis, apte respondet. Quod exponi meretur,
cum Interpretes, aliter licet diverse, instituunt. Difficulta-
tem in primis peperit vox קָטַץ, et phrasia in fin. קָטַץ

דברים נר. Reliqua facile expediuntur nec habeo, quod notem, nisi נר esse tempus opportunum, quo iudicium a Deo sit exercendum, et מרומם denotare adtonitae mentis discursationem, confusum conturbatae et trepidantis multitudinis impetum, quo huc illuc instar insanorum ruunt, quid agant, et quo se vertant nesci, alii alios tridunt, et in se mutuo grassantur. Quae vivida est desperatae calamitatis descriptio. Radicis מרר proprietates est in *aestuatione cum vertigine*, vel *vertigine ex aestu* oriunda, unde ad mentem adtonitam vel vertigine aestuantem, ac discurrentem, transfertur, nec non ad summum confusionis ac conturbationis gradum, quae homines pro lubitu in se invicem grassantur, et totius reip. statum subvertunt, ut Am. III. 8. Quod autem ad vocem מרר adinet, quam vel *periodum*, vel, quae communior est opinio, *matutinum*, *auroram* vertunt, nos *comatam* reddimus, et ad stellam crinitam, cometam, adludi, ac terribilem, et mali praefagam, majestatem intelligi existimamus. *Periodi* significatio et circuitus est insolens, et *aurorae* non nisi apud Chald. obvia, cui hic locus etiam esse nequit, cum ita absolute posita in *bonum* sumatur, ut *aurora venit* sit, felicitas aulucescit. Nostra interpretatio, sicut in rem est adcommoda, ut facile percipitur, ita r. vōci respondet; est enim a מרר Atab. *torquere funem*, inde *plectere comam* a torquendis cirris; hinc vox derivata dicit, *cirrum plexum*, *complexum crinium*, in specie in cumulum aggestum, et sic *diadema* regium. Vid. Cl Schroed. ad Jesh. III. p. 106. Quae significatio recte quadrat in *cometam*, et *majestatem* regiam, utramque terribilem, et ingentis mali praenunciam. *Cometas Graeci vocant*, inquit Plinius lib. II. c. 25. *nostri crinitas horrendas crine sanguineo, et comarum modo in vertice hispidas*. De cometarum praefagiis communis fuit per omnia tempora hominum opinio, adeo ut in proverbium abierit.

ὄψις κομήτης ὅτι ἔκαστος φέρει.

Fuit quoque emblemata potentissimi regis, tremendae majestatis,

jestatis, ingentes mutationes inferentis per orbem, uti Num. XXIV: 17. ubi etiam stella est *cometes*. Occurrit quoque nostra vox pro maiestate regia Ies. XXVIII: 5. Nec improbabile est, *cometam* hoc vel simili nomine venisse apud Orientales, cum respondeat Gr. voci et Lat. *crinitae comatae* stellae. Nec aliam stellam videtur significare vox, ejusdem potestatis, מַדְרֹחַ Job. XXXVIII: 32. a rad. דָּרַךְ proprie *torfit*, inde torquendo strinxit, intrinxit, obstrinxit, unde ad *comam* transiit, et diadema circumstringens. Recte itaque stella crinita eo nomine insignitur. 2. Confirmatur ex coll. vers. 10. ubi cum verbo מַדְרֹחַ, quod soli et stellis recte convenit, et cometis tribuitur Job. 1. c. construitur, et cum *virga* vel *sceptro* conjungitur, de quo mox. 3. denique aliquid lucis mutuatur, ex Num. XXIV. ubi *stella* et *sceptrum* eodem modo copulantur, et de regia ac terribili maiestate agitur.

§. CXLi. Quod vero ad ultimas adinet voces, לֵא וְהָרִים, quae reddi solent, *et non echo vel celeusma montium* et exponi, vel non fore clamorem, ut est echo, vel non laetitiae, ut vindemiantium, vel idololatrarum in montibus circa idola saltantium, et canentium; ego reddidi, *et non vel nihil est fragorem ad tollere*, hoc sensu: pura puta est confusio hominum adtonitorum, discursantium, et nihili est, frustra et vanum, clamores tollere, sive se incitantium, ut solent milites, sive quiritantium, et gravius conclamantium fragore colliso, uti tempore desperatae calamitatis, et rerum conturbationis fieri solet. Quae interpretatio, ut se commendat 1. not. לֵא absolute stare, et idem esse, ac *nihili* est: uti mox vers. 11. occurrit. 2. Radicem דָּרַךְ, unde דָּרַךְ, apud Arab. notare *rumpi cum fragore*, unde transfertur ad fragorem resonantem et collisum, et adhibetur, in clamoribus *cum* reboantibus militum inter se in acie conclamantium, *tum* multitudinis confusae et perturbatae, gravius conclamantis fragore colliso. 3. הָרִים non esse vocem, quae montes denotat, sed in sin. Hiph. verbi רוּם, et

et significare *ad tollere*, quod aliquando absolute sumitur pro *ad tollere vocem*, publice proclamare: uti Prov. XIV: 29. ubi vid. Schult. quod *ad tollere vocem* dicitur. Jer. XXXVII: 23. Quod si quis *לָא* in bonum velit sumere, pro *celeusmate* ovantium, jubilantium, ut *לָא* occurrit, et voces *לָא* conjunctas, poterit vertere adtonita est confusio, et non *celeusma tollere*, pro, nihil minus quam tale quid; quae vocis *לָא* satis usitata est significatio. Conf. Jer. XLVIII: 23. Alterutrum admittendum est, et *montium* hic locus esse nequit, cum nec emphasin nec elegantiam habeat, *celeusma montium*.

§. CXLII. b. Reliquae partes deductiones eadem sunt, quae in praecedente pericopa vers. 3, 4., quippe quae repetitur, cum aliqua tantum variatione vers. 8, 9. ubi nihil est, quod moram injicit, et supra non expositum. Illud unum notetur, pro *דרכיך* secundum vias tuas legi *דרכיך* *כִּי* supra vers. 4. quia vias tuas dabo: quae utraque lectio ferri potest, et nostra exstat vers. 3. Posset etiam vers. 4. legi *דרכיך כִּי* saepe enim *כִּי* excidit post *כִּי*. Quare ad posteriorem partem concionis pergo, quae propositionis repetitae fusiorem continet deductionem et amplificationem vers. 10—27. In qua *א*, tremendae et tumidae majestatis, judiciorum Dei executricis, adventus praemittitur vers. 10. *Ecce venit dies, ecce venit, emicat comata, nitescit virga, florescit tumor fervidus*. h. e. ecce tempus adest, dies ille tremendus, quo finalis et plenaria destructio tibi eveniet, Formidabilis enim simul superba et insolens majestas, quae te feriet, in summo vigore et potentia praesto est, et jam jam effectum producet. Utitur propheta tribus epithetis, quibus regem et regnum Chaldaeorum depingit, iisque tria aptat verba, quibus ob oculos ponit, cum ejus splendorem et potentiam, tum effectum mox sistendum in populo castigando, et destruendo. Epitheta sunt *comata*, *virga*, et *fastus tumidus*; quorum duo priora sunt emblematica, tertium magis proprium; primum respicit ad stellam comatam, ut

ut supra vidimus, et terribilem ac mali praesagam majestatem expingit, *secundum*, a *virga et sceptro* desumptum, sicut regiam majestatem et potentiam, ita verum ejus, hoc in casu conspectum, delineat, quatenus est *virga* castigatrix in manu Dei, ut de Assyrio habetur Jes. X. utrumque illud etiam conjungitur, *stella* et *virga* seu sceptrum Num. XXIV: 17. *Tertium* spectat ad qualitatem regis et regni, dicitque proprie *tumorem aestuantem*, inde fastum, superbiam, audaciam insolentem, et contumaciam indomitam. Vid. Schult. ad Prov. Hachm. ad Gen. XXV: 29. Schroeder ad Orig. Hebr. c. 4. p. 28 alij. *Comatae* tribuitur מַשְׂכָּה proprie *emissio*, splendide exoritur, et spargit radios; et de *sole* usurpatur Ps. XIX. translate de *executoribus* judiciorum, et egressu in bellum quoque adhibetur. De *virga* dicitur מַשְׁכָּה, proprie *nitescit splendido*, et se ostentat gloriose; inde *plurescit*, quo indicatur, *virgam* esse splendidam, et ad ferendum paratam, ut fructum, seu effectum, proferat. Denique de *fastu tumido* habetur, eum *flores* emittere, vel *germinare*, et in multos se effundere ramos, ad denotandum, eum vigere, et cum vigore se jactare, ac mox effectum habiturum esse. Quae omnia recte et unice in Nebucadnezarem, Judaeos jam jam destructurum, conveniunt, uti nonnulli interpretes recte ceperunt, dum alii ad Judaeos peccatores, et puniendos adplicant: vel omnia, vel ultimum saltem effectum, male; ut ex dictis, et serie orationis patet; nam in seq. agitur de Judaeis delendis.

§. CXLIII. 2. Destructio per varios articulos describitur, et repraesentatur. a. *Primus* pertinet ad proceres et principes regni Judae, regem principes ac judices vers. 11. *Cruditatis illa indomita insurrexit contra virgam improbitatis: nihil ex ipsis, et nihil ex multitudine ipsorum, et nihil ex aestuatione eorum, et nihil tensio in ipsis.* h. e. durus, saevus, et indomitus bellator se ad invadendos improbos reges et proceres adiecit, nec aliquid est in ipsis, aut copiis ipsorum, aut strepere aestuante discursatione eorum, quod opem

opem adferre possit; Interpretes hic varia sunt commenti; sed sensus, quem dedi, rei, de qua hic agitur, et phrasibus unice satisfacit; nec opus est pluribus ad id demonstrandum, quare paucis desungar. Babylonicus appellatur **דָּוִן** ipsa *cruditas*, et violentia, cui resisti nequit, saevus et insuperabilis bellator. Vox sedem habet in *cruditate*, duritie cruda; aspera, acerba, et usurpatur de strenuo, et saevo bellatore, qui frangi nequit, et violentus est. Vid. Schult. ad Prov. IV: 17. et alibi. Verbum *surgere* dicit in genere quid cum impetu et studio adgredi, in specie de *bellatore*, hostem adgrediente, usurpatur. Vid. Schroeder ad Ps. X: 12. adde Jer. XLIX: 14, 28. *Virga improbitatis* depingit reges et proceres ac iudices improbos Judaeorum; quod facillimum est, adeoque *cruditas insurgere* dicitur in vel *contra virgam*, quatenus magno cum impetu saevus et indomitus bellator eos invadit. Reliqua exponunt vanitatem omnium mediorum, quae adhiberi possint, ad impetum avertendum; his verbis: *non ex ipsis*, h. e. nihil est ex ipsis, rebus et primoribus, quod ad resistendum adfertur, **אֵל** *non* saepe pro *nihil* sumitur, uti frequenter in libro Jobi; est a **אָל** *torfit*, unde est *implicari, impediri, desinere, non esse*, unde **אֵל** vel plenius **אָל** est forma subst. signans statum rei vel personae, quae non existit, vel agit, vel valet. Phrasis itaque *non ex ipsis*, idem est ac *nemo est, nihil est ex ipsis*, scilicet, qui, vel quod, aliquid est, potestve: *ex ipsis* scilicet *virga improbitatis*, plur. et ad Templum et rem significatam respicit. Additur, *nihil e multitudinis eorum*; quam multi etiam sint, et multis stipati; nihil erit. Sequitur, *nihil ex aestuatione eorum* h. e. nihil prodest eorum cura sollicita, anxia discursatio, et aestuabunda vociferatio: quae omnia involvit rad. **אָסַף** *aestuavit, aestu. efferbuit*; amat teri in undis tumultuantibus et fluctibus aestuabundis, unde ad curarum fluctus, discursationes et vociferationes transfertur. Schult. ad Prov. XX: 1. est autem **עֲסָפָה** ex **אָסַף** ut recte Coccejus ad h. l. et in Lex. Denique subiungitur,

tur, et nihil *tenfio* in *ipsis*, seu ipsorum et inter ipsos, in medio ipsorum; נָחֵם est a נָחַם dicitque nihil *tenfi* *rigoris* in *ipsis*. Haec enim est rad. propria potestas, quo respicitur; Jes. LII: 7. Hab. II: 5. solet quidem a נָחַם *lamentari* derivari, sensu quidem non incommodo, si vertatur nihil valet in *ipsis lamentatio*, uti vers. 7., sed analogice inde repeti nequit vox נָחֵם, quae radicem נָחַם postulat, cujus primaria potestas est in *vigore tenfo*, unde ad firmitatem et robur transit.

§. CXLIV. *b. Secundus* articulus exhibet omnium bonorum et possessionum spoliationem ab hostibus, diu duraturam, ita ut possessores praesentes non sint bona sua recuperaturi, vers. 12, 13. qui versus ita cohaerent, ut prior bonorum privationem, vers. 12. et posterior ejus durationem contineat, vers. 13. Prior ita habet, vers. 12. *Venit tempus, adtigit dies*, (terminum suum) *emtor ne laetetur. et venditor ne lugeat, quia excandescencia super omni multitudine ejus*, sc. terrae, ad quam in hoc cap. sermo dirigitur. Sensus est, omnem hominum et bonorum copiam excandescenciam Dei esse experturam, in bonis et possessionibus omnibus in hostium manus tradendis, vel vastandis, populo iis orbatō, et abducto in exilium; adeoque *emtorem* nihil lucraturum, et *venditorem* nihil perditurum, sed aequalem eorum fore sortem; ut est Jes. XXIV: 2. *emtor ne laetetur*, seu rationem non habebit laetandi, quia emto non fruetur; *venditor ne lugeat*, scilicet inops bona sua vendere coactus, quia perdere debuerat bona, quae vendiderat. Posterior versus vers. 13. ita sonat. *Quia venditor ad venditum non redibit, et, vel licet, adhuc in vivis vita ipsorum sit, quia incisura super omnem multitudinem ejus non redibit, et vir in perversitate sua vitam suam non constringet sibi*. Quorum sensus est, possessionum orbationem diu duraturam, ita ut, si vel domini in vivis maneant, eas non sint recuperaturi, quod tamen iis non contingeret, qui in peccatis perseverant; cujus rei ratio est, quod incisurae super omnem multitudinem

titudinem hoc sit argumentum, non rediturum esse vendito-
 rem ad bona sua. Relegamus verba et illustremus. *Quis*
venditor ad venditum non redibit, (ubi illud *quia* parum-
 per turbat: quod si sit particula causalis, et *quia* reddatur,
 oportet, subintelligatur, contrarium modo dictis. Dixerat
 propheta: *non lugebit venditor*, cui si subjungatur, *quia non*
redibit, sensus alius esse nequit, ac *non lugebit*, nisi quod non
 sit rediturus ad *venditum*, adeoque contrarium subintelligatur,
lugebit quod etc. negatus reditus enim non potest esse causa
 non lugendi, sed deberet esse lugendi. Sed potest *quia* abun-
 dare, vel adseverative capi, pro *quin imo*, *profecto*, in-
 super, uti saepe alias, adeoque hoc enunciatum accipi tan-
 quam ulterior gradus spoliationis: ut sit: spoliabuntur non
 tantum opes, ita ut venditor propter venditionem non ne-
 cesse habeat lugere, sed insuper continuabit diu, adeo ut
 non sit rediturus legitimus possessor ad *venditum*, sicut anno
 Jubilaeo) et adhuc in *vivis vita ipsorum* (h. e. licet vendito-
 res adhuc superstites aliquandiu maneant; tamen non recu-
 perabunt bona,) *quia incisio super omnem multitudinem, non*
redibit (h. e. quia acer et vindex oculus coruscans in om-
 nem multitudinem erit, quo omnis reditus praecludetur,
 vel acris respectio non residebit, non cessabit: potest enim
לֹא יָשׁוּב vel seorsim sumi, et ad idem praecedens referri,
 vel connecti cum acris inspectione, non auferenda, uti *שׁוּב*
 aestus decrefcentis aequae ac crescentis notionem habet, ut
 in phrasi *אֵשׁ אֲרָבָהּ* *residet nasus* Jer IV: 8. et alibi. Vox
אֵשׁ hic non denotat *visionem propheticam*, ut capi solet,
 cum absolute ponatur, et per se non designet *visum malum*,
 ut hic sumi debet, sed inspectionem coruscantem et acrem,
 seu et iram, et inde ortam aegrimoniam: uti apud Arab.
 sumitur. Radix proprietatem habet in *crenatim secando*, vel
incidendo in partes crenatas, unde est coruscatio radii in
 partes crenatas secti, et sic oculo corusco intueri, etiam in
 malum, et ex ira per coruscum visum conspicua. Hoc li-
 cet se tueri possit, *vehemens tamen me tenet suspicio*, lec-
 tionem

tionem esse adfectam, et legi debere **וְרָרָן** uti in praeced. et in seq. occurrit. Quam facilis *a.* sic vocum illarum mutatio, in oculos incurrit, *b.* confirmat suspicionem varians lectio, quae **וְרָרָן** habet, apud Kennicot.) *et vir in perversitate sua vitam suam non confortabit sibi.* (h. e. attamen, quod dixi, et adhuc in vivis vita ipsorum, illud ad perversos et impenitentes non est extendendum, quum illi sint e medio tollendi. Continent itaque voces *restricionem* superioris dicti, ut recte Coccejus. Tantum not. **וְרָרָן** construi debere cum **וְרָרָקוּ** et Hitph. habere vim reciprocam, ut in versione expressi.)

CXLV. *c.* Tercius articulus adfert mediorum ad hostem repellendum orationem, cum nemo, licet vocetur, se ad bellum adcingat, sed omnes prae metu et consternatione se quietos teneant, vers. 14. *clangunt in clangere* (seu *clangendo*, variis et repetitis vicibus, ut populum ad bellum convocent, **בְּתִקְוָע** proprie *in clangere* vel *buccinare*, verbo additum dicit continuam et repetitam buccinationem, et est, ut recte Cocc., infinit. absolutus) *et parare omnia*, (seu parant omnia ad urbem tutandam contra hostes) *et*, vel *sed*, *non est itans in bellum* (nemo est, qui in aciem prodit, aut ad bellum accurrit, vel ipsa est inanitas in bellum prodians, nihil proficiet. Sicut **לֹא** non, nihil vers. 11.) *quia aestus meus super omnem multitudinem ejus* (ira mea omnes absterret, et delebit.)

§. CXLVI. *d.* Quartus articulus continet generalem destructionem per omne genus mala, vers. 15. *Gladius fortis, et pestis, ac fames intus erit, qui ruri erit, gladio morietur, et qui in urbe, fame et peste.* Quae facilia sunt. *e.* Quintus articulus miserum repraesentat statum eorum, qui evaserint, qui in montibus et aliis locis trepidi vagabuntur, et desperabundi, ingente adfecti moerore, vers. 16—18. *Et celerimo lapsu evadent, qui de ipsis eripientur, eruntque ad montes, sicut columbae vallium, aestuantes omnes, quisque in sua perversitate* (quotquot e communi clade evaserint, celerim

ma fuga se ad montes proripient, instar columbarum domesticarum et manuetarum, in vallibus degentium, quae inde ad rupes, ut effugiant, volant, eruntque ibi aestu curarum et anxietatum pleni, ac perstreptentes, ad unum omnes quisque in perversitate sua desperabundi versantes, sine respicientia. Not. 1. emphasis orationis in phrasi, פליטתם, פליט, ex propria verbi פלט potestate, in *celeri lapsu* litā, eruenda, et u'u vocis פליט, quo communi clade ereptum denotat. Sensus ergo est, quem in paraphrasi expressi, et nulla est hic tautologia. 2. synchysis seu confusio structurae: verbum enim והיו construi debet cum כלם המות, *omnes aestuantes*, sicut verbum פליט cum אל ההרים *ad montes*, vel mente repetendum est verbum פלט; ut lit: *erant ad montes se recipientes*, sicut *columbae* etc. 3. *Columbas vallium* esse mansuetas, oppositae ad feras, ut Boch. H. p. II. l. I. c. 3. notavit, quae prae metu *montes* petunt, et comparationem indicare, ereptos illos fore, imbelles, pavidos. et a sedibus suis avulso quaquaversum in latibula aufugituros, sed Chald. et Gr. codex Alexandrinus *gementes* vertunt, ab רגה, quod non est spernendum: eo minus quod *columbae vallium* sine ulla emphasi hic memorentur, columbae etiam in montibus aequae ac vallibus degant cum hominibus. Est praeterea facilis nexus vocum הנאות והגיות; ipsa etiam littera א aliquando redundat, cum emphasi, uti Zach. XIV: 10. in ראמה et alibi. 4. In part. המות respicitur etiam ad *columbas*, quarum est lamentabilem strepitum ciere; continet vox aestuationem cum vociferatione et fletu conjunctam Phrasis vero כלם המות verti debet *omnes illi*, scilicet *erunt*, hoc verbo ex praecedente repetito *aestuationes* purae putae. 5. Denique *quisque in perversitate sua*, cum subjungitur, indicatur eos non tantum peccatorum poenas eo in statu luere, sed et in peccatis perseverare; et desperabundos vagari.)

§. CXLVII. Sequitur, vers. 17. *omnes manus flaccidae sunt, et omnia genera diffluent sicut aquae.* (h. e. omni vigore

gore animi et corporis orbi torpescant, conf. c. XXI: 7. et Jos. VII: 5. Alii aliter. Vid. Sanctius.) *Et cingent se jaccis, et terror eos operiet, et super omnibus faciebus pudor, et in omnibus capitibus calvities* (pudore ignominia et moerore correpti, earum adfectionum signa ubique circumferent. Nihil hic nostrae curae relictum est: novissima sunt tristium adfectionum signa: in *calvities* respicitur ad pilorum evulsionem in luctu.) Ceterum nexus et verus conspectus orationis requirit, ut haec ad eos, qui fuerint erepti, referantur, secus ac Sanctius et alii, qui ad vocatos ad praedium vers. 14. adplicent.

§. CXLVIII. *e.* Quintus articulus in specie comprehendit omnium divitiarum et ornamentorum privationem, in poenam horribilis abusus eorum, praesertim per idololatriam, inde instructam, vers. 13—22. Haec enim pericopa manifeste cohaeret, seseque recte patitur dividi in *propositionem*, et ejus *deductionem*, ut saepe fieri adsolet. *a.* Propositio, quae malum poenale et ejus causam continet, ita sonat vers. 19. *Argentum suum foras projicient, et aurum illorum erit foeditati abominabili: argentum et aurum eorum non valebit eripere eos, die excandescitiae Jehovae, animam, vel adpetentiam eorum non satiabunt, et viscera eorum non replebunt, quia offendiculum iniquitatis eorum fuit.* h. e. Et ipsi prae desperatione cum contemptu projicient opes et divitias, earum inutilitatem in juvando et fame pellenda tempore excandescitiae Jehovae, ipsis incumbentis, experti; nec hoc tantum, sed hostibus cedent, et foedos ac abominabiles in usus, in poenam talionis propter opum abusum ad omnem iniquitatem et idololatriam. Quae paraphrasis ex. seq. deductione clare elucescit. Nunc ad eam illustrandam, observetur verba complecti *duplex* malum, et *duplicem* rationem ejus. 1. Praemittit propheta duplex damnum, ad opes et divitias spectans, *alterum* ab ipso populo, *alterum* ab hostibus oriturum; his verbis: *argentum ipsorum foras projiciens, et aurum ipsorum erit abominationi; prius ipsi facerent,*

V 3

posterior

posterius ipsis eveniret ab aliis, quo diversitas phrasios nos etiam ducit, dicitur enim, *projicient et erit*, prius ergo ipsi facerent, *posterius* ipsis fieret, et quidem ab hostibus, ut ex vers. 21. et 22. manifestum est. Membra vero elegantiae ergo sejuncta hac ratione jungenda sunt: *argentum et aurum* projicient ipsi, et auferetur ab hostibus in abominationem. *Projicient* ipsi scilicet, prae desperatione et cum contentu, *cedent* vero *abominationi*, quatenus ab hoste spoliata bona in profanos usos adhibebuntur. Hanc enim emphasin habet verbum *proficere*, ut Jes. II: 20. ubi vid. Vitr., et phrasid, esse ללך in *foeditatem abominabilem*, quatenus profanis cedet idololatriis, et in profanum usum; quod est ללך vid. Cocc. in Leg. Conf. vers. 21. fin. et Jes. II: 20. 2. Duas quoque rationes duplicis mali profert, quarum *altera* ad projectionem, *altera* ad profanationem opum respicit. *Prior* est, quod vanitatem opum experiantur, quae malis eripere, et famem sedare nequeunt, tempore excandescitiae Jehovae, et famis; *posterior* est, quod opes ipsis fuerint occasio et causa iniquitatis, quatenus iis abusi sint ad luxum, Inobedientiam, et idololatriam; ut ex seq. patet. Hunc sensum fundunt voces, quia *offendiculum iniquitatis fuit*.

§. CKLIX. β. In propositionis deductione α. illustratur causa spoliationis meritoria, vers. 20 his verbis: *et decus tumidum ornatus ejus in tumidam elationem posuit, et imagines abominationum suarum detestandarum perfecerunt* eo. h. α. sicut splendida sua ornamenta quisque eorum libidini et tyrannidi consecravit, ut pravis hisce adfectibus inserviret, ita imagines idololatrias, abominandas, et detestandas illas, iis ornarunt, et obduxerunt. 1. Prius membrum est generalius, et dicit, quemque eorum decus summum ornamentorum consecrasse tumidae elationi, seu libidini carnali, et insolentiae tyrannicae, Sing. num. indicat, illud in singulos quadrare; verbum *עשו* recte censetur exferere usum indicandi, consecrandi, ut Ps L: 23. et alibi, ut ibi observavi, et supra V: 5. vocem *עשו* proprietatem habere in *tumida*

aida elatione, supra modum extensa, et usu suo quoque teri in libidine tumida, ac insolentia inundante, et saeviente. Vid. Schroeder ad Ps. X: 2. *Libido* scortatrix non carnaliter tantum, sed et spiritualiter capi potest pro spiritu idololatrico, ut seqq. docent, et Ezech. XVI. fuse deducitur. 2. *Posterius* membrum specialius est, et ad idololatriam pertinet, ut facile patet, et significat, eos ornamentis suis splendidis obduxisse, ornasse et ita perfecisse imagines suas abominandas. Utitur propheta num. plur., quia in genere de populo agit, et iis imputat ornamentorum suorum abusum, quo iis texerant, et ornaverant simulacra: hunc enim sensum fundit phrasid, *וַיַּעֲשׂוּ* fecerunt eo sc. ornatu imagines, h. e. perfecerunt, ornavunt, et obduxerunt. Hunc enim sensum praefert verbum *וַיַּעֲשׂוּ* proprie *texis* operuit, inde *fecit*, proprie *incubuit rei*, ut quali eam operiat, nec non *perfecit*, *ornavit*, *forma eam vestivit*; Vid. Kuypers ad carm. II. Ali p. 106. et diff. ad V. T. loca p. 15. Quae explicatio cum nexui et phrasibus recte respondeat, eam longe praefendam esse aliorum hypothese, qua per *decus ornatus* intelligitur *Templum*, et imaginum idololatricarum positio ad Templum profanatum refertur, facile perspicitur; phrasid quoque, *decus ornatus*, nimis generalis est, quam ut ad Templum restringatur, nec ullus hic adest character Templi; tota pericopa agit quoque de bonis, et ornamentis spoliandis.

§. CL. b. Malum poenale 1. in genere repetitur, et 2. clarius exponitur, 1. prius his verbis vers. 20. fin. *propterea tradidi hoc ipsis in foeditatem abominabilem*. Quae respondent secundo membro vers. 19. et *aurum ipsorum in foeditatem erit*, ut ibi explicui. Hic Deus sibi illud, tanquam iudici, adtribuit in poenam populi, uti phrasid, *propterea dedi*, indicat. Ceterum, quod unice hic observandum habeo, pronom. *אֵלֶּם* ipsis dedi illud, sc. aurum, argentum, et omne ornamentum, refero ad *hostes*, ut ex seq. patet, ubi illi, qui hic digito quasi tantum monstrantur, exprimentur.

muntur. Obtinere vere hic canon Gl. *rimus* Gr. S. l. III. tr. 2. aliquando relativum respicit ad consequens seu id, quod in textu sequitur, quem exemplis illustravit, quibus noster locus addendus est. 2. Clarius expositio his fit verbis vers. 21, 22. *Et tradam illud in manum peregrinorum ad praedam, et improbis terrae ad spoliū, et profanabunt illud; et aver- tam vultum meum ab ipsis, et profanabunt occultum meum* (thesaurum,) *et venient in eam (terram) effraiores, et pro- fanabunt eam.* Quorum sensus, qui ex dictis facile perspi- citur, est, Deum Chaldaeis, peregrinis et impiis, traditurum esse cum opes et ornamenta populi, tum ipsam terram, in spoliationem et profanationem, ad occultos thesauros usque. Nihil hic admodum difficile nisi in voce צפון; reliqua satis clara sunt, et a nonnullis Interpr., ut Sanctio, recte exposita: tantum not. relat. foem. in duobus ultimis mem-bris vers. 22. pertinere ad terram Israelis, ad quam sermo supra fuit directus. Interpretes per צפון passim intelligunt *sanctum sanctorum*, arcanum illud Dei, sed sine ratione, et contra seriem orationis, quae de opibus et bonis ac orna-menti agitur, et usum vocis in vera ejus potestate fundatum. Sicut צפון Jes. XLV: 3. et Jer. XCI: 8. ita צפון in thesau-ris ulitatum est, Ps. XVII: 14. Prov. XIII: 22. nec non ibi de thesauro irae usurpatur Job. X: 13. XV: 20. XX: 26. XXI: 19. XXIV: 1. Proprietas radicis צפון est in com- pingendo, et praecipue adhibetur de folliculo coriaceo, quo aliquid involvitur, et sic reconditur, unde partim dicit con-dere, ut quid lateat, ac tutum sit, partim ad adservandum tanquam penus thesaurum. Hinc צפון est reconditum, et thesaurus. Adpellat autem Deus opes et pretiosa populi re- conditum seu thesaurum suum, quia cum tota terra Israeliti- ca suum erat peculium; et ab ipso Israeli in usum conces- sum; ut cap. XVII. habetur. Conf. Ps. XVII: 14.

§. CLI. f. Sextus articulus summam exhibet destructio- nis, per modum conclusionis, externo symbolo catenae, a propheta faciendae, confirmatam vers. 23—27. Ubi prae-
mitti-

mittitur symbolum *catenae*, quae prophetae injungitur faci-
enda vers. 23. his verbis *fac catenam*, in signum arctae ob-
sidionis, inelusionis, simul judicii mortis ac exilii in ipsos
pronunciati. Quippe qui *catenae* est emblematicus conspec-
tus, ab interpretibus jam observatus. Conf. Jes. XXVIII
22. et ibi Vitr., quo etiam respexit Vulg. interpretes, et non
ad *conclusionem* sermonis prophetici, vertens, *fac conclusionem*.
Quemadmodum autem c. VI: 11. ita et hic dura prophetia
per symbolicam repraesentationem confirmatur. Conf. eti-
am Jer. XXVII et XXVIII. Notetur pro **הרתק** leg. esse
רתק sine littera ה, quae hic locum invenire nequit, cum
non hanc aut illam, sed in genere *catenam* aliquam confice-
re jubeatur propheta, uti cap. IV: 1. **הרתק** non **החרב**, sed
irrepsit ex fine praecedentis verbi **עשה** *fac*. Sequitur nunc
ipsius judicii, quo constringerentur, descriptio a. summam
proposita, una cum causa meritoria vers. 23, 24. β. fusius
deducta vers. 25—27. α. Propositio continet a. causam
meritoriam vers. 23. *Quia terra plena est judicio sanguinum
et urbs ista* (sc. Hierosolyma, metropolis, *urbs* **אֶרֶץ יְרוּשָׁלַיִם**
dicta) *plena est cruditate*. h. e. tota terra cum metropoli
scatet homicidiis, rapinis, et violentiis. Phrasis, **מִשַּׁחַד
וּמִדָּמָם** *judicium sanguinum*, significat, ut videtur, pravam
et tyrannicam consuetudinem; seu in judicio, seu extra il-
lud alios opprimendi, spoliandi, et occidendi. Qua in la-
titudine sumitur vox *sanguinum* Jes. I: 15. et alibi vid.
Vitr., et **מִשַּׁחַד** subinde in genere pravam denotat et ty-
rannicam consuetudinem; ut 1 Sam. II: 13. Jer. LI: 9. et
alibi, b. *judicium Dei in eam*, quia hostibus traderetur spo-
lianda, et destruenda vers. 24. *Et adducam pessimos gen-
tium* (vel quassatores gentium) *et possidebunt domos eorum, et
quiescere faciam elationem tumidam robustorum ac durorum,
et profanabuntur consecrata ipsorum*. Quorum sensus et em-
phasis, ut in lucem prodeat, not. 1. in epitheto, quod Chal-
daeis datur, **רַעֵי נִיִּים** esse quid ambigui, studio capta-
tum, ut utriusque ratio habeatur, denotat enim, ut in ver-

sione expressi, et *peffimos gentium*, seu *peffimas gentes*, ex idiotismo Hebr. et *quassatores* earum, sive de iis, sive eas ipsas quassantes; uti de Babylonia habetur Jes. XIV: 12. ubi *חַלֵּשׁ* *flagellator*, et *dilacerator praepositorum gentium* vocatur. Radix *רָעַע* et *רָעַע* proprie est *quassare*, *quassando frangere*, unde *cum* improbi fluxit usus, qui virtute et probitate *causus* est, tum fractoris et raptoris, et in pass. *fracti* viribus e. potestate Sed posset etiam legi, aliis cum punctis *רָעַי* *paiores*, quod non spreverim. 2. Voces, *quiescere faciam elationem robustorum*, significare totalem abolitionem omnis fastosae dignitatis, et potentiae fortium, et durorum principum. De verbi *שָׁבַת* potestate dixi, ad c. VI: 8. et de voce *גָּאֵן* ad veri. 20. hujus cap., *עוֹשׂ* vero sunt proprie *torti*, *intorti*, inde robusti, duri et alperi. Quae conjungenda sunt, et in proceres, *sceptrum improbitatis dictos* veri 11. recte quadrant. 3. Ultimas voces, quae recte vertuntur, *profanabuntur consecrata ipsorum* (vox *מִקְדָּשׁ* *consecrationem*, *consecratum*, denotat. Vid. Sim. torni. p. 521. et non *consecrantem*, seu sanctificantem significat, ut nonnullis placet) pertinere ad omnes res sacras, seu consecratas, et quidem hic *idololatrias*. Vid. supra c. VI. Locutio vero est ad opinionem eorum adcommodata. Quod et alias fit.

§. CLII. β. In fusiore deductione 1. vivis coloribus depingitur horribilis omnis ordinis hominum desperabunda perturbatio, quae destructionem illam praecederet et comitaretur, quae a. in genere proponitur veri. 25. *Summa contractio venit, et quaerent pacem, et non erit.* h. e. adest summa coarctatio, et animorum ac virium debilitatio, nec ullum erit solatium aut remedium; quod frustra quaerent. Vox *קָטְרָה* cum *ה* parag., sed emphatico in fin. ad summum gradum indicandum, hanc enim emphasin habet *ה* in fin., proprie signat *contractionem*, qua quid in semet ipsum contrahitur, et convolvitur, unde ad *horrorem* transfertur, quo corpus in se contrahitur, et animus constringitur anxia sollici-

solicitudine, et ad mortem, qua vita convolvitur, et perit. Vid. Pronepos meus Verschuir in disp. Acad. obser. Sel. ad selecta S. loca cap. 3. Quae amplitudo significationum hic recte admittitur, simul ad *catenam* constringentem, vers. 23. adluditur. *Querere pacem* hic est *frustra* quaerere, uti mox vers. 26. quare subjungitur, et *non est*, dicitque solatium et incolumitatem *frustra* quaerere; cum nusquam inveniatur.

§. CLIII. *b.* Fusius deducitur enumerando omnis generis homines, qui solatium et salutem adferre deberent, et posse viderentur vers. 26, 27. *barathrum calamitatum* supra *barathrum* ingruet, et rumor ad rumorem erit, et quaerent visionem frustra a propheta, et peribit a sacerdote informatio, et consilium a senioribus, rex lugebit amare, et princeps induet adtonitam obstupescationem, et manus populi terrae quatiendo exsolventur: h. e. summa erit omnium eorum hominum perturbatio, et calamitas; mala se invicem presse sequentur, nuntii malorum erunt frequentes, nihil opis penes prophetas, sacerdotes et seniores, rex moerore desperabundo disfluat, et principes adtoniti quasi siderati jacebunt, reliqui cives omnes manibus erunt quassatis et dissolutis. Calamitas, quae hic depingitur, complectitur et destructionem urbis ac reip., et ejus consequentia, et populus hic sistitur in summa desperatione et eo tempore, quo excinderetur resp., et deinceps, ita ut nihil solatii inveniatur apud prophetas, sacerdotes et seniores seu sapientes, et illi ipsi sint obstupesciendi ac infatuandi. In phrasibus nihil nobis est relictum, quod non est observatum ab aliis, aut a nobis ad Jer. XVIII: 18. Quare nihil addo. *c.* Denique subjungitur judicium Dei, tanquam destructionis causa et ejus *causae* ac finis, his verbis: *prae viis ipsorum* (propter instituta ipsorum, et iis convenienter,) *agam cum ipsis* (scilicet judicialiter, quem usum subinde habet *וְאֶגְמָם*, ut Jer. XVIII: 23. XXIII: 20. Ps. CXIX: 12. Mal. III. 17. et alibi,) *et iudicabo eos* (convenienter ipsorum *praevis* *et* tyrannos)

tyrannicis consuetudinibus, quae *judicia sanguinum* fuerunt dictae vers. 23., *judicabo et puniam ipsos*, et *cognoscent me esse Jehovam*: quod supra habuimus c. VI: 14. VII: 4. Nihil praeterea, quod observem, habeo nisi illud unum pro **כדרכם** rectius legi, **כדרכם** *secundum vias ipsorum*, uti vers. 8. et pro **כמשפטיהם** quoque **כמשפטיהם** *secundum iudicia* sicut aliqui codd. MS. praefereunt et Veteres Interpretes.

C A P. V I I I.

§. CLIV. **Q**uarta revelatio, anno deportationis *sexto*, mense *sexto*, die *5to*, ipsi facta est, ut vers. 1. habetur, quum domi *sederet* propheta, et coram se haberet *sedentes* seniores Judae, sive ad *una* legendum, solenni die jejunii, ut c. I et III: 15. habuimus, sive ad informationem ac consolationem a propheta recipiendam, qualiscunque etiam fuerit di:is; quo phras. *sedere coram* ducit, videtur autem propheta se domi communiter tenuisse, uti injunctum erat ipsi c. III: 24. Fuit autem revelatio *ecstatica*, qua Hierosolymam translatus est, non corporaliter, sed in visione, et cuncta in visione vidit, quae hic narratur, uti liquet 1. ex phras. *cecidit super me manus Dei*, de qua supra. 2. quod in *visionibus Dei*, dicat se eo esse translatus vers. 3., et reductum in Chaldaeam c. XI: 24. 3. quod ibid. XI: 24. diserte addat, *discessisse a se visionem, quam vidit*. *Scena* visionis vero est Hierosolyma, et in specie Templum; ut seqq. docent. Sed non est una visio continua, verum duabus vel tribus vicibus distinctis facta, quarum *prima* cap. VIII et IX. continetur, *secunda* cap. X. et *tertia* c. XI.; uti tractatio docebit. Introductionis vice narrat, sibi adparuisse imaginem viri igniti, qui manu sua summam capitis sui caesariem adripuit, seque ea ratione rapidissimo vento coelum

coelum inter et terram per aërem transtulit Hierosolymam; vers. 2, 3. Ubi nobis nil relictum est observandum, nisi hoc unum, virum transferentem non esse eundem, qui c. I: 27. visus est insidere throno, licet descriptio fere eadem sit, sed unum Cherubinarum, in quos descriptio recte quoque convenit, ut ex c. I: 13. patet, quia, ne dicam ministro rectius quam regi, throno insidenti, illud competere, differt regis imago c. I: 27. ab hac nostra, ut comparatio facile docet: hic enim dicitur, ipsum praetulisse infra ignis, supra *splendentis* ignis, instar solis, speciem; in signum *coelestis* nuncii; cum c. I. supra ignem inclusum et infra splendentem instar arcus coelestis vibraverit rex coelestis; accedit, *manum* hic diserte ei adtribui, cujus nulla mentio est cap. I: 27. Nec obstat species *aurichalci* hic et c. I: 27. memorata, cum et cherubini ex medio ignis, eam speciem habentis, dicantur orti c. I: 4, 5. Omisi notare LXX habere *וְאֵל* pro *וְאֵל* in primo membro vers. 2. vertentes, *sicut speciem viri*, non adeo male, quin rectius cum mox tanquam vir describatur, et *וְאֵל* videri possit pro *igne* superfluum. Ceterum, quod *cincinnum*, seu supremam caesariem capitis adripuerit vir ille divinus, in eo nihil mysterii quaero, nisi forte hoc, ut indicetur phantasiam, in capite residentem, fuisse arreptam, et Hierosolymam in visione ecstatica ductam, simul arreptam, et in sublime elevatam, ad visa contemplanda.

§ CLV. *Primae visionis* duae sunt *partes*, quarum *prior* repraesentat horrendae idololatriae in ipso Templo specimina exstantiora cap. VIII. *posterior* vero *judicia* Dei in populum et metropolin ob oculos ponit cap. IX. In *prior* parte, cum narrasset propheta, se fuisse ductum ad ostium portae *atrii interioris*, (vocem enim *וְאֵל* supplendam vel addendam esse in *וְאֵל*, quae additur expresse 1 Reg. VI: 36., cum genus foem. vocis *וְאֵל*, tum coll. c. X: 3., ut recte Piscator, demonstrat. *Atrium* vero fuit duplex, *interius*, seu sacerdotum, et *exterius*, seu populi, cujus

utriusque mentio est c. X: 3, 5. et alibi,) *spectantis septentrionem versus*, ubi erat simulacrum idololatricum, quod mox ipsius oculis fuit objectum, ut vers. 5. habetur, hic itaque per prolepsin memoratur; praemittit, *ibi adparuisse sibi gloriam Dei Israelis, secundum visum in valle* vers. 4. scilicet cap. I. descriptum, sed nondum totum in omni complexu, nam cap. X: 1. demum vidisse dicitur *thronum super capita Cherubimorum*; adeoque eo usque tantum nunc vidit *gloriam illam in nube scilicet ignita*, solito symbolo majestatis *Dei Israelis*; sicut expresse additur, *gloriam Dei Israelis*, quae a *septentrione* venerat Hierosolimam ad populum visitandum et puniendum. Conf. c. I: 4. Pergit, his praemissis, ad illustra idololatriae specimina, ipsi ibi monstrata, eo scopo, ut de horrenda idololatria, in occulto patrata, convincerentur exules, quorum *seniores* hic sedebant coram propheta, quibuscum totum visum mox communicavit, c. XI: 25. praeterea *causa iudicii Divini*, mox exsequendi, ipsis ante oculos ponèretur, ne amplius de veritate et necessitate ejus dubitarent. *Primum* vero specimen, vers. 5 et 6. descriptum, continet *altare* cum simulacro zelo:ypiae ad portam atrii interioris ante ipsum introitum in illud atrium, versus septentrionem, adeoque in atrio exteriori collocatum, ad dextrum latus ingredientis, in illam portam, quae ad atrium interius ducebat: *ingressus enim erat ab ortu*, et ad dextrum latus erat *septentrio*. Hunc existimo esse verborum sensum, minus ab omnibus perceptum. Propheta enim nondum intraverat, per portam, quae ad interius atrium ducebat, quod postea demum narratur fecisse, ut seqq. docebunt, itabat itaque ad portam illam in atrio adhuc *exteriore*, et oculos jussu Dei, defixit in latus septentrionale; ubi vidit *altare* istius simulacri, juxta *introitum*, ut est vers. 5. his verbis: *et ecce a septentrione ad portam altare illud simulacri istius zelo:ypiae in ipso introitu*. Interpretes solent communiter vocem altaris cum porta conjungere, et *portam altaris* censent fuisse adpellatam ob *altare*, seu *Dei*, seu *Baalis*

Balis ibi positum ab Achazo 2 Reg. XVI: 14. sed sine fundamento, nec erat altare illud Achazi extra, sed intra atrium interius; cum hoc esset *extra*, ut dixi. Longe rectius cum *simulacro* construitur, ut sit altare *simulacri*, ei dicatum, et eo ornatum; in quo etiam simulacrum illud colebatur sacrificiis. Respicitur ad id, quod Manasses fecit, qui in utroque atrio erexit altaria Baali 2 Reg. XXI: 5., quae destruxit Josia ib. XXIII: 12. ipse Manasses quidem deinceps sustulit, sed Amon filius ejus restituit, 2 Chron. XXXIII. Singulare est Syr. et LXX *ad portam orientalem*, reddidisse pro מנחה leg. מנחה, quod rei ipsi satis est consonum, sed lectioni Mator. adversum; a qua ratio non est recedendi, sed quod erat *simulacrum*, ab ipso visum? adpellatur סמל המנחה vers. 3., hic simpliciter, סמל המנחה הזה. Intelligi solet *simulacrum zelotypiae ad zelum provocans Deum*, adulterii spiritualis vindicem acerrimum; respici videtur ad titulum Dei Ex. XX: 2. ubi de idolorum cultu, Deo exoso, agitur, vid. et Deut. XXXII: 16, 21. et סמל nota re videtur qualecunque idolum, aut simulacrum idololatricum, ut est Deut. IV: 16. et alibi, sive sit inversum צלם, aut משל, ut nonnullis placet, sive alius originis; de quo mihi non constat. Illud certius est, digitum intendi ad id quod fecit Manasses 2 Chron. XXXIII: 7. ubi *Sculptile* fecisse dicitur הסמל. Statua itaque fuisse videtur, LXX סמל dicta, sed cui numini dicata, non liquet, nec usquam traditur. Fuit tamen singularis, hoc nomine אל־עֶזְרָא insignita, et Deo cum maxime exosa, quare *simulacrum zelotypiae* audit, quatenus Deum ad *zelotypiam* provocabat; illud enim הסמל, pro המנחה explicationis vice adjungitur, et indicat, vehementem zelum Dei, inde oriundum, si מנחה aliter punctaretur, intelligi posset de *pecude*, sive vacca, sive ove aut ariete, et vers. 5. הזה pro השה ove sumi, adeoque ad *pecudem* qualemcunque referri, ab ipsis cultam, ad exemplum Aegyptiorum, sicut sequens *specimen* complectitur *impura animalia*. Facilis est vocum זה et שן mutatio, uti 1 Sam.

XVII: 34. Adgravat dein Deus vers. 6. illud facinus, simul declarat, atrocius quid mox adpariturum prophetæ. In quo nihil est nobis relictum, nisi in phrasi לרחוק *in longe esse a sanctuario meo*, quod communiter vertitur, *us longe discedam ego*, vel *discedant ipsi a sanctuario meo*: rectius, ex nostra opinione, *longe faceffat*, vel *faceffere debet a sanctuario meo*, formula est averruncandi, et abominabile quid declarandi, qua cum detestatione dicitur, רחוק, *longinquitas*, procul faceffat Job. XI: 14. Praep. ל *vel est, in longe esse*, vel *oportet, necesse est*, ut alibi sumitur. Vid. Schult. ad Prov. XXII: 16. et רחוק ex praeced. subintelligi debet.

§. CLVI. Secundum specimen idololatriæ, vers. 8—12. descriptum est. Quod enim nonnulli vers. 12. novum genus depingi opinantur, sine ratione est, et contra manifestam orationis connexionem, cum isto versu clare ad modo memoratum facinus digitus intendatur. Propheta legitur in spiritu adductus *ad ostium atrii*, scilicet *interioris*, ante cuius *portam* modo steterat vers. 3., adeoque nunc ad ipsam *januam* portæ istius adductus, ibi vidit *foramen unum in pariete*, scilicet per quod clavis immitti solebat *ad parietem*, qui habebat *januam*, ei similem, aperiendum. Jubetur hunc *parietem perfodere* h. e. cum clavi carebat, fodiendo sibi *aperaturam* facere, per quam intrare posset secreta loca ejus, quo facto, deprehendit *januam* ibi esse, per quam introitus fiebat, qua facta apertura intravit locum occultum, et observavit picturas in pariete quaquaversum, quæ referebant *reptilia*, et quævis alia animantia immunda, qualia Lev. XI. describuntur et epitheto קדש, ut hic insigniuntur, quatenus Judæis esse debebant *detestationi*, additur, et *omnium stercoreorum domus Israel*; sc. idolorum, qualiacunque fuerint; eorum omnium imagines ibi *super pariete* erant *sculptæ*. Vidit præterea 70 seniorum Israelis, et inter eos ipsius *Saphanis*, viri illustris et pii tempore Josiae, 2 Reg. XXIII: 9. ut videtur, *filium Jaazaniæ*, stantem in medio ipsorum,

rum, tanquam antesignanum et directorem; principes populi, et ejus personam agentes; forte cum adulatione ad 70 consiliarios Moſis, in deſerto; quorum hic ex. gr. tantum fit mentio. Vidit porro eos, habentes ſingulos *thuribulum* in manu et ſtantes coram illis imaginibus, ac *thurificantes*, quod ultima verba verſ. 11. denotant, et *nidor nubis ſuffusus adſcendebat*, qui precibus adjungi ſolebat, et eas expungebat; vox *ענן* non *copiam*, ut putatur, et *abundantiam*, ſed *nidorem*, ſeu *odorem exhalantem*, complectitur, ut Cl. Schult. ad Job. XXII: 27. obſervavit, unde ad *preces* facilis tranſitus eſt factus. Subjungitur nunc, per modum tranſitus ad ſequens ſpecimen, verbum Dei ad prophetam, quo rogat, num haec viderit, et ſimul aliquid ad illa illuſtranda addit, cum dicit, *ſeniores ea facere in tenebris*, quemque *in penetralibus caelaturae ſuae, quia dicunt, Jehova nos non videt, deſeruit Jehova terram*, verſ. 12. Quibus ſignificatur 1. locum, ubi thurificabant ſeniores, eſſe *tenebricoſum*, undique concludum, 2. inſtar conclavis caelaturis undique ornat: quae poteſtas eſt vocis *משרית* quae *figuram ſpectabilem* denotat. Vid. Schult. ad Job. XXXVIII: 36. 3. coloraſſe hunc cultum profana opinione, *Jehovam non videre eos, terram deſeruiſſe* h. e. Jehovam non eſſe iis praefentem, adeoque non cognoscere, quid faciant in occulto, acſi Jehova eſſet ſicut homo, qui non niſi praefens intuetur. Si ſimpliciter voluiſſent, Deum curam terrae et populi abje- ciſſe, et propterea ſe ad alia numina debere reſpicere, non opus habuiſſent in *occulto* illud agere, et *tenebras* ac latibula quaerere. Cum autem ſine copula connectatur ſermo: *non videt nos Jehova, deſeruit Jehova terram*, ſignificatur; ignorantiam Jehovae ab iſtis fundari in ejus *abſentia*, qua Templum, ubi alias praefens erat, quin terram plane deſeruerat, et alio diſceſſerat. Quae pura puta erat corruptae mentis *imaginaria* opinio, quam connexio horum verborum per *quia* cum praecedentibus etiam indicare videtur, ſi in phraſi, *penetralia imaginationis ſuae*, praeter ſenſum mo-

do datum, admittatur, quod potest, mentis imaginaria opinio, adeo ut sint *tum caelaturis ornata, tum imaginatione animi*, qua se Deum latere putabant, instructa et plena est. Ceterum Deum in *tenebris* non videre, seu non nisi praesentia videre, et alibi praetenderunt profani Judaei, Jesh. XXIX: 15. et aliis in locis.

§. CLVII. Sensu pericopae constituto, quaestio superest, cum seniores Judaeorum haec ad litteram vere commiserint in Templo, an Prophetae tantum in visione hoc agentes oblatis sint, ut multis videtur, ad indicandum in genere, eos in penetralibus suis ubicunque talia agere, seu ut Cocc., eos arctam cum Aegyptiis colere societatem, iisque ejusmodi idololatriae deditis, ianiti. Quod postremum valde quaesitum est, et omni fundamento destitutum; alterum illud simul admitti potest, sed non solum; ostendi potuit prophetae facinus eorum in Templo, ex gr. ut inde colligatur, eos ubique talia patrare, cum in ipso Templo non vereantur illud facere, sed primo et directo sensu existimaverim indicari seniorum facinus in ipso Templo, in locis occultis, sicut propheta in visione observavit. Rationes sunt, 1. quod reliqua omnia, hic narrata, eodem sensu intelligi debeant, adeoque nihil horum vere in Templo factum fuisset, quod absurdum nec admitti solet, aut potest. 2. quod ratio dari tunc nequeat, quare propheta in visione fuerit ad haec agenda et contemplanda compulsus, si non vere talia fuerint ibi peracta. 3. quod tam accurata descriptio loci, qualis hic occurrit, frustranea tunc plane sit. 4. denique accedit, nihil in eo esse absurdi, quod seniores tale quid clam commiserint in occulto aliquo cubiculo Templi: cum gentiles etiam talia adyta habuerint, reliquis clausa. Vid. Warburton de Div. missione Moysi lib. IV. c. 6. seu ed. Belg. p. IV. p. 23. qualia ex gr. fuerunt *Isiaca* apud Aegyptios, *Eleusinia* apud Graecos, *bonae Deae* apud Latinos.

§. CLVIII. *Tertium specimen*, praemissa solita admonitione vers. 13., occurrit vers. 14. his verbis: *et duxit me ad januam*

januam portas domus Jehovae, quae est ad septentrionem, et ecce ibi sedentes, mulieres, quae Tammuzum flebant. Quibus verbis significatur, mulieres sedisse in ipso atrio interiore juxta januam portae ipsius aedis sacrae, quae janua ad septentrionem spectabat; adeoque in loco, quem solae personae sacrae adire poterant. Praeterea dicitur, mulieres ibi lugentium praetulisse habitum, *sedentes* et *flentes*; Numen vero, luctus causam, adpellat propheta תַּמְּזֻז Tammuz. Per quod solet intelligi Aegyptiorum Osiris, et Bybliorum, seu Phoenicum, Adonis, quorum cultus multa habebat similia, inter alia, quod festo annuo a mulieribus primum interitus defleretur, dein reditus cum laetitia celebraretur. Erant autem mulieres illae Isidi, uxori Osiridis, et Veneri, amasiae Adonidis, Sacrae, quae cum illa deflebant mariti et amasii interitum, ac laetabantur super reditu; causa libidinis et concubitus. praeerant enim illa numina foecunditati et libidini Venereae, quare *membrum* virile tunc circumferebatur. Erant autem numina illa sol et luna, unde fabulosae narrationes Isidis et Osiridis, Veneris et Adonidis, ac Bacchi ortae sunt, etc. Plura vid. apud Selden. de Diis Syr. syntagm. II. c. 11. Voss. Idolol. I. II. c. 4. Trigl. conject. de Dodone c. I. Jablonsk. panth. Aeg. I. V. c. 7. Hyde ad Peritz. p. 46. Reinis. de Deo Eudov.: qui Salambonem Syrorum idem esse ac Tammuz. contendit, et cum Baccho confert, Cl. Simon in Onom. p. 604. etiam Bacchum indicari, et nomen designare datorem vini dicit se alibi ex instituto demonstratorum, quod num fecerit, nescio. Prodiit ea nuper ad calcem Onom. N. T. ubi derivat a יָרַח et יָיִן vino in linguis vicinis, et eundem fuisse Bacchum observat post alios, cum Adonide Osiride, et solem designari. Mihi non sit improbabile, vocem esse compositam ex יָיִן heemantico, nominibus praefigi solito, et emphasin augente, vid. Simon de form. nom. p. 524. etc. et יָיִן; יָיִן, יָיִן cui respondet יָיִן. Origo est in *frictione* *effrictione*, quae speciatim adplicatur *sustinenti* et *fortitioni*, quae sit *frictu* *labiorum*;

rum; dicitque *suxit*, *sugendo expressit*, quod in bonum et malum vertitur. Hinc תמח erit, qui multum habet et praebet sugendum, emulgendum, et in malum, qui omnia consumit, et *exsucca* reddit. Sic מ Arab. est valde *musculosus* vir et מ exsucca fame Deut. XXXII. Posset etiam vox esse composita ex תח et מח, unde per dages in ח recte e תח q. d. plene et perfecte seu totum succosum, aut exlucens, si in malum. Utrumque in solem et amasium recte quadrat, sol calore suo succulentum facit, et *fervore* excoquit, unde mensis, Junio et Julio respondens, adpellatur תח apud Hebraeos, post exilium Babylon. Posset etiam nomen *Adonis*, quod ab אדון alias recte derivatur, eo referri, si a ער repetatur, cujus origo est in *delicate tenero* et *flexili*, unde ad delicatissimas amoenitates, et tēnerrimas delicias transfertur. Vid. Schult. clav. p. 266. et Kuypers ad Ali p. 107. unde מעדנת כימה Job XXXVIII: 31. sunt *verni temporis deliciae*. Vox כימה denotat *fidus calidum*, *genitale*, cujus influxu terra vegetata foecundatur. Vid. Schult. ad Job. IX: 9. et XXXVIII: 31. radix כים Arab est *subegit foeminam*, et *foecundavit*, et respondet חם, חם, calefcere; adeoque recte refertur ad solem, signum *arietis* intrantem, et in eo *aequinoctium* facientem vernum, ac ver autpicantem, quare *aries* ei fuit sacer apud Aegyptios, et omnis caloris ac foecunditatis terrae redditae fuit auctor habitus, et principium *geniturae*, in quo signo etiam est *congressus solis et lunae*, quem expinxit Osiris redivivus et Isidi redditus, sicut in Adonide et Venere; interitus enim Osiris et Adonidis denotat *solis* a nostro haemisphaerio *abitu* per hiemem, et Osiris in vitam revocatus, ac redditus, solis ad nostrum hemisphaerium tempore verno reditum; priorem lucu, et posteriorem hilaritate prosecutae sunt *mulieres*, illi Deo sacrae; et Isidi ac Veneri consecratae: quare *desideriam mulierum* adpellatur Dan. XI: 37. ubi vid. comm. noster. Adpellabatur *sol* redux tempore verno Aegyptiis proprio nomine אפס et אפר h. e. *lucidam inferens lucem*, post hyemem

mem pullam, ex tenebris eductam. Vid. Jablonski in Panth. I. II. c. 2. Non longe abit תָּמַח, sed legi etiam posset תָּמַח pro תָּמַח א per dages in תָּ latentem, uti יָהּ ex יָהּ vel יָהּ; et תָּמַח ex תָּמַח. Alio nomine Adonis appellatus est, teste Hesychio, apud Persas, vel Persasos, aut Assyrios, אֲדוֹנִי sive ab אֲדוֹנִי, אֲדוֹנִי *spizny catamo virente et maturefcente*, unde mentis Nitani, quo messis hordeacea incipiebat אֲדוֹנִי, quod *adonis*, seu sol verno tempore fruges ad maturitatem adducat, et iis praeesse censeatur, quare *Adonis* pro matura segete accipi suavit. Vid. Reland. de ling. Pers. p. 100. Conf. etiam Amm. Marc. I. XIX: 1. fin. ubi *cultrices Veneris lacrymare dicuntur, in solemnibus Adonidis sacris, quod simulacrum atiquod esse frugum adultarum religiones mysticae docent.* Rursum I. XXII. c. 9. *evenerat iisdem diebus, loquitur de Antiochia, Orientis apice; annuo cursu completo Adonia ritu veteri celebrari, amato Veneri ut fabulae fingunt apri dente ferali deleta, quod in adultis flore sectarum est indicium frugum; ubi vid. not. sive a תָּמַח sinu fovente complecti proprie, inde diligere; quod in rem praesentem etiam recte quadrat.*

§. CLIX. Insuper observandum est 1. mulieres hasce lugentes Tammuz, esse easdem, quae Veneri sacrae *demuntulas*, in aede Jehovae leguntur fecisse *Asoteras* h. e. Isidi; ac Veneri; 2 Reg. XXIII: 7. 2. *Elere* cum dicuntur et lamentari Tammuzum, illud simul involvere flebilem vocem, qua inclamabant Tammuzum, ut adveniret, et se manifestaret, adeo ut verbum illud divitem sensum habeat, et *flendo inclamare* denotet, uti alias haec duo junguntur. Moris enim erat in hoc festo Adonidis ea ratione, et voce Amm. adhibita, clamare, ut veniat et se *conspiciendum* praebeat. Vid. Plut. de Is. et Os. p. 364. et Jablonsk. in Panth. p. 178. Posset forte, si eo venire liceret, et hic, ad illud exprimendum, pro תָּמַח אֲדוֹנִי legi תָּמַח אֲדוֹנִי *veni Tammuz*. 3. *Ritum* denique hic indicari, qui eo tempore anni locum habebat, quo aequinoctium vernum erat, et sol signum arie-

sis intrat, et ver auspicator, et mulieres flendo inclamabant solis adventum ad superiora hemisphaerium; Verum quidem est prophetae illud fuisse conspiciendum praebitum mense *sesta*; adeoque non in tempestate verna; sed non necesse est statuere mulieres tunc vere fuisse in Templo, cum Propheta id vidit, cum in *visione* id factum sit, et sufficiat, eas tale quid tempore statuto egisse in Templo, quod hic habetur. Quod etiam ad praecedens specimen et sequens applicandum est.

§. CLX. *Quartum* specimen, eadem formula praemissa vers. 15. describitur vers. 16. in eo situm, quod 25 viri primarii steterint ad ipsius aedis portam Orientalem, inter *pronaon* et altare holocausti, tergo ad Templum verso, et facie versus ortum, qui adorabant solem; famosissimum Persarum, Assyriorum, et Aegyptiorum numen: uti nemini non constat. Not. 1. viros illos fuisse e principibus populi, ut ex c. XI: 1. liquet. 2. numero 25, et non circumcirca; ut dubie loquatur propheta; 3. enim hic citatur, vel adfirmat; fuerunt enim *tot viri*, ut ex l. c. patet. Quare vero tot fuerint, dici nequit. 3. stetisse non in sancto, ut putatur a nonnullis, sed ad introitum vestibuli ad ortum; ut ex eodem l. c. manifestum est, et hic noster textus requirit; cum inter *pronaon* et *altare* steterint, *altare*, sic absolute dictum, est *holocausti* et non *suffitus*, eadem pluralis est Joel II: 17. et Matt. XXIII: 35. praeterea in *atrio* *intimo* consistere dicuntur, quo nomine nunquam venit *pronaon* aut *sanctum*: accedit, illos tergum obversum, *palatio* *Jehovae*, seu Templo, habuisse; adeoque extra illud fuisse; ne dicam eos sub *Dio* fuisse ad solem adorandum. Sensus itaque est, prophetam a parte atrii interioris septentrionali, ubi sedebant mulieres plorantes, fuisse ductum ad partem *Orientalem*, ante ipsum *pronaon* inter illud et altare; et ibi vidisse eos adorantes solem. 4. *אֲדָוְרָתָם*, quod est pro *אֲדָוְרָתָם* adorantes vos, ut recte Cl. Schult. Inst. Gr. p. 309. hac vix ferri posse, et leg. videri *אֲדָוְרָתָם*, ut habent Syr. et LXX.

§. CLXI.

§. CLXL. Subjungitur hisce speciminibus prophetae monstratis verbum Domini ad prophetam, quo declarat et pronunciat sententiam judicalem in domum Judae adeo corruptam, quae ejus excidium complectitur, mox executioni in visione prophetica mandatum; uti cap. IX. narratur. Habet itaque haec pericopa conspectum introductionis ad sequens visum, et sententiam judicis condemnatoriam, una cum ejus causa meritoria, executioni, mox sequenti praemissam repraesentat, vers. 17, 18. adeo ut *a.* corruptio Judaeorum, cujus aliqua specimina erant producta, hic summam tanquam causa meritoria, repetita, proponatur vers. 17. & sententia judicialis pronuncietur vers. 18. *a.* Prius sit his verbis vers. 17. *Et dixit ad me, an vidisti, fili hominis? Sane leve est domui Judae facere abominanda, quae hic faciunt, quia replent terram violentia, et aestuant ad me irritandum, et ecce eos emittentes strepitum per nares suas. h. e.* Haec omnia abominanda, quae vidisti in domo mea ab iis patrari, levia adhuc et vilia sunt in oculis eorum, etenim rapinis et caedibus omnia loca terrae suae replent, et magno aestu, vicibus iteratis, feruntur in mei irritationem; adeo etiam, ut palam mihi illudant, et me prostituunt. Ad quam paraphrasin illustrandam not. 1. non respici, ut putatur, ad unum illud idololatriae specimen, ultimo memoratum, sed omnia reliqua, quae prophetae fuerant monstrata. Est enim summaria abominationum earum repetitio, ad causam meritoriam judicii Dei, mox pronunciandi, exponendam: phrasis quoque est generalis, *leve est ipsis patrare abominanda, quae hic*, sc. in Templo, opposita ad terram, violentia repletam, faciunt. 2. Praefixum *et* in *וְאֵת* non esse interrogativum, sed affirmativum, pro *sane profecto, certe*, de quo vid. Schult. ad Job. IV: 21. et Dieu ad Jer. VII: 9. sic in hac ipsa voce 1 Reg. XVI: 31. *et fuit וְהָיָה* sane quam levissimum, ambulare eum in peccatis Jeroboami etc. 3. Voces, quae incipiunt cum *וְ* quia, eo tendere, ut rationem reddant dicti, *leve esse ipsis haec abominanda in Templo*

plo facere, quia non hoc tantum faciunt, sed et terram totam replent violentia, et aestuant in me irritando, ac palam mihi illudunt. Unde patet, abominanda illa esse parvi momenti ipsis, qui crimina publica alia addunt, et aestuant me irritare, ac palam subsannant. 4. Phrasin, *וַיִּשְׁבְּרוּ* et *redeunt ad me irritandum*, non indicare eos, post violentiam patratam, reverti ad Templum profanandum, ut capi solet, quod nec commodum admittit sensum, nec emphasin habet, sed, eos maxime *aestquare*, et continuis vicibus, identidem repetitis, id agere, ut Deum irritent. Hanc enim potestatem habet verbum *שָׁבַר* tritum in *aestu* maximo, identidem et stasis temporibus recurrente. Vid. Hackm. anim. ad V. T. p. 126. Kuypers ad loca V. T. p. 77. Schult. ad excerpt. Ispah. p. 6. 5. Ultimum membrum, quod verti, *ecce eos emittentes crepitum per nares suas, vel narium suarum, aut stridione narium*, de quo mox, varias peperit Interpretum versiones et interpretationes, sed communiter reddi solet, *mittentes ramum, vel palmitem ad nares vel facies suas*, et referri ad ritum aliquem idololatricum, quem varie definiunt, nonnulli *foetorem* aut *crepitum* ventris, sive ad idolum honorandum, sive Deum contumelia adficiendum, intelligunt. Quae variae opiniones apud Interpretes prostant, a viro Cl. Hebenstreit in Thef. novo Ikenii, productae sunt et examinatae. Quibus non immorabor; observasse contentus, hic non agi de idololatria, sed corruptionem populi adgravari ex eo quod *aestuat Deum irritare*, et quaevis scelera elata manu, et cum publico Dei ac legis contentu, committit. Oportet itaque hoc membrum de contentu Dei exponatur; ac populi adrogantia; quod Syr. et LXX recte videntur, et expresserunt, *ille enim vertit; et illi crepitum faciunt, vel ronchissant naribus suis*, id enim *בָּקַע* et *בָּקַע* crepuit, crepando dissiliit, verbo e sono facto, signat, *hi vero reddiderunt*, uno verbo *וַיִּשְׁבְּרוּ* *ortes nares adtrahentes*, et subsannantes. Vox *וַיִּשְׁבְּרוּ* hic non dicit *ramum*, aut *palmitem*, ut alias, sed *crepitum*, aut *strepitum*:
cano-

canorum, a זמר proprie *secuit, infecuit, incidit*, unde etiam זמרה, זמור, זמרה *carmen*, quod multa vocis sectione et fractione canitur, et apud Arab. de voce ac sono stridulo in genere usurpatur, etiam ad sonum obscoenum, inhumanum, agrestem, ac iracundum transfertur. Ne autem in dubio relinqueretur, qualis sonus canorus, et varie incisus intelligeretur, ac de cantu, qui ore fit, ut solet, caperetur, additur expresse אלה נא *vel narium, vel per. nares, vel strictione narium* suarum, ut de sono canoro per *nares* emisso cogitaremus: vocula נא hic non est *ad nares*, sed *vel articuli* vicem habet, vel *per* dicit, vel *strictionem*, aut vibrantem concussionem. *Articuli* usum, ut apud Arab., etiam in Script. habet, ut ad Pl. II: 7. demonstravi, adeoque recte vertitur *strepitus narium*; nec obstat vocis זמרה status absolutus, cum haud infrequenter pro *constructo* veniat, per ellipsin aut vocis repetitae, aut particulae ו ante seq. vocem, vid. Boch. H. p. II. p. 247. Sed נא etiam pro *per* sumitur, dicitque *ad per nares*, ut Belg. *tot door de neus*, ut videre est apud Nold. de part., uti hic sumit Syr., praeterea retinere hic potest usum vocis נא, et verti, *constrictionis, aut concussions vibrante narium*; prout vel ab אלה *arctius stringere*, vel ab נא *concutere, vibrare*, inde *micare*, derivetur. Quacunque ratione intelligatur, sensus eodem recidet, eritque, eos *strepitum canorum* naribus edere, sive *ronchissando*, ut Syr., sive adtrahendo *nares* et stringendo, instar adrogantium, et impudentium, qui se efferunt, jactant, et alios irrident; quod est *ronchos* edere, et μυρμηγκίζω *nares* adtrahere, premere, et mucum emittere, μυρμηγκίζω enim est a μύρον *mungo*, et primitivo μύω *premo*, sensus itaque est, eos se in sceleribus suis adroganter jactare, securos stertere, et Deum, ejusque legem et minas irridere: et cum indignatione spernere, videtur proverbialis esse locutio ad ejusmodi homines, et agendi rationes indicandum.

§. CLXII. β. Sententia judicialis his verbis pronuntiatur vers. 18. Et etiam ego agam in excandescencia, nec con-
Z
robis

rebit oculus meus, nec clementem me praebebo, et voce magna in aures meas clamabunt, nec exaudiam eos. h. e. judicialiter cum iis agam summa cum severitate, sine ulla clementia, ipsorumque clamores miserabiles et preces susque deque habebo. In quibus nihil est obscuri; de judiciali verbi ~~facti~~ *facere* usu supra dixi, ad c. VII: 27. quem et hic omnino exserit. Emphatica phrasis est, *clamare voce magna in aures, et non audire*; dicit, eos lamenta ingente voce coram ipso Deo esse cieturos, et ne sic quidem audiendos esse.

C A P. I X.

§. CLXIII. **P**osterior primae visionis pars, cap. IX: 1—10. comprehensa, repraesentat executionem sententiae judicialis, modo memoratae, per caedem incolarum Hierosolymae a sex ministris judicialibus factam, initio facto ab illis, qui in Templo erant, exceptis tantum piis, super corruptione lugentibus, qui signo sunt, per sacerdotalem aliquam personam, jussu Dei, signati. Sunt autem partes visi, et cap. hujus, sequentes. **N.** Prima exhibet ministrorum justitiae citationem, et adparitionem coram Deo, sedem de super Cherubinis capiente in limine aedis, vers. 1—3. Ubi **a.** occurrit citatio eorum vers. 1. *Et clamavit magna voce in aures meas, dicens, adcedite visitatores urbis, et quisque cum instrumento perditionis in manu sua.* h. e. Deum, supremum judicem, sententia pronunciata, mox audiivi indignabundum et concitatum clara et ingente voce arcescentem adparitores et praefectos urbis officiales, cum instrumentis lethalibus in manibus. *Jehova* est, qui clamat, ipse quippe ille, qui cum propheta haecenus erat locutus, cap. VIII., clamor ejus indicat mandatum esse serium, et certo ac mox faciendum, insuper ab indignabundo super tot tantisque sceleribus profectum. Dirigitur ad officiales Hierosolymae, qui accede-

accedere iubentur cum instrumentis lethalibus ad Deum; verbum קרי vel est, ut recte Polanus apud Polum, in imperat. Pih., ut Jes. XLI: 21., adeoque vertendum *adpropinquate* quantocys, et certo certius, pih. enim intendit significationem, vel verbum male est punctatum et leg רקר: ut sit imperat. in Kal. non itaque *adpropinquare* aut *accedere facite*, ut alii. Adpellantur vero פקרות proprie *visitationes urbis*, sed per usum abstracti pro concreto, *visitatores*, qui urbi lustrandae ac criminibus puniendis sunt praefecti, officiales alias vel adparitores, seu satellites ac ministri iudicis et iustitiae dicti. Radix פקר eleg. pro *lustrare*, inspicere, et singula recensere, omnia obeundo, sumitur Job. V: 24., et teritur etiam in judiciis, ac gravioribus poenis infligendis, Ex. XX: 5. Hof. I: 4. Jes. XXVII: 3. Job. VII: 18.; hic autem de executoribus iudicii, ut facile cernitur, usurpatur, sunt autem in visione *angeli*, sed qui hic occurrunt, tanquam emblemata illorum, qui Hierosolymam destruerent, et incolis nudarent; qui fuerunt Chaldaei, Nebucadnezar, et duces ejus; vel simpliciter malorum, quibus absumerentur Hierosolymitani, sive ferro hostium, sive fame et peste.

§. CLXIV. β. Comparitio ministrorum iustitiae, modocitatorum numero *sex*, cum instrumentis destructionis in manibus, vers. 2. his verbis: *et ecce sex viros venientes e via portae superioris, septentrionem versus spectantis, et cujusque in manu erat instrumentum quatiens*. Nihil hic nostram curam desiderat, quare *sex* sint numero, incertum est; fieri potest, ut *ducum* Nebucadn. Jer. XXXIX. ratio aliqua fuerit habita, quod Maldon. jam observavit, et sine ratione ab aliis rejectum est ideo, quod inter signatos et non signatos non distinxerint, quod secus est, ut ex Jeremiae exemplo l. c. patet, et ex aliis sub Gedalja ib. c. XL. adeo ut hinc potius firmetur conjectura. Introitum per portam superiorem versus Septentrionem spectare ad Chaldaeos inde venientes, et a septentrione irrumpentes, ab aliis notatum quoque est; et facile cogitatur. In visione vero porta est,

non *urbis*, sed *Templi*, quia propheta ibi erat, et porta eo nomine insignita memoratur 2 Reg. XV: 35. incertum tamen unde nomen traxerit. Videtur praeterea eadem esse, quae vers. 3. occurrit, ubi primum specimen idololatriae fuit prophetae oblatum, quae causa fuit excidii.

§. CLXV. 7. Sponsanea comparitio viri, sacerdotali habitu, in medio eorum instructi atramentario scribae his verbis: *et vir unus in medio eorum, indutus lineis, in cuius lumbis erat atramentarium scribae.* Diversus fuit a sex adparitoribus, nec legitur citatus, cum diserte evocantur visitatores, cum instrumentis destructoriis, quorum loco hic *atramentarium* gessit, cingulo lumborum insertum; adeoque sponte sua sese iis adjunxisse videtur, personae et officii sui consideratione motus, ad intercedendum pro piis inter Iudaeos; ne cum reliquis pereant. Etsi enim non legatur intercessisse pro iis apud iudicem, ex mandato tamen, quo mox instructus est, illud facile colligitur. Praetulisse autem personam sacerdotalem ex vestitu ejus *lineo* jam est observatum. Sed officii, quo hic defunctus legitur, respectu ipsi datur *vasculum scribentis* in cingulo, quia mox *signatum* nonnullos in fronte missus fuit, ut seq. docent. Vox קמת eadem est ac קשה, quae *cantharum*, *pateram*, vel *scutellam* dicit, a קשה proprie *rasit*, *decorticavit*, unde *duri* fluxit usus, quem in Script. habet; hinc מן קשה *opus rasile*, et ita *polium*. Vid. I. c. Schroeder ex Schult. ad Jes. III p. 404. de rad. קשה. Tale opus politum vid. fuisse vasculum, quod cingulo habuit adfixum, in quo erat atramentum, vel unguentum, quo *scribi* aut *pingi* poterat, quare *scribae* dicitur vasculum. Ceterum moris et olim fuit, et adhuc est in Oriente, ut scribae ejusmodi vasculum cingulo lumbis adstricto habuerint insertum. Vid. Saw in *itinerario*. Sed quis iste vir, et cuius personam gessit? Unum esse angelorum, si ad visionem respiciatur, mihi non est dubium; *vir* adpellatur, et in medio angelorum compareret, et mandatum a Deo accepit, ut reliqui. Praetulisse autem

tem mihi videtur et gessisse personam ipsius mediatoris et intercessoris, angeli Jehovae, seu filii Dei, cujus est pios servare; et calamitatibus eripere; quo hoc in loco, ut et Ap. VII. pertinet officium *signandi* et *obsignandi*; quippe quod Spiritualem obligationem hic non denotat, a Spiritu S. effici solitam in credentibus, sed signum liberationis a malis temporalibus alicui impressum, sicut postea videbimus. Angelus itaque Goel est, qui *liberat ab omni malo* Gen. XLVIII. et alibi: idem ille; qui deinceps, sub N. T., *thronum gratiae* insidet; uti cap. I. repraesentatur in fine; hic autem *thronus* cap. X. tantum memoratur, nulla regis in eo facta mentione; quia iste hic aliam gerit personam, *angeli* scilicet mediatoris et intercessoris ac pontificis, uti *vestis linea* indicat, et liberatoris, qui suorum curam gerit, ne angeli percussores eos invadant, uti fecit tempore caedis primogenitorum in Aegypto Ex. XII. Quo etiam facit, quod *vir unus* adpelletur, et in *medio* angelorum, tanquam eorum praefectus, compareat, uti recte *Polanus* apud *Polum*. Quod vero alii *Spiritum S.* intelligant, illud sine ratione sufficiente fit, et ex confusione obligationis spiritualis cum hac.

§. CLXVI. J. Statio eorum, et sex adparitorum et unus intercessoris, juxta *altare holocausti*, simul symboli gloriae Dei de super Cherubo descensus in limen domus Jehovae, his verbis vers. 2. et 3. *Et intrarunt steteruntque* (omnes scilicet modo memorati, sex ministri cum viro sacerdotali in medio) *juxta altare aeneum: et gloria Dei Israelis sublata est de super Cherubo, ubi incumbebat ei, ad limen aedis.* h. e. statim ac angeli ministri cum viro sacerdotali stationem sumserint in atrio interiore juxta altare holocausti, symbolum gloriae Dei *Israelis*, quod supra Cherubos vidi ad portam exteriorem istius atrii, vers. 4., isto loco relicto, Cherubinis manentibus, se manifestavit ad limen ipsius Templi. Hic enim sensus est literalis hujus visi. Not. 1. *altare aeneum* esse veri Dei, et in loco suo positum, non itaque ubi Achaz. illud collocaverat versus latus septentrionale;

de quo nonnulli cogitant; postea enim locum suum recuperavit, sub Hizkia et Josua, nec legimus inde fuisse deinceps remotum. 2. *Gloriam Dei Israelis esse simpliciter symbolum gloriae Dei, super arca inter Cherubinos alias positum, nubem itaque igneam*; vid. c. X: 3. et I: 4. de quo ibi dixi: non itaque totum illud visum cap. I., sed pars ejus, quare gloria *Dei Israelis* adpellatur. 3. *Gloriam illam se de sede sua super Cherubinos ad portam atrii movisse ad limen aedis, cherubinis ibi relictis, adeoque locum illum, ubi primum adparuit in hoc viso prophetae c. VIII: 4. deseruisse, et solam ac nudam se stitisse ad limen aedis coram prona Templi. Quod phrases sponte sua indicant, modo not.* ~~ubi~~ hic esse pro *ubi*, uti Ps. LXXXIV: 4. XCV: 9. et aubi, vid. Nold. part. p. 102. Non itaque, ut nonnullis visum, intelligitur solita Dei sedes super arca, quam deseruit, sed quae prophetae in viso adparuit c. VIII: 4., quo hic manifeste respicitur, nec dicitur *inter Cherubos super arca*, sed simpliciter *super Cherubo*. Steterunt itaque ministri justitiae et unus gratiae juxta *altare* aeneum, in medio *atrii* interioris, symbolum gloriae Dei, sine Cherubinis, ad *limen aedis*, ad quod spectabat *altare*. Quae ministrorum et Dei statio quid sibi velit, verbo ex mea opinione exponam. 1. *Altare* hic considerandum est tanquam emblemata *justitiae* Dei et *gratiae*, quem utrumque conspectum gerit, quatenus *ignis* victimam consumens, expingit *justitiam* Dei, cui satisfaciendum est, et *victimae* oblatio medium est reconciliationis cum Deo, et favoris ejus impetrandi. Quae, utpote nota, non demonstro aut illustro. Ex quo, quod in rem sufficit, elucescit, ministros et *justitiae*, aut judicii exequendi, et *gratiae*, recte repraesentari coram *altari* stantes, paratos ad utriusque virtutis specimina danda. 2. *Gloria* Dei Israelis sine Cherubinis hic conspicitur, cum quod *nubes et ignis* sit solitum majestatis Dei Israelis, virtutibus justitiae et gratiae fulgentis, emblemata, tum quod ministri, seu angeli, per Cherubinos expicti, hic *stantur* ad altare, tanquam

tanquam earum virtutum executores. 3. Denique symboli praesentia ad limen aedis indicat partim Deum tanquam iudicem sese palam reddere conspicuum, et iudicium jam jam executurum esse; in quem finem foras quasi prodit, et ante aedem ipsam, unde inciperet iudicium; uti est vers. 6. Conf. Num. XII: 5. XIV: 10. XVI: 19. partim Deum hac ratione viam paraturum ad aedem, purgatam iudiciis suis, de novo occupandam, et praesentia sua gloriosa replendam; uti mox factum esse videbimus c. X: 3. 4. Tantum absque ut sit desertae aedis indicium, quod alii volunt.

§. CLXVII. 2. *Sacunda pars visi continet mandatum su-*
premi iudicis, ministris huius factum, quo sententiam iudicalem, supra memoratam c. VIII: 18., exequi e vestigio iubentur, exceptis nonnullis, a viro sacerdotali signatis, qui non tangerentur vers. 3. fin. 6. In qua perisopa ~~et~~ vir sacerdotalis iubetur pios, in medio urbis genantes, et corruptum populi statum deplorantes, signo in frontibus notare vers. 3. 4. et, vel mox, vocavit virum. lineis indutum; et, qui ad lumbos thecam atramentariam gerebat, dixitque Jehova ipsi, transi per mediam urbem, per mediam Hierosolymam, et signato signum super frontibus virorum suspirantium singultientium super omnibus abominationibus, quae in ea factae sunt. Ubi not. 1. restringi hanc signationem ad eos, qui in urbe sunt, nulla facta mentione eorum, qui in Templo erant; argumento inter eos, et non hos fuisse tales; idololatria publice in Templo grassante, et piis se inde separantibus, ac latentibus: quo etiam pertinet, quod solus propheta fuerit in Templo relictus, reliqui omnes in viso ipsi monstrati occisi. vers. 7, 8. 2. Signationis objecta esse gementes, et plorantes super corrupto statu populi et urbis, adeoque pios et Dei, ejusque cultus, studiosos, quibus corruptio curae cordique erat, sed nihil virum suppetebat ad eam tollendam, adeo ut suspiria et gemitus iis unice restarent. Verba ~~וְהָיָה~~ et ~~וְהָיָה~~ sunt ~~וְהָיָה~~ e sono ficta et prius cum gutturali prima et ultima signat. ex imo gutturali ~~וְהָיָה~~ tum

sum suspirium, posterius cum פ fin. singultum quatientem moribundi, Schult. clav. p. 235., vehemens itaque gemitus et ploratus singultiens intelligitur. 3. Ipsa signatio qua ratione ab hoc viro institueretur non traditur, tantum habetur, signum esse frontibus imprimendum, quod in oculos incurere posset, et dignosci a ministris iustitiae. Verbum מן est idem quod *καταρσεν* Graec. incidere, unde est ducere lineas, quod incidendi vim habet instrumento acuto, et ad alium modum, etiam atramento, scribendi, ut hic loci, transiit. Cogitant quidem multi, qua Veteres qua recentiores, de ipsa littera מ, quam per מ intelligunt, frontibus imprimenda, sive quod crucis figura sit, ut Christiani, sive quod prima littera sit verbi מן *ויהוה* *vives* vel מן *salvus* sit, ut Iudaei, opinantur. Sed sine fundamento, et contra usum vocis מ et phrasios. Littera מ nusquam hac voce insignitur, quae pro signatura venit Job. XXXI: 35., num antiquitus in alphabeto Samaritano figuram crucis Andreanae habuerit, quod fieri potuit, incertum est, et disputatur; sed si habuerit, ad eam figuram, et ita crucem respici, temere adleritur; phrasis vero *signare signum* est satis usitata, cum recepta sit Hebraeis et aliis conjunctio verbi cum nomine inde orto. Vid. plura apud Pfeiffer. dub. vex. p. 773. Vitrinam Obs. S. l. II. c. 15. P. Wornices in misc. nov. Lips. vol. IH p. III. alios. Jubetur itaque hic vir simpliciter eos signo notare, absque ut signi figura definiatur; ut etiam Ap. VII: 3. Intelligendum quidem est signum litterale, cum quod theca atramentaria, quam gerebat vir, requirat, tum quod frontibus inscriberetur, tum quod in oculos incurere debuerit ministrorum iustitiae, vers. 6., sed quale fuerit, et cuius figurae, non constat; nec illud scivisse tanti est. Forte, cum absolute signum adpelletur, intelligitur signum Dei, מן *יהוה* sic dictum, quo dignoscantur, qui Dei sunt, et ejus nomen gerunt, opposita ad idolorum cultores; adeo ut ipsum nomen *Jehovas* fuerit frontibus ipsorum inscriptum; quale quid Ap. XIV: 1. occurrit, ubi
nomen

Nomen patris legitur inscriptum frontibus eorum, qui agnum sequebantur. Denique 4. cum viro, *lineis induto*, haec *signatio* committitur, quae cum liberatione ab exitio foret conjuncta, haud obscure indicatur, ejus *intercessioni* salutem eorum esse acceptam ferendam, et angelum hunc repraesentasse *golem* ac servatorem populi, qui jus habebat *signandi* et *obsignandi*, seu eripiendi homines excidio, qui peccatorum sensu tacti ad ipsum in fide confugiunt. Huc enim spectabat *signatio*; ut a caede liberarentur, ut mox patebit.

§. CLXVIII. β. Altera pars mandati est, quo ministri justitiae jubentur omnes Hierosolymae occidere, nemine excepto, nisi qui signum in fronte habeat, initio ab ipso sanctuario Dei facto, vers. 5, 6. *Et illis* (scilicet sex supra memoratis) *dixit in aures meas* (voce clara, probe a me audita) *transite ad urbem post eum* (scilicet signatorem, qui praeerat ad signandum) *et percutite* (instrumento perditionis, quod in manibus habebant) *ne conniveant oculi vestri, et ne molles vos praebeatis* (sine ulla itaque misericordia et conniventia nemini parcentes. Not. 1. constructio verbi sing. cum nomine plur. in phrasi, *parcet oculi vestri*, quae nihil usitatius est apud Orient., quare Masoreth. *ma'e* ad marg. substituerunt עינים pro עינים 2. mendum in textu ad marg. emendatum, quo pro אל occurrit על: licet Cl. Schult. ad Job. X: 7. אל retinere velit eo sensu, quo *super* denotat *quantumvis*, ut sit: *quantumvis conniveant oculi*, vel connivere vellent, tamen ne molles sitis, sed illud mihi nimis quaesitum videtur, et constanti usui phrasios adversum. Conf. c. V: 11. VII: 9. VIII: 18. et alibi,) *senem, juvenem, et virginem et parvulum et mulieres occidite ad destructionem* (sc. totius urbis,) *sed ad nullum virum, super quo est signum illud, attingetis* (scilicet ad occidendum) *et a sacrario meo incipietis* (initium caedis facietis cum iis, qui in Templo fuerint: ut mox in executione exponitur.)

§. CLXIX. 1. Tertia pars exhibet mandati de occidendis
Aa civibus

civibus executionem vers. 6. fin. et 7. his verbis: *Et incoeperunt a viris, senioribus illis, qui coram aede, erant.* (intellige eos, quorum mentio fit c. VIII: 16. et non, ut alii, qui ib. vers. 11. memorantur, cum quod ante ipsam aedem steterint inter altare et pronaon, reliquis 70 vero ad januam atrii, tum quod proximi fuerint, et reliquorum caedes in seq. memoretur.) *Et dixit illis* (scilicet ministris iustitiae, qui jam initium caedis fecerant, et forte aliquid morae trahebant, novum mandatum expectantes,) *polluite domum hanc, et replete atria confossis, exite* (quid tardatis pergere in mandato exequendo? polluite modo domum, eam replendo cadaveribus, pergite in reliquis per omnes partes exteriores Templi occidendis, et protinus, nulla mora facta, egredimini in urbem. Not. 1. verba primi et secundi membri ita cohaerere, ut posterius sit prioris explicatio, uti saepe alias. Sensus itaque est, *polluite domum hanc, ejus atria replendo confossis.* Ipsa enim aedes non fuit caedibus foedata, sed tantum *atria*, ubi versabantur idololatrae; *aedes* vero polluta est respectu *atriorum*, in quibus confossi sunt. 2. verbum ~~et~~ *exite* sine copula occurrere ad indicandum, mandatum hoc directe eo spectasse, ut *egrederentur*, ut sensus sit: quam citissime occidite omnes in atriis, ut *exire* possitis in urbem: quare etiam mox subiungitur, *eos esse egresos*, caedis in atriis factae nulla mentione injecta, quae itaque facta censi debet; adeoque suppleri acsi haberetur, *replete atria* — — et dein mox *egredimini* in urbem, (*et exierunt, et percusserunt in urbe* (scilicet, omnes modo memoratos.)

§. CLXX. 77. Quarta visi pars comprehendit partem justificationis iudicii Dei in populum suum, post querulam prophetae interrogationem, num Deo propositum sit, omnes reliquias Israelis excindere, ejusque signum sit in hoc totali excidio Hierosolymae? vers. 8—10. In qua pericopa a. sese offert querula prophetae interrogatio, quae deprecationis excidii totalis simul gerit conspectum, vers. 8.
Et

*Et factum est, dum percuterent illi, et crudus essem ego superstes, ut ceciderim in faciem et quiritatus fuerim, dixerimque: Ah! Domine Jehova; tunc perdes omne residuum Israelis, dum excauescentiam in Hierosolymam effundis? h. e. quo tempore ministri iustitiae occupati erant omnibus per urbem occidendis, egoque in Templo solus superessem magno dolore fractus, pronus in vultum concidi, et querulas civi voces, dixique ad Deum, simul deprecatus sum, interrogando, num Hierosolymam ea ratione exscindendo, omnes reliquias populi, ut ex hoc specimine videri posset, deletas per orbem velit, illudque intendat? Continent verba 1. tempus et statum prophetae, quo haec verba protulit, hisce vocibus: *et factum est, dum percuterent illi, et ego superstes ille essem crudus.* Haec enim ea ratione jungenda sunt, ut quo in rerum statu querulam interrogationem fecerit, declararent. Status erat duplex, alter civium in urbe, alter suus in Templo, quo durante verba ad Deum fecit. Particula **ו** in **וְכָתוּב** dicit hoc loco *dum*, secundum quod, durante hoc. Vid. Nold. part. p. 353. praeterea repeti debet in seq. membro, *et superessem ego*; status civium erat, quo omnes occidebantur ab executoribus iudicii Dei, sex nim. angelis; prophetae status erat, quo in Templo solus, sed summo dolore fractus, superesset his verbis, **וְאֵין מְשַׁלֵּם**; quae verti possunt, *vel et superstes ille erat ego solus*, vel *et crudus superstes ego*, prout vox **וְאֵין מְשַׁלֵּם** sumatur, vel pro una, vel duabus, separatim legendis. Si pro uno vocabulo accipiat. **א** post **ו** vel erit epentheticum superfluum, vel transpositum pro **וְאֵין מְשַׁלֵּם** *relictus sum*, quod, si crisin exercere vellet, proposuit Cl. Schult. Gr. p. 495. sed deserit, et aliud quid tentat ex Aramismo: quod ibi videri potest: ubi etiam varia Doctorum cogitata profert. Sensus tunc erit, prophetam fuisse solum superstitem, non ex toto populo in urbe; noverat enim nonnullos esse signatos, qui evaderent, sed ex omnibus in Templo, ubi tunc erat propheta, qui etiam haec verba locutus est, postquam angeli jam in urbem*

bem discesserant. Sed nescio, quare propheta tam insolens forma verbi usus esset, nec quid emphaticos habeat expresse dicere, se simpliciter fuisse *superstitem*: quod per se sequabatur, nec tanti erat memorasse. Videtur itaque mihi vocabulum in duo dividendum, et legendum, **אני נש** h. e. crudus et exulceratus animo superstes ego, vel essem, in templo; quando recte subjungitur, ipsum concidisse in faciem et querulum rogasse, scilicet prae summo animi moerore, quo fractus erat, quod vox **נש** denotat, proprie *crudum*, semicoctum, unde inter alia adfectionem animi *crudam* seu cruditatem animi subirati, vel subulcerati, indignatione aut moerore adfecti. Vid. Schult. ad *florileg.* p. 159. et Job XXXIII: 10 Quod quam apte huc quadret, facile patet. Quod si displiceat, legendum est sine littera **נ**, tanquam mendosa, **אני נש** *superstes essem ego*, uti varians lectio habet.

§. CLXXI. 2. Hoc in statu rerum, et civium et suo, pronus cecidit in terram, vociferatus est amare, (quod est **אני**, proprie *crepare*, cum crepitu erumpere in sonum gravorem, hinc *inclamare*, *quiritari*) et rogans dixit ad Deum, num iram hac ratione effundendo in urbem, vellet *omne residuum Israelis deletum*? h. e. totum populum excidium, ut praeter signatos illos, nihil supersit in terra, nec amplius sit, aut instauretur, regnum Hierosolymis. Propheta per horrendam illam et universalem civium caedem adtonitus, et summo prostratus moerore, i. significat, se vereri, ne hoc excidium metropolis civitatis et Ecclesiae cum totali excidio totius reip. et religionis cohaereat, et eo tendat, ut Judaei, qui populus Dei, penitus in posterum excindantur. 2. Indirecte deprecatur urbis excidium, et mitigationem sententiae judicialis supplicat. Sed 3. directe cupit instrui notitia factorum populi superstitis, et Hierosolymae; num actum sit de populo, an spes institutionis supersit?

§. CLXXII. β. Responsum Dei ad querulam hanc interrogationem, quae deprecationem excidii urbis tacite involvebat,

bat, verbis expressis non tam interrogationem, quam tacitam prophetae deprecationem tangit, urbi parcendum esse simpliciter negat, et ejus rei rationem dat, in horribili corruptione populi sitam; sed ad prophetae et piorum consolationem novo viso declarat, se urbi, Templo et populo totale et perpetuum excidium non denunciare, sed restitutionem contra gloriosam promittere: qui seq. visi c. X. scopus est, et quod c. XI. apertius exponitur; ut seq. docebit tractatio. Responsum itaque ipsum est Semi-plenum, imo vix quaestionem prophetae tangit; relinquitur enim in incerto, quid reliquiis Israelis fieret, urbe excisa, quod propheta directe intendebat et petebat scire; tantum urbis excidium certo futurum esse declarat, et ex populi invincibili depravatione justificat, vers. 9, 10. *Et dixit ad me, perversitas domus Israelis et Judae, ad summum gradum magna est, et repleta est terra sanguinibus fufis, et arbs referta est declinationibus, (juris et judicii,) quia dicunt., deferuit Jehova terram, nec est Jehova videns: etenim et ego: non connivebit oculus meus, et non praebebo me mollem, viam ipsorum in caput ipsorum dabo.* Quae nihil habent obscuri, supra quoque explicata sunt. Declarat Deus perversitatem totius populi, in idololatria, et quibusvis sceleribus, in specie caedibus, rapinis, et injustis judiciis ac oppressionibus innocentium, esse majorem, quam ut ferri possit, adeoque Deo fixum esse et manere, urbem, tanquam metropolin, excindere, et temp. destruere, sine ulla conniventia et mitigatione, aut clementia. Ex quibus, quod modo dixi, manifestum est, ad quaesitum prophetae non directe responderi, sed simpliciter justificari ac confirmari judicium in urbem, quo excinderetur. Quod propheta indirecte tantum et tacite deprecatus fuerat. Quid vero reliquiis Israelis, urbe excisa, fieret, in obscuro relinquitur; non quod Deus illud prophetae et piis voluerit occultum, sed quod novo viso illud mox repraesentaret: quemadmodum c. X. fit, et clarum cap. XI. Illud ad verba notare neglexi, LXX. pro non

LECTIONES ACADEMICAE

legisse *וַתֵּן* cum reddiderint *הַמִּשְׁפָּטִים* non male, cum quod verbum *וַתֵּן* in Hoph. tam absolute pro iniustitia et iudicii inclinatione, vix alibi occurrat sine addito epitheto, tum quod ad vers. 7. videatur respici, quo Deus iusserat templum *contaminari* et *confossis* repleti, in poenam scilicet talionis, propter *contaminationem terrae et sanguines*.

C A P. X.

§. CLXXIII. *S*ecunda visio, cap. X. comprehensa, occasione interrogationis prophetae c. IX: 8., et reditus viri sacerdotalis, signationem factam referentis, prophetae oblata, repraesentat thronum super expanso, Cherubinorum capitibus imminente, et novum mandatum viro sacerdotali factum de igne, e foco inter Cherubinos et rotas sumendo, ac spargendo super Hierosolymam, ejusque executionis modum et consequens: ad modum pertinet cum descensus glorie Dei de super Cherubinis ad limen domus, tum adcessus viri sacerdotalis ad focum illum, et ignis inde sumtio ac sparsio super urbem, consequens autem est, quod Cherubini sedem mutaverint, et capessiverint ad portam Templi Orientalem, gloria vero Dei thronum super Cherubinis resumerit. Interferitur praeterea proluxa Cherubinorum et rotarum descriptio, ex cap. I. repetita.

§. CLXXIV. Quae antequam per partes exponam de sensu et scopo visi disputabo, et hypothesin verae explicationis jaciā. Convenit inter Interpretes, iudicium excidii Hierosolymae vel per Chaldaeos, ut communis est opinio, vel per Romanos, quae Cocceji est, expingi; hoc fundamento, quod idem sit iudicium hoc et praeced. cap. comprehensum. Sed mea longe diversa est hypothesis, quae habet, Hierosolymae, post exilium renovandae, et denuo profundae a gentibus ac improbis Iudeorum, purgationem vindica-

vindicationem et plenissimam instaurationem per heros, spiritu igneo divino animatos, et regni Dei in ejus medio erectionem gloriosam, ob oculos poni, quemadmodum temporibus Maccab. sese ostenderet, adeoque visum non esse in malum, sed bonum populi Judaei sumendum. Rationes sunt sequentes. 1. *Primam* suppeditat *occafio* visi, quae duplex est, ex cap. praeced. repetenda, *altera* interrogatio prophetae, cui nondum plene erat responsum, *altera* vero relatio viri sacerdotalis de signatione imperata perfecta. Rogaverat Propheta, num Deus, Hierosolymam exstinguendo, omne residuum Israelis velit exstinctum? responderat tantum Deus, se judicium in urbem esse executurum; nihil de *residuo* Israelis addens, quod propheta praecipue tamen intendebat: responsum itaque Dei vel parum ad rem fuerit, vel sequens visum, mox subjunctum, eo spectaverit necesse est, ut residuum Israelis esse gloriose restituendum, tantum abest, ut exstingeretur, significaretur: prius ab omni ratione abhorret, et ex cap. XI: 13. etc. ubi simile quaesitum occurrit, et responsum Dei, clare refutatur, et *posterior* confirmatur, cum ibi nudum exstet vaticinium de restitutione populi. Quod vero ad relationem *vir* *sacerdotalis* adinet, qua signationem residuorum a se peractam esse declarat, cum illa immediate huic viso praemissa sit, fieri non potest, quin *visum* inde natum sit, et ad *residuum* illud referendum, adeoque laeta fata ejus fuerint hoc viso repraesentata. Alia enim ratio reddi nequit, quare mox ad ejus viri relationem haec scena fuerit prophetae oblata.

§. CLXXV. 2. Quod ipsum etiam confirmat *secunda* ratio, a persona, ignem sumtura et sparsura super urbem, desumpta. Cum enim eadem sit, ac quae signaverat pios eripiendos, manifestum est, cum relationem ejus modo factam occasionem visi dedisse, illudque ei respondere debere, tum visum aliquid boni continere, in residuos illos conferendum, adeoque *ignem* non posse destructorium urbis esse, sed ad illam purificandam, et igne coelesti replendam spectare.

tare. *Persona* enim haec in scenam prodit, tanquam intercessoris et liberatoris munere fungens; ut ex superioribus constat: cui ignis comburens urbem et vastans minus convenit. Dubium non est, quin sex illi ministri iustitiae, vel unus eorum, fuissent ad hoc adhibiti, si eo referendus esset ignis. 3. Ipsum visum si advertamus, varia mox deprehedemus indicia, quae hypothese nostram confirmant, et contrariam destruunt. Praeterquam quod Dei majestas in ipso Templo se conspicuam reddat, quod tamen cum urbe combustum fuisset, et ita prophetae oblatum, si eo spectasset ignis super urbem sparsus, (dubium enim non est, quin vir iste, qui sumsit ignem, sparserit quoque super urbem,) a. Gloria Dei Israelis hic occurrit super expanso et throno, Cherubinis incumbente, adeoque eundem conspectum habere debet, quem cap. I: 12.— praefert. Ibi autem regnum Messiae prolepticum tempore Maccabaico expinxit, ut suo loco vidimus. b. Nubes ignea, gloriosae Dei praesentiae symbolum, atrium et domum suo splendore replevit, et illustravit manifestum signum praesentiae Dei salutaris in medio populi. c. Cherubini cum rotis hic occurrunt, tanquam throno Dei subiecti, ut c. I. adeoque in bonum populi, et tanquam executores iudiciorum Dei ad thronum illum sustentandum et tuendum; Quod ad Maccabaeos spectare, ad c. I. vidimus. d. Sicut gloria Dei ad limen domus stetit, cum viam ad regnum firmandum in medio populi stravit, ita, eo facto, super Cherubinis stetit ad portam Orientalem Templi, eandem, per quam intrasse ipsam aedem legitur c. XLIII. argumento, aedem esse gloria Divina replendam, uti tempore Maccab. factum est. Conf. Hag. II. 4. Denique confirmat hypothese collatio cap. XI. ubi superiorum fit recapitulatio, et iudicio Dei in cives Hierosolymitanos, quo occiderentur, subjungitur luculenta prophetia de residuorum restitutione et instauratione, etiam ad interrogationem prophetae, plane similem ei, quae c. IX: 8. reperitur.

§. CLXXVI.

§. CLXXVI. Hac jacta hypothesi, *partes* visi considerare-
mus, et secundum eam explicemus. Praemittitur relatio
viri sacerdotalis, de peracta signatione piorum in urbe c.
IX: 11. quia occasionem visi sequentis praebuit, adeoque
ad hoc cap. referenda, et cum eo connectenda: quocum
manifeste cohaeret, nec ratio alias reddi potest, quare tam
expresse, et hoc loco, ejus relatio memoretur; accedit,
eandem personam mox aliud accipere mandatum in hoc ip-
so viso, ut seq. docebunt. Nihil praeterea hic observandum
habeo, nisi illud unum, *signationem* hanc non simpliciter
indicare pios, qui nunc in urbe erant, esse clade communi
eripiendos; sed signum simul praebere residuorum populi in
genere, et eorum restitutionis in hac ipsa urbe. Quemad-
modum enim caedes Hierosolymitanorum totalis destructio-
nis urbis et reip. erat signum, ita signatio residuorum por-
tendebat eorum instaurationem. Quam visum nostrum pro
hypothesi habet; cum residuorum gloriosam vindicationem
in hac ipsa urbe expingat. Quae restitutio hic reticetur,
sed cap. XI. fusius traditur.

§. CLXXVII. *Partes* visi sunt sequentes. N. Prima est
generalis, quae expansum cum throno caeruleo super capi-
tibus Cherubinorum in Templo, late sumto, exhibet, nulla
mentionem facta personae residentis, sed in seq. tantum *glo-
riae* Dei Israelis super eo, vers. 1. his verbis: *Et vidi et
ecce super expanso, super capite Cheruborum instar lapidis sap-
phiri, sicut speciem similitudinis throni, conspiciebatur super
ipsis.* Ubi duo reticentur, quae vers. 3 et 4. memorantur,
et inde supplenda, *alterum* est visum hoc adparuisse ad dex-
trum latus domus, in atrio interiore, *alterum*, super throno
fuisse *gloriam* Jehovae in nube fulgida conspicuam: in quo
hoc visum differt ab eo cap. I: 26. ubi throno conspicieba-
tur insidens Rex *humana forma*, et propius convenit parti
visi ib. vers. 22. Praeterea *הנה* ecce, rectius praemittitur
voci *כאן* ut sit, *vidi ad expansum* scilicet oculos vertens,
super capite Cherub. et ecce etc. vers. 2. vero, et dixit etc.

B b

cohaeret

cohaeret cum vers. 11 scilicet Jehova ibi memoratur. Ex quo colligitur, regnum Dei in medio populi, Hierosolymis hic repraesentari, quatenus sese habuit tempore Maccabaico, ante adventum Christi in mundum, ut ad c. I. exposui: quare hic nihil addo. Tantum not. 1. Christum, hic repraesentari, non in throno; ut c. I: 26. sedentem, sed intercessorem et liberatorem populi agentem, per virum sacerdotalem depictum, ut supra vidimus, quam personam in primis egit tempore Maccabaico: uti notum. Vid. inter alia Dan. XII. et ibi dicta, 2. conspici ad dextrum *latus* domus, h. e. aquilonare, quod templum intranti est, ad dextram: ad significandum, ut videtur, populum esse tutum, dum cum urbe contra novos hostes a septentrione venturos, qui sunt Syro-Macedones, tempore Maccabaico, de quo hic agitur. Significat autem visum in genere, Deum, quae regem, fore populo praesentem, tanquam vindicem et patronum, et regnum in medio ejus habiturum, ut olim. De quo dixi ad cap. I.

§. CLXXVIII. 2. *Secunda* pars gloriae Dei de super Cherubis descensum ad limen domus exhibet, et nubem replentem domum, fulgorem vero atrium illustrantem, et ingentem sonum alarum Cheruborum per ipsum atrium exterius resonantem vers. 2—5. Ubi distincte narrat propheta 1. se vidisse Cherubos ad dextrum *latus* aedis stantes, et nubem replentem atrium interius vers. 3. scilicet, una cum gloria Dei super ipsis, ut vers. sequens indicat. Ex quo colligitur *gloriam* Dei super Cherubis fuisse *nubem*, solenne illud symbolum praesentiae Dei in medio populi Israelis; quae sese late per totum atrium, in quo stabant Cherubini, expandit. Significatur, Deum populo suo adfuturum, tanquam vindicem et patronum, qui legem et religionem, olim hoc symbolo in monte Sinai institutam, tueretur, et vindicaret per heroas, quos Cherubini cum rotis expinxerunt; uti ad cap. I: 22—24. exposui. 2. Quem in finem, ut illustris hicce eventus, ejusque modus in clariore luce collocare-

locaretur, vidit gloriam Dei de super Cherubinis descendere ad limen Domus, nubem replere ipsam aedem, et fulgorem, sese per atrium interius spargere, ac Cherubinds ingentem sonum per alas edere, vers. 4, 5. Quibus expictum est, a. Deum; qua judicem et vindicem; populi, aedis et religionis tutatorem etc. opus illud esse effecturum; quo tendit *statio in limine*, ut vidimus ad c. IX: 3. sed alio conspectu, ibi ad populum puniendum, hic ad eum vindicandum, et impios puniendum. b. Futurum illud esse cum clara perfectionum et virtutum Dei manifestatione, et eo tendere, ut Deus sedem in Templo rursus, ut olim, teneret. Quod per *nubem* domum replentem, et fulgorem atrium illustrantem, est depictum. *Stetit* itaque ad *limen* domus, non ut eam desereret, sed opere perfecto, cujus gratia ibi stabat, eam intraret, ut ad vers. 18. videbimus, et ex c. XLIII. confirmatur. c. denique illud executioni esse mandandum per heroas Maccabaeos, eorumque bellicas expeditiones gloriosas et sonoras. Quo spectat, quod Cherubini alas motitarint, et ingentem sonum dederint: ut exposui ad c. I: 24.

§. CLXXIX. 2. *Tertia* visi pars ob oculos sistit virum, lineis amictum, eundem itaque illum, qui pios signaverat, ad mandatum Dei adeuntem circulum rotarum et cheruborum, (vox *לגל* non idem dicit, quod *לגל* cap. I., sed circulum, complexum rotarum quatuor, seu inferiorem partem currus, quibus rotis simul sumtis, currus *volutatur*, quod est *לגל* *volvere*, unde *לגל* complexus rotarum,) et ex foco, in medio existente, ministerio Cherubi unius, sustentem in voles suas carbones igneos, ut eos super urbe spargeret quaquaversum: quod ipsum fecisse, etsi non addatur, dubium non est, maxime cum expresse dicatur, ipsum sumto igne *exiisse*. Haec summa est vers. 2, 6 et 7. Ubi ad orationis structuram not. eam per vers. 4 et 5. esse intercisam, adeoque, quod recte advertit Grotius, vers. 4 et 5. habere conspectum parenthesis. Cum enim narrasset

Bb 2

prophe-

propheta mandatum de igneis carbonibus sumendis fuisse ad virum illum delatum interfert nonnulla ad Cherubinatorum, et gloriae Dei stationem explicandam pertinentia vers. 3—5., quando mandatum superius repetit, et ejus executionem describit. Nihil difficile cum littera visi habeat, utique quod nostram requirat curam, ad sensum ejus emblematicum tradendum, secundum hypothesin supra jactam, pergo, postquam illud unum observavero vers. 7. voces primi membri *e medio Cherubinatorum* vel esse expungendas, ut fecit Graecus Interpres, vel loco motas, et post verbum *וְיָרָם* et *sustulit* ponendas, hac ratione, et *immisit Cherub manum suam ad ignem, qui erat in medio Cherubinatorum, et sustulit e medio Cheruborum ac dedit.* etc. Utique Cherub dici nequit *e medio Cheruborum manum misisse*, ut facile cernitur. *Prunae ardentes*, e foco divino inter Cherubos, cujus mentio etiam est c. I: 13., desumptae et super Hierosolymam sparsae, ut inde incipiam, quia partis hujus visi essentiam constituent, expingunt, ex mea opinione, spiritum-divinum populum probantem, alios consumentem, alios purgantem, sanctificantem, studioque gloriae Dei et pietatis inflammantem, et ad heroica facinora excitantem. Qui satis vulgatus est *ignis* sensus figuratus. Conf. Jes. IV: 3. VI: 6. Matt. III: 11. Act. II. Ap. IV: 5. et alibi. Sic et pro exploratione et probatione 1 Cor. III. Mal. II: 2, 3. et alibi.

§. CLXXX. Hoc admissio, reliqua non erunt difficultia, quare paucis expediam. 1. Ignis et *foco* inter Cherubinos desumptus significat spiritum illum igneum esse *divinum*, qui purissimam Dei naturam refert, a Deo datum, et eundem denique, quo Cherubini ipsi sunt ignei, et agitantur, ut est c. I: 13. sive, angeli intelligantur, sive Macabaei fratres, per eos in hoc viso depicti, ut ad c. I. exposui. 2. Quod vero ab uno Cheruborum dicitur ignis in manus hujus viri datus, illud vel ad scenam visi referendum est, et simpliciter dicit a Deo esse ortum, ut Jes. VI: 6. ubi vid. Vitruv. vel etiam indicare potest, angelorum ministerio

nisterio spiritum illum fuisse cum populo communicatum, aut per Maccabaeos fratres ad alios transiisse Judaeos. Conf. Dan. XII: 3. 3. *Vir*, lineis indutus, qui ignem accepit et sparsit, expinxit Angelum foederis, mediatorem et servatorem, qui hunc Spiritum meritis suis impetravit, et cum populo communicat, cui omnia dona et bona spiritualia sunt accepta ferenda, quique ministerio angelorum et doctorum ac heroum utitur in iis distribuendis, ut hic vir fecit, per Cherubos, a quibus accepit. 4. Denique *sparsio* ignis, et quidem prunarum ignitarum, super Hierosolymam, expinxit, Hierosolymitanos, et reliquos Judaeos, qui Hierosolymam pro metropoli habebant, esse afflictionibus probandos, alios absumendos tanquam scorias, alios purgandos et sanctificandos esse, simul spiritu heroico animandos et inflammandos, ut causam pietatis et religionis strenue et intrepide agant. Praeterea, quod addi potest, eos totos fore *igneos*, a quibus hostes et improbi comburantur; uti Zach. XII: 6. simili emblemate luculenter praedictum est de illis temporibus. Quem sensum etiam ignis habet c. I: 13. et alibi frequenter. Plura non necesse est addere, cum quisque haec facile extendere possit, et ad tempora Maccabaica adplicare. Vid. comm. noster ad Dan. XI, XII, et ad Zachariam.

§. CLXXXI. Abrumpitur porro visum per longam quasi parenthesis, quae *quartae* parti visi vers. 18. incipienti praemittitur, qua descriptio *Cheruborum et rotarum* c. I. data repetitur, vers. 8—17. Habet enim tota haec pericopa conspectum parenthesis, qua partes visi interrumpuntur, nihil enim hic occurrit novi, sed pura puta est repetitio descriptionis Cheruborum et rotarum cap. I., qua finita, *visi* nova traditur pars vers. 18. Quae repetita descriptio eo tendit, ut declararetur, eosdem esse cherubinos cum rotis, quos antea viderat ad fluvium Chebar, seseque illud ex adtenta eorum consideratione clare et certo intellexisse; uti manifeste adparet, ex conclusione narrationis vers. 20—22. Sed quid intererat, illud scivisse? et quare hoc tam

studiose inculcat propheta? ut intelligeremus, ni fallor, praesens fatum Hierosolymae, de quo hic agitur, ortum fuisse ex motibus illis bellicis per *cherubinos* et *rotas* cap. I. representatis, adeoque posteaquam illi essent finiti vel ad finem vergerent; adeo ut iidem Cherubini, qui expeditiones per orbem fecissent, nunc regno Dei in medio Israelis erigendo inservierint, quare hic sub throno Dei compareant. Conf. sunt, quae ad cap. I. 5—21. diximus. Cui hypothesi robur addit, quod Cherubini cum rotis hic depingantur aequae ac cap. I., huc illuc sese moventes, antequam sedem sub expanso acceperint.

§. CLXXXII. Ceterum cum ipsa descriptio, cum cap. I. collata, facile intelligatur, uno alterove observato defungar. 1. Verba vers. 12. *et tota eorum caro, et apfides earum, et manus eorum, et alae ipsorum, et rotae plenae erant oculis circum ad quaternionem rotarum ipsarum*, nec ad solos Cherubinos, nec ad rotas, sed ad utrosque simul sumtos referenda sunt; *caro* enim, *manus* et *alae* manifeste pertinent ad Cherubinos, *apfides* vero, **גְּבִיחִים** ad rotas, c. I. 18. Quod vero subjungatur, et *rotae erant plenae oculis*, illud respectu *radiorum* capiendum est, ut sensus sit, *rotas* vel *radios* quoque oculos habuisse; cum modo facta fuerat *apfidum* mentio. Constant enim rotae ex *apfidibus* et *radiis*. Qua ratione omnis difficultas est sublata. 2. Emphasis, quae verbis vers. 13. inest, hic observata Interpretibus, *rotas vocavit in aures meas* **וְגִלְגָּל** *rotam turbinatam*, et circumvolventem, quae vis vocis est, in eo sita est, quod per eam manu ducamur ad sensum emblematicum *rotarum* in hoc viso, ex voce **גִּלְגָּל**, ejusque usu figurato eruendum, uti exposui ad cap. I. §. XLII.; quare nihil addo. 3. Majorem difficultatem parit membrum secundum vers. 14. *et facies una erat facies* **וְהָיָה כְּפָנֵי** pro **פָּנֵי**, quam solvere possim. Quare loco *bovis* dixerit propheta **כְּפָנֵי**, et quidem **כְּפָנֵי** cum **וְ** demonstrativo, plane me later. Novi, quid Interpretes in medium adduxerint, sed nihil sufficere, facile demonstrari

agari posset; si necesse foret. Praeferenda foret eorum opinio, qui mixtum illud hieroglyphon nomen traxisse statuunt ab uno animale *bovis*, et vocem כרוב ex Syr. ling. pro *aratore* sumunt, quod bovi proprium est. Sed, praeterquam quod eo sensu nusquam veniat in lingua Hebr., quae ratio fingi poterit, quare 1. propheta non solita שר, sed insolita hac כרוב usus sit voce. 2. Cherubinus ab una hac facie bovina fuerit appellatus? dicunt, quia *pedes* quoque *visulinos* habuisse dicitur c. I: 7. Sed illud factum esse ad l. eum observavi. Quod si hieroglyphica species fuisset *bovina*, et reliquae facies peregrinae, illud ferri posset, inde nomen esse tractum, sed tota fuit species *humana*; adeoque vox כרוב pro אדם *homine* fuisset posita; si id fuisset intentum. Crisus niti esset paulo audacior, vocem הכרוב dicere loco esse motam, et excidisse שר, vel פר vel potius כקר adeoque leg., et *quatuor facies uni Cherubo; facies una erat bovis* etc. Cum propheta de *rotis* maxime egerat, et nunc ad *Cherubinas* transeat, probabile est, ipsum vocem *Cherubi* primo membro addidisse, et propterea הכרוב cum ה demonstr. dixisse. Omisi notare vocem כרוב, ubi imagini huic monstrosae datur, non notare *aratorem* bovem; sed hieroglyphon *sculptum*, a כרוב proprie *secare, sculper*, quum quid inciditur, absque ut *persecetur*, ac disrumpatur, Gr. *κατασσειν* Belg. *Kerven*. Vid. Schult. ad Har. conf. III. p. 132. et Prov. XXX. p. 472. 4. Haeret etiam mihi aqua in primis vocibus vers. 15. *et sustulerunt sese Cherubi*; sequitur enim mox *hoc est animatum, quod vidi ad fluvium Chebar*. Voces primae quid sibi hic velint, plane non perspicio; et sunt nimis abruptae, quam ut sensum admittant commodum; maxime cum vers. 16. motus Cheruborum et rotarum conjunctus fusius describatur. Rom. editio LXX Interpretum voces eas, una cum vers. praecedente, omisit; quae si genuina sit lectio, voces eas in codice suo eos non invenisse probabile est, et fieri potuit, ut a posteriore manu sint additae, quo tempore, Syr. lingua vulgatiore facta,

vox כַּרְבָּב pro *bore* coepit usurpari apud Judaeos; sed tutius est, statuere, voces esse genuinas, et nostras, una cum sequentibus hujus versus, fuisse a propheta praemissas instar prooemii, seu generalis propositionis, mox latius et specialius exponendae. Quod ex sequenti confirmatur, ubi propheta *utrumque* versus membrum fusius exsequitur, *prius* vers. 16—19. *posterius* vers. 20. etc. Illud porro non est improbabile, prius membrum *et sustulerunt sese Cherub.*, esse locum motum, ac vers. sequenti praemittendum, quippe quocum proxime cohaeret.

§. CLXXXIII. 7. *Quarta* pars visi repraesentat Cherubim cum rotis translationem ad januam portae domus Orientalis, et gloriae Dei a limine domus ad sedem supra Cherubinos vers. 16—19. Ubi in genere praemittitur conjunctio Cherubimorum et rotarum in motu vers. 16, 17., quae repetita est descriptio visi cap. I. scopo, quo supra dixi, facta; dein narratur quid novi, quod nunc acciderat, propheta vidente, in eo situm, quod *gloria* Dei, quae ad limen seorsim steterat, sedem supra Cherubinos repetierit, et Cherubini locum capeffiverint ad portam Orientalem domus Jehovae, pro כַּרְבָּב enim legendum est כַּרְבָּב *et steterunt*, cum de Cherubis agatur. Quo, ni fallor, indicatur, quod c. I. 25. dictum erat, et ibi a nobis expositum est, gloriosam Dei inhabitationem in Templo fore tranquillam, post populum purgatum et vindicatum, tempore Simonis Ethnarchae, et Joh. Hyrcani. Per hanc enim portam gloria Dei intravit Templum cap. XLIII: 4. Quo hic omnino respicitur. Plura non addo, cum ex dictis cap. I. 25. repeti possint, quae huc pertinent.

§. CLXXXIV. Subjungitur denique per modum conclusionis, visum Cheruborum et rotarum esse idem, ac quod c. I. ad fluvium Chebar adparuerat; vers. 20—22. Ubi *duo* vel *tria* tantum habeo notanda. 1. *Primum* est, ultimas voces vers. 20. *et cognovi esse Cherubinos istos* respicere ad animata c. I. memorata, ut pronomen כַּרְבָּב referatur ad animata

animata, quae viderat ad fluvium Chebar, adeoque sensum esse, se ex hoc praesente viso, cum primo illo collato, intellexisse animata ista c. I. fuisse ipsissimos Cherubinos, sed qua ratione illud ex hoc demum viso collegit? forte, quod viderit haec ipsa animata in Templo, et gloriosam Dei Israelis inhabitationem super ipsorum capita ad portam Orientalem Templi, ut illud intret. Unde colligere potuit, *schechinam* esse supra Cherubinos in sancto sanctorum: nisi quis velit, accessisse vocem Dei, qua sicut rotas adpellavit *turbinem* rotatum vers. 23., animata vocaverit Cherubinos; de quo tamen nihil constat. 2. secundum est, primam vocem ארבעה vers. 21. forte pertinere ad vers. praecedentem, ut sensus sit, *cognovi cherubinos esse eos quatuor*. Quod Moncaeus de vitulo aureo l. I. c. 6. jam vidit, in eo falsus, quod ex vitulina specie, quam tribuit Cherubinis, propheta diceret, se collegisse omnes quatuor esse Cherubinos, quae collectio falsa nititur hypothese, de Cheruborum specie vitulina, quod non dicit propheta, nisi Cherubum velis notare vitulum aut bovem, quod supra refutavi. 3. Tertium est, vocem ואתם vers. 22. ante ultimum membrum, vertendam esse, et *tensio* eorum, scilicet quod adtinet ad tensionem eorum, ut in principio versus, et *similitudo facierum ipsorum*, scilicet quod adtinet; quando recte sequitur, *quisque e regione faciei suae progrediebatur*; quo modus tensionis, et loci mutationis eorum exponitur. Habet אתם propriam notionem *tendendi*, et locum mutandi, unde reliqui usus fluxerunt. Vid. Verschuir et Mestling in *disputationibus* sub Cl. Schroedero. Eundem sensum habet אתם Hag. II: 17. fin. ut ibi observavi. Praeterea פניהם *aspectus eorum* referri debes ad praeced., ut sit, *hae facies ipsorum, quorum aspectum vidi ad fluvium Chebar*.

C A P. XI.

§. CLXXXV. *T*ertia visio, hoc cap. exposita, praefert, ex mea opinione, conspectum adpendicis, qua duae praecedentes visiones illustrantur, seu fata Judaeorum tristia, et laeta, supra repraesentata, recapitulantur, et explicantur; occasione partim principum urbis in porta Templi, instar iudicum sedentium, et urbem rapinis et caedibus replentium, seseque contra salutaria monita Jeremiae et prophetarum, de urbe tradenda, et exilio praefereundo, obfirmantium, uti Prophetæ in visione sunt ob oculos positi, quibus propheta nomine Dei primum respondet, et caedem extra urbem denuntiat, *partim* intercessionis et querulae *interrogationis* Prophetæ, respectu totius posteritatis Israelis dein a Deo responsum accipit de superstitibus et exulibus, quibus promittitur reditum in urbem, et omnium rerum restitutionem plenissimam, quae temporibus Maccabaicis foret, sub Messia consummandam. Hic scopus, haec summa est visionis et prophetiae h. c. Ubi *¶* occurrit occasio prophetiae vers. 1—3. *¶* prophetia ipsa vers. 4—21.

§. CLXXXVI. *¶* In *priori* parte *a.* viri monstrantur prophetæ in janua portae Orientalis Templi sedentes, numero 25, principes populi, et inter eos duo nominatim expressi vers. 1. Qui num. fuerint iidem, c. IX: 16. memorati, an diversi, parum interest, licet posterius videatur probabilius, cum noxum visum sit, et nullo indicio pateat, eosdem esse; idem enim numerus non sufficit, praeterea non sistantur idololatriam exercentes, ut c. IX. sed deliberantes, et consilia formantes, ac decreta euentes, in perniciem urbis; uti vers. 2. traditur. *b.* Summa occupationis eorum perniciosae exponitur his verbis vers. 2, 3. *Et dixit mihi fili hominis! hi sunt viri, qui excogitant exinanitionem, et consequuntur consilium malum in urbe hac; qui dicunt irrisorie, non*
in

In propinquo aedificare domos, haec olla est, et nos caro sumus. h. e. Occupatio horum principum est summe flagitiosa, et urbi, ejusque incolis perniciofa, dum quaevis enormia facinora, ad alios fraudandos, vexandos et caedendos, excogitant, et consilia ineunt, quae totalem urbis, et civium ruinam secum trahunt; quorum summa est, non esse obediendum illis, qui suadent urbem esse dedendam aut deserendam, ac in longinquis locis sedes esse exstruendas, sed contra manendum esse in urbe, et ibi potius si hoc in factis foret, fame ac peste moriendum, instar carnis in olla coquendae, quam in manus hostium venire, et gladio eorum occidi; quod tamen non eveniet. Quae liberior paraphrasis, ut illustretur et demonstratur, i. notandum est, duplicis generis pravas deliberationes horum principum describi, quarum *aliae* ad flagitiorum patratiorem spectabant, *aliae* ad praesentem urbis statum pertinebant, *priores* intelliguntur phrasi *excogitare exinanitionem*, seu flagitia cives exhaurientia et destruentia; quam potestatem adfert vox *vacuitas*, dein cum *levitas*, *inanitas*, tum transitive *exinanitio*, quae opes vires et vitam exhaurit. Vid. Schroeder ad Ps. X. p. 158., hic, ut alibi, denotat flagitia saeva, et exhaurientia aliorum opes, dignitates, aut vitam. Vid. Prov. VI: 17. Jes. LIX: 7. X: 1. et alibi. Quorum facinorum hic habendam esse rationem ex vers. 6 et 7. manifestum est. *Posterioris* vero generis deliberationes et consilia indicantur his verbis: *et qui contexunt consilium malum in urbe hac, et in eam*, scilicet ad eam perdendam cum civibus; quale ipsi produnt, dum dicunt, *non in propinquo aedificare domos, haec urbs est olla, nos caro sumus.* Quae verba abrupta sunt et concisa, et intellectu difficiliora, utique per omnia minus recte expedita. Mihi videntur esse verba sarcastica, et irrisoria, simul desperabunda, quibus *partim* cum contemptu et indignatione salutaria prophetarum monita et vaticinia rejiciunt, *partim* declarant, sibi potius in urbe moriendum esse, quam gladio hostium pereundum. Exerit hic, ut alibi, verbum

XX vim, qua in malum sumitur pro acuto, irrisorio, et insultatorio ac reprobatorio dicto, quo cum contemptu et indignatione alicujus dictum repetitur et rejicitur: sicut alio flexu de dicto maledico ac illusorio adhibetur Ps. III: 2. et Jer. XXXVIII: 2. Respicitur ad verba prophetarum, quibus suaserunt discessum ex urbe, et sedes in terra exilii figendas; simul declararunt, cives in urbe manentes esse e medio tollendos; sive fame et peste absumendos. Ad prius respiciunt his verbis, *non in propinquo aedificare domos*, & nihil minus quam in propinquo, sed in longinquo, a Jehova et urbe ac terra sancta longe remote: hunc esse sensum, ex vers. 15. colligi potest; nec alium ferunt commodum; uti ex Interpretum conatibus facile liquet. Part. 17, *non*, hic est nihil minus, sed longe contrarium; *non in propinquo aedificare*, itaque est, non hoc, sed in longinquo; ut vers. 15. habetur. Intendunt verba Jeremiae et prophetarum, quibus praedixerunt *exilium*, et sedes ibi figendas; quae cum contemptu traducunt, et rejiciunt, ac si dicerent: *non in propinquo aedificare domos*, dicunt et suadent; quam inepte et falso, absit, ut hoc fiat, aut faciamus: quem sensum seq. quoque requirunt, ubi addunt, *haec olla, nos caro*, quod praecedenti est oppositum; adeo ut sensus sit: *non in propinquo* etc. absit, non fiat, sed hic in urbe manebimus. Quo etiam facit form. infinit. usus, quum aliquid miramur, aut refutamus, uti apud Graecos. Vid. Reiske in Misc. nov. Lips. vol. VI. p. 108.

§. CLXXXVII. Ad posterius spectant verba, *illa olla, nos caro*, quibus *partim* significant, prophetarum dicta de populi excidio in urbe fore irrita, quippe vero conspectui urbis et populi contraria, *partim* declarant, si illa effectum fortiantur, se malle in urbe perire, quam in manus hostium incidere, et gladio eorum auferri: ac si dixissent; cives urbis esse mala morte adficiendos, quod prophetae interminantur, verum esse non potest, nisi urbs sancta in *ollam* mutetur, et cives in *carnem*; seu nisi injuste et tyrannice nobiscum agat

agat Jehova, quod absit; si tamen tale quid contingat, et nos tam severe tractanda simus, fiat, simus itaque ut *caro* in *olla*, pereamus in urbe; hic manebimus, et cum reliquis absumemur; hostium manibus erepti; adeoque non continget, ut gladio hostium pereamus, quod illi praedicunt, sed nos, urbem tuentes, cavebimus. Duo itaque his verbis significant, *alterum* est, fieri non posse, ut cives Hierosolymae excindantur, *alterum* est, si illud fiat, se tamen in manus hostium non venturos, sed in urbe cum reliquis inique velle trucidari. Prius inde eruendum est, quod proverbialis illa locutio injustum et tyrannicum involvat excidium, naturae hujus urbis et populi ejus a versum, ac si haberetur: hoc si fieret, *urbs* haec foret *olla*, et *nos caro*; non amplius urbs sancta, Deo sacra, et *cives* populus Dei justus, et bonus. Quem locutionis sensum seq. clare confirmant, quibus Deus principibus imputat, quod caedibus suis et rapinis de urbe fecerint *ollam*, et de civibus *carnem*; eos in usum et lucrum suum occidendo, et ita tanquam *carnem* coctam absumendo, vers. 6, 7. Prophetarum itaque dicta invertunt, et odiosa ac absurda reddunt, ac si dixissent, populum esse tyrannicum, et injuste occidendum; ut vana et in Deum ac urbem injuriosa esse indicarent. Confirmat hanc eorum intensionem, quod vers. 15 introducantur Hierosolymitani exulibus, in terra longinqua sedes habentibus, dicentes, eos esse a Jehova longe remotos, et sibi terram esse datam in possessionem, argumento, eos existimasse, sibi exitium in urbe non esse metuendum. De quo postea. *Posterior* ab ipsis intentum, pro hypothese habet, sibi esse pereundum, adeoque conditionate intelligendum, si tale quid contingat, si nobis haec calamitas immineat; et, ea conditione posita, hunc fundit sensum, se cum injuste et tyrannice occidi, instar *carnis* in *olla*, tum nolle gladio hostium perire, sed in urbe velle manere, eam probe defendere, et ibi quovis mortis genere adfici; ut sensus sit: *haec fit, eritque olla*, et *nos simus epimusque caro* h. e. hic in urbe fatum inveniemus, quam di-

rum etiam, et non manibus peribimus hostium, qui nos, urbe capta, non vivos, sed mortuos invenient. Quem sensum responsum Dei manifeste requirit, cum Deus diserte denunciaret, eos urbe esse extrahendos, et gladio ad ultimos terrae fines occidendos ab hostibus.

§. CLXXXVIII. 3. Ipsa prophetia, quae vers. 4—21. occurrit, duplicis est generis, partim *tristis*, partim *laeti* et *salutaris*; pro duplici respectu, *altero* ad Hierosolymitanos, *altero* ad residuos exules, in terra peregrina degentes, quae duae diversae partes sunt, quarum *altera* comprehenditur responso ad cogitata et dicta impiorum principum, *altera*, seu posterior et laeta, responso Dei ad querulam prophetae interrogationem, continetur. Prior, praemissa praefatione inspirationis et iussus prophetae facti, vers. 4, 5. complectitur a. cogitationum et dictorum, modo memoratorum, notitiam Deo praesentem, et ad animum revocatam; ipsique intimatam ad refutandam impiam eorum opinionem de Dei ignorantia; c. VIII: 12. memoratam; his verbis vers. 5. *sic dixistis, domus Israelis, et quasvis cogitationes spiritus vestri ego probe novi*. h. e. talia, quae probe nostis, et modo memorata sunt, vestra dicta et cogitata sunt, superba illa, impia et mihi injuriosa, ac populo perniciofa, quae mihi non esse ignota, aut neglecta, velim ad animos revocetis. Nihil hic obscuri. Loco *principum* hic *domum Israelis* compellat, cum quod ejus essent doctores et ductores, tum quod communes essent populi voces et cogitationes, a principibus receptae.

§. CLXXXIX. 3. Impiorum et perniciosorum eorum consiliorum et facinorum manifestationem et publicam declarationem, eo scopo factam, ut *judicium Dei* in ipsos *justificetur*, et causa excidii civium ipsis imputetur, opposita ad vanas eorum cogitationes, quibus, se non nisi injuste, et tyrannice, ita posse tractari, significaverant, ut modo exposui: quo tendunt verba vers. 6, 7. *Multiplicastis confossos vestros in hac urbe et plateas ejus implevistis occisis*.
(lectio

(sectio enim marginalis, **כונן**, quam veteres Interpretes secuti sunt, omnino est praeferenda) propterea, sic dixit Jehoya, *confossi vestri, quos straxistis in media urbe, illi sunt caro, et haec urbs olla est.* Haec verba conjungi, licet vers. 7. iudicium Dei incipiat declarari, quia Deus rationem iudicii justificatoriam illustrat, et *ollam* de urbe factam, in qua carnes populi coquantur, ipsis principibus imputat. Scopus verborum est, ut jam dixi, principibus intimare ipsis esse acceptum ferendum, quod urbs talis *olla* sit, cum ipsi eam sceleribus et facinoribus suis tyrannicis, quibus cives spoliarent et mactarent, repleverint, praeterea in causa sint, quod per obsidionem longam et arctam cives peste et fame absumantur; adeo ut conqueri nequeant, injuste secum agi, nec se vana spe de urbe liberanda lactare possint, ex eo, quod urbs sancta sit cum populo, quia ipsi eam contaminaverant, et Dei iudicium in eam provocaverant. Eundem vero verba *duplicem* sensum, cui utrique locus dari potest. *Alter* ad eorum iniqua et exinanientia consilia ac facinora, respicit, vers. 2. in priore membro, ut supra exposui, memorata, quibus cives opprimendo et necando de urbe *ollam*, et de *civibus* carnem fecerant, *Alter* vero eorum consilia perniciose comprehendit, quibus urbem non dedere, aut per resipiscentiam iudicium Dei avertere, sed obstinate defendere, et in peccatis perseverare volebant; unde fieri necessario debebat, ut *confossi* in urbe multiplicarentur, et de illa fieret *olla*, de civibus *caro* in ea; adeo ut et hac ratione ipsi possint et debeant dici, illud fecisse, ut hic ipsis imputatur. Addi potest, per confossos etiam intelligi, vel iis comprehendendi posse milites praesidiarios, ingente numero in urbem, ad eam defendendam admissos, qui *eorum* **כונן** adpellari possunt, quod milites ita nuncupantur, non quod hostes confodiant, sed hic ipsi caedi, et periculis exponantur, et ita se *profanent*, quae vera est verbi potestas. Tales vocantur hic, quod milites in urbem collecti, vere mactarentur, adeo ut dici posset *confossos* potius,

tius, quam defensores fuisse ab ipsis collectos. Verbum vero *an* aeque *fami* et *pesti*, uti Thren. IV: 9. ac gladio aptatur, cum proprie sit *solvere*, inde *profanare*; res enim *sacro sancta* et propterea inviolabilis, est quibusdam quasi vinculis obligata, *profana* vero, quae cujunque arbitrio et libidini permittitur, nullis veluti vinculis tenetur, unde variae locutiones ortae sunt, ut *profanus gladii* et *famis*, nec non in genere ad omnes calamitates et dira expositus Pl. LXXXVIII: 7

§. CXC. 7. Sequitur judicii Dei in principes illos pronuntiatio, relate ad consilia eorum de urbe retinenda, et morte in ea expectanda, si illud in fati sit; quo Deus declarat, eos votorum non fore compotes, sed tanquam mactatores et homicidas esse tractandos, qui urbe, quam caedibus et cadaveribus repleverant, educti, poena capitali amicerentur publica, gladio hostium, in publicum justitiae exemplum, occidendi, extra urbem non tantum, sed extra ipsam terram sanctam, in ultimis ejus limitibus; uti factum esse ex historia constat, 2 Reg. XXV: 6. Jer. XXXIX: 6. LII: 9, 10. Hic scopus et sensus est pericopae, vers. 8—12.: quae, quoad vocabula et phrasas, nihil habet obscuri, quare ei non immorabor. Tantum not., cum vers. 10. dicitur, eos *metuisse gladium*, illud respicere ad gladium hostium, et tanquam rationem memorari, quare in urbe manere et se defendere, et ibi occumbere malebant, quam in hostium manus incidere. Praeterea, cum in vers. 11. in secundo membro deficiat *non* vel ex praeced. repeti debet, ut subinde sit, vel excidisse incuria descriptorum, statuendum est: utique codex Alexandr. LXX et Syrus voculam expresserunt.

§. CXCI. Altera pars propheticae visionis, quae superstitum in exilio restitutionem comprehendit, occasione querulae prophetae interrogationis, ex subita morte *Phelatae* ortae, facta, N. occasionem eam continet vers. 13. *Et factum est cum vacitinarer, ut Phelata filius Benajae fuerit mortuus*

mus, et cecidi super faciem meam, et clamavi voce magna, et dixi, ah! Domine Jehova! consummationem tu facis residuum Israelis, vel cum eo, h. e. cum inter prophetarum, unus eorum virorum, vers. 1. memoratorum, nomine Pela:ja, subito et improvise me inspiciente moreretur, pronus in terram cecidi, et ingente clamore magnam cum animi perturbatione rogavi Dominum, num totum populum penitus vellet extirpatum; sine spe restitutionis. Nihil hic nobis fere relictum est observandum; repetit propheta querulam interrogationem, supra c. IX: 8. factam, nec directa responsione plene solutam nova occasione subitae mortis hujus viri, divinitus inflictae, ut supra, eam eliciente. Tantum not, 1. hunc virum fuisse divina plaga, sive ab angelis percussoribus, ut supra, sive a Deo immediate inflicta, e medio sublatum, in signum caedis reliquorum principum, quos propheta modo dixerat, gladio hostili esse absumendos. 2. prophetam in specie adeo fuisse haec nece perturbatum, et ad hanc interrogationem excitatum, quod in nomine hujus viri sibi videretur sortem residuorum Israelis contemplari, sive Deum, hujus nominis virum tradidendo, indicatum voluisse, nihil spei superesse residuo Israelis, quia vir ille adpellabatur *עליון* quem Deus eripuit, eoque nomine suo figurare posse censebatur residuum Israelis; et filius erat *בנין* ejus quem Deus aedificat. Quod observatum quidem est Calvini, sed in quo non acquievit, uti debebat. Movent vero Interpretes inutiles quaestiones, et virum hunc vere tunc esse mortuum existimant; quod secus est, cum non magis mortuus fuerit, quam supra omnes cives occisi c. IX. Cuncta enim in visione facta sunt, ut ex superioribus constat.

§. CXCII. 2. Sequitur ipsa prophetia, per modum responsi, ad interrogatum prophetae, qua residuorum in exilio instauratio luculenter repraesentatur, usque ad plenissimum gradum sub Messia, vers. 14—20. Ubi a. personae definiuntur, quibus hoc beneficium contingeret, exceptis reliquis,

Dd

qui

qui perirent, seu summaria propositio responsi, mox per partes deducenda, vers. 15. *Fili hominis fratres tui, fratres tui, viri vindictiarum tuarum*, erunt, *at universitas domus Israelis consummabitur*, qui ipsi dicunt, incolae nimirum Hierosolymas. *estote longinqui a juxta Jehovam*, nobis haec data est terra in haereditatem. h. e. quaesito tuo, num consummationem facturum sis cum residuo Israelis? ut summam respondeam, scias velim, fratres et socios tuos, qui tecum sunt in exilio, et tui animi, partem habituros esse in redemptione et liberatione tua, quam tu intercessionem tua petis; sed reliquos Israelitas omnes esse ad internecionem usque delendos, illos nimirum Hierosolymitanos, qui exilibus illudunt, et eos pro rejectis a me habent, sibi autem terram hanc esse in haereditatem cessuram jactitant. Sensus ergo est, Hierosolymitanos et impenitentes illos Israelitas omnes, qui exules putant esse perditos, e medio esse auferendos, sed exules ipsos, qui cum Jechonia et Ezechiele erant abducti, aliosque earundem animi adfectionum piarum, esse redimendos et liberandos: quemadmodum saepe a prophetis, inprimis Jer. XXIV. luculenter praedictum est. Hunc existimo esse *versus* hujus sensum, minus recte perceptum. Qui ut in lucem prodeat, notandum est, *duo esse versus membra*, quorum *prius* residuorum in exilio liberationem, *posterius* reliquorum in specie Hierosolymitanorum improborum extirpationem comprehendit. *Prius* his verbis, *fratres fratres tui* sunt vel erunt *viri vindictiarum tuarum*, h. e., cognati et socii tui in exilio sortem habebunt in vindicatione et liberatione tua. Interpretes *viros vindictiarum tuarum* exponere solent de consanguineis, qui jus redimendi prophetam ejusque bona habebant, sed 1. quid sibi hoc additum velit, quid emphasios habeat, prorsus non adparat, maxime cum modo *fratres* dicti erant, 2. sermo imperfectus erit, et haabit; nihilque de eorum sorte tunc diceretur. Rectius itaque *viri vindictiarum prophetae* exponuntur de communiione sortis eorum et prophetae in exilio et liberatione; adeo

ut respiciatur ad usum verbi **לָקַח**, quo redimere, et vindicare in libertatem, denotat; et viri vindicationis sunt quibus illud beneficium contingeret; tuas vero vindicationis, quod eandem cum propheta participarent. LXX reddiderunt *in auxilium ex captivitate tuas*, quibus Syr. concludit; ad vocem **לָקַח** respicientes, sive ita legerint, sive **לָקַח** pro epithetico habuerint. Sed obstat, praeter lectionem Masorëthicam, quod sermo sic etiam maneat imperfectus, nec de forte eorum aliquid tunc diceretur. Addo adhuc duplicationem epitheti fratrum forte fieri, ut et de consanguineis, et de sociis ejus cogitarem in exilio, et adfectionibus piis. Quod si adoptanda sit lectio **לָקַח** *exili tui*, quod mihi non displicet, et nonnulli eodd. Mss. confirmare videntur, legerem pro altero **לָקַח** *fratres tuos*, **לָקַח** proprie *compingam*, in molem firmam *constringam*, dein *vivificabo*, instaurabo, uti de urbe aedificata, et firmato corpore firmiter compacto, et similibus usurpatur: ut sensus sit, *fratres tuos compingam firmiter in unam societatem, et instaurabo*; viros scilicet deportationis tuae nunc dissipatos et dissolutos.

§. CXCI. Posterius membrum duo tradit, *destructionem* reliquorum Israelis et variam eorum jactantiam ac insultationem exalatum. Prius his verbis; *et, vel at, universitas domus Israelis consummari*, vel consummando consummabitur. Interpretes longe aliter instituunt, referentes haec verba ad fratres et viros redemptionis prophetae, et vertentes, *omnis domus Israelis omnis illa*, vel quanta est; quod nullo modo ferri potest, 1. quia insolita et intolerabilis phrasus est, *tota domus tota*, 2. quia eo sensu phrasus a vero abhorret, cum de tota domo Israelis, quanta est, dici nequeat, eam esse servandam, 3. quia *domus Israelis* hic vers. 5., et supra c. IX: 6. ac alibi repraesentatur ut improba et destruenda. Vocabulum itaque **לָקַח** non est vox **לָקַח**, sed infin. verbi **לָקַח** in pyh, diciturque *consummari*, et, quem usum saepe habet *consummabitur*; adeoque respicitur ad

interrogatum prophetae, an כלה consummationem facies cum residuo Israelis. Posset eo sensu legi כלה consummatio, uti vers. 13. et suppleri, tota domus Israelis erit consummatio, ad quod respondens dicit Deus, fratres et socios prophetae esse vindicandos, sed totam domum Israelis esse destruendam. Quod in rem unice quadrat. Tota vero domus Israel est tota exceptis fratribus modo memoratis, seu residuis non excidendis, tota itaque reliqua domus Israel; tota illa improba domus, supra memorata, in specie Hierosolymitani; quorum mentio mox expresse fit, ut generalem phrasin restringendam, vel praecipue applicandam esse intelligeremus ad incolas Hierosolymae. Conf. Jer. XXIV. Confirmant nostram interpretationem antiquae versiones, Gr. et Syr. Sed aliam adjungam interpretationem, quam ferre possunt verba, qua domus Israelis ad socios Prophetae refertur et instaurandis adsociatur, adeo ut exules Israelitae, seu decem tribus, intelligantur, qui partem haberent in restitutione Judae, uti Jer. II. et alibi est praedictum. Nec obstat, quod omnes illi Israelitae non fuerint reducti in Cananaeam, sicut nec socii Prophetae, seu Judaei, cum omnibus fuerit reditus paratus, et animis fuerint adsociati reductibus. Quo admissio כלה universitas subjungitur, ut aequae Israelitae ac Judaei comprehendantur, adeoque כלה universitas ad omnia praecedentia referatur. Quae interpretatio structurae sermonis magis congruit, et incolae Hierosolymae soli erunt, qui omnibus exulibus insultarunt. Vid. c. XX: 40. Quae interpretatio nunc mihi maxime placet.

§. CXCIV. Posterius membrum exhibet insultationes superbas et vanas, de incredulitate et contemptu prophetiarum testantes, quibus Hierosolymitani lacerabant exules, tanquam a Jehova reiectos, his verbis: quibus (socii tui et Israeli) dicunt (sarcastice et irrisorie, simul jactanter, et superbe) incolae Hierosolymae (illi praecipue, sed simul reliqui in terra Cananaea adhuc relictii) estote longinqui a cum Jehova (h. e. maledicti sitis vos exules, et a communione Jehovae longe

ge remoti. qui in exilio manetis, nullam vos sortem habetis in haereditate Jehovae, nec ejus communione fruemini. Emphasin enim hanc habet vocula על non observatam. Vocula enim illa subinde intimam adfert conjunctionem, cohaesionem et familiaritatem, unde מעל, ut hic, rescisso omni commercio. Vid. Schult. ad Prov. V: 8.) *nobis haec data est, terra haec in haereditariam possessionem*, (haec urbs et terra nobis est a Jehova assignata, vobis exulibus reprobatis. Cum היא a terra hac sejungatur, et verbum נתנה interferatur, probabile mihi sit, pronomen היא digito monstrare Hierosolymam, cujus incolis haec verba in os dantur. Habet ceteroquin structura orationis quid impediti, ut facile cernitur.) Si legere liceret, נתן הוא ipse dedit, scilicet Jehova, modo memoratus; facilius foret sermo: היא pro הוא facile irrepsit, et ה in fin. verbi נתנה ex sequenti ה mansit.

§. CXCIV. β. Sequitur propositionis deductio a. respectu redimendorum vers. 16—20. b. excidendorum, vers. 21. a. In priore parte tria vel quatuor recensantur beneficia in exules conferenda, opposita ad superiora improborum, in ipsos dictoria. 1. Primum est, quo in ipso exilio gauderent, in eo situm, quod nec exilium diu sit duraturum, nec exules a Deo, ejusque favore et cultu forent remoti; sed Deum experirentur, sicut in sanctuarii Hierosolymis, praesentem et faventem, opposita ad dictum improborum, quo a cum Deo dicebantur exules longe remoti. Hic sensus est, et scopus vers. 16. *Propterea dic* (ad dicta Hierosolymitanorum retundenda) *sic dixit Dominus Jehova: quia* (quamvis, ut saepe sumitur כִּי de quo, ad, Gen. IX. dixi) *elongaverim eos inter gentes, et quia* (quamvis) *disperserim ipsos per terras, et* (attamen) *ero ipsis sanctuarium* (loco sanctuarii, praestando ipsis per meam curam et gratiam eadem bona, quae praesente Templo consequerentur, ita ut me culturi sint et meo favore fruituri.) *brevi in terris, ad quas venerunt*, (pro brevi tempore, quo ibi futuri sunt: quod in

solitum eorum exilium, et improborum maiorem pollutionem additur; et mox explicatius traditur, ubi eorum reductio in Cananaeam promittitur. Deus itaque non tantum declarat, eos in exilio non esse communionem Dei privandos, nec diu ibi versaturos, sed restituendos verbo insinuat; mox latius illud deducturus et expressius. Vox *et* itaque nec cum *sanctuario* cohaeret, nec ad paucitatem hominum respicit, uti Interpretes multi cogitant, sed de *tempore* sumenda est, quo duraret, quod Deus in exilio ipsis *sanctuarium* foret. Concinit, quod Jes. LIV: 17. tempus illud per *et* *momentum* exprimitur)

§. CXCVI. 2. *Secundum* beneficium est, quod ab exilio liberarentur, et in patriam reducerentur, oppositè ad dictum Hierosolymitanorum, *nobis data est terra* etc. his verbis comprehensum vers. 17. *Propterea dic* (ad alterum eorum dictum refutandum) *sic dixit Dominus Jehova, et (protique profecto, vel etiam, insuper;) congregabo vos e populis, et colligam vos e terris in quas dispersi estis, et dabo vobis terram Israelis.* Quae nihil habent obscuri. Exilium reductionem e Babylonico exilio significari, clarius est, quam ut demonstrari necesse sit. Quare nihil addo. 3. *Tertium* est terrae purgatio ab omni idololatria per eos, qui in eam ad habitandum venerint vers. 18. *Et venient illuc, et omnes abominaciones ejus ac pollutiones ejus ex ea removebunt* h. e. Insuper qui fixas in ea terra posuerint sedes, eam quoque ab omni idololatria ac iniquitatione purgabunt, veteramque religionem in ea stabiliunt: quod ultimum licet non expressum sit, phrasi tamen involutum est, ut facile cernitur. Significatur 1. exsules in Cananaeam redituros, si non omnes, utique multos; quare non additur, *omnes* venturos, sed simpliciter eos dispersos redituros. Supra dictum erat, *illis terram esse dandam*, hic insuper affirmatur, eos esse intraturos terram; adeo ut omnibus quidem foret redeundi facultas, *terra ipsis data*, sed non omnes sedes ibi figerent; qui vero id facerent, illi purgarent terram; 2. quod *et* *momentum* addi-

additur; tanquam singulare beneficium, quo terra ab omni impuritate et idololatria purgaretur, idque ab ipsis illis, redivicibus in signum eos fore Jehovae, ejusque cultus, studiosissimos. Inceperunt quidem hoc mox post reditum, sed non perfecerunt, nisi diu post, temporibus Maccabaeis, quando quaquaversum per totam terram idololatriam destruxerunt, et veram religionem propagarunt, etiam inter Samaritanos et Idumaeos: uti ex historia Maccab. constat.

§. CXCVII. 4. *Quantum* est, quod in unam societatem religiosam uniti sese dociles, et obsequiosos praestarent, ad statutorum Dei observatores, praeterea renovarentur in societatem spiritualem, adeo ut in emphasi Deus foret eorum Deus, et ipsi populus ejus vers. 19, 20. *Et dabo ipsis cor unum, et spiritum novum, dabo in medio vestrum* (vel eorum, ut leg. *בְּקִרְבָּם*, uti omnes versiones antiquae habent, convenienter omnibus reliquis partibus horum versuum; nec ratio est, quare propheta tam abrupte a tertia persona ad secundam transiret, et mox in tertia persona pergeret: sed nihil muto; cum in tota hac pericopa modo tertia modo secunda persona utatur,) *et removebo cor lapideum e carne ipsorum, et dabo ipsis cor carneum; ut, in statutis meis incedant, et judicia mea observent ac faciant ea, et sint mihi in populum, et ego ipsis sim in Deum.* Quae verba duplicem videntur continere populi reformationem, alteram moralem et legalem, alteram spiritualem et euangelicam, secum connexam, ita ut posteror priorem sequeretur; quae utraque et in genere proponitur, §. fusius et explicatius traditur; qua ratione verba recte distinguuntur, et ordinantur. *Propositio* his fit verbis, *et dabo ipsis cor unum, et spiritum novum dabo in medio ipsorum.* h. e. faciam ut primum, upo et eodem corde in unam societatem religiosam sint, secum uniti, non amplius, ut olim et nunc divisi, et inter Jehovam ac idola, et secum invicem; dein spiritu novo animati sint, et spiritualibus affectionibus praediti; carnali et externa Oeconomia abolita. Prius per *cor unum* posterius per *spiritum*

spiritum novum videtur indicari. De corde uno vid. Jer. XXXII: 39. et ibi dicta; de *spiritu novo* Ez. XXXVI: 26, 27., et alibi in Script. *spiritus novus* est evangelicus et spirituali Oeconomia inferviens, oppositè ad legalem, sicut *cor unum* oppositè ad idololatricum et refractarium; quo ante fuerant ducti, adeoque *cor carneum*, oppositè ad *lapideum*, uti mox exponitur. LXX legerunt non **וְיָרָא**, sed **וְיָרָא**, cum verterint *וְיָרָא וְיָרָא*; quod non est spernendum, cum mox per *carneum* oppositè ad *lapideum* exponatur; illudque rectius conveniat loco parallelo c. XXXVI. ubi *cor novum* appellatur. Phrasis vero occurrit 1 Sam. X: 9.

§. CXCVIII. β. In deductione a. *cor unum* exponitur, quale sit, et effecta ejus traduntur, his verbis: *et removebo cor lapideum e carne ipsorum, et dabo ipsis cor carneum, ut in statutis meis ambulent, et judicia mea observent ac faciant*. h. e. *cor*, quod dixi ipsis a me dandum, unum illud et longe aliud, ac antea habuerunt, *cor*, inquam, illud erit *carneum*, oppositè ad *lapideum*, adeoque non durum, refractarium, inflexile, nullo sensu peccati tactum, nulla monita recipiens, nec legem inscribi patiens, quale nunc habeat, sed flexile, obsequiosum, et legibus meis inscribendis aptum, denique humanum, adfectuosum, et misericors, cujus effectus erit observantia meorum statutorum et judiciorum, seu legum, cujuscunque naturae sint. Nihil hic nobis relictum est notandum, nisi illud unum, populum talem fuisse factum vera sua emphasi temporibus Maccabaicis; cuiusque enim, licet post reditum melior fuerit factus, omni emphasi a corde lapideo non fuit liberatus, et *corde carneo* praeditus, ut ex Malachia, et historia liquet. b. *Spiritus novi* in medio populi regnantis notitia datur, cum subjungitur, *et erunt mihi populus, et ego ipsis Deus*. Quae praerogativa vera sua emphasi quoque comprehendit Oeconomiam evangelicam, uti alibi saepe est observatum. Quare plura non addo.

§. CXCIX. γ. Posterior pars pericopae; propositionem vers.

vers. 15. explicantis, continet iudicium in peccatores obstinatos, et illusores illos, ac superbos Hierosolymitanos vers. 21. *Et, vel sed, quorum cor incedit secundum cor abominationum ipsorum, et pollutionum ipsorum, viam ipsorum in caput ipsorum dabo, inspiratum Domini Jehovae.* Quorum sensus quidem in facili est, sed structura orationis quid impediti habet, cum singularis sit phrasis, *cor ambulat ad cor abominationum.* Vulgo statuitur, significari ambulationem cordis secundum desiderium et lubitum idolorum, quod, voce *cordis* catachrestice usurpata, ferri posset, ut sit oppositio *cordis* Dei, secundum quod pii dicuntur corde ambulare; insolita tamen est phrasis, et paulo durior: quare Pischcat. non dubitat leg. esse pro **אל לב** *אל* simpliciter **אלה**, et post eam deficere **אשר**, ut vertatur: *ad illos vero quod adinet, quorum cor etc.* sed illa mutatio est nimia; potius si quid mutandum sit, legerem vel cum Houbigant. **כל לב**, sed vocibus non transpositis; **אל כל** *ad omnes abominationes*; etc. occurrit etiam **כל** pro **לב** inter variantes lectiones: vel **אל אליל לב** *ad speciem vanam cordis*, uti Jer. XIV: 14. haec enim vera est vocis **אליל** potestas; ut ad eum locum observavi; versio itaque ita foret instituenda. *Sed quorum cor ambulaverit ad speciem vanam cordis, scilicet, abominationes et pollutiones suas; quae nihil sunt praeter vanam et imaginariam speciem cordis, a corde effictam: uti Jerob. 1 Reg. VIII. cultum novum ex corde exsculpsisse dicitur, falsi vates ex corde suo prophetare inf. c. XIII: 1.* Ceterum respicitur primo quidem et directe ad Hierosolymitanos, et Israelitas refractarios hujus temporis, cum altera pars deductionis sit propositionis vers. 15., sed dein latius se extendi patitur ad sequentium temporum similes peccatores et foedifragos, uti temporis Maccabaici.

§. CC. Subjungitur tandem visi ablatio, ejusque modus, et prophetae ad terram exilii transportatio, seu visi totius cessatio, et ejus, inde orta, communicatio cum exulibus ad eorum instructionem et consolationem, ut de excidio urbis

Ee

et

et populi, simul de sua instauratione certiores fierent, et ea ratione sorte sua praesente contenti forent, ac meliora tempora in fide et spe expectarent. Quae summa est pericopae vers. 22—25., quae nihil habet, quod moram injiciat. Tantum not. simpliciter significari totius visus cessationem; uti cap. III: 12, 13. nec aliud hic quaerendum esse mysterium, nisi forte aliquod sit in eo, quod propheta non viderit in coelum sustolli gloriam Dei cum Cherubis et rogis, sed in monte Oliveti, qui est ad ortum Hierosolymae, manere, quum visum disparuit. Quo expictum censi possit, 1. gloriam Dei aliquando in eo monte vindicias populi sui esse facturam, uti Zach. XIV. repraesentatur. 2. inde vindiciis factis Templum intraturam, uti Ez. XLIII. habetur. 3. denique inde etiam aliquando *filium* Dei, gloriae Dei effulgentiam, *coelum* esse adscensurum ad thronum in coelo, et nova Hierosolyma coelesti, collocandum: uti a Domino nostro novimus factum esse.

C A P. XII.

§. CCI. **Q**uinta revelatio, eodem anno, incertum quomense, facta, hoc cap. comprehensa, *quinque* diversas partes habet, totidem distinctis vicibus ipsi revelatas, perque formulam, *et factum est verbum Jehovae ad me*, divisas sem definitas. *Prima*, vers. 1—7. praemissa declaratione obstinatae ac refractariae indolis populi, etiam in exilio, exhibet mandatum Dei prophetae factum, quo jubetur personam cum illis in exilium praeferre, ejusque executionem, eorum oculis exsutum, in quorum medio versabatur. Praemittitur, instar praefationis, explicatio perversae populi Israelis, in ipso quoque exilio, indolis, eo scopo, ut ratio daretur, quare Deus voluerit, ut propheta tam singularem habitum inderet, et insolita faceret; ut qui per superiora visa non fue-

factant ad intelligentiam et meliorem mentem redacti, per insolitum hoc factum prophetae permoverentur ad sanius de suo et Hierosolymitanorum statu ferendum iudicium, et sese ad Deum convertendum; saltem, si hoc non fieret, ut convincerentur de perversitate, tanquam causa inadvertentiae et incredulitatis ac inexcusabiles redderentur. Verba ita habent vers. 2. *Fili hominis! in medio domus refractariae tu habitas, quibus sunt oculi ad videndum, nec vident, aures ad audiendum, nec audiunt, quia domus refractaria ipsi sunt.* h. e. Licet Judaei, qui tecum sunt in exilio, sufficientia habeant media, ad ea cognoscenda, et admittenda, quae ad eorum conversionem et consolationem faciunt, tam perversae tamen et obstinatae sunt indolis, ut oculos claudant, et aures obturent, nec intelligere nec obedire volentes; sed vel vana spe proximi reditus, et liberationis Hierosolymae se iactantes, et falsis vatibus aures praebentes, vel desperabundi se in peccatis obfirmant. Quam ob causam, ut eorum incredulitatem et obstinationem expugnes, saltem eos inexcusabiles reddas, injungo tibi, ut calamitatis et exilii Hierosolymitanorum portentum in persona tua facias, et in eorum oculos ingeras fatum Judaeorum in Cananaea. Quae paraphrasis cum sensum et scopum verborum in luce collocaverit, et phrasae nihil obscuri habeant, nihil addere necesse habeo; Judaeorum exsulum vero hic lineas duci, licet aliqui ad eos in terrā Cananaea referant, clarius est, quam ut adstrui necesse habeat; quare passim adsumitur; loquitur enim Deus de iis, in quorum medio habitabat, et coram quorum oculis incederet, tanquam captivus et exsul; non in visione jam, ut antea, sed simpliciter et reapse.

§. CCII. Tria injunguntur prophetae quorum *duo* de die, *tertium* de nocte faceret, vers. 3—6., quae cum ab Interpretibus minus recte percepta sint, paulo accuratius exponam. *a.* Primum est, ut medio die, sumto habitu captivi et exsulis, migraret e domo sua in alium locum; in signum exilii, in quod Judaei e Cananaea et Hierosolymis abirent,

E c 2

rent, ut postea videbimus, his verbis, vers. 3. *Et, vel itaque, tu, fili hominis, fac tibi vasa migrationis, et migrato interdiu coram oculis ipsorum, et migrabis (migrabis inquam) e loco tuo in alium locum ante oculos ipsorum, forte videbunt, quia (quamvis) domus refractaria ipsi: h. e. fume tibi habitum et vestitum lugubrem, et miserum, captivis et in exilium abeuntibus proprium, et in alium locum remotiorem e domo tua migra, et quidem pleno die, coram omnium oculis.* Interpretes de suppellectilis convasatione, de necessariis ad iter, vel et mansionem in exilio, secum sumendis, interpretantur; confundentes hoc factum cum seq., acsi ibi clarius exponeretur, quid vasis collectis faceret. Sed hoc et seq. factum diversum est, ut mox patebit, et hic nihil de suppellectilis collectione habetur, ut putatur, sed de habitu simpliciter migrantis in exilium, et habitu in illud tantum agitur, in signum exilii, in quod transmigrarent superstites Hierosolymorum et Cananaeae, uti exponitur vers. 11. Phrasis, *vasa migrationis*, non denotat instrumenta domus secum sumenda ad subsistendum in itinere et exilio, sed habitum et vestitum exulantium, adeoque lacerum, lugubrem vestitum, etiam peram forte et baculum: fere quemadmodum *I-saias nudus* et *discalceatus* ivit Jes. XX. Vox H br. *כלי* quaevis instrumenta, etiam vestitum denotat; sed per epitheta restringitur, ut *vasa bellatoris* et *belli*, pro instrumentis bellicis, *vasa pastoris* pro baculo et pera pastoris; ne alia memorem; ita *vasa migrationis* pro instrumentis et vestitu migrantium, et captivorum; uti Jer. XLVI: 19 *vasa migrationis fac tibi, habitatrix filia Aegypti.* Quo etiam facit, quod dicatur, *fac tibi vasa migrationis*, quod in suppellectilis convasationem non quadrat. Accedit, suppellectilis et aliorum bonorum collectionem et transportationem non convenire in Judaeos deportandos, cum illa omnia cesseriat hostibus.

§. CCIII. *Secundum factum, prophetae injunctum, postquam superius jam perfecisset, adeoque persona illa deposita,*

ta, domum rediisset, five eodem five alio die faciendum, ad suppellectilem domus ejus spectat, et habet, vasa ejus esse in publicum proferenda, et cujusque arbitrio relinquenda; instar vasorum in exilium transportandorum, vers. 4. his verbis: *et produces vasa tua sicut vasa migrationis interdii coram oculis ipsorum*, h. e. insuper suppellectile tuum, et omnia tua bona in medium proferes coram omnium oculis, et ibi relinques tanquam deserta et alio transferenda, uti cum bonis exultantium agi solet. Interpretes haec ad praecedens retulerunt, et acceperunt, acsi bona domus convasaret, in uno loco ante fores collocaret, mox secum sumenda in exilium. Sed 1. antea jussus erat *facere* sibi *vasa exilii*, hic *vasa sua* producere jubetur. 2. modo jussus jam erat *exire* in alium locum, quod jam peregerat, hic jubetur *vasa* colligere: quae diversa sunt, et diverso tempore fieri debuerunt. 3. superflua foret vox *interdii*, si de eadem re ageretur. 4. Praecipitur ipsi simpliciter *producere vasa sua coram omnium oculis*, nihil de iis secum sumendis; quod etiam postea non est ipsi injunctum, ut mox patebit. Est itaque hoc, quod hic memoratur, plane aliud et novum; et nihil aliud dicere videtur, ac bona publico exponere diripienda, vel derelinquenda, in signum bonorum ab hostibus rapiendorum, vel praedae cujusvis cessurorum. Quo etiam facit, quod *vasa* ejus comparantur cum *vasis migrationis*, cum dicitur, *proferes vasa tua sicut vasa migrationis*, quatenus in exilium deportarentur, alio paulum sensu, quam supra; ibi enim erant ab exsule sumenda, adeoque habitum et adparatum exsulis denotabant, *hic* autem vasa domus producenda in publicum, *tanquam vasa migrationis*, adeoque transportationi destinata.

§. CCIV. Tertium denique factum est, quo de nocte se portandum traderet per parietem perfossum aufugiturum, oculis clausis, vers. 4—6. Ubi a. jubetur vespera parietem domus perfodere, et clam se educere habitu et modo in exilium euntium, vers. 4, 5. his verbis: *et*, vel *sed*, *tu*
E e 3 (su-

(supellectile in publico exposito et misso facto) *exibis vespera coram oculis ipsorum, sicut egressus migrationis fieri solet, (adeoque nudus vasa migrationis, seu habitum lacerum, et servilem, sumens et indutus) coram ipsis perfode tibi parietem, ut educes te per illum* (quod dixi, te egressurum esse vespere coram ipsis, illud hac ratione a te peragi volo, ut vespere perfodias murum domus, et dein nocte per eum te educa, seu egrediaris. Verba vers. 5. *molum* declarant, quo egredi debeat; perfodiendo ante parietem, et sic clam exeundo. Verbum *תצאת* in Hiph. reciprocam habet potestatem, seu ad se ipsum referri debet, ut idem sit, ac *seducere*, vel *exire*; uti omnes versiones antiquae habent, quae reddiderunt *egredieris*. Sed recentiores passim reddunt *educes* vel *exportabis*, sive suppeilectilem ex vers. 4., ut communiter, sive etiam testes Judaeos adstantes, ut Jun. et Trem., qui supplent *eos*; sed 1. illud adversatur vers. 4. ubi jubetur *exire* instar migrantium. 2. falsa nititur hypothesis, acsi *vasa sua* producta secum sumeret, et eo respiceretur: ut ex dictis liquet *Egredi facere, educere* simpliciter aliq. et absolute positum significat, *se* egredi facere, efferre; uti Gr. *ἀγαν, προάγαν*, pro *ἀγαν τὰν*, ire, tendere aliquo, et Lat. *facere*, conferre, pro *se* facere, conferre aliquo. Vid. Reiske, in misc. nov. Lips. vol. VI. p. III. p. 509.

§ CCV. β. Hac ratione nocte egressus per murum perfossum caperetur a nonnullis, et supra humeros portaretur oculis plane obvelatis vers. 6. *coram ipsis super humerum portaberis nocte spissa, educes te, faciem tuam obvelabis, ne videas terram, quia portentum dedi te domui Israelis*. Quorum sensus est, prophetam, per parietem egressum, capiendum et humeris esse sustollendum ac portandum, eaque ratione spissa in caligine egressurum, oculis insuper velatis, ita ut nihil videre possit. Additur, haec omnia prophetae iuncta eo tendere, ut in sua persona statum et habitum praeferret Judaeorum Hierosolym. et in Cananæa, simili modo

modo in exilium exiturorum, uti in seq. latius exponitur. Interpretes vulgo aliter instituunt, et prophetam non portatum, sed *portantem* describi putant, scilicet *sarcinulas*, supra memoratas. Sed LXX et Vulg. in pass. capiunt, quos sequuntur Pradus, a Lap., Sanctius et alii ex Pontificiis; idque sine dubio recte 1. enim nihil hic occurrit de onere, a propheta portando; *sarcinulae* autem male subintelliguntur, cum illae jam ante fuerinteductae, et abjectae, ut modo vidimus. 2. Quid emphasios habeat, quod propheta expresse dicatur *super humero* portaturus? plane non liquet. 3. Cum oculis obductis in spissa caligine repraesentatur exiturus; utique non pedibus incedere, sed portari debuerat. 4. Denique applicatio portenti, ad Zedekiam excoecandum et abducendum vers. 12. manifeste exigit, prophetam hic non sibi pedibus ire, sed portari super humeris, instar captivi. Verbum itaque נשא hic exserit usum reciprocum; quo dicit, *efferre se*, pro *efferr*, portandum humero, uti modo et mox in רוצא et רוצא: sic נשא et alibi sumitur, ut videre est apud Cocc. in Lex. in hac rad. num. VII. Praefert autem eum usum manifeste vers. 12. de quo mox.

§. CCVI. Subjungitur praecepti divini executio respectu duorum posteriorum factorum, ipsi injunctorum, expresse; quia maxime erant mirabilia, vers. 7. *Et feci sic, quemadmodum iussus eram* (omnia itaque supra memorata; sed in specie duo ultima, quorum expressa fit mentio, verbis frequentibus) *vasa mea produxi sicut vasa migrationis interdia*, (supellectile meum omne publico exposui, et missum feci de die) *et vespere perfodi mihi murum manu mea* (ipse fecit aperturam in pariete, ut clam evaderem, sive manu fortis inmissa, quod in pariete sectio a fori viro fieri poterat, sive instrumento in manu) *spissa caligine eduxi me* (nocte obscura valde egressus sum) *super humero sustuli me curam oculis ipsorum* (arreptus et interceptus me portandum commisi, omnibus insipientibus.) Posset etiam נשא ita punctari,

Ee 4

ut

ut sit in Niph., sicut vers. 6. **וְנִשָּׂא** pro **וְנִשְׂאָה**, itidem in Niph.; sed opus non est. Ceterum quorum hoc tam singulare factum spectet, mox exponitur.

¶ CCVII. *Secunda pars revelationis, quae mane sequentis diei ipsi contigit, responsum continet domui Israelis de ratione tam insoliti facti interrogaturae, quod futurum praesupponitur vers. 9. dandum, quo portenti istius traditur explicatio, cum ipsis communicanda, vers. 10—16. In qua pericopa a. summaria traditur superiorum factorum adplicatio ad Zedekiam et incolas Hierosolymae vers. 10, 11. Dic ipsis, sic dixit Dominus Jehova, princeps est gravis haec sententia prolata Hierosolymis, et tota domus Israel, in quorum medio ipsi sunt, (h. e. factum meum, in complexu sumtum, seu facta mea coram oculis vestris conspectum habent gravis et onerosae prophetiae super principe et populo Hierosolymis. Quem sensum Interpretes jam viderunt, et illustrarunt, in primis Pradus, qui hic vid. nec aliquid habeo, quod addam, nisi 1. in genere tantum declarari, pertinere haec prophetiae facta ad regem et Hierosolymitanos, et gravem prophetiam realem continere contra eos, 2. ultimas voces **וְהָיָה הַמֶּלֶךְ אֲשֶׁר הָיָה בְּתוֹכָם** vertendas esse in quorum medio illi, sunt, h. e. in cujus medio ille est. Cum domum Israelis dixisset, recte uti potuit plur., in quorum sc. civium et incolarum medio; sed principis licet mentio fuerit facta in Sing., utitur tamen pronom. plur. **וְהָיָה** illi, stylo curiae, quo de principe et rege in plur. nonnunquam fit sermo, ut cum **וְהָיָה** adpellatur rex; Quod si displiceat, ante **וְהָיָה** ponendum **וְהָיָה** et principes, quae vox per seq. **וְהָיָה** est absorpta. Dubium non est, quin **וְהָיָה** ad principem vel ad Regem et Principes pertineat, uti ex vers. 12. patet, ubi diserte habetur, in medio eorum esse: quae phrasis quoque in principem recte quadrat, quatenus est in medio populi, tanquam ejus dux et patronus, quem omnes cingunt, et respiciunt. Solus autem princeps, seu rex in specie intelligitur, cum ei soli conveniat, quod mox de ipso traditur, et ab*

ab eo. reliqui et cives et duces distinguantur,) *dic* (repetitur illud emphasios ergo, et idem est, ac *dic*, inquam, audacter et palam, praeterea quia nunc sequitur ipla explicatio factorum) *ego portentum vestrum, quemadmodum feci, fiet ipsis* (h. e. eo mea facta tendunt, ut vos in mea persona videatis fata regis et Hierosolymitanorum. Recte dixit *portentum vestrum, et sic fiet ipsis*, non *vobis*, quia sociis in exilio portentum erat, sed portendebat fatum Hierosolymitanorum, regis et civium.)

§. CCVIII. *β.* In specialiore expositione, quae sequitur vers. 11—14., tria sua facta distincte explicat, et ad Hierosolymitanos transfert. *a* *Primum* erat, quo exulantis habitum sumto de die alio migravit, vers. 3. quod quid sibi velit, his verbis tradit vers. 11. *in migratione in captivitatem ibunt*, scilicet, ut in terris peregrinis instar captivorum, adeoque servi, degant: qui itaque superstites manerent malis, quibus reliqui absumerentur, uti vers. 16. clarius exponitur. De iis enim hic agi, ex eo manifestum est, quod *exsilium* iis tantum denunciatur, et propheta simpliciter se se migratorem gesserit, vers. 3.

§. CCIX. *b.* Subjungit propheta *tertii* sui facti expositionem, quam praemittit, quia praecipuam merebatur attentionem, cum ad *regem* in specie spectet: factum erat, quo aufugiens nocte fuerat prehensus, ac humeris impositus, oculis velatis, et ita abductus vers. 5, 6. Hujus explicationem tradit vers. 12, 13. *Et princeps, qui est in medio ipsorum, ad vel super humerum se efferet, spissa caligine, et exibat, murum perfodient, ut se educat per eum, faciem suam velabit; quod non visurus sit oculo ipse terram; et expandam rete meum super ipsum, et comprehendetur mea jagena, et transferam ipsum Babelem, terram Chaldaeorum, quam tamen non videbit, et ibi morietur.* Quibus verbis 1. rex sistitur eadem agens et patiens, quae propheta antea tanquam portentum fecerat, et passus erat vers. 12. dein 2. illud clarius exponitur, quid sibi velit, et qua ratione illud de rege sit intelli-

F f

ligen-

ligendum vers. 13. Qua ratione versus sunt capiendi, et factum connectendi. Declarat itaque 1. Deus, prophetam in eo facto repraesentasse Zedekiam regem, eumque in finem eadem de ipso tradit, vel regem introducit idem facturum et passurum; iisdem fere verbis repetitis, quae vers. 5 et 6. exstant: recenseamus ea, et exponamus, ubi fuerit opus. *Et princeps, qui in medio ipsorum* (Zedekias rex, ductor et patronus populi, anima et spiritus ejus, uti Thren. IV: 20. adpellatur,) *ad vel super humerum se offoret* (effertur et portabitur, ut vers. 6. habuimus) *in caligine, et exhibit* (ipsa illa nocte, qua urbe egreditur) *parietem perfrangent ad educendum ipsum per illum* (etenim noctu et clam per parietem aufugiet, ut se subducatur, et hostium manibus eripiat) *faciem suam velabit, propterea quod ne videat ipse terram*, (sicut ego feci, ipse faciet.) Turbat haud parum, vox פָּנָיו cum verbi nequeat oculo suo, quod praef. ל non fert, et emphasi caret; Graeca versio aliis punctis legit פָּנָיו et addit in seq. membro פָּנָיו reddit, ut non conspiciatur ab oculo, nec ipse intueatur terram, sed insolita est phrasis, conspici פָּנָיו ad oculum, et emphasi caret vox פָּנָיו addita, etiam hic locum reperire nequit, cum non ut a nemine conspiceretur, facies obvelaretur, sed ipse non videret, uti vers. 6. etiam habetur, adeoque vel vox פָּנָיו censeri debet, loco mota et verbo פָּנָיו obteget subjungenda, ut sit *faciem obteget ad oculum*, vel expungenda est, tanquam ex פָּנָיו orta incuria librarii.

§. CCX. 2. Quae ut recte intelligantur, et qua ratione in Zedekia locum haberent, innotesceret; ne quis existimaret, haec omnia a Zedekia ipso esse facienda, vel nihil aliud fuisse indicatum, quam regem confusum, festinantem et desperandum urbe esse egressurum; subjunguntur haec verbi, illustrationis ergo, vers. 13. et, vel etenim, expandam rete meum super ipsum, et comprehendatur sagena mea, et transferam ipsum Babelam terram Chaldaeorum, nec eam videbit, et ibi morietur. Quibus significatur, ipsum a Chaldaeis improvise esse in fuga, per singularem Dei directionem, capi-

plendum, excoecandum, et abducendum Babel, ibique moriturum; uti facile cernitur. Sed, quod minus vulgatum est, eo tendunt haec verba, ut, quod de Zedekia modo dictum erat, explicaretur, adeoque, quod ipse modo repraesentatus erat facere, significaretur ipsi eventurum, et ab hostibus infligendum esse. Quod itaque dictum erat, *ipsum se super humerum elevaturum et portandum esse*, de adprehensione et abductione a Chaldaeis est intelligendum; *oculorum vero velatio* ab ipso facienda ad excoecationem violentam erit transferenda; cujus indicium est in eo etiam, quod discrete dicatur, *terram exilii non visurus*. Atenim cum ipsi regi illa expresse tribuantur, et *perforatio parietis* quoque non ad hostes, sed Zedekiam et socios pertineat, *velatio* quoque faciei, et non *excoecatio* memoretur, forte rectius statuitur, Zedekiam illa ipsa esse factorum, sed in signum adprehensionis, abductionis et excoecationis ab hostibus: quorsum etiam tendebat, quod propheta, portenti instar, id fecerit, et sibi fieri passus sit. Qua ratione, et *literaliter*, et *symbolice*, haec in Zedekia impleta fuerunt: quae quoque est Interpretum Pontificiorum, Pradi, a Lapide, et Sanctii, hypothesis; qui videantur. Zedekias itaque prae tristitia et pudore, fractus animo et corpore, a sociis est adsumtus et ablatu, ut citius aufugerent, ipse etiam *faciem velavit*, ut fecit David coram Absolomo ex urbe discedens; sed eo ipso portendit fatum suum, quo caperetur ab hostibus, deportaretur, et oculis privaretur. In quibus acquiesco.

§. CCXI. c. Rediit propheta ad secundum suum factum, quo *vasa sua* in medium projecerat vers. 4., et quo illud collineaverit declarat vers. 11. his verbis. *Et quicquid circum ipsum fuerit, subsidium ejus, et omnia ejus agmina dispergam in omnem ventum, et gladium evacuabo post eos. h. e. cuncta ejus vasa et instrumenta, quae in subsidium secum sumferat, omnes ejus turmas, quibus cinctus fuerat, in terras peregrinas quaqueversum dispergam, et homines multi*

Ff 2

morte

morte perire faciam. Vox *וַיִּ*, cujus proprietates est in *copioso fluxu*, ut uberis, unde ad copiam subsidiorum inter alia transiit, refertur ad omnia illa, quae regi poterant esse usui, modo vox illa non ex sequente *אֶרֶץ* *dispergam* irreferit. Quae conjectura ex eo firmatur, quod non *וַיִּ* sed *וַיִּ* legatur in textu, et, quid emphaticos hic habeat *subsidium* ejus, vix adpareat, maxime cum vix de subsidis capi posset vox *circum ipsum* rectius ad principes et satellites referatur; sicut *agmina* ad reliquas copias. *אֲנָכִי* vero denotat *agmina* tegentia, et clauventia, in unum coacta, uti ex Arab. lingua patet, in rad. *אָנַס* et *אָנַן*, sicut itaque propheta *vasa* et instrumenta sua in medium produxerat, dissipanda, ita regis subsidia et agmina disjicerentur, et quaquaversum deferrentur, homines perirent iudicio Dei in terra peregrina. Quod etiam contigit Zedekiae agminibus et instrumentis: uti ex historia constat.

§. CCXII. *Duplex* consequens hujus fati, quod Zedekiae et Judaeis in Cananaea eveniret, subjungitur, *alterum* quod publice constaret, *Jehovam* esse, qui eos *disperferit quaquaversum*, scilicet Deum veracem et iustum, de quo hoc factum clare testabatur, vers. 15. *et cognoscent me esse Jehovam, quum diffregerim et disjecerim eos inter gentes, et quod dissipaverim eos in terris* h. e. experientur ea ratione per disjectionem et dissipationem suam me esse Jehovam, qui dictis fidem praestet, illudque *cognoscent* qualescunque populi, ad quorum notitiam pervenerit. *Alterum* est, paucos inter exules superstitibus mansuros, quorum mentio fuerat facta vers. 11., qui illud reapse agnoscerent, et profiterentur, cum scelerum populi, tanquam causae, confessione, vers. 16. *Et relinquam ex iis viros numeri* (paucos facile numerandos) *a gladio fame et peste* (malis illis lethalibus ereptos et superstitibus) *ut enarrant omnia abominabilia eorum inter gentes, ad quas venerint* (qui populis illis palam exponant causam malorum in sceleribus populi quaerendam, et non in Deo, promissis non stante, aut potentia carente) *et cognos-*
cens

cent me esse *Jehovam* (cognoscent illud, meliora jam edocti, et conversi.)

§. CCXIII. *Tertia pars revelationis, quae formulam, et factum est verbum Jehovae ad me, solennem, novae revelationis indicium, habet praemissam, continet novum mandatum, prophetae factum, cum ejus explicatione, vers. 18—20. Ubi a. occurrit mandatum vers. 18. Fili hominis! panem tuum in concussione tremoris comedes; et aquas tuas in trepidatione ac fluctuatione horrida bibes* h. e. tenui admodum victu et potu sis contentus, teque in eo sumendo insuper ostendas corpore et animo concussam, trepidantem ac sollicitudine anxia jactatum. Quae nihil habent difficilis. Verbum *וַיִּרְדּוּ* proprie est, *tremuit*, motu exteriori concussus; nec multum abludit *וַיִּנְיֹן*, quod in nube murmurante et tonitrua volvente teri amat, et inter alia trepidationem vehementiorem animi, in querelas erumpentis, et se jactantis quaquaversum, denotat: *וַיִּנְיֹן* vero proprietatem habet *וַיִּנְיֹן* motu fluctuante *crispari, surrigi, et horrescere*, unde transiit ad jactationem et fluctuationem animi, mare horridum repraesentantis Jer. XLIX: 23. β. In mandato explicatorio jubetur propheta a. sermonem flectere ad *populum terrae*, seu multitudinem, et promiscuam turbam populi, non Gentilis, ut Coccej., sed Israelis in exilio degentis cum propheta; nulla ratio enim est, quare *gentilibus* hoc diceretur, nec quare titulo *populi terrae* de iis uteretur, qui communem et promiscuum populum designat: accedit vers. 20. dici, inde *eos cognituros Deum esse Jehovam*; quod Israeli tantum convenit. *Populum terrae* designare communem et promiscuam turbam, satis constat. Vid. supra c. VII: 27. Jer. XLIV: 21. Hag. II: 4. et alibi. Jubetur vero ad *populum terrae* loqui, forte quod is sorte sua in exilio minus contentus esset, et murmuraret, ad eum de longe deteriore sorte Judaeorum in Cananaea informandum, eaque ratione ad meliorem mentem redigendum.

§. CCXIV. b. Sed quid loqueretur ad *populum terrae*?

Ff 3

miser

miserabilem sortem Canaanæorum et Hierosolymitanorum post destructam terram sese hoc facto suo expingere declararet, adeoque eos in ea terra superstites viz habituros, unde vivant, et continuo metu, anxia sollicitudine, et tremore adfectos insuper ibi verituros esse, aut alibi terrarum, ubicunque fuerint, his verbis vers. 19, 20. *Sic dixit Dominus Jehova de incolis Hierosolymae* (sic enim verti debet ל et non *ad* eos, cum non *ad* eos sermo dirigatur, sed *de* ל fiat in tertia persona, quod jam est observatum) *de terra Israelis* (ל hic recte pro *de* sumitur, ut alibi. Vid. Gejer. ad Ps. II: 7. et Nold. de *partic.* uti modo ל , de utriusque enim et populi Hierosol., et terrae Israelis adstricto statu hic agitur, et mox utriusque distincta fit mentio. Posset quoque ל punctari ל *al*, *non*, vel *nihil* est terra Israelis, quippe delolata; adeo ut ad victum nihil, vel parum, proferre queat, ut in seq. traditur; Vocula ל et alibi ita sumitur, ut notum est, et ל *al* in ל *el* est mutatum, ut Jer. XLVIII: 1. et L: 29.) *panem suum horrida fluctuatione comedent, et aquas suas adtonita obstupescatione bibent* (tenuissimo victu et potu vitam sustentabunt inter multas anxietates, trepidationes, et in adtonitae mentis horrorem defixi, *partim* malis, quae patiuntur, obstupescati, *partim* penuria et hostium infestationis continuo metu trepidantes; quorum typum hic gessit propheta) *propterea quod vastabitur terra ejus* (scilicet Hierosolymae, quae ejus est metropolis) *a plenitudine sua* (seu omni plenitudine spoliata, et orba, omnibus frugibus et fructibus, ac jumentis, et aliis vitae subsidiis ac commoditatibus. Particula ב ex ב *a*, *ex*, hic, ut saepe alibi, privationem denotat: uti constat,) *prae cruditate omnium indolentium ejus* (propter crudam, saevam, et incorrigibilem populi indolem, et agendi rationem, injustitiae et violentiae plenam, ad eam vindicandam et puniendam) *et urbes habitatae desolabuntur, et terra seditio erit* (tota terra erit pura puta vastitas, sine urbibus, sine cultura, instar deserti, vel terrae uredine vastatae ac seditatae; quod est proprie ל ; ut saepe observavimus.)

§. CCXV.

§. CCXV. Queritur, quo in statu incolae Hierosolymae et terrae Cananaeae hic repraesententur? Communis habet hypothesis, agi hic de obsidione Hierosolymae, et miserrabili civium conditione, plena penuriae et tremoris, dum ea durabat; quia conferendum censent emblemata cum cap. IV: 16, 17. Sed obstat, praeter alia, quod status iste hic non repetatur ab *obsidione*, uti cap. IV., verum *desolationis* terrae, quam sequeretur, uti ex particula *propterea* quod *desolabitur terra*, manifestum est. Interpretes in hac vocula secundum hanc hypothesein explicanda valde laborant, sed nihil, quod sufficit, proferunt. Nos itaque referimus ad statum Hierosolymitanorum et incolarum Cananaeae, qui superstites forent desolationi urbis et terrae, sive ibi degissent, sive alibi terrarum; quorum vita foret solitudinis et pavoris horridi plena; ita ut *panem* suum in tremore et *aquam* in *horrenda* trepidatione sumerent; sive prae penuria, sive prae hostium infestationibus, quibus obnoxii forent: uti praedictum est a Mose Deut. XXVIII: 37, 84, 65. Jer. XXIV: 9, 10. XXXIV: 17. et alibi. Pertinet itaque emblemata ad Judaeos in terra Cananaea adhuc degentes, quorum sicut destructio supra erat expicta per prophetae facta, ita nunc miserabilis eorum conditio, qui superstites forent, terra plane desolata, ob oculos ponitur, sive in terra manserint; sive alibi terrarum fuerint; opposita ad longe meliorem statum exsulum, qui cum propheta versabantur in exilio. Quod discrimen etiam Jer. XXIV. exhibetur et alibi. Hac ratione cuncta recte fluunt, et superiori emblemati apte subiunguntur.

§. CCXVI. Quarta pars revelationis eo tendit, ut prophetiam de excidio Hierosolymae quantocius esse implendam inculcetur exulibus, qui, spe duraturae prosperitatis Hierosolymae se lactantes, similes prophetias pro vanis habebant, et inde proverbium formaverant, eas perituras esse; quod longum tempus sine implemento stuebat. Declarat itaque Deus, illud proverbium cessaturum, et ei longe aliud,

et contrarium esse substituendum, quia falsorum prophetarum blandientes visiones prostituerentur et abolerentur, et verbum prophetiarum Dei mox impleteretur. Quae summa est pericopae vers. 21—25. Ubi ^{u.} cum indignatione exhibetur proverbiale dictum inter ipsos exsules adhuc vicens, respectu terrae Israelis, in contemptum verarum prophetiarum contra eam terram, tanquam quae diuturnitate temporis, quo non implebantur, sponte corruerent, et falsitatis convincerentur, vers. 22. *Fili hominis! quid hoc est dictum vestrum, super terra Israelis?* (quam vanum est et injuriosum dictum, quod inter vos adhuc obtinet, respectu terrae Israelis; desistite in posterum eo uti, ne amplius vigeat inter vos. Vocula *מה*, et *על-מה*, *למה* quare, duplicem vim exserit, et indignitatem rei arguentis, et dehortantis. Vid. Cl. Schroeder ad Ps. X: 13 Ceterum, cum prophetam adlocutus dicat Deus, quid vel quare vobis hoc dictum? inter socios *exilii* prophetae quidem hoc locum adhuc tenere indicat, sed prophetae et piiis non imputat; ut facile cernitur. Posset quoque pro *לכם* vobis legi *להם* ipsis; uti mox vers. 23. propheta jubetur loqui: *אליהם* ad ipsos. Ex quo liquet, fuisse populum in exilio adhuc maximam partem incredulum, et prophetarum interminatorias conciones, tanquam visiones imaginarias, contempsisse; adeoque de Hierosolymae et Cananaeae durabili statu bene sperasse.) *dicentes, producentur dies, et peribit omnis visio* (h. e. sicut diu jam duravit, quo interminatoriae illae visiones prophetarum factae sunt, et implemento caruerunt; ita durabit in posterum, donec illae plane prostuantur, et nunquam implendas esse adpareat. Hunc existimaverim esse dictum sensum, et scopum, ab omnibus non recte perceptum. Non enim simpliciter volunt, visiones ad longum tempus futurum spectare; quod deinceps nova revelatione refutatur vers. 26—28, sed dies in longum duraturos, quibus visiones implemento careant, sicut jam diu duraverant; unde concludebant increduli, et prophetarum contemtores, quales hic praesen-

praesentantur, *vanam esse omnem visionem*, nunquam effectum habituram. Quod autem addidi, *jam longum fluxisse tempus*, quo non impletæ sint visiones, illud ex ipso proverbio jam vigente facile colligitur, cum illud pro hypothese habeat, et inde natum sit; longus enim usus proverbii producere solet. Fut. itaque *prolongabuntur dies* comprehendit praet. et fut., dicitque: fuerunt jam et erunt longi dies scilicet, quibus *visio* caruit effectu; quod mente intelligendum est; uti facile cernitur: *ergo*, quae eorum conclusio erat ex longinquitate illa ducta, *peribit omnis visio* h. e. nunquam effectum habebit. Intelligunt autem *visionem* omnem, non qualemcunque, sed duram illam et interminatorem prophetarum Jehovah, de calamitatibus et excidio Hierosolymae, et terrae Israelis: uti ex ipsa pericopa facile patet.)

§. CCXVII β. In refutatione hujus dicti, quae materiam hujus partis revelationis constituit, a. Deus rejicit illud, vel cessaturum declarat, et novum, ac verius dictum illi substituit, vel locum in posterum habiturum esse praenunciat vers. 23. *Propterea dic ipsis; sic dixit Dominus Jehova, cessare faciam hoc dictum, nec dicent amplius illud in Israele, sed da ipsis hoc dictum: adpropinquarunt dies, et verbum omnis visionis implebitur*, h. e. loco proverbialis eorum dicti, quo hucusque usi sunt, quod abolebo inter eos, ita ut non amplius sint adhibituri, longe aliud ipsis in ore dandum esse declara, hoc nimirum: *prope adsunt dies*, quibus visiones illae implebuntur, adeoque verbum *omnis visionis* effectum habebit. Ultimae voces, *adpropinquarunt dies, et verbum omnis visionis* (scilicet *implebitur*, quod subintelligendum est, uti ex re ipsa, et seq. vers. 23. clare satis elucescit,) continent oppositum dictum proverbiale; superiori substituendum; et eodem modo sunt exponendae, sensu contrario; adeoque *prolongabuntur dies et adpropinquarunt, nec non peribit omnis visio, et verbum omnis visionis fiet*, sibi sunt opposita, et ex eo principio exponenda. Sensus igitur est,

eos dicturos esse in posterum, *propinqui sunt dies*, quibus visiones illae interminatoriae verorum prophetarum veritatem habebunt, et inde conclusuros ad omnes visiones reliquas, *eas effectu non carituras*, oppositae ad illud, *peribit omnis visio*. Hoc longe varius proverbium Deus declarat, inter eos locum habere debere, cum prophetae injungit, ut dicat ipsis, *adpropinquarunt dies* etc. Quae phrasis, *sed dic ipsis*, divitiam hic habet sensum, quo denotat, praescribere ipsis, et de ipsis dicendum, seu *dic ipsis hoc dictum proverbiale*.

§. CCXVIII. b. Novi hujus dicti usum in Israele futurum ex eo confirmat Deus, quod falsae et blandientes visiones falforum vatum locum non amplius sint in posterum habiturae inter Israelitas; cum quod calamitatibus praesentibus, populus amplius spe liberationis laetari non possit, tum quod falsi vates, qui omnia prospera promiserant, prostituti per contrarium eventum, omnem fidem perderent, adeoque non amplius tueri possent injuriosum illud dictum, *prolongabuntur dies*, et *peribit omnis visio*: erant autem falsi illi vates praecipui auctores ejus dictionis; quibus itaque prostituti, dictionem stare amplius non posset. Hunc existimaverim esse sensum et scopum vers. 24. *Quia non erit amplius omnis visio* (ulla visio) *vana et mendax, nec divinatio blandiens in medio Israelis* h. e. novum et verius illud dictum, quod tibi injungi praescribendum populo, loco falsi et injuriosi dictionis, quod nunc viget, vere obtinebit in posterum, quia falsae et blandientes falforum vatum visiones vel non, vel nihil amplius erunt in medio Israelis, adeoque injuriosum illud dictionem ab ipsis ortum, et per ipsorum falsa vaticinia defensum, cessare debet, et verorum prophetarum visiones, quippe jam ex parte impletae, auctoritate pollebunt, et fidem invenient apud Israelitas. Pro *לך*, ut illud ante omnia observem, legit edit. Gersoniana *לך* in Bibl. Hagana Barkei F. c. I. p. 237. occurrit quoque inter variantes lectiones; nec ab hoc loco abhorret: dicit enim divinationem

non cessaturam esse. Phrasis, *non erit amplius visio vana* etc. duplicem admittit sensum, quo dicit, *non existet*, aut *nihil fiet*, ~~et~~ enim saepe dicit *nihil*, nullius ponderis, et aestimationis esse. Utrumque admitti potest, ut sensus sit, *non existet*, vel, si sit, non aestimabitur. Quod post Hierosolymam destructam, et maxime exilium Babyl. veritatem habuit. Conf. Mich. III: 6, 7. Zach. X: 2. XIII: 2. et alibi: de quo mox c. XIII. ex professo agitur. Sunt qui de veris prophetis et visionibus nostrum versum capiunt, ac si sensus esset, nullas in posterum fore visiones, quae implementum non sint consecuturæ. Sed obstat 1. vocula *et* ~~ad~~ *adhuc*, quæ pro hypothese solet habere *antea* fuisse visionem vanam; negat quidem Sanctius illud semper obtinere; sed sufficit *plerumque*, seu *passim* id fieri, et hic omnino, ut vers. 23, et 28. etc. 2. Epitheton *vanitatis* et *mentacii* non competit veris visionibus propheticis; ita ut *visiones falsitatis* adpellari possint, non enim dicitur, *non erit visio falsitas*, sed *non erit visio falsitatis* seu *falsa*. 3. Vox ~~corpo~~ nunquam de vera, sed semper falsa, vel superstitiosa, revelatione sumitur; quemadmodum mox cap. XIII. 4. denique epitheton *חלק* alienum est a vera revelatione, et unice falsæ competit, cum *blandientem* et *decipientem*, vel *lubricam* ambiguum et fallacem, prophetiam denotat. 5. Tandem parum ad rem faceret hic versus, si diceret, non fore fallacem, et implemento destitutam, visionem in Israele; sed implendam esse omnem visionem; cum illud versu præced. et seq. adfirmatum sit, et hic superfluum plane foret. Posset alia ratione ad veras Prophetæ visiones referri; ut sensus statuatur, proverbiale illud Judæorum dictum, modo memoratum, *non amplius locum habiturum*, aut nihil rationis aut utilitatis futurum. Phrasis, *non amplius erit*, ergo hunc fundet sensum, nullus locus, nulla occasio erit, dicendi omnem visionem verorum prophetarum esse *vanitatem* aut divinationem lubricam; nullius utilitatis illud dictum erit in posterum; cum implementum ~~esset~~. *Non erit* itaque

est, non erit amplius dictum illud proverbiale inter Israelitas, nulla ejus occasio, nulla utilitas, nullum effectum habebit; dictum nimirum illud, *omnis visio est vanitas, est divinatio lubrica*, et decepatrix, quae voces ultimae, aequae ac *vanitas*, ad visiones propheticas constituendas pertinebunt. Haec forte vera est interpretatio.

§. CCXIX. c. Veritatem novi hujus dicti proverbialis, et veteris cessationem, confirmat Deus, et respectu visionis, a se profectae, implementi in genere, et respectu praesentis temporis in specie, quod utrumque dicto illo erat comprehensum, ut modo vidimus. Verba haec sunt vers. 25. *Quum ego Jehova loquar, verbum, quod ego loquar, etiam fiet, non protrahetur amplius, quia diebus vestris, o domus rebellionis, quod loquar verbum etiam faciam illud, inspiratum Domini Jehovae.* h. e. dictum, quod vestro injurioso dicto substituendum declaravi, verissimum est; cum respectu omnis mei verbi, certo implendi, tum respectu implementi hoc ipso tempore futuri; quando enim ego Jehova aliquid fuero locutus, illud certo fiet, et, quod nunc locutus sum de excidio Hierosolymae, illud hoc ipso tempore, vobis videntibus, veritatem habebit, ad vestram quoque pudesactionem, o domus rebellis. Duo itaque Deus hic adfirmat, *alterum generale, alterum speciale*; pro duplici parte dicti proverbialis et veteris, populo in usu, et novi nunc locum habituri, prius est, omne verbum Dei esse implendum, posterius, illud, quod nunc est prolatum de Hierosolymae excidio, mox esse executioni mandandum. Prius his verbis, *quum ego Jehova loquar, dictum, quod loquar, etiam, vel profecto fiet*, sic enim voces vertendae sunt, et intelligendae, quod non observatum, orationem reddidit impeditam, ut ex Interpretibus liquet. Vocula ו hic omnino denotat, non *quia*, ut accipi solet, sed *quum, quando*, ut sensus sit generalis de omni dicto Dei implendo; et ו in וְיָבִיט dicit *etiam, profecto, certe, certius*: uti saepe alias. Respicitur ad partem dicti proverbialis, modo memorati, *peribit omnis visio, et verbum omnis*

omnis visionis fiet: prius refutatur, et posterius adfirmatur. Ad alteram vero partem dicti, *prolongabuntur dies*, ut increduli dicebant, et *adpropinquarunt dies*, ut novum proverbium habet, respiciunt haec verba, quae sequuntur, *non protrahetur amplius*, (scilicet res a me praedicta; verbum enim foemin. **שָׁמַח** non ad verbum, sed rem ejus refertur) *quis diebus vejuris, id domus rebellionis, loquar dictum, etiam faciam illud*. h. e. mox implementum ei praestabo, vobis viventibus et videntibus. Quae nunc nihil obscuri habent.

§. CCXX. Quinta pars revelationis continet refutationem praejudicatae Israelitarum opinionis falsae, de prophetiis Ezechielis ad tempus, diu post futurum, spectantibus, adeoque non mox, sed longe post demum, implendis, nihil itaque in praesentia esse metuendum, cujus contrarium hic adserit Deus. Quo tendit pericopa vers. 26—28. quae, post solennem formulam, et factum est verbum Jehovae ad me, novae revelationis indicium, α. praejudicatam opinionem Judaeorum de prophetiis Ezechielis in specie exhibet, vers. 27. *Fili hominis! ecce domum Israelis dicentes: visio, quam iste (Ezechiel) videt ad, seu post, multos dies erit, et de temporibus longinquis ipse prophetat.* h. e. verae quidem sunt visiones et prophetiae Ezechielis, sed ad nostra et nobis proxima tempora non spectant, verum post multos dies demum implebuntur, cum ipse de longe remotis temporibus vaticinetur, nihil itaque Hierosolymae aut nobis nunc timendum est. Nihil hic difficilis; tantum not. voculam β hic duplicem exserere usum, quo et *post*. et *de*. denotat, quem utrumque frequenter habet. Vid. Noldk. in phrasi **אֲחֵרֵי** dicit *post*, sed in **אֲחֵרֵי** *de*; ut in versione expressi, posterius vero enunciatum additum est ad prius explicandum. Qua ratione oratio recte fluit. β. *Refutatio praejudicii his verbis continetur vers. 28. Praeterea dic ipsis, sic dixit Dominus Jehova, non protrahetur amplius tempus omnium verborum meorum, quod loquar verbum, et; vel tunc, fiet inspiratum Domini Jehovae.* h. e. falsum est, et experiemini,

quod opinamini de tempore longinquo prophetiarum Ezechielis, non protrahetur tempus verborum meorum omnium, quia verbum, quod loquar, mox fiet. Retineri potest usus vocis לך, quo omne dicit, ut sensus sit, nonnulla quidem, sed non omnia verba esse in longum tempus differenda, quod falsae opinioni sufficit refutandae, in verbo עתה recte suppletur, ut Pisc. jam vidit, הוּא tempus ex praeced., quae ellipsis facilius est ob concurrentiam similis fere vocalae הוּא. Quod vero Deus de omni verbo suo negat, illud mox applicat ad verba nunc per Ezechielem prolata, quae dicit mox implenda esse; quo spectant voces; quod loquar verbum (scilicet nunc per Ezechielem,) et fiet h. e. tunc fiet, quum eloquar. Hanc enim emphasin habet particula ו in ועתה, quae aliquando est nota temporis, etiam praesentis, uti Belgarum daar, 20. Sic 1 Sam. II: 15. ואתה daar quam de jerge. Vid. et Eccles. IX: 16. Ps. LXXXVIII: 21. et alibi. LXX eundem in sensum verterunt, quae igitur verba loquar, loquar, et faciam non male, si verbum ואתה an'e ועתה mente repetatur, quod loquar verbum, loquar et fiet h. e. dictum factum; loquar et mox fiet, sic et vers. 25. loquar verbum, et faciam illud.

C A P. XIII.

§. CCXXI. **S**exta revelatio, eodem anno facta, directa est contra pseuac-prophetas, et viros et foeminas, quibus fraudes et aliae pravae qualitates, ad populum falsis revelationibus decipiendum, et in perniciem detrudendum, imputantur, et iudicium Dei, quo prostituerentur, et e medio tollerentur, denunciatur, eo scopo, ut populus in exilio ab iis absterreatur, et sibi caveat. Quales in terra Canaan hoc tempore non tantum erant, contra quos insurrexit simili modo Jeremias cap. XXIII., sed et inter exules, quos
vana

vana spe subitae restitutionis, et liberationis Hierosolymae ab infestationibus Chaldaeorum, aiebant; uti liquet inter alia ex Jer. XXIX: 8. Et hi praecipue sunt, quos hic perstringit Ezech., occasione ex superiore pericapa c. XII: 21. etc. captata, ad cuius ulteriorem illustrationem et confirmationem hoc cap. tendit. Duae autem sunt ejus partes, ut facile cernitur, quarum prior ad viros, vers. 2—16, posterior ad foeminas vates vers. 17—23. directa est.

§. CCXXII. In priore parte, post praefationem, qua jubetur contra falsos vates Israelis prophesare vers. 1., quae nihil habet obscuri, tantum notetur, nomen posterius נביאי in statu constructo supplendum esse ex priore, ubi *prophetas Israelis* adpellantur: plena oratio foret *dices ad prophetas Israelis ex corda sua*. N. generalis descriptio vatum illorum occurrat vers. 3—7. J. *judicium* in eos expositum vers. 8—16. N. Generalis descriptio e. eos, tanquam falsi praetendentes missionem et revelationem divinam, repraesentat vers. 3. Sic dixit Dominus Jehova! *vas prophetis stultis illis, qui ambulavit post spiritum suum, et nihil viderunt*. Adpellantur *stulti*, מליצי proprie *marcidi*, omni succo vitali destituti, inde *stulti*, bona mente carentes, et recta ratione, nec qualescunque, sed *flagitiose stulti*, quibus nequitia adhaeret. Ps. XIV: 7. LXXIV: 18. et alibi. Proprietas enim in *manifestando* est sita, ut recte Cocc.; adeoque hoc titulo indicatur, eos nihil verae consolationis, nihil solidi habere, stultos esse et viros nequam, qui sua culpa se decipi patiuntur fictis revelationibus, vel data opera contra conscientiam fingunt revelationes, et aliis flagitiose imponunt. Quare additur, *ambulavit post spiritum suum*, non Dei, sed propriam; vel imaginationem, vel mendacem suum animam et flatum; *nec videre quicquam* scilicet eorum, quae venditabant, nihilque esse, quod vident, vel videre se jactant.

§. CCXXIII. β. Altera qualitas pessima eorum est, quod suis in latibulis se teneant; tempore periculi, nec in publicum prodeant ad illud avertendum, in eo *vulpibus* similes;

les; in cavernis effissis latitantibus, longeque dissimiles strenuis periculorum et malorum propulsatoribus, quales veri prophetae sunt, monitis et precibus suis periculum conantes avertere. Hunc existimaverim verum sensum et scopum esse vers. 4, 5. *Sicut vulpes in fissis cavernis prophetae tui sunt, o Israel; non adscenditis in rupturas, nec obsepitis sepe super domo Israelis ad standum in bello, die Jehovae.* h. e. sicut falsi vestri vates sese vulpes praestant in vobis decipiendis et defraudandis, nil nisi lucrum adpetentes, ita sese in eo *vulpes* quoque praebent, quod tempore periculi sese subducant, et in latibulis teneant, populi salutem suffrague deque habentes; tantum abest, ut, quod verorum est prophetarum, monitis suis apud populum, et precibus apud Deum, ruinam, per iudicium Dei imminentem, averterent, instar strenuorum militum vel ducum, qui in rupturis pedem figunt, ad hostes oppugnantes repellendos, et populum, instar septi, tutum reddunt. Mira hic est orationis variatio, cum mox ad Israellem vertatur, mox ad ipsos vates falsos, elegantiae et emphasios ergo. Duplex hic occurrit similitudo, altera a *vulpibus* in cavernis excisis, altera a propugnatoribus, qui hostes urbem oppugnantes, ac murum perumpentes repellunt, desumpta, quae ita falsis vaticibus applicatur, ut prior ipsis conveniat, posterior ab ipsis aliena sit; adeoque eo tendit, ut exponatur, eos in periculis suis praeveniendis esse astutos et adtentos, sed in populi malis averruncandis negligentes; longe aliter ac veri prophetae facere solent, qui suae salutis negligentes, sese strenuos praestant in populo servando ac tutando.

§. CCXXIV. Comparantur itaque falsi vates *cum vulpibus in fissuris*, seu locis perruptis ac varie scissis, in quibus, tanquam *lustris* suis, metu luporum, aliarumque ferarum et hominum, ne capiantur, et dilacerentur, latitant. Quo nos omnino ducit phrasis, *vulpes in rupturis vel scissuris*, sive foveis, cavernis, variis foraminibus scissis, quae solent vulpium esse lustra: uti notum est. Vid. Boch. H. p. I. l. III. c. 13. Quae

Quae hic **חֲרִיבִים** vocantur, non *deserta* et *vastata* loca, sed scissa, fissa, et varie perforata; variis *ostiis*, diversis *cuniculis* praedita; ut Oppian. et alii describunt apud Boch. l. c. Radix **חֲרִיב** originem habet in *fissione* et *laceratione*, unde *vastationis*, *ficcitatis* etc. orti sunt usus. Etsi itaque non negaverim *vulpium* emblemata simul indicare *fraudentiam* et *rapacitatem* falcorum vatum, Mich. III: 5. Ez. XIII: 19. et alio, ob quam causam propheta hoc in specie elegit emblemata; attamen proprie et directe intendi autumaverim astutiam eorum in vitandis periculis suis, tempore calamitatis, populi salute susque deque habita; ad indicandum, eos publicam salutem pensi non habere, et se, cum ingruerit calamitas, quam facile astuti illi homines praevidebant, subdukturos esse periculis, instar vulpium in latibulis se tenentium. Interpretes passim aliter instituunt, et aliena etiam sectantur.

§. CCXXV. Alterum emblemata desumptum est ab iis, qui vel ipsi stant in ruptis obicibus aut muris, vel sepimento cingunt hortum ac vineam, contra ferarum, et hostium invasiones, ad eas avertendas, et populum tutum ac securum reddendum, quod verorum prophetarum erat officium, sed cujus simile nihil praestabant falsi vates, tempore iudicii Divini in populum ingruentis; quatenus nec populum de excidio imminente admonebant, nec ad preces et resipiscientiam excitabant, nec ipsi sese Deo praesto sistebant, ad precandum pro populo; uti fecerunt Moyses et Pinehas Ps. CVI: 23, 30. et *Jeremias* saepe; Deus etiam tales quaesivit, sed non invenit inter eos, infra c. XXII: 30. ubi eadem emblemata occurrunt; et unde noster locus facile illustratur. Interpretes etiam passim recte perceperunt, et exposuerunt, adeo ut plura non necesse habeam addere. Tantum notetur, duo memorari, quorum neutrum fecerant, alterum est, *adscendere in rupturas*, et *stare in bello die Jehoyae*, seu iudicii Dei executioni jam mandari incipientis, per Chaldaeos, urbem obsidentes, haec enim jungenda sunt,

Hh

ut

ut ex locis citatis liquet, alterum est, *septo cingere populum*, instar vineae aut gregis, ne pertrumpatur; quod aequè neglexerant ac prius; vocula enim *N* ex praeced. repetenda est, per ellipsin omissa.

§. CCXXVI. γ. Subjungitur convictio falsorum vatum, tanquam talium, ex eo, quod nec missionem nec revelationem a Deo acceperint, nec verbum suum praestare possint, sermone partim in tertia, partim secunda persona, ad ipsos prolato, vers. 6, 7. *Vident vanum, et divinationem mendacem, qui dicunt, inspiratum Jehovah, quos non misit Jehovah, quique obhaerescunt in luto ad stabiliendum verbum; novum visionem vanam videtis, et divinationem mendacem eloquimini, scilicet dicentes, inspiratum Jehovah, nec ego locutus sum.* Ad quorum sensum explicandum, cum de scopo jam dixerim, duo tantum nobis relicta sunt observanda, quorum prius est, ultimum membrum, quod Interpretes expedire non potuerunt, vers. 6. quia ad interiorem vim verbi *וְלֹא* et *וְלֹא* non penetrarunt, vertendum esse, ut feci, et obhaerescunt in luto ad stabiliendum verbum, et hunc fundere sensum: eos verbum, quod proferunt, non posse demonstrare esse verum, nec valere ejus implementum praestare; hac parte eos ad incitas esse redactos, nec se exuricare posse. Rq. dix proprie dicit *volvete, volvi*, in luto haerere et luctari *לִלְוֶה* Gr., unde *לוֹוֶה* lutum; hinc obhaerescere in luto, pro ad incitas esse redactum, nec exitum reperire; uti Ez. XIX: 5. 2 Sam. XVIII: 14. De propria notione vid. Schult. ad Prov. XXXI: 29. Posterius est, 1 in *וְלֹא* redundare cum emphasi explicationis, scilicet, nimirum, ut saepe alias.

§. CCXXVII. δ. *Judicii Divini denuntiatio duobus constat articulis, vers. 8—16. Prior in poenam fictarum ab ipsis visionum continet deletionem ipsorum e societate populi Dei et terrae ejus, vers. 8, 9. Ubi a. crimen puniendum repetitur vers. 8. Propterea sic dixit Dominus Jehovah, propterea, quod vana loquimini, et vidistis mendacium h. e. praetensae vestrae revelationes, et prophetiae, omnes fictae,*

scitae, et falsae, in causa erunt, quare iudicium meum sitis experturi. *β.* Ipsum iudicium pronuntiatur verl. 8, 9. his verbis: *propterea, ecce me contra vos, inspiratum Domini Jehovae; erisque manus mea contra prophetas videntes vanum, et divinantes mendacium, in arcano populi mei non erunt, nec in tabulis domus Israel describentur, nec in terram Israelis venient, et cognoscetis me esse Jehovam.* h. e. iram et manum meam vindicem experiemini vos falsi vates, eandem sortem subituri, quam omnes falsi prophetae, qui ad arcana consilia populi mei non amplius admittentur, nequidem inter Israelitas locum aut nomen habebunt, in terram eorum non venturi; quo ipso sentietis, et volentes nolentes agnoscere debebitis, me esse Jehovam. Cum Deus, sermone ad falsos populi vates in exilio verso, declarasset, se eorum hostem futurum, et in eos impetum facturum, mox in persona tertia exponit, quam sortem experirentur falsi vates in genere; ut sciant, suam fore eandem, adeoque eos una cum reliquis pseudo-vatibus esse eliminandos, et omni commercio cum populo Dei, in terras suas restituendo, privandos, nec partem in bonis populi Dei habituros. Hac ratione sermo est digerendus et explicandus, ut patefcat ratio mutatae personae de secunda in tertiam. Videntur vero tres partes sortis eorum gradationem continere, qua semper quid plus affirmatur; hoc modo: *in arcano populi mei non erunt*, imo, quod plus est, *in tabulis ejus ne quidem describentur*, imo, quod gravius adhuc est, *nequidem in terras Israelis venient*. Primum dicit, eos non amplius fore consiliarios populi, qui ad arcanas deliberationes admittuntur, et quorum consilia magni fiunt. Conf. Gen. XLIX: 6. Ps. LXXXIX: 8. CXI: 1. Secundum est, eos nomen et locum inter Israelitas non habituros, pro Israelitis non habendos; quod est in libro recensuum populi non scribi, et plus dicit, quam praecedens. Tertium habet, eos non re- dituros in terram patriam: quod non est difficile.

§. CCXXVIII. Posterior articulus α. crimen ipsorum ex-

H h 2

hibet

hibet vers. 10—12. *β. iudicium divinum* in ipsos, vers. 13—16. *α. Crimen*, quod iudicium Dei produceret, proponitur a verbis propriis et simplicibus vers. 10. *Propterea, et propterea quod in errorem abduxerunt populum meum dicendo, pax erit, et vacuitas pacis est.* h. e. calamitate ingruente, et iudicio excidii populi imminente, pacem et prosperitatem promittunt, eaque ratione populum meum decipiunt, et per securitatem carnalem ab omni medio excidium avertendi abstrahunt; quam ob rationem, et quod falsas proferant visiones, iudicium meum sentient. Duplicatio vocis *propterea* non simpliciter emphasin et certitudinem rei augeat, sed et ad duplex crimen eorum respicit, *alterum*, modum memoratum, *alterum* hic expositum, ut sit, *propterea* quod falsas fingant visiones, *et propterea* quod per eas populum meum decipiant, et in ruinam praecipitent; *pacem* promittendo, ubi nihil minus quam pax est, sed excidium ante fores. Quae nihil habent difficile, utique nostrae curae relictum. *b. Illustratur illud crimen elegante figura*, a muro luteo, et calce diffuente obducto, qui nec imbri, nec grandini, nec vento resistere potest, sed facile corruiat, desumta vers. 10—12. Ubi *a. spei et fiduciae fundamentum*, a pseudo-vatibus ortum, exhibetur vers. 10. *b. ejus vanitas* demonstratur vers. 11, 12. *prius* ad explicandum dictum eorum, *pax est*, *posterius* ad illustrandum dictum Dei, *non est pax.* *a. Prius* ita habet vers. 10. *et ipse aedificat parietem cingentem, et ecce eos oblinentes eum calce fluida.* h. e. populus meus salutis ac liberationis et prosperitatis suae fundamentum ponit in vanis suis praejudiciis de praerogativa sua et Templi ac cultus religionis, nec non firmitate urbis probe munitae muris, denique subsidio humano et Aegyptiorum auxilio; falsi vero vates eum in eo laudant, et confirmant, fictis suis visionibus pacem ac prosperitatem nomine Dei promittentes, et firmitatem eorum mediorum et subsidiorum varie exornantes. Hac ratione existimo proverbialem hanc locutionem, pro tali enim habenda est, esse intel-

intelligendam, et adplicandam, sicut nonnulli recte observarunt. *Ips*e non est primus aut princeps pseudo vatum, ut multis visum, sed *populus*, modo memoratus, et *illi*, qui incrustant, sunt falsi vates; uti ex praeced. et seq. manifestum est. Cum enim modo fuerat mentio facta *populi* decepti, et *deceptorum* vatum, relativa *ipse* et *illi* ad alios ac *populum* et *vates* referri nequeunt. Dein in seq. falsi vates tantum accusantur, quod *parietem obduxerint calce fluida*, et non quod *parietem* erexerint. *Parietem* itaque cingentem *populum* fecerat, *falsi* vates laudaverant, et firmum ac pulchrum declaraverant, adeoque *populum* in eo falso fundamento confirmaverant, cum debuissent de vanitate ejus admonere *populum*, uti veri prophetae faciebant; eaque ratione ipsi *parietem obleverant calce fatua*. *Paries*, mox פֶּרֶץ dictus, hic חֲוֵץ adpellatur, quatenus est *ambitus stringens domus* vel *urbis exterior*. Radix חֲוֵץ in origine denotat *strinxit*, *constrinxit* arctius, et usu suo transiit ad *cincluram*, vel incinctionem, et ambitum exteriorem, unde sumitur de plateis et vicis ab *ambitu et circuitu*; uti verbo monuit Cl. Schult. ad Prov. VIII: 26. et חֲוֵץ dicit *exterius*. Sunt, qui *luteum* parietem vertunt ex usu vocis pro *plateis*, unde formarunt *lutum* in iis jacens, et inde *parietem* hac voce expressum, quod sit ex *luto* platearum: quod fictum est, et valde remotum, (vid. Cappellus ad h. l.) verbi potestati adversum; ut ex dictis liquet. Emblema vero est *paries cingens* exterius omnium mediorum et fundamentorum salutis et securitatis *populi*, quae ipse sibi *formavit* et *finxit*, quare ipse dicitur *aedificasse* parietem. Quae autem illa fuerint, modo summatim exhibui, et satis nota sunt. Praejudicata vero, haec fundamenta tantum abest, ut falsi vates destruxerint, ut exornarint et confirmarint, qua ratione *populum* deciperunt, et in perniciem detruserunt. Adplicatur iis propterea *obductio parietis calce fluente*, quatenus eum declararunt pulchrum et firmum, *pacem*, ut modo dictum erat, promittentes et securitatem. Vox חֲוֵץ proprie denotat *salivam*.
Hh 3 spatium

sputum dilutum et tenuius, unde transfertur ad *calcem* fluidam et dilutam, et figurate verba factave futilia exprimit. Vid. Schult. de *verbis dubiis* § 47. et ad Job. I. 22. quod utrumque et proprium et figuratum hic eleganter, per figuram *ambigui*, conjungitur, et intelligendum est, uti Cl. Schult. l. c. fecit, adeo ut sensus sit, falsos vates, instar eorum, qui parietem incrustant *calce diluta*, quae facile diffluit, ad eum firmandum et exornandum, fiduciam vanam populi, per *parietem* expictam, in externa legis observantia, promissis Dei, praerogativa Israelis et Hierosolymae ac Templi, foederibus, et aliis praesidiis humanis, positam, mendacibus et fictis suis visionibus ac speciosis rationibus sermonibusque perpolivisse, et pro inconcusso munimen in columitatis commendasse. Quare Thren. II. 14. prophetae dicuntur *populo vidisse vanum* *הָאֵלֹהִים sputum* tenuius et futile.

§. CCXXIX. *b.* Vanitati ejusmodi parietis, et quidem belae exornati a falsis vatibus, demonstrandae inferviunt sequentia verba, ad illustrandum dictum Dei *non est pax*, vers. 12, 13. *Dic incrustatoribus calce futili, et (quod) cadet* (paries constructus et incrustatus) *existit* (cecidit ex alto) *imber inundans, et tensione premente lapides strictissimae concretione* (grandines vaegrandes) *irruent, et ventus turbinosus discindet se, et ecce cecidit paries, nonne dicitur vobis, ubi tetertorium, quod incrustastis?* h. e. Quam vana sit fiducia illa et securitas, a vobis commendata, ipsi cum pudore et ignominia experiemini, quum ingruente imbre, grandine et turbine aestuante, in hunc parietem, ipse ceciderit. Praemittitur mandatum ad prophetam, quo incrustatoribus diceret *parietem* esse ruiturum; his verbis: *dic obduktoribus fustillis calcis, et cadet*, seu, quod cadet, scilicet *paries* ille; ut ex seq. liquet omnia illa praesidia, quibus fidunt, quaeque vos inculcatis, in vanum facile cadent, et omnis fiducia peribit. Dein convincit eos hac de re ex eo, quod imbril, grandina, et turbini irruenti resistere nequeat ejusmodi paries, sed, si id fiat, cadere debens; quo facto utique nō nō igno-

ignominia ipsis et confusio contingeret. Quae verba eo hic tantum tendunt, ut quam facilis sit *parietis* ruina, ipsis insinuetur, simul quanta inde ad ipsos tum redundatura sit contumelia et confusio; nondum positive adfirmat, illud futurum esse, quod mox demum fit vers. 13. sed tantum ipsis ob oculos ponit, illud facile fieri posse, seu parietem non esse ejus firmitatis, ut ejusmodi impetum sustinere possit, quod tamen deberet, si firmum praestaret praesidium; adeoque ipsis nil nisi pudorem esse relictum, quum illud contigerit. Oratio itaque est hypothetica, quae nondum adfirmat, *casurum* esse parietem, sed tantum cadere debere, et casurum facile, si ingruerit imber, grando, et turbo, adeo ut ante *וְיָרֵד* recte intelligatur per ellipsin vocula *וְיָרֵד* si. Hac ratione si sermo capiatur, recte, subjungitur, *propterea sic dixit Jehova*, ingruent illa omnia, et *cadet paries*; argumento, illud factum nondum fuisse declaratum, sed tantum insinuatum, quam facile id fieri possit, et quanta inde ignominia ipsis accideret.

§. CCXXX. Superest, ut versionem nostram paucis illustremus et confirmemus. 1. Verbum *וְיָרֵד* vers. 11. in phrasi, *existet imber inundans*, exserit vim suam primigeniam, quae dicit cecidit ex alto in profundum, et involvit stabilem ac plenam existentiam; de quo vid. comm. ad Mal. II: 5. p. 178. *Imber inundans* itaque *existere* dicitur, quatenus magno impetu ex alto cadit, et firmiter irruit. 2. vox *וְיָרֵד* nec est pronomen foem. *vos*, nec verbum primae pers. fut. rad. *וְיָרֵד* *dabo*, de quo alterutro cogitant Interpretes; quod neutrum huc quadrat, non *vos*, cum apostrophe subita ad *lapides* dura sit et sine emphasi, non *dabo*, quia puncta non tantum repugnant, sed Deus hic nondum declarat, se id facturum esse, quod demum fit, vers. 13. sed est vox derivata radicis vel *וְיָרֵד* vel *וְיָרֵד* cum *וְיָרֵד* heemantico, formative nominis, seu signo superlativi, vel *וְיָרֵד*, unde *וְיָרֵד* *afina*, et *וְיָרֵד* *fornax*; quae radices sunt fororiae; in origine sua, dicuntque *firmam tensionem prementem*; unde reliqui usque fluxerunt. Recte ergo vertitur, *et tensione premente lapides*

Hh 4

irruens.

irruent. 3. *Lapides אלגביש* esse *grandines* ingentes communiter admittitur, sed quare sic dicti sint; et quid vox Hebr. velit, non ita constat. Probabile est vocem esse compositam ex אל articulo, vel voce, quae denotat *adstrictionem*, et גביש cujus radix proprie significat *concretere in duritiem*, speciatim a frigore. Vid. Schult. ad Job. XXVIII: 18. adeo ut hac voce denotentur lapides *adstrictionis concreti a frigore*, h e vaegrandes *grandines*. Cl. Simon de formis nominum derivat ex אלגל *gutta* et Arab. غش, rectius גביש radice sororia, *concrevit*. Plura de hac voce dixit, ut ipse in *Lex. selecto* adnotat, Cl. Clodius in Aët. Lipsf. a. 1740.

4. Verbum תבקע in pih., in phrasi *ventus turbinum aestuantium*, (id enim dicit, uti alibi saepe observatum est, vox מערות,) habet vim reciprocam, et *se diffundere*, adeoque *erumpere* designat; ut ex vers. 13. liquet, ubi Deus dicit, *se fissurum esse ventum*: non itaque *perruptio* parietis hic denotatur, sed ipsius venti *irruptio*, uti in praecedentibus casus et *irruptio* imbris et grandinis. Reliqua sunt facilia.

§. CCXXXI. β. Sequitur nunc *judicium divinum in parietem erectum et incrustatum*, ejusque *incrustatores*, ad eorum *confusionem et interitum*. Ubi a. ipsum *judicium* exponitur vers. 13, 14. *Propterea sic dixit Dominus Jehova*, et (utique, profecto) *findam*, vel *prorumpere faciam*, *ventum turbinum aestuantium in excandescencia mea*, et *imber inundans in ira mea cadendo existet*, ut et *lapides vaegrandes grandinum in excandescencia mea ad consummationem* (scilicet et iras meae, et destructionis vestrae ac praesidiorum factorum, uti mox exponitur) *et diruam funditus parietem*, quem *oblevistis calce diluta et adpingam eum terrae et ret getur fundamentum ejus*, (parietem illum cingentem et unice firmantem ac munientem urbem funditus diruam, ita ut nihil amplius superfit, sed solo aequetur) *et cadet, et consume mini in medio ejus* (pariete destructo, ipsa urbs, eo cineta et munita, ruet cum eo, et destructa jacebit, aequae ac paries, volque, et populus et vates, structores ac incrustatores

res parietis, in medio urbis peribitis. Cum verbum נפלה, et adfixum vocis כותכה in medio ejus, sit foemin., non de pariete, sed urbe eo cincta, cogitandum est, quo etiam tendit phrasis, *consumi in medio ejus*; quae urbi rectius quam parieti convenit, cum dura sit phrasis *in medio parietis consumi*, sed facilis et solita, *in medio urbis*,) et *cognoscetis, me esse Jehovam*: quod saepe habuimus ante. Sentus est, iudicia Dei, sive immediate, per pestem et famem, sive mediate, per Chaldaeos, instar tempestatis horribilis, in Judaeos et Hierosolymam irruentes, inflicta omnem illam fiduciam omnia illa praesidia humana esse prostratura, et destructura, adeoque urbem cum incolis et falsis vatibus esse perditura. Vid. de sensu emblematis Jes. XXVIII: 27. et ibi Cl. Vitranga.

§. CCXXXII. γ. Subjungitur per modum conclusionis, fiduciam illam una cum falsis vatibus esse ipso eventu contrario patefaciendam, tanquam vanam, et prophetas illos manifestandos tanquam mendaces, vers. 15, 16. *Explebo itaque exardescentiam meam in parietem, et incrustantes eum calce diluta, et dicetur vobis, non est paries, et non sunt oblinentes illum, prophetae Israelis, qui prophetant Hierosolymae, et videntes ipsi visionem pacis, nec est pax, dictum Domini Jehovae.* h. e. cum iram meam plenissime effudero in hanc urbem, et fiduciam ejus ac praesidium humanum cum vatibus prostravero, tunc dictum de illis vatibus ad eorum prostitutionem, publice proferetur, et in omnium ore erit, *ecce nec paries, nec obducentes eum, supersunt*; adparet itaque vates fuisse falsos, qui pacem promiserunt divinitus, ubi non erat pax. Quae paraphrasis cum et sensum, et verum conspectum verborum in luce posuerit, nihil notandum superest, nisi quod vers. 16tus cum superiore connectendus sit male ab eo divulsus.

§. CCXXXIII. In posteriore parte, contra foeminas prophetantes ex corde suo, et non Deo, directa, quae eodem ordine decurrit, post praefationem, quae continet manda-

tum Dei ad prophetam de prophetando contra eas vers. 17. **N.** occurrit earum descriptio vers. 18, 19. **2.** iudicii divini denunciatio in eas vers. 20—23. **N.** Descriptio pravarum qualitatum et actionum harum vatum **a.** figurata est vers. 18 **β.** propria et nuda vers. 19. Quae antequam exponere adgrediar, inquirendum est, num viros molles et ef-foeminatos, simul blanda oratione se insinuantes in populi gratiam, *foeminarum* nomine insigniat propheta, quod nonnulli volunt, Rev. Huldricus quoque demonstrare conatus est in Tempe Helvet. tom. II. p. 486., an vero foeminas, sibi visiones divinas adrogantes, intelligat, quales, sicut inter veros prophetas fuisse constat, ita inter falsos non defuisse probabile est; Quae utraque opinio stylo loquendi non tantum convenit, cum viri molles, et adulatores, *foeminae* adpellentur per contemptum, uti Jes. III: 12. XIX: 16. Jer. XLVIII: 41. Nah. III: 13. et apud exoticos scriptores, ut Huldricus demonstravit, veri quoque doctores, propter gratiam sermonis, et vim persuadendi, *foeminarum* sub persona introducuntur, Jes. XL: 9. Ps. LXVIII: 12. et Ecclesi. I. ubi קהלת adpellatur; sed et ex ipsa hac pericopa aliquid roboris acquirit, cum masc. et foem. generis voces hic secum permisceantur; cuius rei alia reddi nequit aptior ratio, quam utriusque generis personas intelligi. *Foeminae* autem, proprie dictae, excludi nequeunt, quin praecipue sunt intelligendae, cum *foeminae* non, sed *filiae populi* adpellentur, nec ratio sit, quare cum modo viros prophetas perstrinxisset Deus, nunc *foeminarum* sub emblemate eos redrogeret; accedit, *foeminis* etiam rectius convenire *pulvillus consue-*re. Statuamus itaque *mulieres* vates hic intendi, sed simul *viras*, iis similes, comprehendendi, et contemptus ac indignationis significandae ergo eodem titulo involvi, earumque ob rationem nunc foem. nunc masc. gen. vocibus uti prophetam.

§. CCXXXIV. **a.** Figurata oratione pravae earum qualitates his verbis depinguntur vers. 18. Sic dixit Dominus *Yehova, vas vejis illis, quae consueunt pulvillus super omnibus cubitis*

cubitis manuum, et faciunt tegumenta calvitiei scabiosae super capite omnis stature erectae ad venandum animas h. e. Indignationem et detestationem suam declarat Jehova super vobis, falsi vates, viri et mulieres, qui quietis peccatoribus et securis adulamini, et eos molliter genio indulgere facitis, ac si nihil metuendum habeant; justos vero, et officium facientes, mihi que erecto capite fidentes, declaratis pudore, ignominia adficiendos, omnibus bonis spoliandos, et miseros futuros esse, adeoque peccatores in peccatis et securitate carnali confirmatis; pios vero tristitia adfacitis, et malorum denunciatione a pietate et fide in Deum abstrahere conamini. Incipit Deus sermonem increpatorium cum particula indignationis et detestationis, וְיִהְיֶה, sive cheu, vah, vae, de qua vid. Cl. Vitringa ad Jes. I: 4. Imputat deus falsis vates duplex, et oppositum facinus, figurate expressum, alterum ad impios confirmandos in securitate carnali, alterum ad pios terrificandos, et a pietate abstrahendos. Prius his verbis expressum est, vae consuentibus pulvillos super omnibus cubitis manuum, scilicet, quietorum, securorum, et genio indulgentium. Respicitur manifeste vel in genere ad sedentes et in cubitum inclinantes, vel in specie ad mensae adcumbentes in lectulis, et super humerum sinistrum cubantes, uti moris erat apud Gentiles, et jam etiam apud Judaeos, vid. Huldricus l. c. adeoque pulvillos consuevere super cubitis, seu divite sensu pulvillos consutos supponere cubitis, est facere, ut molliter cubent, sive ejusmodi pulvillos secum gestarint falsi et falsae vates, sive phrasitis sit tota figurata: prius sicut a more vatium non abhorret, uti notum est, ita ex seq. aliquid roboris acquirit, ubi vers. 20. Deus declarat, se pulvillos esse laceraturum de super brachiis ipsorum. Videntur itaque brachiis circumtulisse adligatos pulvillos, in signum mollis accubationis, quam promittebant Judaeis, eoque sensu eos supra cubitos manuum ipsorum consuisse, seu consutos posuisse: quemadmodum supra introducti sunt parietem erectum incurstantes falsi vates,

sic hic *pulvillis ornantes cubitos, securitatem ipsorum fovendo, et firmando, simul in peccatis obfirmando, ut vers. 22. habetur. Phrasis et verba mea non indigent ope. Tantum notetur 1. Vocem אֲזִיל, a rad אָזל jungere, nectere, notare juncturas membrorum corporis, quibus inter se arctius contriunguntur, quales sunt ad axillas, et cubitos brachiorum, et hic intelliguntur: vox vero יָד brachia quoque comprehendit, uti Jer. XXXVIII: 12 2. voculam לָא non supra designare, sed ad, vel juxta, uti אָל, quae particulae saepe permiscuntur: adeo ut de eo adhibeatur, quod rei alicui prope adnectitur, sive supra, sive alibi.*

§. CCXXXV. Hac ratione cum impiis agebant, ad eorum securitatem et corruptionem firmandam, sed longe alia cum piis Deo fidentibus et officium facientibus, sive fugam e patria meditantibus, sive in exilio degentibus, quibus pudorem et metum incutere conabantur, et quaevis mala minabantur; uti eos fecisse in seq. diserte dicitur et aliunde constat, vid. cap XI: 75. Quo ex mea opinione pertinet, quod *scabiosam calvitiam* vel tegumentum in ejus signum, fecerint super capite omnis staturae erectae. h. e. omnium piorum, capite erecto stantium, in signum fiduciae in Deum, et promissitudinis ad officia fidelium facienda; oppositae ad sedentes illos et adcumbentes, quibus *pulvillos* aduebant, Vox קָמָה notat staturam erectam, et non quamvis staturam in genere, caput itaque omnis staturae erectae est emblemata hominum, qui erecto capite stabant, seu Deo fidebant, et paratos se praestabant ad Deo in omnibus obediendum, et eum debite colendum, sequendumque, quocumque eos duceret, etiam in exilium. In horum contumeliam, et ad horum spem ac pietatem prostituendam, ac frangendam, signa pudoris inopiae et miseriae seu calvitiei scabiosae praeferebant, et capitibus eorum adplicabant; quae hic adpellantur מַסַּחֲתִים a rad. מָסַח et מָחָא proprie defluxit, et transitive effudit, unde transit ad decalvationem, qua capilli de capite defluunt Jes. III: 17. et scabiem diffusam ac depilantem,

tem, quae מַסְפָּחָה et מַסְפָּחָה adpellatur. Vid. Schult. ad Hab. II: 15. et Jes. V: 7. Schroeder ad Jes. III. p. 396. *Facere vero scabiosam decalvationem* sensu divite est, facere signum ejus, vel scabiosum ac depilatum tegumentum, illudque capiti imponere, in signum talis status, inopis, vilis, et miseri, qui per *caput depilatum* expingi solet, ut Jes. III: 17. XV: 2. Jer. XLVIII: 37. Vid. et Cl. Michaelis Obs. S. exercit. III. Quale *tegumentum* scabiosum hic intelligendum esse liquet ex vers. 21. ubi Deus declarat, se *laceraturum esse eorum מַסְפָּחָה*.

§. CCXXXVI. Interpretes in longe aliam iverunt opinionem, qua intelligunt *cervicalia*, capiti cujusque aetatis et staturae aptata ad molliter cubandum, adeoque eodem tendere, quo praecedens emblemata, statuunt, ad securitatem carnalem Judaeorum fovendam. Cui opinioni obstat, quo nostra firmatur 1. vox מַסְפָּחָה, quae eum significatum nusquam habet, nec admittere potest, sed *scabiem, decalvationem*, dicit, adeoque ejusmodi pannum, ut ex dictis liquet. 2. vox quoque קִרְמָה, quae non qualemcunque staturam et aetatem, sed erectam, et in longum extensam staturam denotat, opposita itaque ad *sessionem ac cubationem*, modo memoratam; nec emphasi pollet, eos *cervicalia* fecisse omni aetati et staturae congrua, quid adinebat hoc expresse addidisse? 3. Quod sequentia, quibus falsarum vatum institutum clarius exponitur et reprehenditur, distinctam faciunt mentionem piorum et impiorum, quorum animas decipere conabantur, *illorum* tristitia adficiendo, et quaevis mala iis denunciando, *horum* in securitate, et peccatis obfirmando, et quaevis prospera promittendo. Ex quo manifestum est, *pulvilloso consuere super axillas* et facere *tegumentum* scabiosum super capite, non eodem et ad eosdem spectare, sed ad diversa et opposita.

§. CCXXXVII. β. Nuda magis et simplex instituti earum declaratio, cum indignabunda interrogatione prolata, his verbis fit, quae sequuntur vers. 18, 19. *An animas venabimini*

*venimini populi mei? et animas vobis, vel vestras, vivificabitis? et an profanabitis me apud populum meum propter pugillos hordeorum, et buccellas panis, ad occidendas animas, quae non mori-
entur, et vivificandas animas, quae non vivunt, mentiando po-
pulo meo, et audientibus mendacium. h. e. quae haec veltra
est infania, et detestanda actio, qua pios, et mei studiosos,
ac mihi fidentes, conamini in perniciem trahere, et quae-
vis mala ipsis denunciare, ac impiis et securis adulari, quae-
vis bona iis promittendo, cum illorum sit vivere et prospe-
re agere, horum vero misere et perniciose; idque ideo a vo-
bis sit, ut lucrum captetis, et delicate vivatis. Quibus
verbis manifeste respicitur ad modo memoratum duplex, et
diversum vatum institutum, alterum quo pulvillus consuebant
supra cubitos cubantium, alterum quo scabiosum et depila-
tum pannum super capite cuiusvis staturae erectae ponebant,
uti modo exposui; quod utrumque hic explicatius traditur,
dum illud ad peccatores confirmandos et securos reddendos,
illis promittendo vitam, hoc vero ad pios tristitia adficiendos,
vel ad defectionem a Deo trahendos, illis perniciem denun-
ciando, si ita maneant, tendat. Quod utrumque falsum
erat, et detestandum, cum priores sint mala morte perden-
di, et posteriores in vita conservandi. Quibus recte per-
ceptis, parum superest notandum, cum omnia facilem nunc
habeant intellectum ex versione et paraphrasi data. Tantum
observetur, ultimae pericopae vers. 18., vel sententiae, an
animas venabimini populi mei, et animas vobis vivificabitis?
duo et opposita esse membra, quorum prius ad pios, quo-
rum capitibus aptaverant capitium calvum et scabrosum,
posterius ad impios securos, quorum cubitis adligaverant pul-
villos, referendum est; adeoque emphasim habere peculiarem
titulum populi Dei pro piis, et ei adhaerentibus, et verbum
venari pro in perniciem adlicere, cum tacita adlusione ad
significationem verbi *צדד* vastari, denique pronomem quo-
que *לכנה* animas vestras, vel vobis, vivificabitis, pro animas
vobis devotas, et vos audientes, uti vers. 19., ubi *לכני*
et*

et כִּבֵּן שֹׁמֵר eodem modo distinguuntur, ut *populus Dei* sint pii, et *audientes mendacium* impii. Voces itaque לֵעָלְמָא et לְכִנָּה *populi mei*, et *vestrae* sibi opponuntur, adeo ut *animas* sint Deo devotae, et *vestrae* non Deo, sed pseudo-prophe-
tis illis dicatae et similes. Praeterea verbo שֹׁמֵר praemio-
ti debet et, quae littera censeretur excidisse per praec-
edentem litteram in עַלְמָא. Reliqua non indigent nostra
opera.

§. CCXXXVIII. ב. In iudicii divini, in vates illas pro-
nunciati, declaratione a. respicitur ad figuratum earum in-
stitutum, et pulvillos ac pannum calvum earum esse a Deo
auf. rendum, iis denuntiatur vers. 20, 21. Propterea sic dicit
Dominus Jehova, ecce me contra pulvillos vestros, quibus vos
ibi venamini animas pullarias (viles et nequam) lacerabo cor-
e brachiis vestris, et ejiciam animas, quas vos venamini, ani-
mas scilicet, illas pullarias. Et, etiam, lacerabo pannos ves-
tros calvos scabrosos, et eripiam populum meum e manu vestra,
nec erunt amplius in manu vestra ad venationem vastantem, et
scietis, me esse Jehovam. h. e. ipso facto demonstrabo, pul-
villos vestros, et pannos calvos, quos circumgestatis et adpli-
catis animis, illos impiis, hos piis, esse vanos et inanes,
seu promissa pacis, quae impiis facitis, et minas malorum,
quibus terretis pios, esse ficta et falsa, quum securos illos
impios abjiciam, et in malam mortem ire faciam, pios vero
in statu libero ponam, et omnibus malis, quae minamini,
eripiam, adeo ut vobis adempta sit omnis occasio eos decipi-
endi. Quae paraphrasis, ex verbis educta, et superioribus
consona, cum sensum et scopum verborum in luce colloca-
verit, vix aliquid, quod observare necesse habeam, superest;
quare paucis defungar. Vers. 20., quo iudicium pronuncia-
tur in pulvillos, qui cubitis securorum et impiorum adliga-
bantur, ad molliter cubandum, declaratur, illos pulvillos,
seu promissa pacis et felicitatis, esse iudicio divino violen-
ter auferendos, et peccatores illos, loco pacis esse in per-
niciem abjiciendos, quod hic denotat verbum. מִן הַיָּד, mittere

dimittere sibi relinquere, repudiare ac missum facere; secus ac vulgo putatur, solet enim in bonum sumi, sed opponitur *lū eripere* vers. 21., et agitur de *animabus* levibus et nequam: quae hic emphatice et eleganter **פִּרְדּוֹת** adpellantur, proprie *pullitiae*, inde improprie vilissima populi populi pars, proles vana levis et nequam. De qua vocis notione vid. Cl. Schult. ad Job. XXX: 19. Interpretes varie instituunt, nec hanc vocem expedire potuerunt, addita est ad *animas* illas definiendas, et distinguendas, ut sciretur de *impiis*, non de *piis*, *populo Dei*, hic dictis, agi. Ultimae voces, *animas pullarias*, additae sunt per modum adpositionis, ad superiorem vocem definiendam, adeoque praemittendum esse, ut feci in versione *scilicet*. In hisce licet acquiescere possem, addam tamen aliam interpretationem, qua vox **לפִּרְדּוֹת** cum Graeco Interprete vertitur in *dispersiones*; a **פָּרַח** proprie *findi*, *diffindi*, unde varii usus fluxerunt, etiam *dissipari* instar rei fissae, quae laceratur, et dispergitur; uti Syris in usu est. Quo admissio, sensus erit, *animas illas securas et inescatas esse a Deo mittendas in dissipationes et lacerationes ad perniciem*. Cujus excidii cum occasionem et causam praebuerint vates, iis quoque tribuitur venatio earum animarum ad *dissipationes* in principio versus; si vox **לפִּרְדּוֹת** ibi genuina sit, et non a librario orta ex fine versus; utique Graeca et Syr. versio non habet. Alter versus 21, pertinet ad pios manibus vatum eripiendos ac in libertatem et prosperitatem adserendos, vanis illis terriculamentis vatum, quibus illis metus incutiebatur, et omnia mala denunciabantur, e medio sublati: ubi nihil est obscuri, tantum not. voces, *nec erunt amplius in manu vestra ad venationem*, significare omnem occasionem pios terrefaciendi fore sublatam, cum vates falsi jam essent prostituti, et terriculamenta eorum locum amplius non haberent.

§. CCXXXIX. β. Repetitur propriis verbis et confirmatur *crimen* eorum vatum, et *judicium Dei* in eos vers. 22, 23. *Propterea, quod contunditis cor iusti falso, quem ego luri-*
dum

dum non feci, et quod obfirmatis manus impii, ne a mala sua via se convertat, ipsum vivificando: propterea vnum non videbitis, neque divinationem divinabitis amplius, et eripiam populum meum e manu vestra, et scietis me esse Jehovam. Crimen eorum, quod modo figurate erat propositum, propriis phrasibus repetitur et exponitur, cum respectu justorum, quibus erecto capite stantibus capitium foedum imposuerant; quatenus eo ipso declaraverant, eorum statum fore miserum, et contumeliosum, adeoque animos eorum metu et tristitia conabantur *contundere*, plane contra mentem Dei, qui non tantum illos tristiari nolebat, sed contra potius *laetari*, et bene sperare, quam emphasin habet vocula לא non pro nihil minus, sed contrarium, tum respectu impiorum, quorum cubicis adsuerant pulvillos, ad molliter accumbendum, quatenus quavis prospera iis promittebant, eaque ratione in peccatis eos obfirmabant, ne se *convertant*, quo unico medio perniciosum avertere poterant. Verba et phrasae nihil habent, quod nos moretur, tantum not. i. verba כאה et כאב praeter elegantem adliterationem pollere insigni emphasi. Radix כאה in origine habet *tundendi* potestatem, unde cor contusum denotat gravissimis vulneribus et doloribus afflictum. כאב propriam habet notionem *luridi coloris*, quod est indicium *moeroris*. Praeterea ultimum verbum, להחיו, ad *vivificandum eum*, cum proxime praecedentibus non cohaereret, sed cum לחזק ad *confirmandum manus impii*, et scopum vatum pravum exponit, ut sensus sit; eos *vivificando* impium eum obfirmare in peccatis, ut ex vers. 18 et 19. patet. Reliqua, quae *judicium Dei* in eos continent, nihil habent obscuri; sensus est, falsos vates non amplius futuros in medio populi, et populum esse in eum redigendum statum, felicem et prosperum, quo nihil ab ipsis sit metuendum, nec illis occasio esset mala ipsis denunciandi: quod est, *eripi e manu ipsorum*: uti modo habuimus.

C A P. XIV.

§. CCXL. *S*eptima revelatio, eodem anno facta, vers. 1—11. comprehensa, ex occasione adventus nonnullorum e senioribus Israelis ad prophetam, ut eum consulerent, nata est, uti vers. 1, 2. praemittitur, *et venerunt ad me viri e senioribus Israelis; et sederunt coram me; et factum est verbum Jehovae ad me, dicendo h. e. cum ad me venissent et confederissent coram me, ut solent discipuli, et qui instructionem petunt, tunc facta est mihi haec revelatio.* Hac ratione enim sibi respondent verba cum *et*, vers. 1 et 2., ut Lat. *quum*, quando et *tunc*; uti c. XIII: 14. et apud Jer. saepe habuimus. Nihil hic obscuri. Venisse illos viros ad Prophetam consulendam de statu et facis populi, partim in exilio, partim adhuc Hierosolymis, et quidem eo scopo, ut prospera et laeta audirent; ex ipsa revelatione satis patet: nec dubium est, quin fuerint non missi ab Hierosolymitanis, sed aliqui seniorum in exilio, cum ceteroquin fuisset illud additum; nec ratio erat, quare Hierosolymitani Ezechielem in exilio adirent, qui Jeremiam habebant praesentem, conf. c. XX: 31. Putat quidem Junius, quem sequitur Grotius, eos fuisse, qui cum Zedekia leguntur Babelen venisse anno ejus 470. Jer. LI: 59.; sed in eos non quadrat epitheton *virorum e senioribus Israelis*, rex enim ibi memoratur cum Seraia; uno vel duobus, et Seraia videtur vir probus fuisse, cui Jeremias voluminem prophetarum contra Babelen commisit *ut legendum*, et in fluvium conjiciendum, in signum lapsus et excidii Babelis. Fieri forte potuit; ut hoc ipsum occasionem dederit senioribus Israelis in exilio mittendi legatos ad Ezechielem, percontaturos de tempore hujus excidii, num ante fores sit, et ea ratione Hierosolyma sit salva futura, ac populus in terram suam mox reducendus. *Rationes Junii nullius sunt ponderis, nec nostra*

nostra indigent, ut refutentur, opera. Titulus domus Israelis et seniorum Israelis in exules illos recte convenit, ut supra quoque habuimus, nec abhorret, exililibus interrogantibus fata Israelitarum in Cananaea simul ob oculos poni, uti supra saepe factum est; sed feriunt haec omnia, quae hic habentur, etiam Israelitas idololatrias in exilio.

§. CCXLI. Partes revelationis sunt sequentes. N. Prima exponit prophetae pravitas horum virorum *qualitates* idololatrias, quibus praediti ad prophetam venerant, unde colligi poterat, eos non animo *veritatem* ex ore prophetae audiendi venisse, sed ut verba solantia a propheta acciperent, non obstante corruptione sua, vel, si alia proferret, ipsi illuderent: ut sequentia demonstrant. Verba ita sonant versi.

3. *Fili hominis! viri isti ex aestuaro fecerunt stercora sua super cor suum, et offendiculum perversitatis suae dederunt coram facie sua; an interrogatus consulendo responderem ipsis?*

h. e. ecce viros, qui magna cum specie desiderii voluntatem meam occultam cognoscendi, et gratiam meam ambiendi, ad te venerunt, tanquam prophetam meum! sed scito, eos esse totos deditos idololatriae et perversis cupiditatibus, sibi que ipsis coram ponere ea offendicula, ad quae impingant et laesi cadant: fieri potest, ut ab illis, in tali statu positis, serio, et animo obediendi, interroger de fatis populi, utque ego me implorari, et permoveri patiar ad ipsis gratiam faciendam, absit, longissime absit! Exposui omnem amplitudinem sensus, et scopum verborum hac paraphrasi, ad quam illustrandam duo vel tria tantum necesse habeo observare, Interpretibus intacta vel incognita.

1. Primum est, phrasin, *ascendere facere stercora super cor*, depingere animum *stercoribus*, seu idololatria, et cupiditatibus pravis, totum immersum, et inundatum, ex genuina potestate verbi מלך, qua dicit, *exsuperavit, excrevit*, instar fluminis supra ripas intumescens, unde profluxit notio *ebullendi, exaestuandi*, omnisque excessus, praesertim cum potulancia juvenili conjuncti. Vid. Schul. ad Har. conf. I.

Kk 2

p. 15.

p. 15. *Adscendere super cor* dicitur, quod cor tota cogitatione occupat, et cui immersum est totum. Vid. etiam Schult. ad Prov. XXVI. 9. 2. *Secundum* est, phrasin, *offendiculum perversitatis dare coram facie*, duo significare, a. perversitatem, quae causam lapsus praebet, ante oculos ponere tanquam objectum amatum, et regulam actionum, quo in omnibus respicitur. b. in eum se volentem praecipitare statum, quo necessario inpingere, et graviter laedi debeas; quod sicut phrasis requirit, non enim *perversitas*, sed *offendiculum* ejus dicitur coram facie poni, ita hac unice quadrat, cum inde liqueat, eos non posse a Deo cum ratione petere prosperitatem, nec Deum iis aliud ac ipsis perniciosum respondere posse; et, si secundum statum moralem eorum sit responsurus convenienter eorum desideriis, illud eos inpingere et perire necessario facere debere: uti mox exponitur. 3. *Tertium* est, duplicationem verbi *אָרַר* rogatus, consulendo (est enim secundum punctationem infin. et אֶ habet loco ה, euphoniae causa propter praeced. ה, sed posset etiam, ut sequens, punctari adeoque in fut. esse; *interrogarer*? non tantum emphasios ergo, et ad indignitatem rei augendam fieri, uti facile cernitur, et recte observatum est, sed ad duplicem verbi usum etiam referri posse, quo et *interrogari* simpliciter denotat, ad arcana cognoscenda, et etiam *rogari*, peti, gratiam alicujus ambiri. Verbum enim *אָרַר* a *terendo*, quae propria est ejus potestas, transit cum ad arcana et abstrusa pervestiganda, tum ad *preces*, quibus quasi manu permulcente et leniter terente alicujus gratia ambitur. Sensus itaque est, tales viros non posse censeri aut Deum sincere de fatis populi interrogare, aut debite ejus gratiam ambire; sed velle ut, non obstante depravatione sua, et inde orta causa lapsus, coram oculis posita, Deus sibi favorabilia respondeat, et favorabilem praebeat, secundum vota et desideria sua. Interrogatio, *an rogaret interrogaret ipsis*? non negat, Deum rogari ab ipsis, uti facile cernitur, sed nec debite ac sincere id fieri, nec cum

cum fructu, ita ut Deus rogatus et interrogatus respondeat, et *sincere et salutariter*. Quod ex seq. clarius fiet.

§. CCXLII. 2. *Secunda pars continet responsum indirectum, et involutius propositum, quo Deus per prophetam declarat, quale responsum expectandum habeant in genere quicunque idololatriae et perversitati dediti, Deum per prophetam consuluerint, responsum nimirum animo et scopo eorum congruum, quale volebant, et merebantur, sed quod ipsos exitio implicaret, et perderet: his verbis vers. 4, 5. Propterea adloquere ipsos, diceique ipsis. sic dixit Dominus Jehova, vir vir (quisquis) e domo Israelis, qui exaestuar feceris stercorem tua super cor tuum, et offendiculum perversitatis tuae posueris coram facie tua, et vel ita veneris ad prophetam, ego Jehova ad respondendum ipsi inducar secundum illud, secundum ipsitudinem stercorem ejus, ut implicet domum Israelis secundum cor tuum, qui abalienati sunt a cum me, secundum stercorem ipsorum, omnes illos. h. e. ipsis qui ejusmodi qualitatibus, quas tibi manifestavi, praediti ad te venerunt, ut me rogent et interrogent, ob oculos in genere pone, quale responsum a me accepturi sint, quicunque ita adfecti ad prophetam venerint, ut illud sibi ipsi adplicent, in animo suo de illarum qualitatibus possessione convicti: responsum scilicet desiderii eorum congruum, non verum et sincerum, de mea voluntate et favore testans, eo cum eventu, ut in perversitate sua confirmati implicentur pravis suis consiliis, et pereant. Propheta jubetur, non directe ipsis dicere, eos esse tales, et tale responsum habituros, sed latius extendere, et in genere loqui; ut omnes sibi adplicare possint, et hi rogatores tacite sibi detegantur, ac convincantur; quod simul indicatur, domum Israelis ejusmodi hominibus esse repletam. Responsum vero dicit Deus a se ipso dandum, et non a propheta vero, quem consuluerint; hanc enim emphasisin habet, quod dicat, ego Jehova respondebo; quo modo autem et per quem Deus responsum daret, non hic, sed postea vers. 9. exponitur, ut ibi videbimus, sed quale foret*

ret responsum? non quale Deus ad eorum correctionem, ex animo eos meliores reddendi et salvandi, dat hominibus sincere et probo animo id petentibus, sed quale Deus per eorum obstinatam perversitatem coactus quasi dare debet, quod ius in ea confirmandis aptum natum sit, cujus etiam consequens foret eorum excidium. Idem itaque est, ac quod alibi *judicium excoecationis et obdurationis* adpellatur, quo Deus immittere dicitur *spiritum erroris, mendacii et obdurationis*. Quem sensum a nonnullis, ut Hieronymo, et Coccejo, aliisque recte animadvertum, vers. 9. extra dubium collocat, ut ibi videbimus, et omnes phrasas, ex hac hypothese tantum explicatu faciles, requirunt: quod paucis demonstrandum est.

§. CCXLIII. 1. Declarat Deus, se ejusmodi viro *responsurum* esse, non prophetam, quem contulerent, non ergo per verum sed falsum vatem: ut vers. 9. habetur, 2. utitur Deus verbo formae passivae, dicens, נִעֲנִיתִי proprie *respondere factus sum*, non ut alias עֲנִיתִי *respondebo*, ad indicandum, Deum per eorum malitiam obstinatam quasi coactum et compulsum esse ad respondendum, contra solitam Dei veracitatem et bonitatem; quare vers. 7. habetur, *responsurus contra se*: ut mox videbimus. Alia aptior reddi nequit ratio formae verbi tam insolitae, a Deo usurpatae. 3. Eodem tendit, quod dicatur responsurus interroganti ejusmodi בַּר בְּרַב גְּלוּלֵי בָהּ *secundum illud, secundum spissitatem stercoreum ejus* n. e. convenienter animo ipsius obstinate corrupto, quemadmodum volebat et desiderabat, ut in medio corruptionis cursu feliciter agat, adeoque *responsum* corruptae indoli congruum, et acceptum, sicut falsi prophetae respondere solebant; ut est vers. 9. Voces memoratae, in eo, in *spissitate stercoreum ejus*, ita cohaerent, ut quod primum relative erat expressum in eo, mox explicetur per voces additas, in *spissitate stercoreum*, acsi esset in eo, scilicet *spissitate stercoreum ejus*. Relativum itaque in eo pertinet ad qualitatem pravam, modo descriptam, quacum venerat rogatum

rogatum prophetam; et adf. foem. est pro *nutria*, ut recte Coccejus: כְּ אֲתֵּם in כִּי, uti mox in כִּי, dicitur *secundum*, *iuxta*, *congruenter*; ut laepe alias. Lectura marginalis, quae pro כִּי habet כִּי, et passim adoptata est, ferri nequit, ut recte demonstravit Coccejus. Sed forte neutra lectio sana est, habet utique in eo quid insolitum, et rectius legitur כִּי *per me*, vel potius *contra me*, ut ex vers. 7. patet: de quo mox. 4. Additur noxium et perniciosum consequens, inde eritutum roganti, vers. 5. *ut implicet domum Israelis in corde suo, qui receperunt a cum me in stercorebus suis, omnes illos*. h. e. responsum corruptae indoli congruum, et favorabile, illud habebit effectum triste et perniciosum, quo rogantes illi omnes propter stercore sua, quae in corde habent, malis impliciti pereant. Not. a. infinit. שְׂמַחַת imperfonale rectius ad *responsum*, quam ad *Deum*. referri, ut sit, *ut implicet*, et non *ut implicem*, cum responsi consequentia hic tradatur, in eo situm, quod per illud *implicarentur*, scilicet malis et judiciis Dei, tanquam reti. Radix proprio dicit *implere*, *circumplicare*, manus rei, inde *prehendere*, manibus ei implicatis, et captam firmiter tenere, et usum habet in *rete*, quod implectitur pedi, quo implicatus quis haeret Ez. XII: 13. XIX: 8 Vid. Schroeder ad Pf. X: 2; b. *In corde*, scilicet *stercorebus* exaestuans; ut modo erat dictum, *implicari*, est *secundum* vel *per* illud irretiri, et perire, tanquam medium causale exitu ipsorum: utrumque usum admittit כִּי, quo *secundum* et *per* dicit. c. Vox *per*, vel *secundum*, *stercore ipsorum* non cum verbo *recedendi* est construenda; sed ad illustrandam phrasin, *per cor ipsorum* est addita, ut *cor* iis deditum intelligi indicaretur, uti modo habuimus, *secundum illud*, *secundum spissitatem stercore ipsorum*: ubi vid. dicta. d. Vox כִּי quoque referenda est ad *domum Israelis*, et addita ad generalem illum titulum restringendum, adeoque significandum eos omnes innui, qui e domo Israelis tales fuerint, et eos etiam solos: cum vocem enim *stercore ipsorum* commode construere nequit. e. Da-

nique emphasin habet vocula מעלי in phrasi, qui *aversi fuerint מעלי* a *super*, vel *cum me*, h. e. societate et communionem meam, rescisso omni meo commercio: uti exposui supra c. XI: 15.

§. CCXLIV. 3. Tertia pars exhibet salutare monitum ad domum Israelis directum per modum parenthesis, si verum velint et salutare responsum a Deo per prophetam habere, quo monentur, idololatriam et flagitia longe a corde et facie remove, et animo sincero ac Dei reverente, adire prophetam, vers. 6. *Propterea dic domui Israelis, sic dixit Dominus Jehova: redite et avertite cor a cum stercore vestris, et a cum omnibus abominationibus vestris avertite facies vestras.* Nihil hic difficile, aut nobis observandum, praeter ellipsin vocis לב in priore ושיבו, ut ex praeced. ubi expressa est ea vox, et seq. ubi *facies* memoratur, sicut modo *cor* et *facies* conjunguntur, liquet. In verbo שבו *redite* est quid ambigui, cum et absolute capi possit, pro *huc redite*, hunc exitum habete, ut *avertatis* etc. sicut subinde sumitur, uti habuimus Jer. XXX: 16., et elliptice pro *ad me revertimini*; quod communiter statuitur, et ex opposito *avertite cor, faciem, a stercore* facile eruitur. Utrumque conjungi potest.

§. CCXLV. 4. Quarta pars contra eos ex Israele est directam, qui falsos vates, idololatriae patronos, consulebant contra Deum et declarat, Deum per eum prophetam falsam et perniciosam esse responsum, hoc cum eventu, ut et consulens et propheta iusto Dei iudicio excendantur, vers. 7—11. solet quidem haec pericopa pro repetitione et fusiore deductione superioris, vers. 4, 5. haberi, adeoque de illis intelligi, qui veros prophetas consuluerint: sed, praeterquam quod repetitio illa videri possit superflua, utique non sine necessitate admittenda, *falsum vatem* intelligi, vers. 9. manifestum facit, et phrasi quoque vers. 7. fin. *rogare prophetam contra me*, ut verti debet, haud obscure innuit, sicut itaque supra de consulentibus veros prophetas animo idolo-

idololatrigo, egerat Deus, ita nunc apte ad eos transit, qui falsos vates, sese pro veris venditantes, adibant. Tres sunt pericopae partes, quarum a. prima iudicium Dei in illos consulentes complectitur, in eo situm, quod Deus eos pateretur decipi a vatibus, et deceptos exterminaret. vers. 7, 8. *Quum vir vir (quisquis) e domo Israelis, aut e peregrinis (profelytis) qui peregrinatus fuerit apud Israelem, et voto obstrinxerit se a me, et aestuare fecerit stercora sua super cor suum, et offendiculum perversitatis suae posuerit coram facie sua, et ita venerit ad prophetam ad rogandum ipsum contra me, ego Jehova respondere ipsi inducar contra me; et dabo vultum meum contra virum hunc, et siderabo ipsum in signum et parabolis, et excindam ipsum e medio populi mei, et cognosceitis me esse Jehovam.* h. e. quod si quis idololatriae et sceleribus deditus, sive Israelita, sive peregrinus in medio ejus, falsum vatem consuluerit, ut in peccatis obfirmetur, et solantia verba ex ipso audiat, tanquam nomine meo; faciam ut audiat, et responsum, cupiditatibus congruum, accipiat, sed cujus eventus erit, ut iram meam sentiat, cum stupore et ignominia se deceptum esse experiatur, et e medio populi excindatur. Pauca nobis tantum relicta sunt notanda. 1. *Primum* est, verbum *וְאֵל* respicere ad votum Nazireatus, et veram suam potestatem, obstringendi sese voto, exserere, adeoque sensum esse, illum se solenni quasi ritu obstrinxisse, seu consecrassse, idolo. Vid. Hof. IX: 11. *secundum* est vocem *וְאֵל* in phrasi, ad rogandum ipsum. *וְאֵל*, non esse vertendam *de me*, vel simili modo, ut sensus sit, eum per prophetam Dei responsum velle, sed, ut recte Coccejus, *contra me*, ut sensus sit, eum aliquid audire velle, quod mihi et voluntati meae revelatae adversetur, et ipsius perversis cupiditatibus ablandiatur. Alium enim sensum non admittit phrasis, et si eum, quem volunt interpretes, haberet, deberet legi, *ad rogandum me per eum*. 2. Confirmat sequens membrum, quod *tertio* observandum est, quo vocula *וְאֵל* eodem sensu capitur, his verbis: *ego Jehova respondere ipsi*

ipsi indicat 3. *contra me*. h. e. patiar ipsi meo nomine responsum a propheta dari, quale desiderat, mihi, et voluntati meae adversum; quod vers. 9. dicitur *decipere prophetam illum*: uti mox patebit. Aliam interpretationem non fert ea vocula in hac phrasi, nec *per me*, ut verti solet, hic emphasin aut sensum habet commodum: 4. *Quartum* est, verbum *immovet* vers. 8 male reddi *ponam* illum, non enim est *a* *וַיָּנִיחַ*, sed *וַיָּנִיחַ*, ut recte Coccejus et paucissimi, et dicit proprie *fiderari*, tanquam urente et pestifero afflitu, inde cum *vastari*, tum *obstupefieri*, et in mentis attonitae horrore defigi: quod utrumque hic admitti potest, si prius, sequentia erunt explicationis et confirmationis ergo ad ita, si *posterius*, seq. quid plus dicent, et sensus erit, *rogantem* illum esse ipso eventu in stuporem redigendum, et publico exponendum contemnui, ut pro *signo* et *parabola* habeatur, deinceps etiam *excindendum* e populo Dei. Conf. supra c. XIII: 15.

§. CCXLVI. β. *Secunda* pars exhibet ipsum vatem lucro et blanditiis deceptum, ad falsum responsum dandum, et continet iudicium excoecationis, prophetae divinitus inflictum, cum ejus consequente seu pernicie ipsius vatis quoque vers. 9. *Et propheta, quum seductus fuerit, et locutus verbum blandum, ego Jehova seduxi ipsum hunc prophetam, et extendam manum meam contra ipsum, et delebo eum e medio populi mei Israelis*. h. e. falsum illum vatem, qui se allici passus est donis et blanditiis idololatriarum et peccatorum ad blanda et solantia verba nomine meo proferenda, meo iudicio spiritu erroris ipsi immisso, ad id esse inductum declaro; et illum id impune non esse facturum, sed mala morte e medio populi delendum esse. Verba comprehendunt a. crimen vatis, et b. iudicium Dei in ipsum, partim *excoecationis*, partim *desolationis*. a. Crimen est, quod se *decipi* passus sit, et *verba solantia* dixerit rogantibus eum nomine Jehovae, h. e. quod muneribus et blanditiis populi idololatriae se allici fuerit passus, ad falsa vaticinia laeta et jucunda, nomine

ne Dei, proferenda. Quales vates describuntur Mich. II: 11. III: 5. et alibi. Verbum *חַתָּה* frequentatur in *deceptione et illecectione arium*, unde invaluit prorebus vel verbis *illecebrosus* capere et inescare. Vid. Schult. ad Job. XXXI: 9. qui alibi ad Prov. XX: 19. fusius de eo egit, ejusque originem sitam esse docuit in *laxo et remisso*, unde ad *negligentiam*, in specie ex blanditiis, et blandiendi studio, ortam transiit. Phrasis vero *דָּבַר דָּבַר loqui verbum* hic exse-
tit usum, haud infrequentem, quo blanda et solantia verba loqui denotat. De quo dixi ad Mal. III: 16. §. 169. b. *Judicium* Dei in illum vatem pronunciatur *duplex, alterum*, quo in illud crimen incidit, *alterum*, quo propterea gravi poena adficeretur. Prius his verbis profertur, *ego Jehova seduxi prophetam illum*, immittendo scilicet in ipsum *spiritum mendacii*, quo ad verba illa adulatoria et consolatoria proferenda impulsus fuit. Ipse vates se cupiditate, adeoque culpa sua, passus erat permoveri ad interrogantium voluntati satisfaciendum; Deus eum propterea tradidit spiritui malo *decipiendum*, quo excitatus est ad *verba* nomine Dei, tanquam verus vates, eloquenda; plane quemadmodum Michae, tempore Achabi, fuit revelatum, Deum spiritui mendacii permisisse, ut in ore prophetarum regis daret verba *mendacia*, 1 Reg. XXII. Nihil itaque hic traditur, quod non alibi quoque occurrit de Deo, ex. gr. quod *spiritum malum miserit* inter Sichimitas et Abimelechum Jud. IX: 23. Davidem incitarit ad *numerandum* Israelem 2 Sam. XXIV: 1. sic dicitur *immittere efficaciam erroris ad credendum mendacio* 2 Th. II: 11. *tradere ad serviendum idolis* Act. VII: 42. *tradere in mentem reprobam* Rom. I: 28. *dare*, et *effundere spiritum* obdurationis et excoecationis Rom. XI: 8. Jes. XXIX: 10. Quae, et quorum similia, convenienter sanctitati et justitiae Dei sunt explicanda, quatenus Deus illud fieri permittit a spiritu malo; etc. quae alibi solent discuti. In quibus si quis acquiescere nequeat, possent verba in hunc sensum flecti, quo exponant consequens *falsae prophetiae*, in eo situm, quod
LI 2
falsus

falsus vates se experiretur *deceptum*, cum loco lucri, et prosperitatis, inde maximum damnum sibi conciliaret, et cum pudore videret longe aliud contingere, quam ipse prophetaverit; Verti ergo debet, *ego Jehova decipiam ipsum*, et accipi pro, *ego ipsum deceptum* esse demonstrabo ipso eventu contrario; quando recte sequitur, *et extendam manum meam* etc. Concinit plane quod Jerem., licet alio sensu, dicat c. XX: 7. *decepisti me Jehova et deceptus sum*, h. e. cum me ad munus prophetae vocasti, proposui mihi blanda loqui, et mihi favorem populi conciliare, sed me in utroque falsum et deceptum esse deprehendi: ubi vid. comment. noster. Subjungo denique, verba etiam interrogative capi, et pro fortissima negatione haberi posse, ut sensus sit: *egone decipi* etc. absit longissime; etenim *ego extendam manum* etc. Qua ratione infra c. XX: 25. intelligendum esse, suo loco patebit. *Posterius* iudicium continet exterminium istius prophetae, *et extendam manum meam contra istum prophetam et delebo ipsum e medio populi mei Israelis*. Quae nihil habent difficile.

§. CCXLVII. 7. *Tertia* pars continet iudicium in utroque et praves conultores, et falsos vates, quo utrique poenas iniquitatis luerent, et excinderentur, hoc cum salutari effecto, ut nec deceptores in posterum forent, nec populus amplius spiritu idololatriae et defectionis a Deo et lege, unde orta erat falsorum vatum interrogatio, ageretur, sed Deo adhereret, sicut Deus ipsi; uti factum est post exilium Babylonicum. Hic sensus et scopus est verborum vers. 10, 11 *Et ferent iniquitatem suam* (luerent ejus poenas) *sicut iniquitas rogantis, ita iniquitas prophetae erit* (eadem vel simili poena utrique involventur, quatenus ob peccata illa sua excinduntur) *ne amplius vagentur domus Israelis a post me, nec polluantur amplius ullis defectionibus suis, sed ut sint mihi populus, et ego sim ipsis Deus; inspiratum Domini Jehovas*. Quae verba salutarem eventum iudicii Dei, modo memorati, exhibent; nec aliquid habent difficultatis.

§. CCXLVIII.

§. CCXLVIII. *Ostava* revelatio alteram partem capitis constituit, et superiori immediate successit, ejusque occasione facta est, quia propheta per consultationem seniorum, et duram responsum, quod iis jussus erat dare, videtur per-motus ad intercedendum, pro populo Hierosolymitano, uti cap. IX: 1. XI: 13. fecisse quoque legitur; adeoque eo directa est haec revelatio, ut certior fieret de inutilitate intercessionis, quippe omni effectu carituræ, cum Deo fixum sit propositum urbem et populum delere sine misericordia, ut c. IX. etiam dictum erat, addit insuper Deus prophetam et socios in exilio justificaturos esse judicium et se tranquillaturos, quum ex paucis residuis, in exilium abducendis, intellexerint, quam horrenda fuerit et incorrigibilis Hierosolymitanorum corruptio. Revelatio itaque directa est non ad *seniores*, ut putatur, sed *prophetam* ipsum, et occasione intercessionis ejus pro populo Hierosolymitano nata est, eo-que tendit, ut omnem, quam efficacem alias, intercessionem esse frustraneam significaretur, et propheta cum sociis in exilio ex post facto convinceretur, de justitia et necessitate hujus judicii, sed, licet eo directe tendat revelatio, ea-que facta sit, quam dixi, occasione, *indirecte* tamen etiam ferit *seniores* illos, ut viderent, quam inepte facerent, prophetam consulendo, et ab ipso favorable responsum expectando, prophetam insuper excitando ad intercedendum pro populo insanabiliter corrupto, cum Deo fixum sit, exsequi judicium, quod nulla intercessio avertere possit. *Pertinere* vero revelationem directe ad prophetam instruendum 1. inde patet, quod *ad ipsum* simpliciter dicatur *verbum* Jehovah factum, non addito, ut alias, *mandato* de loquendo ad *seniores*, uti supra vers. 4. 2. quod Deus *prophetam* tantum adloquatur in tota hac pericopa, 3. quod residui captivi dicantur ad ipsum et socios venturi, et ipsi consolationem percepturi ex peccatorum illorum consideratione, argumento, pios intelligi prophetae socios, ad quos venirent. *Prophetas* vero intercessionem *occasionem* prae-buisse, licet expressa

pressa ejus non fiat mentio, inde haud obscure elucescit, 1. quod vel sanctissimorum et illustrium oratorum intercessionem, eo in casu, nihil valituras esse, declaretur, non tantum, sed repetatur identidem, et ad hoc adfirmandum revelatio tantum facta sit. Ex quo colligendum est, scopum ejus fuisse, omnes intercessionem repellere, adeoque prophetae quoque frustraneam esse; quae itaque videtur praecessisse, et ansam praebuisse revelationis, 2. quod vers. 21. et 22. pro hypothese habeat, prophetam cum piis in exilio luxisse super judicio in Hierosolymitanos pronunciato, adeoque illud conatum fuisse avertere. 3. Accedit, simile quid Jeremiae, pro populo oranti, fuisse pro responso revelatum cap. XV., qua cum pericopa nostra omnino comparanda est.

§. CCXLIX. Haec hypothesis, quae Interpretes latuit, sicut occasionem et scopum, revelationis pandit, ita ad ejus verum conspectum et intellectum multum facit, cum hinc pateat, quare potentissimorum intercessorum fiat mentio, ubi de judiciis Dei in populos extraneos agitur, et nullus memoretur pro Israele, vers. 20. quia ad Ezechielem et pios ad facientes respicitur, praeterea quare addatur, prophetam cum sociis esse *consolationem* recepturum ex residuis exulibus, quia contenti forent repulsa, quam precantes tulissent: uti mox patebit. Duae sunt revelationis *partes*, quarum *prior* spectat ad populos peregrinos, *posterior* ad Hierosolymitanos. *Prior*, vers. 13—19. habet, judicium Dei in populum aliquem summe et insanabiliter corruptum, quod delendus sit, per unam tantum aliquam plagam, sive sterilitatis et famis, sive ferarum et bestiarum noxiarum, sive belli, sive pestis, ne per eximie justos, et potentissimos quidem intercessores, si in eo essent, averi posse, cum illi nullum alium inde reportarent fructum, quam ut ipsi soli eripiantur, licet Deus illis multum alias tribuat, tamen, hoc in casu, eos nihil effecturos; quia corruptio populi est nimis magna, duraturna, et incorrigibilis. Eo enim tendit

die haec declaratio, ut indicetur, tantam esse populi istius depravationem, cui Deus iudicium illud infligeret, ut a iusto mundi iudice ferri amplius nequeat; adeoque intercessionem locum non habeant cum fructu. Nihil hic difficile, quod nostram operam requirat, nisi in tribus illis intercessoribus expresse nominatis, *Noacho, Daniele, et Jobo*, praeteritis aliis, in specie *Mose et Samuele* Jer. XV. memoratis, Interpretes varias excogitarunt rationes, apud ipsos legendas, magis minusve probabiles, et ad rem facientes. Mentem paucis exponam. 1. *Moses*, *Samuel*, aut alius aliquis iustus aut patriarcha populi Israelis, non nominatur, quia in hac pericopa non agitur de Israele, et Hierosolymitanis, sed extraneis populis; uti liquet ex *terrae* epitheto, et oppositione Hierosolymitanorum vers. 20. Versati autem hi tres fuerunt inter extraneos, *Noach* inter antediluvianos, *Job* inter Arabes, et *Daniel* inter Chaldaeos, ubi prophetam seu magum egit, et ministrum primarium. Deinde 2. *Noach* et *Job* in scenam producantur, quod iustitia et pietate praeter reliquis omnibus sui aevi non tantum fuerunt illustres, ut de *Noacho* Gen. VI. et *Jobo* cap. I. habetur, sed et tanquam potentissimi precatores noti erant et celebres; quorum precibus multum effectum fuisse constabat, uti *Noachi*, qui familiam suam cum reliquis animantium servavit, et mundi instaurationem ac perpetuam conservationem impetravit, Gen. VIII, IX. cui itaque omnes *terrae* populi quasi acceptum ferre debebant, quod Deus *longanimitate* et *elementia* uteretur erga illos, nec non *Jobi*, qui domum suam diu conservavit precibus suis Job. I. dein instauratam vidit, et gratiam sociis suis impetravit Job. XLII. Sed quid causae est, quod *Daniel* ipsis adjungatur, et quidem *medius* inter duos illos antiquissimos? cujus ratio mihi non patet alia, quam quod in summa fuerit apud Deum gratia, spiritu ejus ductus, et vir *desideratissimus* dictus, simul *arcanorum* Dei gnarus, et precibus efficacissimis celebris, ut ex ejus libro patet. Vid. etiam infra c. XXVIII. 4. Erat autem

Ll 4

jam

jam hoc ipso tempore hac parte celeberrimus; ut ex temporum supputatione facile demonstratur, nam anno 3tio Jorakimi est Babelem abductus, et haec revelatio anno 6to Zedekiae facta est, adeoque postquam somnium Nebucadnezaris jam esset interpretatus, et ad summam in aula dignitatem euectus; notissimus itaque inter exfules jam hoc tempore. Declarat nunc Deus, ne quidem hos viros, qui alias tam potentes fuerunt precatores, suasque domos etiam liberarunt, nunc hoc effecturos esse, nedum quod populum salvum praestarent; adeoque iudicium Dei in eiusmodi casibus nulla ratione inpediendum esse, sed certo certius executioni mandandum; nisi interveniat populi istius *respi-scentia*, quae sola animum Dei mutare poterit, et non intercessio vel sanctissimorum virorum. Etsi enim huius *medii* mentio non fiat expresse, illud tamen mente intelligendum esse, res ipsa requirit. Vid. exemplum Ninevitarum in libro Jonae, et dictum ad Jeremiam c. XVIII: 7. Ceterum cum voces et phrasae nihil morae injiciant, nisi forte בד vers. 19. quae vix pesti conveniat, verbo observo, vel ex cap. V: 17. eam explicandam, vel expungendam esse, tanquam vitio librarii ex sequente בדן ortam.

§. CCL. *Posterior pars revelationis ad Hierosolymitanos spectat, ut ex vers. 20. patet, et cum praefatione, quia, vel quare, dixit Dominus Jehova, expresse addita incipit, quia haec proprie fuit intentio, et prior tantum ad eam illustrandam praemissa. Vocula vero י quia vel cum emphasi adseverationis inchoat orationem, ut sit profecto, uti saepe alias, vel idem dicit ac quare, propterea uti 1 Sam. II: 25. ubi vid. Clericus, et 2 Reg. XXIV: 19. ut sit: cum haec sit constans mea agendi ratio cum quocunque populo corrupto, propterea sic dixit Dominus, quanto magis etc. Continet vero haec pericopa a. declarationem iudicii Dei in Hierosolymitanos certo exsequendi, nec illius intercessionis intercipiendi, vers. 20. quanto magis quum quatuor mea iudicia mala, gladium, famem, feram malam, et pestem im-*
mittam

mittam Hierosolymam ad excindendum ex ea hominem et bestiam. h. e. cum in minore mea excandescantia in populum, quae unam tantum immittit plagam, ita agam, multo magis in maiore in Hierosolymitanos ira, qua cuncta illa iudicia simul immittam, me ita instituturum esse, ut incurabile sit, manifestum est. Voculae כִּי אֶרְאֶה usu Script. ut notum, dicunt, *quanto magis*, a quo hic accedendum non est; licet sint, qui *quamvis* reddant, et cum seq., ubi iudicii temperamentum vident, construunt: ut sit, *quamvis* ea omnia immittam simul iudicia, *attamen* nonnulli evadent; adeoque mitius cum populo Israelis agam. Quae interpretatio aberrat ab usu vocularum, כִּי אֶרְאֶה, ut vidimus, a scopo et seq. pericopa; scopus enim est prophetam convincere de certitudine excidii Hierosolymae, nulla intercessione praeveniendi, et sequens pericopa non temperamentum iudicii comprehendit, sed justificationem consolatoriam apud Prophetam et socios, uti mox patebit. Sensus itaque est, *iram* Dei in Hierosolymitanos esse summam, et maiorem, quam in populum, una tantum plaga adficiendum: eo enim tendit quatuor plagarum simultanea immissio, opposita ad *unam* illarum, uti alibi propterea *summus irae gradus* adpellatur 2 Reg. XXIV: 20. et alibi, *praeterea*, intercessionem multo minus esse a Deo admittendas: quod hic quidem non expresse memoratur, sed ex superioribus facile suppletur, et supplendum esse evincitur: nec tamen *tres* illi viri hic mente intelligendi sunt, verum alii quicumque populi Israelis potentissimi intercessores, uti Jer. XV. *Moses* et *Samuel* nominantur. Ceterum ad faciliorem intellectum verborum in כִּי אֶרְאֶה vocula כִּי repetenda est, ac si bis legeretur, כִּי כִּי אֶרְאֶה *quanto magis quia vel quum immitto* etc. omissa est כִּי, uti mox c. XV: 5. propter praecedentem; uti saepe alias contingit. De *quatuor* autem hisce plagis vid. Jer. XV: 3. unde etiam patet, quid hic sibi velint *ferae malae*; ad quod obhaesit Coccejus, qui emblematicè propterea cepit.

§. CCLI. β. *Posterior* pars pericopae complectitur justificationem

M m

cationem hujus judicii, ab exulibus faciendam ex consideratione improbitatis ipsorum residuorum, in captivitatem abduktorum, indeque ortam consolationem exulum, qui ingemuerant initio super omnibus illis malis, Hierosolymae infestis, et pro urbe supplicationibus suis intercesserant apud Deum. Hunc existimo cum Calvino et Belgis esse sensum et scopum vers. 21, 22. et non, quem vulgo volunt, acsi temperamentum hic occurreret, ex misericordia Dei ortum, quo Deus mitius ageret cum Israele corrupto, quam gentibus, et *residui* hic essent poenitentes, vel innocentes, *liberi* peccatorum, a Deo, deletis parentibus, liberati, quorum adventu exules consolationem aliquam reciperent. Rationes nostrae sunt 1. quod vers. praecedens, et nexus horum versuum cum illo, ejusmodi conspectum non admittat. Non enim ferri potest versio, *quamvis* immittam — — — *attamen ecce residuum* etc. supra enim magis adfirmaverat Deus judicium longe gravius in Hierosolymitanos, nec *attamen* est *attamen* ecce, sed *et ecce*; ac scopum residui, in captivitatem ducendi, exponit respectu exulium; qui, eos contemplati, desinerent condolere super malis, et Deum justificarent in judicio suo. 2. Quae secunda nostra ratio est, inde sumta, quod *residuorum* conspectus finem imponeret misericordiae exulium, ac *consolationem* produceret ex necessitate et justitia judicii Dei percipiendam. Quo cuncta verba tendunt, ut mox patebit. 3. Tertia ratio est, quod *residui* hic non occurrant tanquam poenitentes aut innocentes, et ex misericordia Dei liberati, verum in sceleribus et pravia adfectionibus perseverantes, eo scopo tantum reservati, ut in captivitatem abducti popularibus in exilio ostenderent, quam justum fuerit et necessarium Dei judicium, ut ita consolationem aliquam reciperent, qui initio adeo indoluerant.

§. CCLII. Consideremus nunc verba, et ea, ubi opus fuerit, illustremus: *Et ecce, residuos in ea evadentes, qui educti sunt filii et filias* (attendite quaeso ad eos, qui evaserunt his malis, in captivitatem eductos, filios et filias, quales sunt,

sint, et qualitatum et sortis respectu, earum respectu incorrigibiles peccatores, et hujus respectu miseri captivi, quorum conditio non erit melior, mortuis, forte etiam deterior; Residui igitur, qui evaserunt, hic dicti abstracte, *residua evasio*, in quo nihil est singulare, hic occurrunt tanquam in *captivitatem* abducendi, quod est, *educti*, eo scopo, ut exsules de justitia judicii Divini suo exemplo convincerent, *filii et filiae*, ex quibus de *parentibus* judicari possit, cum illi adeo sint corrupti et incorrigibiles, ut per ipsum hoc grave judicium nihil facti meliores, uti mox additur,) *ecce eos exeuntes ad vos, et videbitis viam eorum et facinora ipsorum* (ecce, quales sint, qui ad vos venerint, videbitis ex iis, quanta fuerit populi depravatio, quam invincibilis, cum ipsi filii et filiae in corruptione toti sint, et adhuc perseverent, Deo potius male dicentes, et murmurantes, quam poenitentes: uti in alio, sed simili, casu Jes. VIII. 21, 22., et in hoc ipso casu post deletam Hierosolymam a Chaldaeis, Jer. XLII.) *et condoluiſtis super malo, quod immitto, vel immisi, Hierosolymae, omni inquam, quod immisi ipse, et consolabuntur vos* (quum ipsos coram fueritis contemplati, non dubito, quin vos, qui tantopere luxistis super judicio meo, et illud deprecari estis, consolationem sitis percepturi, et in judicio meo acquieturi, ex ipsis captivis ratione petita consolationis. Hic sensus est verborum, quem Interpretes non perceperunt, quod diversum verbi **וְחָנַתְּ** sensum non adtenderunt, quem tamen ipsa structura orationis requirit, prius **וְחָנַתְּ** vers. 21. est *condoluiſtis* et posterius **וְחָנַתְּ** est, *consolabuntur vos*; Interpretes utrobique per *consolari* vertunt, quod non tantum tautologiam adfert, sed structurae adversatur, cum prius absolute occurrat, posterius habeat, quocum construatur, *consolabuntur vos*. Praeterea *consolatio*, quam adferrent captivi, opponitur adfectioni tristici, quae tollenda erat, adeoque eam praerequirit: quae per prius verbum recte censetur expressa. Verbum **וְחָנַתְּ** apud Arab. frequentatur in gemitu graviore, cum vehementia e

M m 2

pectore

pectore educto, estque *ἐπαρσεν*; hinc inter alia et *adgemiscere* alicui, pro condolere, et *consolari*; quod est condolentium proprium; Ezechiel itaque et socii hic occurrunt, tanquam *condolentes* super malis Hierosolymae, quos ipsi captivi suo statu *consolarentur*, cessare faciendo hos gemitus, et tranquillando eorum animos, non *verbis* et *poenitentia* sua, sed *pravis* suis facinoribus, in ipsorum oculos ingestis, uti sequitur) *quum videbitis viam eorum et facinora eorum* (hisce visis et hac ratione illi vos consolabuntur respectu iudicii mei, in quo submisit et cum adprobatione acquiescetis) *et cognoscetis* (adeoque agnoscetis, et adprobabitis) *quod non gratis* (sine iusta et necessaria causa) *feci, quodcumque in ea* (Hierosolyma) *feci* (omne illud malum, quod ei infligi) *inspiratum Domini Jehovae.*

C A P. X V.

§. CCLIII. **N**ona revelatio, hoc cap. comprehensa, foli prophetae facta ad ejus instructionem ac consolationem, eo tendit, ut superius iudicium in Hierosolymitanos, et eorum residuos, a Deo abjiciendos et destruendos, illustretur ac justificetur, ex eo, quod omni bona fruge orbi ad nihil utiles sint, adeoque repudiandi, et contemptui exponendi, uti digni erant, similitudine sumta a *vite* infrugifera, quae integra nihil valet, ambusta adhuc minus, adeoque rejicienda; magis quam gentiles, licet infrugiferi et ipsi, qui ad multa adhuc apti sunt opera providentiae Dei. Ubi *℣.* simile *proponitur* vers. 2—5. *℣.* applicatur ad Hierosolymitanos vers. 6—8. *℣.* Similitudo a ligno vitis desumta, relate etiam ad reliqua agri vel sylvae ligna, duas habet *partes*, quarum *prior* ad vitem adhuc integram spectat vers. 2, 3. *posterior* ad eam adustam, vers. 4, 5. utraque continet ejus inutilitatem ad opus aliquod faciendum; sed *posterior* eam *ineptitudinem*

titudinem magis adgravat. *a. Prior* habet, lignum vitis, et palmitem ejus per se nihil valere, minus quam reliquarum arborum infrugiferarum, vers. 2, 3. his verbis: *Fili hominis! quid erit lignum vitis ex omni ligno? quid palmes ex omni quod est in lignis sylvae? an inde sumetur lignum ad faciendum in opus? an ex eo sument paxillum, ad suspendendum inde vas ullum?* h. e. ex omni ligno, sive sit arbor frugifera, sive sylvestris, nihil ineptius est ligno vitis, et palmite ejus cum ex illo nihil fieri possit ad opus aliquod utile, ex hoc nullum, ut ex paxillo, suspendi instrumentum; adeoque *vitis* tantum inservit fructui praestantissimo ferendo, quo reliquis arboribus, excellit tantum, quod nisi faciat, ad nihil valet, et deterior est reliquis arboribus, quædam ligna et termites alium præbere possunt usum utilem; sed lignum vitis prorsus contemnendum est, et abjiciendum. Comparatur *vitis*, respectu solius ligni, cum reliquis arboribus, adeoque utrobique præsupponitur esse eas infrugiferas; quo etiam facit, quod *וַי* lignum adpelletur, et vitis, et quaecunque alia arbor. Et si enim pro *arbore* subinde veniat, etiam frugifera, hic tamen ad solum lignum, qua tale, respicitur: uti facile adparet; et præsupponitur *vitem* nullum proferre fructum; quod recte observandum est. Adfirmatur, per modum interrogationis, lignum vitis nihili esse faciendum inter ligna arborum qualicunque, sive in hortis sive in sylvis sint: quem significatum habet particula *מַה*, quæ, ut quid Lat., sæpe est *insufficientis* uti 1 Sam. X: 27. Job. IX: 2. sic et *כִּמָּה* pro *nihilo* sumitur Jes. II: 22. vid. Lette anim. ad V. T. p. 142. et *כִּמָּה* quotnam vel quantum? species negationis est aut imminutionis pro *parum* aut *nihil*, Ps. CXIX: 84. Job. XIII: 23. Quid erit lignum vitis itaque idem est, ac nihil, nullius usus; additur *ex omni ligno* h. e. ex omnibus reliquis arboribus, sive inter ligna reliqua. Solet verti, *prae omni ligno*; minus recte, et ex usu voculae *מַה* non observato: non enim sensus est, lignum vitis reliquis lignis non esse præferendum; sed inter ligna reliqua illud *vitis* nihili esse faciendum, quod

Mm 3

etiam

etiam usitato voculae **ו** ex **פ** significatui congruentius est. Posterius vers. 2. membrum est ellipticum, ex praecedente supplendum, quippe quo idem de *palmite* vitis adfirmatur, quod modo de ipsa arbore vitis: voces itaque *palmes*, qui est in lignis *sylvae*, ut proprie sonant, hac ratione supplendae sunt: *quid erit palmes ex omni quod est in lignis sylvae?* h. e. inter sylvestrium arborum termites seu ramos nihili est faciendus *palmes* vitis, hic adpellatur **פמרים** a putando et amputando. Quod si haec ellipsis alicui nimis insolita videatur, is, vocem **פמרים** *palmitem* loco suo motam, et ante *ex omni ligno* ponendam esse, statuatur, quod non est sine exemplo, incuria descriptorum, hac ratione: *quid lignum vitis, quid palmes erit ex omni ligno quod est in lignis sylvae.* Quod forte facilius est, et verius. Illustratur et confirmatur haec chesis ex eo, quod ex ligno vitis nihil sumi possit, quo fiat *instrumentum* ad aliquod opus, uti ex aliis arboribus, unde fiunt naves, trabes, mensae et alia instrumenta; *palmes* ipse non valeat ad *paxillum*, unde vas suspenditur, sicut rami aliarum arborum. Hic sensus et scopus est vers. 3. *an sumetur ex illo lignum ad faciendum in opus? an sument ex eo paxillum* etc. prius referendum est ad ipsum truncum vitis, posterius ad *palmitem* ejus; cujus utriusque modo facta fuerat mentio. Qua ratione cuncta recte fluunt, et sibi bene respondent: posterius quoque ad *palmitem* respicere, inde firmatur, quod non tam *truncus*, quam *palmes*, sit ad vas sustinendum instar *paxilli* ineptus. Reliqua nihil habent difficile.

§. CCLIV. Posterior pars similitudinis illam ligni vitis et palmitis ineptitudinem adgravat et majorem facit ex *ambustione* ejus, per quam fit, ut adhuc minus ad aliquid valeat, et magis sit abjiciendum, tanquam inutile; his verbis vers. 4. 5. *Ecce igni traditum sit ad absumentum, duas extremitates ejus devoraverit ignis, et medium ejus ambustum sit, an succedit ad opus? ecce cum adhuc integrum erat, non aptabatur ad opus, multo minus, quum ignis consumsit illud, et ambustum est, et aptabitur amplius ad opus.* Quorum sensus

sus et scopus, ut rectius, quam vulgo fieri solet, percipia-
 tur, haec tria sunt observanda. *α. Primum* est, innui qui-
 dem lignum vitis cum palmite esse in ignem conjiciendum,
 illudque praesupponi, sed non directe hic affirmari, sed hy-
 potheticam esse orationem, eoque tendentem, ut ligni vitis,
 igne ambusti, ineptitudo magis inculcetur; non ergo sensus
 est, *ecce igni dabitur*, vel *datur*, ac si *scopus* et consequens
 ligni vitis exponeretur, tanquam quod ad nihil utile sit,
 quam ut igni tradatur; sed, si amburatur lignum, major
 longe erit ineptitudo ejus; adeoque verti debent verba, ut
feci, ecce igni traditum sit — — — *an succeder*, etc. h. e.
 posito, illud igni amburi, nonne erit ineptius? Quem sen-
 sum et structura sermonis requirit, et sequens verus clare
 affirmat: ut legenti patebit. *β. Secundum* est, lignum vitis
 non repraesentari totum combustum, et in cineres redactum,
 sed in extremitatibus tantum combustum, medio ejus qui-
 dem ambusto, et tosto igni, sed instar titionis relictum su-
 perstes. Cujus indicium in eo est, 1. quod *extremitates* tan-
 tum dicantur *combustae*, et *medium* ejus ambustum seu *sof-*
sum: quae diversitas phrasium non recte est animadversa aut
 intellecta, licet haud obscure se offerat. Verbum *מכל* ad-
 hibetur de *extremitatibus*, et *ממנו* de *medio* ejus: prius de-
 notat totalem combustionem, quae in cineres redigit, sed
posterius ambustionem, seu ignitionem, qua igni totum quid
 est penetratum, et tostum, absque ut sit absumtum. Radix
ממנו proprie dicit, *caluit, ferbuit, incanduit*, ita ut totum
 sit ignis particulis repletum; quale quid in principio *cand-*
escit, dein frigidum factum *nigrescit*; a *candescendo* fluxit
 usus *ingenuitatis, nobilitatis. et igneae virtutis*. Vid. Schult.
 ad florileg. p. 170. et *ממנו* sunt *loca candentia*, in quibus
aestus simul et *sitis* candent, et candescere faciunt eum,
 qui ibi versatur. Lignum itaque medio suo *ambustum*, et
 igne totum occupatum, ac mutatum, intelligitur. 2. quod
 in lignum totum combustum non quadret interrogatio, *an*
succedit ad opus? et quod vers. 5. habetur; *integrum* non

Mm 4

vale-

valebat, quanto minus ambustum. Cum itaque in principio vers. 4. dicitur, *ecce igni traditum sit ad consumendum*, illud, ne de totali combustione capiat, mox explicationis ergo subjungitur, *duas extremitates ejus absumsit ignis, medium ejus ambustum est*, adeoque consumptio illa restringitur ad *extremitates tantum*, salvo *medio*, sed *ambusto*; quo eodem sensu vers. 5. dicitur, *quanto magis quia ignis absumsit illud et ambustum est* h. e. *absumsit ratione extremitatum*, et *ambustum respectu medii*. γ. Tertium est, cum distincta fuerit mentio facta *ligni* seu *trunci vitis*, et *palmitis* ejus, id, quod de *extremitatum* consumptione et *medii ambustione* habetur, ad utrumque illud esse referendum, ita ut distincte *lignum* repraesentetur in *extremitatibus* consumtum, et in *medio* ambustum, nec non *palmes* eodem modo. Quod facile cernitur. Plura non requiruntur ad verborum intellectum; de re ipsa, vel *ligni vitis*, et *palmitis* ejus inutilitate ad opus et instrumentum, satis constat, et ab interpretibus observatum est.

§. CCLV. β. In explicatione et adplicatione emblematis a Deo ipso prophetae facta, α. declaratur in genere illud, quod de *ligni vitis* ineptitudine, eaque majore post missionem in ignem ad consumendum, supra dictum est, respicere ad *incolas Hierosolymae* vers. 6. his verbis; *propterea sic dixit Dominus Fehova; quemadmodum lignum vitis inter ligna sylvae, quod in ignem immisi ad combustionem, sic tradidi incolas Hierosolymae*. h. e. Hierosolymitanos sicut similes sunt viti infrugiferae, cujus lignum ad nihil valet, ita eandem sortem, quam lignum vitis inutile, quod in ignem ad consumendum mittitur, subibunt, igni judiciorum meorum ad destructionem eorum tradendi a me. Adfirmat itaque Deus, Hierosolymitanos esse purum putum lignum vitis, et, quod supra in emblemate hypothetice dictum erat, de *ligni* immisione in ignem, illud hic absolute iis denunciat. Indicatur itaque ι. Hierosolymitanos esse *vitem*, et habere *palmites*, h. e. populum esse eo scopo formatum, et aptum

aptum redditum, ut fructus ferat gratos et jucundos: et *palmitibus* esse insignitum, seu regno et sacerdotio; exstantioribus membris civitatis, etc. De quo emblemate *vitis* ex Jef. V., Pl. LXXX. et aliunde satis constat, et ab aliis abunde expositum est. 2. Vitem esse cum palmitibus *infrugiferam*, quatenus fructus pietatis, religionis et probitatis non fert; sed contra. 3. nudum itaque et purum putum lignum, ad nihil utile; cum scopo institutionis exciderit; et ad statum civitatis, vel Ecclesiae tuendum inutilis factus; secus ac gentilibus populis proprium est, qui, licet *infrugiferi*, tamen utiles sunt, et societati tuendae, et providentiae Dei exequendae. 4. denique judiciis Divinis tradendum esse, famis, pestis, et gladii, eaque ratione superstites adhuc inutiliores futuros; magis abjectos, et contemptos: uti mox explicatius traditur. Quam sortem subiret et *truncus*, et *palmes* vitis, seu populus, civitatem constituturus, et regia domus Davidis per *palmitem* expicta; ac *sacerdotalis*, seu praesentes urbis et populi reges et *sacerdotes*.

§. CCLVI. β. Judiciū Divini, et fortis Hierosolymitanorum accuratior traditur explicatio verf. 7. *Et dabo vultum meum in ipsos, ex igne egredientur, et ignis absumet eos, et cognoscetis me esse Jehovah, quum posuero vultum meum contra ipsos.* Quibus distincte traditur, Hierosolymitanos partim esse absumendos, partim in statu vili et misero futuros; qui manserint superstites, et a Deo abjiciendos, ac omnibus fore contemptui; haud absimiliter ligno in extremitatibus combusto, et in medio ambusto. Huc enim respiciunt, et hunc fundunt sensum, verba, *ex igne egredientur, et ignis consumet eos*, quae Interpretes expedire non valuerunt, sed perverse admodum explicaverunt de malorum continua successione, qua ex igne egressi denuo in alium inciderent, donec absumerentur; imo post Origenem Coccejus de igne Babylonico et Romano cogitavit, tanquam sibi successuris. Ceperunt itaque verba, ac si legeretur: *ex igne exibunt, et ab alio igne consumuntur.* Quod hic non habetur, nec de

Na

alio,

alio, sed eodem igne manifeste agitur; *duo* autem traduntur de Hierosolymitanis, quæ ipsis hoc tempore evenirent, *alterum* est, quod igne ambusti superessent, *alterum* quod consumerentur igne, adeoque *partim* conlumerentur et perirent, *partim* residui manerent igne pleni, seu omni dignitate, et fortuna spoliati, ac contemti, et miseri. Respicitur manifeste ad superiora, quibus lignum vitis in *extremitatibus* dicitur *comburendum*, et in *medio* tantum *amburendum*, adeoque adustum superfuturum, quod hic dicitur, *prius* comburi et consumi igne, *posterius ex igne exire*, scilicet adustum superesse, instar *visionis ex igne sumti*; non enim *liberari* simpliciter et *aripi* denotat, sed miserum et vilem ac inutilem superstititiam manere; instar *ligni ex igne*educti. Traditur itaque hic explicatio superioris emblematis *ligni vitis ac palmitis* ejus cujus *extremitates* comburerentur, et *medium* ambustum restaret. Per *duas extremitates* trunci vitis, emblematis populi Hierosolymitani, igne penitus absumendas, expingitur, non terra ad septentrionem et austrum Hierosolymæ, per *medium* repræsentatae, ut putatur, quod abhorret, cum de *incolis* Hierosolymæ hic agatur vers. 6., sed longe maxima pars populi, et per *medium* minima ejus, quia exigua pars, *illa* penitus excindenda, *haec* residua futura, sed spoliata, omni ornatu, omnibus opibus ac viribus privata, simul abjicienda, tanquam *inutilis*, et contemtui exponenda, quemadmodum de *residuis* habetur Jer. XXIV. et Ezech. XII. 16. XIV. 21. et alibi. Praeterea per *duas extremitates palmitis*, et *medium* ejus, *illas* ad cineres redigendas, *hoc* superstes, sed *ambustum* superfuturum, recte quoque intelligimus maximam partem domus Davidicæ et Aaronicæ, seu regiae, et sacerdotalis, esse delendam, *paucis* tantum superstitibus in statu vili et misero, quo *vasa* suspensa tenere nequeant instar *paxilli*, vers. 3. quemadmodum Jer. XXXIII. 23. habetur, ubi de duabus illis familiis instaurandis agitur, nec non Am. IX. 11. ubi de tabernaculo Davidis collapsio, sed restituendo, agitur. Domus Davidis
regia

regia per Chaldaeos est partim destructa, partim in exilium et servitutem abducta; uti notum est, aequae ac *sacerdotalis* Aaronica, et utraque, tanquam inutilis abjecta a Deo; quod hic praecipue intenditur, ad illustrationem superioris prophetiae c. XIV: 21. ut supra diximus.

§. CCLVII. 7. In signum partim destructionis partim abjectionis populi, et ad causam ejus exponendam, subjunguntur haec verba vers. 8. *Et dabo terram fiderationem, propterea quod praevericati sunt praevericatione*, vel omnia vincula, omnia jura sacratissima, abruperunt, quae vis est verbi *770* in *scindendo*, *abscindendo*, sita, speciatim vincula, quibus personae erant secum connexae. Hinc judicium Dei erat repetendum, quo Hierosolymitanos abjicit, ita ut *terra*, incolis privata, jaceret *fiderata* vasta et inanis, tanquam fulmine adusta; in signum totalis destructionis et abjectionis populi. Quae nihil habent obscuri. Extenditur itaque judicium ad totam terram, quae desolata jaceret, incolis, ad exemplum Hierosolymitanorum, partim occisis, partim abductis, aut alio migrantibus.

C A P. XVI.

§. CCLVIII. **D**ecima revelatio, hoc capite comprehensa, et eodem tempore facta, eodem tendit, quo superiores, ad justificandum judicium Dei super Hierosolyma, et incredulos de necessitate ac certitudine ejus convincendos, et pusillanimes fideles in spe restitutionis confirmandos, ne putarent actum fore de Hierosolyma et civitate Judae, in perpetuum. Hosce in fines Deus per prophetam hoc in capite *abominaciones*, easque secuturum judicium excidii Hierosolymae vivis coloribus, et emblematicè depingit, sed subjungit luculentum promissum instaurationis per modum adpendicis ad piorum consolationem. Ipsius revelationis prae-

N n 2

cipuum

cipuum argumentum et scopum Deus declarat, dum prophetae injungit, mox in principio, ut *Hierosolymam cognoscere, agnoscere, et experiri faciat abominationes suas*, vers. 2. abominationes nimirum recensendo, et earum vindicationem denunciando. Quod utrumque verbo עָרָא est involutum, dicit enim et notitiam, et poenam exemplarem: uti alibi saepe observavimus, sic et עָרָא in Hiph. *experiri facere*, punire Jud. VIII: 16. et alibi. Utrumque hic agit propheta; Objectum itaque est *Hierosolyma*, tanquam metropolis civitatis, et Ecclesiae, tribus Judae; distinguitur enim a *Samaria*, sorore ejus dicta; metropoli civitatis et Ecclesiae Israelitarum reliquorum. *Urbs* itaque cum populo Juda hic est intelligenda; sed ea tanquam *metropolis*, ad quam in seq. manifeste respicitur. Sunt autem *duae* partes revelationis, praeter adpendicem, *tertiam* ejus partem; *altera* repraesentat *abominationes* ejus, *altera* iudicium Dei, utraque distinguitur per formulam, *sic dixit Dominus Jehova*, vers. 3. et vers. 36. Sistit autem Hierosolymam ob oculos sub imagine *foeminae*, vilis et obscurae originis, in statu foedo a nativitate, sed adoptatae a Deo, educatae, et nubilis ductae in uxorem, ac magnifice lauteque habitatae, denique adulterae factae, penitus infamis et prostitutae, tandem rejectae, et exemplari iudicio punitae. Quae imago satis usitata, et per totum caput regnat, simul stylo luxuriante, resque obscenas nude et simpliciter exponente ad pudorem Judaeis incutiendum, a propheta vivis depingitur coloribus, etiam explicatu hic illic difficilioribus.

§. CCLIX. In *prima* parte sese offerunt foeminae hujus natales, et fata ac mores per varias aetates, infantilem, puellarem, seu virginis nubilis, et adultam, seu uxoris. *N.* Natales, seu familiae, unde orta fuit, his verbis describuntur vers. 3. *Conflaturae tuae et nativitates tuae e terra Cananaea, Pater tuus fuit Amorrhaeus, et mater tua Chittaea.* h. e. Patria tua, ubi conflata, et unde traxisti naturam et indolem, est *Cananata*, parentes tui, ex quibus genita, quorum-

quorumque ad imaginem formata es, sunt *Amorrhæi* et *Chittæi*; adeoque infamem, idololatricam, et abominabilem habuisti originem, et ab ortu tuo talem indolem; gloriaris quidem te esse nobilissimam prolem, a Patriarchis ortam, sed longe secus est, cum indoles tua longe alios spiret natales, acsi non ex patriarchis piis, sed idololatriis impiis esses nata; quippe quibus similiter ab ipsa nativitate fuisti, quam Abrahamo, Isaaco, et Jacobo, adeo ut non ex his, sed illis recte dici possis orta. *Terra* itaque nativitatis vocatur *Canan*, et *parentes* *Amorrhæi* et *Chittæi*, non proprie et litteraliter, ut facile cernitur, sed improprie et figurate; quatenus indole et adfectionibus *Amorrhæis* et *Chittæis* similiore sint, quam Abrahamo et patriarchis: quò sensu ex *patre diabolo* esse dicuntur Joh. VIII., et *progenies viperarum* Matt. III.; Sic, qui tardo et stupido sunt ingenio nati dicuntur ex *robore* aut *ilice*, qui inhumano et saevo ex *leone*, *tigride*, saxo aut *silice*, apud Ovidium Virg. et Senecam. Quae loca jam produxit Sanctius. Sed non est pura puta figura, ut in phrasibus adductis, verum aliquid veri et proprii habere debet in progenitoribus et parentibus populi *Judæi*; quo hic respicitur, et unde figura desumpta est, maxime cum patriam adpellet *Cananaeam*, et parentes *Amorrhæos* et *Chittæos*. Quod quid sit quaeritur, sunt qui ad *Abrahamum*, ex parentibus idololatricis natum, in *Mesopotamia*, Jos. XXIV: 7. respici putant; minus recte, cum, quod ratio tunc reddi nequeat *Cananaeae*, et *Amorrhæorum* ac *Chittæorum*, unde nati sint *Judæi*, tum quod de *Juda*, seu *Judæis*, proprie dictis, hic praecipue agatur, licet reliquos *Israelitas* non exclusos velim, qui in seq. titulo *sororis* hujus foeminae insigniuntur. *Digitum* intendi rectius statuitur, cum ad uxorem *Judæ*, progenitoris eorum proximi, *Cananaeam*, Gen. XXXVIII. qua cum fuit copulatus, et ex qua tres filios procreavit, quibus uxorem, uni post alterum, dedit *Tamar*, iidem *Cananaeam*, ut probabile est, ex qua nati sunt *Peres* et *Zarah*, unde sunt *Judæi*, quod *Coccejus*

jūm observavit, tum, quod addo, ad incestum Judae ipsius cum nuru sua Tamar, unde originem traxerunt, quod morem detestandum *Amorrhaeorum* et *Chittaeorum* spirabat Lev. XVIII. Confirmat, quod Esavitae, per *Sodomaeos* intelligendi vers. 46., ut suo loco videbimus, sororis ejus titulo insigniti, quoque ex progenitrice *Chittaeae* sint, uxore Esavi; Gen. XXVI: 34. Sensus itaque est, Judaeos ex matre Cananaea vere ortos, ac infami concubitu Patris, indole et moribus sese Cananaeis et infamibus populis praebere similes, acsi ex iis, et non patriarchis, essent nati. Sed verius est, et hic proprie in censum venit, *Amorrhaeos* et *Chittaeos* adpellari, quod illi tantum praecipui fuerint Cananaeorum, praesertim quod *Amorrhaei*, *Chittaei*, et *Jebusitae* fuerint vicini, et in tractu montano australi habitarent, Num. XIII: 29. quem deinceps acceperunt *Judaei*, quorum progenitores itaque illi recte adpellantur, quia in eorum sedes venerunt, quod eorum indolem exprimant. Ceterum, ad intell. Etum verborum, notandum restat, vocem מְכֻרְתִּים pertinere ad solum nativitatis Cananaeam, et מְלֻרְתִּים ad parentes; quod posterius facile patet, et ex vers. seq. 3to manifestum fit, prius inde etiam elucet, quod terrae haec vox et patriae adjungatur, infr. XXI: 35. et XXIX: 14. Radix est, non מְכֻר ut vulgo, sed כּוּר in globum congestis, conglobavit, unde כִּיּוּר 'avacrum rotundum, sive olla, sive focus et fornax; hinc מְכֻרָה conflatura seu locus conflationis, ubi aliquis conflatus et formatus est, et hinc indoles natura, in qua quis est informatus. Sensus ergo est, Judaeos indolem traxisse ex patria Cananaea, et imaginem habere ex *Amorrhaeis* ac *Chittaeis*, ex quibus ex parte nati sunt, quorumque in sedes successerunt; eaque ratione quasi eorum posterius, quippe iis similiores, quam veris progenitoribus Abrahamo et patriarchis, a quibus mirum quantum degenerarunt. Denique addendum est, *Hierosolymam*, cujus hic quoque ratio est habenda, ut ex dictis et dicendis clarescit, hoc tempore nativitatis populi adhuc fuisse possessam a Cananaeis;

naeis; qui *Jebusaei* adpellantur, et cum *Amorrhaeis* ac *Chittaeis* conjuncti sunt; iisque vicini; in quorum locum dein successerunt *Judaei*, qui primum una ibi habitarunt cum *Jebusaeis* Jud. 1: 21. dein sub *Davide* soli. Quae ultima observata mox usui erunt, ad tempus *nativitatis* populi, et varias ejus aetates recte definiendum.

§. CCLX. 2. Sequuntur nunc fata populi per varias aetates seu periodos, sub imagine foeminae, primum *infantis*, dein *virginis* pulchrae et nubilae, denique *uxoris Dei* insigniter ornatae et ditatae vers. 4—14. In qua pericopa a. repraesentatur populus tanquam foemina, a *nativitate* sine ulla cura, ad vitam ejus necessaria, projecta in agrum, et ab omnibus deserta, ita ut morti fuerit proxima vers. 4, 5. *Et ad nativitates tuas* quod adinet, *die, quo nata es, non praecisus est umbilicus tuus, nec aqua es abluta ad tersionem mihi, neque sale es perfrida, nec fasciis ligata. Non connixi super te oculus alicujus ad faciendum tibi unum ex iis, mollem se tibi praebendo, et abjecta es super facie agri in fastidium animae tuae, die, vel a die, quo nata es.* Respici ad infantem in sordibus *nativitatis* abjectum, qualis erat nudus et solutus, nec ullius misericordiam ac curam, qua tollatur et curetur, expertum; adeoque praesentissimo vitae periculo expositum, facile adparet; nec hac parte aliquid inest difficultatis, nisi in voce *יָשַׁם* *ad tersionem mihi*, uti verti, quam expedire non potuerunt interpretes; sed fecit Cl. Schult. defect. §. 21, et 28— ubi docuit *יָשַׁם* proprie esse *mulierem torgere*, vel blanda manu *pertergere*, adeoque eam intelligi curam religiosam, qua *sordes foetus a matre rubentis eluuntur, exterguntur*, idque manu molli, ac totum corpus permulcente, quae omnia in radicem conflunt; est praeterea pleonasmus emphaticus pronominis affixi in *יָשַׁם*, respondens Lat. *mihi*, ut sit *ad tersionem mihi* ab eodem ibid. quoque observatus. Duo autem de hoc infante praedicantur, alterum est, eam a parentibus non fuisse curatam, sed abjectam, alterum, neminem fuisse alium, qui ejus curam suscepit,

ceperit, vel cum fructu et effectu potuerit: *prius* vers. 4., *posterius* vers. 5. traditur; *curatio* infantis recens nati quatuor comprehendit, refecare umbilicum, aqua leniter lavare, sale perfricare, et fasciis ligare; quorum duo *priora* ad *purgationem*, *posteriora* ad firmitatem corporis, omnia ad vitam infantis conservandam et fovendam pertinent, nec nostra opera indigent, ab aliis etiam satis illustrata.

§. CCLXI. Majoris fuerit definivisse *tempus*, quo hic respicitur, et *sensum* emblematis explicuisse, ac ad populum Judaeum et Hierosolymam adplicuisse; maxime cum Interpretes magis minuisse omnes a vero aberrarint. Quod ad *tempus* adtinet; Interpretes cogitare solent vel de Abrahamo in Mesopotamia ex familia idololatrica nato, vel de Israele in Aegypto adflicto. Sed *neutrum* ferri potest, minus *prius*, quod ratio reddi nequeat nativitatibus in Cananaea et ex Amorrhæis ac Chittæis; nec etiam primum effectum curae Dei vers. 7. conveniat in Israellem in Aegypto degentem; multiplicatus quidem ibi est populus, sed nec floruit, nec pulcher, firmus ac prosper factus est, ut ibi dicitur: *posterius* etiam hac difficultate peculiari premitur, quod jam ante adflitionem fuerit *multiplicatus*, nec in Aegypto floruerit, et prosper factus sit. Sed *neutra* hypothesis convenit *subiecto*, per infantem depicto, ejusque nativitati in Cananaea, et ex parentibus Amorrhæa ac Chittæa. *Subiectum* est populus Judaeus in specie Juda, et Hierosolyma, ut ex supra dictis liquet; repraesentatur autem hic tanquam recens natus in ipsa Cananaea, et ex parentibus, qui sedes Amorrhæorum ac Chittæorum tenebant, absque ut illi penitus essent exterminati, sistitur denique populus, cum natus esset, in statu corrupto vili et misero positus, imaginem et indolem non parentum propriorum, sed peregrinorum, et in quorum sedes venerant, ac in medio adhuc versabantur ferens, adeo ut ex hisce censeri debeant nati, sed ab iis abjecti, et a nemine curati cum effectu. Quæ si ad animum revocentur, et sequentia conferantur, in nul-

lum

iam tempus populi Judaici aptius videbuntur quadrare, quam quo terra Cananaea occupata, divisa et possessa, *nova generatio*, ex iis orta, qui terram sibi vindicaverant, in lucem prodiit, et parentibus successit, corrupta et idololatrica Jud. II: 10.— Judaei itaque, ex mea hypothese, hic depinguntur, quales fuerunt ab eo tempore, usque donec per Samuelem, Saulum, et in specie Davidem, a Deo sunt curati, et ad meliorem statum aptati, qui describitur vers. 7. etc.

§. CCLXII. Commendat se haec hypothesis, quod omnes imaginis partes faciles inde nanciscantur explicatus, et haec pars in populum ejus temporis unice quadret: quod paucis illustrandum est. 1. Repraesentatur populus sub imagine *foeminae* recens natae in *Cananaea*; quatenus prima fuit generatio eorum, qui in eam venerant, et eam sibi vindicaverant; unde itaque status infantilis recte ducitur. 2. Sistitur tanquam ex Amorrhaeis et Chittaeis originem habens, quippe in quorum sedes venerant *Judaei*, quorum hic praecipua habetur ratio, et ubi erat Hierosolyma; quatenus a veris suis genitoribus et antiquissimis, et proximis, plane degeneraverant, adfectiones et corruptiones Cananaeorum induerant; adeoque recte dici poterant ex iis nati, ut supra exposui. 3. Describitur porro haec infans a parentibus, quorum imaginem praeferebat, sprete et abjecta: quod facile ad Judaeos a Cananaeis non curatos, sed rejectos, applicari potest, magis etiam, quod, uti Cananaei et Philistaei eorum praecipui hostes fuerunt, ita Jebusaei Hierosolymam tenentes eam privarunt honore et splendore, ipsi destinato; 4. Comparatur porro populus cum infante puella in sordibus naturalibus jacente, umbilico non rescisso, nec lota, nec sale adpersa, nec fasciis constricta; adeoque in statu vili, misero, infirmo et contemptibili; qui in mortem exire deberet. Quae elegans est pictura populi corrupti et idololatrici, simul infirmi, abjecti et miseri, in quo tandem exspirare deberet. *Corrupta*, et *idololatrica* ejus conditio recte per *umbilicum non rescissum*, et *sordes non ablutas*, ad Deo nitendum.

Oo

gendum, expingitur; ut facile cernitur. *Umbilicus* non relictus, sicut indicat connexionem durantem cum matre Chitasa, seu idololatrica, ita corruptionem nativam sese exercentem, denotat. Stylo enim Orientis *umbilicus* inter alia usurpatur pro principio et radice quasi vitae animalis, unde humorem nutrientem primitus hausimus, et inde pro corruptione nativa et alte insita, in qua concepti et nati sumus. Vid. Jer. III: 17. et ibi dicta; *sordes* nativitatibus non ablutae eodem etiam facile tendunt, cum maternum sanguinem, et alias naturae sordes infanti adhaerere, et cum deturpare, ac impurum reddere, significant. *Infirmus* vero et solutus status populi recte depingitur per negatam frictionem salis, ac fasciarum ligaturam, ad corpus firmum reddendum, et membra consolidanda ac recta facienda, tendentem. Qui verus conspectus fuit populi Israelitici sub *judiciis*, vel tota periodo, quae post Josuam et seniores fluxit usque ad Samuelem et Saulum. Nec aliam praetuli faciem Hierosolyma, villis et abjecta urbs, simul idololatrica, usque ad Davidem. 5. Dicitur praeterea infans puella *super faciem agri projecta*, egregium emblemata populi neglecti, contempti, et cujusvis insulationi ac conculcationi expositi: uti Judaei hac periodo experti sunt, teste historia; et Ps LX. 6. *Jacuit praeterea ibi in fastidio animas suas*; quatenus et aliis et sibi suis aversationi; quam per multiplices querelas, et murmurationes saepe demonstravit; manus etiam subinde in se ipsam iniecit, ut tempore belli Beniaminitici, et sub Gideone ac Jephtha. 7 Denique nullum nacta est infans puella patronum, qui ejus misertus efficaciter applicaverit ipsi remedia, quibus in vita manere, et firmari ac educari possit. Quod ipsum a Judaeis eo tempore non multum abhorret. Tentarunt quidem subinde judices, et locaperunt id facere, sed nemo inventus, qui cum durabili effectu id praestitit, Hierosolymam nemo quidem tentavit ab illis sordibus purgare, et in metropolim formare, ante Davidem. Nullus praeterea fuit inter vicinos, qui hujus populi

populi misertus sit, contra, varii ipsi insultarunt, et manus violentas injecerunt, eamque in statu vili et abjecto perverare fecerunt.

§. CCLXIII. β. Sequitur secunda *periodus*, qua populus Judaeus, cum ipsa Hierosolyma, benevola Dei cura, multiplicatus, ornatus et formatus est, absque tamen ut sedes regni et religionis fuerit urbs facta. Quae conditio a Sathuele ad Salomonem usque duravit, et per Samuelem, Saulum, et praecipue Davidem est effecta; hic autem depicta et repraesentata per infantem puellam curatam, et educatam, donec ad aetatem adultam et nubilem pervenerit vers. 6, 7. his verbis: *Et transivi juxta te, et vidi te conculcantem te in sanguinibus tuis*, (rectius *inquinantem* Vid. Scheidius disp. ad V. T. sub Cl. Schroedero p. 23.) *et dixi tibi in sanguinibus tuis, compacta vivas, et dixi tibi in sanguinibus tuis, compacta vivas; spissitatem instar germinis agri dedi te, et spissa ac firma adolevisti, et intrasti ornatus ornatuum*; (vel potius usque ad voluptates sentiendas et desiderandas aut ad tempus voluptatum) *ubera tua* (legendum enim est *וְשֵׁנֶיךָ*, ut Graecus et Syrus habent, etiam Mss.) *solidata sunt, et capillus tuus splendide emicuit; et, vel sed, tu nuda et resecta*, seu usque ad pudenda nuda. Quae, quoad litteram, parum difficultatis habent, respicitur ad infantem puellam, quae a sanguinibus rubens et projecta, ac conculcationi exposita, seu inquinata insignem naeta est patronum, ejus misertum, qui ipsi opem suam addicit, et adfert, qua curata est, et in virginem nubilem ac pulchram adolevit, ita ut firma et compacta simul formosa fuerit facta, mammis bene instructa, et capillitio comata; attamen nuda adhuc tota, et ad concubitus prona, sine vestitu et ornamentis, sine marito, nuditatem ejus tegente, et sibi servante relegendam. Describitur 1. benevolum patroni promissum, quo curam suam infanti miserae addicit, ad firmam et splendidam ipsi procurandam corporis conditionem, his verbis: *et dixi, compacta vivas*; (bis licet legatur in textu hodierno semel

tamen in versionibus Graeca et Syr. ut et in Mss. nonnullis, videtur quoque repetitio superflua, nisi emphaticus causa id fieri statuatur, ut mox dicam) *spissitatem instar germinis agri dedi te*; h. e. promisi tibi, me curaturum, ut corpore bene compacto vivas, quod est *דדד* proprie *coagmen-
tare* et in unum compingere, unde etiam de corpore firmiter compacto usurpatur, Ex. l: 19. 2 Sam. XXIII: 20. et alibi; simul in spissam molem, et eximiam staturam, excrescas; quod phrasis significat, *spissitatem instar graminis agri dedi te*, h. e. promisi te talem futuram, densam, spissam, proceram, ac pulchram; 2. additur effectum secutum, quum dicitur, *et spissa*, ac *firma*, *facta es*, *intraisti ornatum ornatuum* (pulchram et venustam faciem, speciem et staturam, accepisti: de alio enim ornatu externo non agitur, et mox *nuda* dicitur, forte rectius leg. *נערי עדנים* usque ad voluptates sentiendas, vel *נעת עדנים*, ut mox *עת רדים*) *ubera firmata sunt*, et *crines emicuerunt tui* (nubilis tacta es, nammis turgida, et crinibus ubique, ut puella nubilis, vestita, in capite scilicet et pudendis; non enim est restringendi ratio, et posterius etiam intendi ex nexu cum praeced. videtur liquere) *attamen tu nuda et pudendis relecta* (sine ullo vel minimo vestitu, tota nuda, usque ad *pudenda*, instar puellae veneris cupidae, eo enim tendere videtur, quod non *עם* *nuda* simpliciter dicatur, sed simul *עריך* cum adlutione ad *ערוה*, qua voce *pudenda* nudata exprimi solent. Indicatur itaque puellam, pulchram licet, et bene compactam, omnibusque partibus recte ornatam, adhuc caruisse marito, et protectore, quocum consueferet, et a quo pulchre vestiatur, esse tamen ejus cupidam vid. vers. 8. Plura non necesse est addere.

§ CCLXIV. Explicemus nunc sensum emblematicum, et applicemus ad statum populi Judae et Hierosolymae, durante periodo sub Samuele ac Saulo, et Davide; incepit enim sub illis, et sub hoc est consummata; quo pertinet, quod dictum Dei duplex occurrit, *dixi in sanguinibus tuis vive*,
dixi

dixi in sanguinibus tuis vive; quae repetitio si genuina sit, de quo modo monui, non est otiosa, nec certitudinis tantum nota, sed ad duplicem periodi partem respicit, *alteram*, qua incepit compacta v. vere et crescere, *alteram* qua in eo statu consummata est, et vitam compactam, pulchramque staturam in omni emphasi accepit. *Dixit* illud Deus quum populo promisit plenam liberationem ab hostibus tempore Samuelis 1 Sam. VII: 3. et uncti Sauli ibid. IX: 16. Sed repetiit Deus, et longe luculentius sub Davide; etiam in specie respectu *Hierosolymae*, in metropolin regni et religionis erigendae: cujus hic specialem rationem esse habendam dixi. Docuit etiam eventus; purgatus jam esse incepit populus a sordibus idololatricis sub Samuele et Saulo, vid. 1 Sam. VII. nec legibus eo tempore denuo invaluit idololatria; liberatus est a Philistaeis et hostibus vicinis 1 Sam. VII. et XIV: 47. Factus est populus bene compactus, firmus, simul pulcher., ac dives; 2 Sam. II: 24. Sed haec omnia consummata sub *Davide*; uti ex historia ejus nemini non notum est: in specie Hierosolyma tum est ornata, et firmata, ac in spem metropolios regni non tantum, sed et religionis adducta, ac praeparata. Sed quid sibi vult, quod puella, jam nubilis facta, dicatur *nuda* et *resecta*? significatur, ni fallor, populum Judae et Hierosolymam adhuc caruisse actuali inhabitatione Dei, tanquam *mariti*, ejusque effectis in summo splendore, et abundante copia omnium bonorum, uti factum est sub Salomone. Erat populus cum urbe illa, ut sic dicam, nubilus, et cupidus mariti, quatenus tempus ante fores erat, quo promissorum, Davidi factorum, compos fieret. Sed nondum ea praerogativa gaudebat, carebat adhuc Templo, et cohabitatione Dei in medio Hierosolymae, cujus promissum tantum habuit, et anticipatum per *arcam* sub Davide, patrocinio itaque et consuetudine Dei maritali adhuc orba erat; et eo sensu *nuda* et *resecta*; quatenus nondum habebat, qui *nuditatem* splendido ornatu tegeret, et *pudenda* obvelaret, ac sibi reservaret.

O o 3

quod

quod Deus ipsi sub Salomone concessit; quando Hierosolymam et populum Judae sibi uxorem adlocavit, eoque sensu ejus *puenda* quoque *taxis*, ut vers. 8. dicitur. Est itaque illud non absolute, sed restrictè intelligendum, et relate ad cohabitationem conjugalem; qua rupta deinceps rursus dicitur *nuda* et *restituta* tacta vers. 34.

§. CCLXV. 7. Tertia periodus sita est in populi Judae et Hierosolymae, tanquam metropolis regni et religionis actuali possessione et adfociatione a Deo sibi facta, posteaquam eam ab omnibus sordibus, ab ipso sibi contractis tempore praecedente, purgasset, et splendide tanquam regiam sedem ornasset, eo cum effectu, ut deinceps adhuc multo splendidior et fortunatior evaserit per Dei cohabitationem; qualis fuit ejus conditio sub Salomone: ad quam tota haec pericopa unice referenda est, vers. 8—14. In qua a. occurrit actualis conjunctio Dei, tanquam mariti, cum populo Judae et Hierosolymae, tanquam uxore, jam ante desponsata; vers. 8. b. descriptio status ejus ex Dei benigna cura orti, in quo fuit, cum Deus eum sibi actu adfociavit vers. 9—12. c. consequens hujus conjunctionis cum Deo, in statu splendoris amplificatione, vers. 13, 14. Secundum quam hypothesein, et divisionem, omnes pericopae partes recte cohaerent, et ab omni tantologia liberantur, simul faciles acquirunt explicatus: ut ipsa tractatio, summam tantum instituenda, docebit.

§. CCLXVI. a. Actualis inhabitatio Dei, tanquam patris et regis, in medio populi Judae et Hierosolymae, sub imagine conjugii cum puella, eum in finem educata, jam nubili facta, his verbis repraesentatur vers. 8. *Et transi iuxta te et vidi te, et ecce tempus tuum, tempus deliciarum conjugum, et expandi oras meas super te, et obtuli pudendam tuam nuditatem, et juratus me tibi obstricti, ac veni tecum in fœdas, inspiratum Domini Jehovae, et facta es mea* Quae ad litteram depingunt, ut facile cernitur, conjunctionem conjugalem, qua sponsus sibi sponsam adfociat, solenni pacto

paſto inito, in uxorem, cum nubilis et veneris cupida eſt facta. Huc omnes phraſes, quae parum obſcure habent, clare tendunt. Puella deſcribitur apta ad conjugalem conſuetudinem non tantum, ſed et eam adperens; cum dicitur *tempus* ejus eſſe *tempus deliciarum*; ſcilicet, quae ex amore et conſuetudine conjugali percipiuntur: quae vox עֵרָא indicat; cujus proprietas eſt in *ſugendo*, et ſucta mulgendo, ac *delicias* capiendo. Sicut Lat. *delictor a lacte*, ſuctu traho, unde *illino*, *illecto*; unde et *ollae* ſignificatus a deliciis, quas cibi cocti et calidi adferunt, et *caniftri*, frugibus et fructibus pleni. Conjugalis conjunctio depingitur per reliquas phraſes. *Expansio* enim *alarum* dicit ſuſceptionem ſponſae in tutelam et patrocinium, tanquam uxoris, uti Ruth III: 9. Jeſ. IV: 1. *Obrutatio nudatis pudenda*, quam hic denotat נָחַץ, conſuetudinem conjugalem honeſte exprimit, tanquam marito ſoli competentem, et reſervatam, aliis plane *teſtam* et prohibitam, quam ipſe ſolus *tegit*, et *retegit*. Denique *jurare* et *venire in foedus* paſtum matrimoniale exprimit ſolenniter firmatum et ſancitum: quod ſacillimum eſt: additur, *et facta es mihi*, ſcilicet uxor legitima, mihi ſoli adligata. Sed quorſum haec tendunt? vulgo ad foedus Sinaiticum, vel gratiae etiam, reſerunt Interpretes; de Judaeis et Iſraelitis in deſerto his agi exiſtimantes. Sed, licet foedus Sinaiticum quoque comprehendatur tantquam renovatum, et paſto matrimoniali Dei cum Juda involutum, proprie tamen et directe reſpicitur ad foedus cum Juda et Hieroſolyma initum tempore Salomonis, quo Deus declaravit ibi fore ſedem regni et religionis et Deum ſpecialim habitaturum eſſe; ſicut Templo aedificato, id praefſtitit actu. 1 Reg. VIII: 10. IX: 2. etc. 2 Chron. V: 14. VII: 1. Quare Hieroſolyma in verbo prophetico ſub imagine ſponſae et uxoris Dei, ac matris populi ſequentis proponitur, et Eccleſiae emblemata eſt. Huc vero nos ſeries orationis manifeſte ducit, ut ex ſuperioribus patet, huc ſequentia clare tendunt, ut mox patebit. *Foedus vero hoc*

pisum, variegatum et acupictum, quod est, *vestire opera phrygi-*
nica; uti constat. Radix **עפר** in genere notat, quod *La-*
plumare, vel *acu pingere*, aut variare, sive auro, sive alia
materia, ope *acus* inducta; vid. Schroed. ad Jes. III. p. 221.
 Hic videtur vestis exterior auro et purpura variegata indi-
 cari, ut ab *interiore*, mox memoranda, distinguatur. Con-
 venit etiam verbum **עבר** proprie *plicavit*, *complicavit*, et
 cap. XXVII: 24. *pallia hyacinthina et auro picta* occurrunt.
 2. *Calcei melini* vel *ex vaccae marinae pelle*: est enim vox **עמר**
 dubiae significationis; alii intelligunt *pellas ovium purpureas*,
 sive naturae, sive arte. Vid. Bochart. H. p. I. l. III. c. 30.
 alii *vaccam marinam*, *Belgice meermisse*, uti Cl. Hasaeus
 diff. altera de *manathi*. 3. *Fasciae seu taeniae byssinae*, qui-
 bus caput ornatur, et crines constringuntur, **עמר** dictae
 Jes. III: 23. de quibus vid. Schroeder ad eum locum: *serica*
 nos eo videtur ducere, cum modo de *calceis* fuisset actum,
 nunc de *capitis* tegumenta agit, quod hic omiti non po-
 terat; convenit verbum **עמר**, cujus potestas est in *compres-*
sione ardore, opposita *laxationi*, unde inter alia ad *adliga-*
tionem ornamenti ad caput transiit, uti Jon. II: 5. sic Ez.
 XXIX: 9. *adligabis iis tiaras*, Ez. XXIV: 17. Consentit
 nobiscum Cl. Schroeder ad Jes. III. p. 202. 4. Indusium *seri-*
cum, cui verbum **עמר** recte concinit, est enim proprie
involvere, unde ad vestem, totum corpus involventem, adpli-
 catur, vocem **עמר** esse *sericam* demonstravit inprimis Cl.
 Schroeder ad Jes. III. p. 325.

§. CCLXX. A. Reliqua pertinent ad adscititia ornamenta,
 vers. 11, 12. uti etiam indicatur, quum praemittitur, *in-*
struxi te adparatu magnifico; quod generale est, et mox
 deducitur per partes, *ornamenti* illis recensitis. 1. Primam
 continet *armillas manuum*; **עמר** a rad. **עמר** proprie *pres-*
sus adligavit, constrinxit vinculo, unde inter alia denotat
manuum ligamen, inde *armillas*. Adpellantur Jes. III. **עמר**,
 quae vox a propria *nectendi et struendi* potestate transiit ad
apides pretiosos vel margaritas in armillam confertos. Vid.
 Schroed.

Schroed. ad eum locum p. 57.— 2. *Secundum* est, quod *solum* ambebat, et רַכֵּץ adpellatur; cuius significatio non nisi in genere nota est. Alibi pro *stragulis*, vestibus, quibus instratus lectus; usurpatur Prov. VII: 16. alibi, ut hic et Gen. XLI: 42. pro *ornamento collari*. Conf. Cl. Schult. ad Prov., qui tamen nihil definit. Forte conferri potest cum Arab. رَبَّط *ligavit*, unde vox derivata dicit *ligaculum*, *vinculum*, quod jam observavit Simon de form. p. 100. vel cum Hebr. quoque רָבַץ proprie *stipare*, *suffulcire*, unde inter alia *substernere pro fulcimento*, et derivatum est *faltura*, *pulvillus coactilis*, qui substernitur, in specie *natum macrarum in muliebri mundo*. Vid. Schult. clav. p. 204. et ad Cant. II: 5. Est itaque ornamentum, quo collum extensum fulcitur, seu *collare*. 3. *Tertium* est margaritarum series infusa, supra nasum suspensa, dicta נִזְנִי, quae vox denotat *lineam margaritarum* a rad quae notat *ordinare*, certaque serie conjungere margaritas, eas trajiciendo per filum. Vid. Schroeder ad Jes. III. p. 294.— Prov. XI: 22. *monile aureum ad nasum porci* memoratur. 4. *Quartum* continet *inaures* scilicet globulorum, qui auribus adpendi solebant, nomine עֲלֵי־אָזְנוֹת *supra aures*, quod proprie *compactum* dicit, inde *rotundum*, et globulorum genus denotat, qui auribus adpendebantur. Vid. Schroeder ad Jes. III. p. 53., alias etiam נִזְנִי adpellantur, et Jes. III. עֲלֵי־אָזְנוֹת: uti Id. ib. p. 50. observavit. Denique 5. *quintum* est *corona tumide decora super capite*, corona תְּפִלֶּת h. e. fasciae sublimioris, fastigiatae, et quasi *intumescens*, capiti circumligatae, a rad. נָמַן proprie *tumuit*, inde *gloriae et excellentiae* usus fluxit. Vid. Schroeder ad Jes. III. p. 95. etc.

§. CCLXXI. Quod ad sensum emblematicum adinet, putaverim in *generalibus* tutius subsistit, quam in *specialibus*, quorum specimen dedit *Pradus* et *a Lapide*, oberrare, adeoque in genere significari, Hierosolymam, tanquam metropolim regni et religionis, fuisse sub Salomone in *conditione libera, pacifica, opulenta, splendida*, in specie *regia et* facit.

sacerdotali positam; quum Deus eam sibi solenniter, Templo perfecto, adsociavit, sedemque ibi fixam posuit. Adde potest, eam fuisse exercitio religionis et virtutis pulchre ornatam, et multiplice scientia splendide instructam, usque nominibus Deo, sponso et marito, gratam. Quod si quis ad *specialia* velit progredi, is per *caput* redimitum intelligat *regem*, per *collum* Pontificem, per *manus* ministros sacros et civiles, per *aures* prophetas et poetas, per *naves* denique quosvis sapientes, prudentes et consiliarios.

§. CCLXXII. c. Duplex subjungitur conjugii jam consummati, seu inhabitationis Dei in medio populi Hierosolymae, consequens, *alterum* respectu status populi, *alterum* *celebrationis* ejus inter gentes. 1. Prius in eo situm est, quod populus supra modum fuerit dives et splendidus factus, illudque omnibus modis demonstraverit, praeterea laute et delicate vixerit, adeoque omni parte beatus fuerit, et prosper in regno. vers. 13. *Et ornasti te auro et argento, et vestitus tuus fuit byssus, sericum et opus phrygionicum; simlām, (florem farinae) mel et oleum comedisti, et pulcherrima facta es* supra modum, *et prosperrime successisti in regnum.* h. e. pulchra non tantum et gloriosa fuisti, cum te meam feci, sed et mansisti, imo majore gradu, omnique abundantia et delectatione gavisa es in pace; adeo ut pulcherrimus et prosperrimus fuerit regni tui status. Significatur 1. splendorem et opulentiam fuisse durabilem, et majus quoque incrementum cepisse post inhabitationem Dei, 2 bonorum illorum fuisse usum pacificum, laetum et copiosum, ita ut se ipsa ornaverit nova nupta in posterum, et laute ac delicate vixerit. 3. prosperitatem fuisse per totum regnum diffusam, et omnes eam participasse, Hierosolyma in regnum felix, prosperum et splendidum, tanquam metropoli, succedente. Quae omnia ex historia Salomonis sunt notissima. Sicut etiam de *altero* consequente 2. facile inde constat; quod his verbis proponitur vers. 14. *Et emicuit tibi nomen inter gentes in pulchritudine tua; vel per eam, quia consummata est ipsa per glorio-*

gloriosam meam majestatem, quam super te posui, inspiratum Domini Jehovae. Quorum sensus, qui non est in difficili, huc redit, Hierosolymam et regnum ejus accepisse celeberrimum nomen inter gentes, in specie propter gloriosam inhabitationem Dei, ejusque majestatem in ea conspicuam, per quam *regnum Dei* factum est. Conf. 1 Reg. X: 1. et V: 14. Nihil hic praeterea observandum occurrit, praeter emphasin phrasios, *posui majestatem meam gloriosam super te*, qua simul indicatur, regnum fuisse Dei in eo Salomonis conspicuum, sicut ipse in *throno Dei* sedisse 1 Chron. XXIX: 23. legitur.

§. CCLXXIII. 1. Sequitur fusa descriptio *abominationum* Hierosolymae, quibus in lucem proferendis haec revelatio erat destinata, ut vers. 2. habetur, sub imagine uxoris adulterae, quae horrendum in modum sese prostituit, supra omnes alias mulieres, per idololatriam qualemcunque, continuo mutata, nunc hanc nunc illam, ex vicinis gentibus desumptam, per arctam conjunctionem cum gentibus idololatricis, et fiduciam in iis collocatam, denique per terribilem morum corruptionem, in corporalibus etiam scortationibus et quibusvis aliis criminibus. Quae omnia nomine *scortationis* et *adulterii* solent emblematicè insigniri. Haec summa est pericopae vers. 15—34. Cujus duae partes generales sunt, quarum *prior* continet adulterii generalem descriptionem, *posterior* ejus adgravationem, et specialem deductionem. *Prior* vers. 15—21. *posterior* vers. 22—34. repraesentatur. In *prior* parte a. occurrit propositio vers. 15. β. ejus deductio vers. 16—21. a. Propositio ita habet vers. 15. *Et secuta facta es pulchritudine tua, et scortata es super nomine tuo, et scortationes tuas effudisti in quemvis transuntem, cui factum est vel cujus ex facta.* h. e. Cum pulchritudo tua et nomen tuum, quo mea facta es, et a me tantopere ornata sis, te sollicitam reddere deberet, et mihi magis devincire, longe secus accidit, ipsa enim illa pulchritudo te *secutam* reddidit, et omni cura solutam, et non obstan-

te ea, nomineque tuo, quo mea es, et adpellaris, et gloriosa facta es, a me ad idololatrias et idola defecisti, et te effuse in omne genus idololatriae praecipitasti, instar publici prostibuli cuius transeunti se tradentis, cui quicquid habes pulchrum et gloriosum cessit in possessionem et ulum. Ad quam paraphrasin illustrandam not. 1. verbum *תבס* hic exferere usum *securitatis*, ansa arrepta a propria significatione *sternendi et complanandi*, unde ad complanatum et stratum animi statum, quo secure degit, et nihil metuit, aut curat, transit. Conf. Jes. XXXII: 3. et alibi. 2. voculam *ו* *super* hic notare non obstante, quantumvis: ut saepe alias. Vid. Schult. ad Job. X: 7. et observata nostra ad Ps. XXXI: 24. et Jer. II: 34. *super nomine suo* itaque scortari dicitur Hierosolyma, quatenus non obstante eo hoc agit, nihil curans praestantissimum suum nomen, quo Dei erat uxor, et ab ipso unice ditata ac gloriosa facta. Addi potest, uxorem hanc Dei existimasse *pulchritudinem* et celebritatem suam solam sufficere adfectui Dei mariti conservando, quatenus ratione se gerat. Quod alibi dicitur: *pacem* sibi promittere, licet secundum concupiscentiam vivat. Deut. XXXIX.; et fidere Templo, et inhabitationi Dei etc. super nomine itaque erit, eo freta et innixa. 3. Ultima voces *לו* *ipsi factum est*, ad superiora, seu pulchritudinem et nomen, referendae sunt, dicuntque illud omne quod erat, et habebat, quodque Deo, marito et patrono acceptum ferre, et ipsi conservare debebat, cessisse cuius transeunti, quocum scortata erat. Interpretes hic varie instituant, sed nobis nihil suppetit. Locum tamen deinceps accuratius inspicienti, visum est, rectius legi *לו* *ipsi*, vel *ipsius*, *facta es uxor*, vel amica; sicut vers. 8. a Deo adoptata, et ornata dicitur, *לו* *facta es mihi* vel *mea*. Sensus ergo est, Hierosolymam, antea sponsam et uxorem Dei, nunc per adulterium factam esse sponsam cuiusvis peregrini, eique subjectam in posterum.

§. CCLXXIV. *β.* In deductione propositionis tres species idolo-

idololatriae receperunt, se ordine secutae; quarum prima est, quae incepit sub Salomone ipso, in eo sita, quod ex-
 celsa fuerint Hierosolymis; vel in vicinis; erecta, in gra-
 tiam mulierum extranearum ad idololatriam exercendam;
 vers. 16. *Et sumfisti e vestimentis tuis, et fecisti tibi excelsa*
diversicoloria, et scortata es super illis per non intrantes
foeminas, (sive non fuit hoc) nec exis (aut esse debebat.)
 Cum idololatria sub ipso Salomone inceperit, et ejus regnum
 prosperum modo descriptum sit, eo hic intendi digitum
 existimaverim, quippe quo tempore excelsa fuerint *idolis*
 erecta, ut est 1 Reg. XI. *טלמאות* variegata per cortinas, vel
 vestes diversicolores, pro varietate idolorum; Vox proprie-
 tatem habet in *glutinatione*, seu *adpactione glutinante*, unde
 apud Golium *illinendi, inungendi* etc. potestas fluxit; unde
 sumitur de *calceis* interpolatis multis crustulis, quasi conglu-
 tinatis, et ad *variegationem* colorum transfertur, et *oves* mul-
 tis coloribus variegatas, ac tanquam *maculis* distinctas. Con-
 firmat sententiam nostram de tempore Salomonis, quod sub-
 jungitur, *לא באות ולא יורה*; quae voces multum negotii
 facessiverunt Interpretibus, et varie accipiuntur; nobis alteru-
 trum videtur statuendum. *vel mulieres peregrinas* intelligi
 per *לא באות*, vel pro *באות* legendum, *באות*, et per ellip-
 sin intelligendum verbum *היה* ex seq. Prius si obtineat,
לא באות erunt non intrantes foeminae, pro non intrare do-
 bentes in coetum Jehovae, uti de peregrinis populis Deut.
 XXIII. Verbum *בוא* adhiberi solet pro intrare opposite ad
צא exire, prodire foras, et de foeminis domum ductis, uti
 Jud. XII: 9. *לא באות* itaque emphatice sunt foeminae, qui-
 bus epitheton non intrantium competit, quatenus intrare non
 debent; posterius vero et non erit dicet, quod Cocc: jam
 vidit, et Sanctius observavit, ac exemplis comprobavit, quod
esse non deberet, quod abhorret. Quam egregie illud in
 tempora Salomonis quadret, nemini non est notissimum.
Scortata itaque dicitur Hierosolyma non intrantibus foeminis:
 quatenus per eas, quae non intrare debebant, seu peregrin-
 nas

nas id fecit. *Posterius* si locum teneat, verba dicentem scortationem illam, eo tempore factam, talem esse, ut nec antea fuerit, nec post futura sit, כִּי לֹא בָּנָה itaque est, *non in hoc*, seu sicut hoc, scilicet *fuit*, vocula כִּי saepe abundat cum emphasi, vel pro כִּי *similitudinis* sumitur: uti notum est, vel facile demonstrari potest. Confirmat posterius *cum* quod facilius sit priore, *tum* quod res extraordinaria, singularis et stupenda, soleat hac formula exprimi, *non fuit sicut hoc, nec eris*. Vid. Jos. X: 14. Joel I: 2. II: 2. Ex. X: 14. Mutatio vero vocis כִּי בָּנָה in כִּי לֹא levis et facilis est, uti in oculos incurrit. Quoadmisso, singulare illud non est in *excelsis* idololatricis simpliciter quaerendum, sed in *tempore*, quo illud accidit, sub *Salomone*, ejusque regno, rege tam sapiente, et a Deo benedicto, regno tam religioso, et signis favoris Dei illustri, quod ecce stupendum erat et singulare, cujus simile fere dici poterat nec *fuisse*, nec *futurum* esse. Utrovis modo sumatur, character temporis Salomonis manebit saluus, et conspicuus.

§. CCLXXV. *Secunda* species, quae tempore Rehabeami et deinceps semper invaluit, continet idola aurea et argentea, splendide vestita, et quibusvis donariis ac oblationibus culta, vers. 17—19. Ubi 1. occurrit idolorum, seu simulacrorum formatio ex auro et argento. vers. 17. *Et sumisti vasa tumidi, seu excelsi, tui decoris, ex auro meo et argento meo* (seu aurum et argentum meum) *quod dedi tibi, et fecisti tibi imagines masculorum, et scortata es cum iis*. In quibus nihil est, quod moram injicit, modo notetur a. *vasa decoris* hic esse ornamenta regalia, et sponsalia, supra vers. 11. memorata, quibus ornarunt idola sua, cum *vestium* mox fiat mentio; et *auri* ac *argenti* subjiciatur: sive sint idola tota aurea vel argentea, sive iis obducta, ut Jes. XL: 19. et alibi. b. *imagines masculorum* memorari, non quod foeminarum non haberent, coluerunt enim ex. gr. aequae *Astarten* ac *Baal*, sed quod imago *mulieris* adulterae hic aptetur populo, uti jam est observatum, sic et Hos. II: 8.

aurum

aurum et argentum fecisse dicuntur Baalem. Ceterum incepit haec idololatria cum Rechabeamo, 1 Chron. XII., et deinceps duravit, licet subinde impedita et prohibita per pios reges, uti constat.

§. CCLXXVI. 2. Sequitur idolorum ornatus et cultus vers. 18, 19. *Et sumpsisti vestes acupictas tuas, iisque involvisti te, et oleum meum et suffitum meum coram iis posuisti, et panem meum, quem dedi tibi, similam, et oleum et mel, quibus te cibavi, etiam dedisti coram ipsis in odoriamentum jucundae requiescentiae.* Ad quae verba, haud difficilia, aut satis illustrata, hoc tantum observo, *versum* 18. pertinere ad *ornatum* imaginum per vestes acupictas, et *cultum* earum per *lumina* et *thura*, uti in Templo seu sancto moris erat; adeo ut *oleum* hic memoretur relate ad lampades accensas; quo observato tolletur difficultas, ex vers. seq., ubi *olei* quoque mentio fit, nata, *versum* vero sequentem 19. referendum esse ad oblationem *munerum similiae, olei, et mellis*, in *odoriamentum jucundae requiescentiae*; quae in genere *panis*, seu *cibus*, adpellantur, dein in specie explicantur per *similam, mel et oleum*, ad *placentas offerendas* etc. nisi quis vocem *panis* *laticius* velit extensam ad quaevis *sacrificia*, etiam ex animalibus, quae *panis* vel *cibi* nomine subinde insigniuntur, vid. ad Mal. I., et reliquas voces ad *mincham* restringere.

§. CCLXXVII. 3. Tertia species idololatriae deinceps per Achazum introducta, et Manassen maxime exercita, omnium abominabilissima, quae subjungitur, sita est in liberorum consecratione Molecho, et primogenitorum mactatione vers. 20, 21. *Et factum est inspiratum Jehovah, et accepisti filios tuos et filias tuas, quos mihi peperisti, et obtulisti eos ipsis ad comedendum, profecto turpissimum scortationum suarum, (vel tanquam faeces ex scortationibus tuis) et mactasti filios meos, et tradidisti eos, transire faciendo ipsos iis per vel in ignem.* Respicitur, ut facile adparet, ad detestandam illam idololatriam, qua liberos consecrabant Molecho et comburendos tradebant; cujus mentio est Jer. VII: 31. *tanquam tempore Jeremiae exercitae;* et 2 Reg. XVI: 3. *tanquam*

quam ab Achazo introductae, et ibid. XXI: 6. a Manasse usurpatae, et post Josiam continuatae ad finem reip. Ad verborum intellectum 1. notandum est, voces vers. 19. fin. *et factum est inspiratum Domini Jehovae*, non ad praeced., sed sequentia pertinere, prava versuum distinctione inde evulsas, quod Gr. Interpretes etiam vidisse videntur; nullam enim emphasin habent cum praeced. connexae, quid enim necesse erat subjicere, *et factum est*, cum modo affirmative dictum erat, quid *fecerint*, sed sequentibus recte et emphatice praemittuntur, ad indicandum, quid *insuper*, et maxime detestandum, fecerint, dignum cui praemittatur, *et factum est*, quod quis fieri non posse diceret, *inspiratum Jehovae*, verum tamen est, et probe advertendum. Solet saepe illud *et factum est* praemitti orationi, uti notum est, vid. mox vers. 23. 2. Verba, *obtulisti eos ipsis ad comedendum, et mactasti eos, et dedisti ipsos ad transire faciendum ipsos* iis, hac ratione esse accipienda, ut prima phrasis sit generalis, quae in genere dicit, liberos esse Molecho consecratos instar sacrificiorum, *reliquae* duae modum declarent, quo id factum sit, in eo situm, quod *morti* tradiderint liberos, quo verbum *mactare* tendit, eos *transire faciundo* in ignem, adeoque eos in honorem idoli comburendo. Quod hic est *transire faciundo*, alibi *per ignem* additur, sed hic per ellipsin intelligitur; uti et c. XX: 26. Denique 3. voces vers. 20. fin. *המעט מתנורך*, ab Interpretibus non intellectas, vel vertendas esse, o *contemptissimum scortationum tuarum*, vel tanquam *faecem* e *scortationibus* tuis natam: utroque sensu vox *מעט* hic exferit potestatem, qua quid contemptissimum et foedissimum denotat, a propria significatione *ramenti*, quod radendo deteritur, unde metonymice occurrit pro *parum* quid, sed et *exilissimum*, *vilissimum*, et *foedum* signat. Vid. Schult. ad Prov. X: 20. et Job. XXXII: 22. Ita etiam sumitur Prov. V: 14. sed *priore* sensu *המעט* est adfirmantis et admirantis, de quo usu vid. Dietz ad 1 Sam. II. et Jer. VII. ac Schult. ad Job. IV: 21. et alibi,

alibi, adeoque insertum est ad turpitudinem rei augendam, ut sit, o turpissimum tuarum scortationum, posteriore sensu pertinebit illud **עמך** ad filios et filias, quos Deus dixerat suos esse, quippe ex foedere conjugali cum populo natos, et dicit, filios illos tanquam faeces e scortatione natos tractari a populo, adeoque longe infra dignitatem eorum, acsi essent idoli, seu Baalis filii; ita ut **עמך** sit pro **עמך** vel **עמך** per ellipsin **ו** **ב** similitudinis. Ita pro faecibus et scoriis sumitur Prov. X: 20. et alibi.

§. CCLXXVIII. 2. Posterior pars, qua spiritualis scortatio populi partim adgravatur, partim ulterius deducitur et illustratur, a. crimen ingratitude continet, quo superiorum beneficiorum Dei nulla ratione habita, sese a Deo benefactore suo ad turpissima convertit idola, et quamvis concupiscentiam; vers. 22. *Et cum, vel in, omnibus abominatibus ac scortationibus tuis non es recordata dies juventutis tuae, quum eras nuda et resecta, fuisti conculcans te, vel inquinata, in sanguinibus tuis, h. e. quam indigne et ingrate te gesseris tibi nunquam in animum venit; ad tuum statum pristinum et miserum, meaque beneficia in te collata, non attendisti, sed te in quasvis turpitudines contra tuam obligationem, effudisti. Nihil nobis relictum est observandum, nisi hoc unum; ultimas voces, fuisti te conculcans, vel inquinata, in sanguinibus tuis, non ad illud tempus adolescentiae, quo erat nuda, pertinere, sed ulterius tendere, et primam infantiam comprehendere; adeoque emphasin augere, quare repetitur illud fuisti, quod alias non erat necessarium, cum praecesserat **כחורך** quum eras. Est itaque sermo ellipticus hac ratione ex praeced. supplendus, non es recordata dierum juventutis, quum nuda eras, nec etiam dierum infantiae, quum te conculcasti in sanguinibus. Posset forte legi **ו** **ו** viva et compacta es, adeoque sine ellipsi capi, hac ratione: non es recordata status miseri in adolescentia, postquam conculcans te in sanguinibus facta es viva. Vid. vers. 6. Imputatur vero non simpliciter status vilis et miseri oblivio,*

Q9 2

sed

sed et favoris ac curae Dei, qua ex illo statu est liberata, etc. uti facile cernitur.

§. CCLXXIX. β. Repetitur non tantum idololatria, sed adgravatur nova specie scortationis spiritualis, qua sese in tutelam commisit populis idololatricis, usque ad ipsos Aegyptios, antiquos hostes, quibus Deus populum eripuerat. Quae nova species scortationis a. summam proponitur vers. 23—26. b. explicatius traditur per varios articulos et gradus, vers. 27—29. a. In summaria propositione 1. praemittitur ad inemendabilem populi animum indicandum, populum jam ante fuisse corruptum, et interminationibus divinis de infelici consequente ejus admonitum, sed nihil emendatum, quin impudentiorem et obstinatiorem factum, vers. 23. *Et factum est post omnem malitiam tuam, omnes vae, vae tibi, inspiratum Jehovah.* h. e. cum jam valde corrupta eras, cumque variae et graves tibi factae essent interminationes, ita ut spes esse deberet, te tandem anteacta vita corrupta fore contentam, et per interminationes abstergitam, *accidit*, dictum Jehovah, ut impudentior, nihilo utique melior sis facta etc. Hunc existimo verum esse conspectum et sensum horum verborum; qui ut sese adprobet, not. 1. ante voces, *vae, vae tibi.* esse ex superiore repetendam, et supplendam voculam *וְאֵת* post, et *vae vae* sensu divite involvere ejus denunciationem, publice factam, ut sit plene: post *vae, vae tibi*, palam, et saepe divinitus denunciatum. Respicitur ad interminationes propheticas, populo saepe et serio factas, ad cursum impietatis sistendum, qua ratione sermo recte fluit, qui alias multum abrupti et impediti habet. 2. Verbum *וְאֵת* et *factum est* construendum esse cum vers. seq., ut sensus sit: *post haec omnia factum est*, dictum Jehovah, *ut aedificaveris tibi* etc. quod facillimum est, et stylo loquendi usitato congruum.

§. CCLXXX. 2. Repetitur idololatriae, publice et impudenter exercitae, descriptio, et ei additur subjectio spontanea populis idololatricis in tutelam, spreto et cultu Jehovah,
et

et ejus patrocinio, in signum, populum nihil fuisse emendatum, sed corruptiorem et impudentiorem factum; quod tempore Achazi maxime incepit; et deinceps continuatum est, sub Manasse summum adrigit culmen, dum modo his modo illis populis se adsociavit, ut postea specialius exponitur. Generalis ejus rei repraesentatio his verbis fit vers 24, 25. *Et aedificasti tibi fornicem, et fecisti tibi excelsum in quavis platea; ad omnia capita viarum aedificasti excelsum tuum, et abominabilem fecisti pulchritudinem tuam, et divaricasti ad rupturam usque pedes tuos omni transeunti, et spissam fecisti scortationem tuam.* Viva est imago publici prostibuli, seu meretricis impudentissimae, quae publicum erigit lupanar, seseque ibi cuivis volenti palam summa cum libidine subagitandam tradit, sine ulla intermissione: nec multum est in literali sensu difficilis, quod nostram curam requirit. Verbo tantum notetur, radicem נבנ et נבה proprie significare, *insecuit, secundo curvavit*, et inde curvando fornicavit; hinc adhibetur de omni *convexa*, et veluti suspensa, compage, de convexa et pulchre elevata altitudine; ac usurpatur quoque de *frontispicio* alto et editissimo. Exprimitur itaque hoc loco lupanar convexum et excelsum, cum amplo frontispicio, titulum meretricium praeferente, uti moris erat. Vid. Sanctius. 2. Verbum פש proprie dicere *diductionem* cum ruptura, et usurpari de *dactylo e cortice erumpente*. Hic pedibus tributum, et in Pih. ad emphasin augendam, denotat pedum divaricationem summam, ad rupturam usque. Vid. Schult. ad Prov. XIII: 3. ac sensu obsceno sumitur de libidinosa meretrice, sese libidini cujusvis subjiciente. Emblematicè vero hac descriptione indicatur, populum Judaeum 1. de idololatria sua, post praecedentis temporis prostitutionem, et interminationes propheticas, nihil non tantum remisisse, sed eam fecisse spissiore, et diffusiore; se totam ei tradidisse et palam instar meretricis in lupanari. 3. qualemcunque exercuisse, et per omnia loca, omnium gentium vicinarum idololatria adsumta. 4. Denique ei addidisse sub-

Qq 3

jectionem

jectionem sui populis vicinis in tutelam et patrocinium; *Jehovae*, mariti sui, tutelae palam renunciantem. Hunc enim sensum sequentia manifeste requirunt, ut mox patebit. Quae omnia nos manu quasi ducunt ad tempora *Achazi*, et sequentium regum impiorum; in primis *Manassis*, quorum lineae hic ducuntur; et quo nexus cum praecedentibus nos vocat, ut ex dictis liquet.

§. CCLXXXI. 3. Exaggeratur indignitas scortationis cum populis vicinis ex eo, quod ad ipsos Aegyptios se adplicuerint, idololatria et confidentia ac societate inita; non quidem mox, sed sub finem reip., post societatem cum Assyriis et Babylonis in perniciem populi versam; cujus itaque mentio fit in summaria propositione, cum quod ultimum fuit populi perfugium, tum quod Deo maxime displicuit, adeoque ad adgravandum pravum institutum, quia eousque in scortatione processit, ut Aegyptiis sese quoque adplicuerit. Verba ita habent vers. 26. *Et fornicata es cum filiis Aegypti, vicinis tuis, magnis carne, et spissam fecisti scortationem tuam ad irritandum me.* Utramque speciem scortationis spiritualis hic intelligere licet, et idololatriam Aegyptiam, et fiduciam in ipsorum societate ac subjectione positam; cujus se reos fecerunt primum *Ephraimitae* tempore *Hoseae*, propterea severe reprehensi a Deo *Jes. XXX* et *XXXI.*, dein *Judas* sub finem reip. ideo etiam objur-gati et irrisi *Jer. II: 18.* adeoque postquam se Assyriis et Chaldaeis adsociassent cum proprio detrimento, quorum mentio mox sequitur. Ex quo colligendum est, vel confusionem et transpositionem esse in sermone admittendam, nostro versu non suo loco posito, vel in summaria propositione hanc cum Aegyptiis scortationem memorari, reliquis tacite vers. 25. comprehensis, et mox explicite in speciali deductione productis vers. 28, 29. ad adgravandum crimen, cum eousque defecerint, ut ipsis Aegyptiis, antiquis illis oppressoribus suis, a quibus miraculose liberati erant, et quorum commercium ipsis saepe erat interdictum, sese in tutelam

tutelam dederint. Ceterum *scortari ad filios Aegypti* dicitur sensu divite scortando se ad eos vertere, et iis se arte adplicare; nec sine ratione *magni carne* adpellantur, proprie bene *filati*, *intorti*, fortes et rigidi corpore, ac *pueris*, quae verbi לְיָד potestas est, saepe observata. Ratio indicatur, quare se iis adsociarint, in fortitudine et potentia eorum sita; Conf. Jer. XXX et XXXI. Quo autem literaliter respiciatur in propria scortatione, facile adparet. Vid. c. XXII: 20. nec exponi debet.

§. CCLXXXII. b. *Specialis deductio propositionis* 1. specimen interminationis, modo memoratae, vers. 23., executioni mandatae, praemittit vers. 27. *Et ecce! extendi manum meam contra te, et retraxi dimensum tuum, et tradidi te animae* (cupiditati) *odio te habentium filiarum Philistaeorum, quas pudet viae tuae obstinate scelestae.* h. e. Quod supra dixi, te per interminationes meas nihilo meliorem esse factam, illud ipso facto, producto uno aliove tantum specimine, verum esse demonstro; fame enim te affixi, et antiquis tuis hostibus Philistaeis te tradidi spoliandam, et adfligendam, tanquam ipsis longe deteriorem, quippe pudore quasi super scelesta tua scortatione adfectis. Respicitur ad illud *vae* in generali propositione, vers. 23. et ad ejus illustrationem producit unum alterumve specimen Judicii Dei in populum Judaeum obstinate idololatricum; *famis* nim. et *invasionis* Philistaeorum: Ad famem enim recte refertur *retractio dimensu*, seu cibi quotidiani, ac potus, per sterilitatem et siccitatem, vox enim פָּן eum usum et alibi praefert, ut Prov. XXX: 8 *ubi panis פָּן dimensu mei* memoratur et XXXI: 15. Conf. de re ipsa Hof. II: 11. Afflictio hostilis ex. gr. profertur, a Philistaeis profecta, cujus mentio est tempore Achazi 2Chron. XXVIII: 18. quod ab Interpretibus jam est observatum. Philistaeorum potius quam Syrorum invasio producit: quod haec effectu caruit durabili, illa habuit, praeterea Judaei a Philistaeis maxime alieni erant, adeoque longe molestius ferre debebant, se ab iis

infestari, et oppidis suis privari. Sed forte rectius cense-
tur, voces **בנות סור** *filiæ Syriæ*, vel titulo odio haben-
tium te comprehendi, vel excidisse: uti ex vers. 57. colligi
posse videtur. Additur vero ad majorem confusionem Ju-
daeorum, ipsos Philistæos fuisse horribili scortatione Judæ-
orum *offenses*, ad indicandum eos esse Philistæis longe pe-
jores et impudentiores: uti in seq. vers. 47. etc. exponitur
relate ad Ephraimitas et Sodomæos. Reliqua nostra cura
non indigent.

§. CCLXXXIII. 2. Duo specimina idololatriæ conjunc-
tionis cum populis peregrinis continet, quorum alterum se-
cutum est alterum, *prius* cum Assyriis, *posterius* cum Chal-
dæis; quorum idololatriam sectati sunt, et tutelam adopta-
runt; *Prius* est vers. 28. his verbis: *et scortata es cum*
filiis Assur, cum satiata non esses, et fornicata es cum ipsis,
nec satiata, h. e. Post varias tuas scortationes idololatrias,
et adsociationes cum populis vicinis idololatriis, uti ex. gr.
Phoenicibus, Syro-Damascenis, Ephraimitis, Idumæis etc.
quibus desideria tua non sunt expleta, te adplicuisti Assyriis,
licet remotioribus, sed ne sic quidem satiata es, et voto-
rum compos facta; uti fieri coepit tempore *Achazi*, teste
Historia. 2 Reg. XVI. 2 Chron. XXVIII. Nihil in verbis
obscuri, et res ipsa per paraphrasin explanata satis est. *Post-*
erius specimen, dein secutum, his verbis exhibetur vers. 29.
Et multiplicasti scortationem tuam cum terra Canaan, Chal-
dæam versus, nec in hoc satiata es. h. e. Assyriaca socie-
tate et tutela non contenta, quin votis et desideriis non
respondente, te ad Chaldaeos, ubi erat orbis emporium,
vertisti, iisque te arcte adsociasti. Sed nec ibi satisfactum ti-
bi est. Cujus adsociationis fundamenta jacta sunt sub ipso
Hizkia, et deinceps maxime invaluit; uti notum est ex his-
toria. Adpellatur vero Chaldaea symbolice *Canaan* seu *terra*
Canaan, quod maximus ibi, ut in orbis imperio, esset ho-
minum confluxus, et omnes cum ea commercium haberent,
uti manifestum est ex c. XVIII: 4. quod jam recte obser-
vavimus

vavit R. Salomo. Aliæ interpretationes alienæ sunt, quas mitto. Uique *Canaan* emblematicè denotat subinde *mercaturam* et *mercatores*, uti Job. XI: 25. Prov. XXXI: 24. Jes. XXIII: 8. anfa arrepta a *Phoeniciis*, qui hoc nomine a *Canaan*, filio Chami, adpellati sunt, famosissimis mercatoribus per totum orbem. Ceterum, cum additur, *nec in eo fuisse Jathiam* adulteram Tſionem, indicatur, eam inde sese ad alios applicuisse populos, ut *Ægyptios*; de quo vers. 26. agitur, ut supra habuimus.

§. CCLXXXIV. 7. Adgravatur ulterius scortationis crimen ex eo, quod aestu libidinis excocta mulier adultera se non tantum promiscuæ veneri dederit, sed et alias non spoliaverit, et dona ab ipsis acceperit, ut alias solent meretrices, verum donis eos allexerit, et se iis spoliandam tradiderit. Quæ summa est pericopæ vers. 30—34. Ubi a. præmittitur admirabunda expositio furiosæ libidinis populi Judæi, tanquam adulteræ vers. 30. *Quam excoctum est cor tuum! inspiratum Domini Jehovæ: quum fecisti hæc omnia, opus mulieris meretricis, accerrime dominantis.* h. e. Præbuiſti te, ut mox dicam, in opere scortationis, meretricem acerrimam, et per omnia perumpentem, ac dominantem, adeo ut merito cum admiratione exclamari possit, quantopere cor tuum igne libidinis est excoctum, et omni bona mente exhaustum, debile et languidum præ libidine. Parum hic obscuri, nisi in voce *רִיבֹן*; modo notetur 1. illud, *quum fecisti illud omne*, pertinere ad sequentia, mox memoranda, sicut Mal. II: 1 in *רִיבֹן* et alibi, ut ibi demonstravi. 2. meretricem *רִיבֹן* esse, quæ acerrima est et dominans in scortatione, ad nihil attendens, et libidini unice ac imperiose obsecundans. Radicis primigenia potestas est in *acri et penetrante* vehementia, cui nihil resistere possit, quo respicitur etiam Eccles. VIII: 4. unde orta est *dominandi* cum *absoluto* imperio significatio. Sed quid sibi vult vox *רִיבֹן*? Radix propriè dicit *radere*, *scindere*, inde *utere*, *exurere*, quod ignis perurens *scindit* firmissima,

R r

et

et in specie *excoquere*, et quidem lento igne, ita ut omnis succus penitus abluatur. Hic vero *animo* adfectum, et ad scortationem relatum, denotat animum i. aestu libidinis actum, et urentem; 2. plane *excoctum*, omni ratione et sensu bonae mentis privatum. 3. denique languidum, pro amore libidinoso, et ad omne praeclarum facinus ineptum; omni virtute et robore agendi orbem. Exclamatio vero *admirabunda, quam est excoctum!* significat et summum rei gradum et rem plane in hac muliere stupendam; sicut *vero* erat in populo *Judaeo*, a Deo amato, et tantopere orato ac beato.

§. CCLXXXV. b. Subjungitur rei stupendae et expositio; et accerrimae libidinis specimen in singulari modo, quo se prostituerebat, non donis adlecta et opibus ab amasiis, sed eos alliciens suis donis, et spoliandam tradens: plene contra suum meretricum morem agendi. Quod 1. proponitur vers. 31. his verbis, *cum aedificaveris fornicem tuam in omni lapide vias, et excelsum tuum feceris in omni platea; nec tamen fuisti instar meretricis ad evomere faciendum mercedem.* h. e. Te amasiis, exstructo omni apparatu scortandi, exposuisti, non, ut solet meretrices, ab ipsis donata es, nec eos per subjectionem tuam emulisti, sed contra eos ditasti, et tua bona illis tradidisti spolianda, quod subintelligitur, et in seq. explicatius traditur. Turbavit Interpretes, et in devia abripuit, verbum *evomere* non intellectum. Est *deponendum* et sono factum, et proprie dicit *vomere* cum facilitate, ut *evomere* cum vehementia, in pih, ut hic, *vomere facere*, metaph. *dona* et *muncha* largiter effundere, sic apud Plaut. *argentum vomere* dicitur, qui emungitur, et apud Cicer. *devoratam pecuniam vomere*. Sic et Aristoph. Equit. vers. 1145. Vid. Cl. Schultens Defect. ling. Hebr. Sensus itaque est, meretrices solere facere, ut amasii dona et opes in sinum suum effundant, commovendo ad donandum, haud secus, ac qui, stomacho commoto, *vomit*; sed meretricem *Judaeam* secus facere: quomodo mor explicatur. Rem ipsam

ipfam non male expreflerunt LXX et Syr. modo apud LXX legatur, ut nonnulla Mff. habent, *ut in Syris et alijs codicibus purgata.*

§. CCLXXXVI. 2. Explicatius traditur, comparatione instituta inter meretrices ordinarias et adulteram Judaeam, respectu donorum et munerum; quatenus illae accipiebant, haec spoliari se patiebatur ab illis: vers. 32, 33. *Mulier adultera pro viro suo carpet peregrinos; omnibus meretricibus dabunt largum munus; et, sed, tu dedisti munera tua omnibus amafis tuis, et donis adloxiſti eos, ut veniant ad te undique in scortationibus tuis.* Quae verba continent *protafin* et *apodofin*, seu similitudinem et ejus adplicationem per contrarium. *Antecedens*, seu unde similitudo aut comparatio petitur, exstat vers. 32. et initio vers. 33. his verbis: *mulier adultera pro viro suo carpet peregrinos, omnibus meretricibus dabunt largum munus.* h. e. constans est mos, quo mulier adultera in sui amorem pellicit, loco mariti, peregrinos, eosque praedatur; dant quoque amafii omnibus meretricibus, larga munera. Duplex est similitudo, altera ab *adultera*, altera a quavis *meretrice*, petita, et prior habet, adulteram loco viri sui peregrinos in sui amorem pellicere, et ita capere, praeterea carpere eos et spoliare, prae libidinoso amore omnia in sinum adulterae patientes defluere bona et dona sua, *posterior* tradit, amafios sua scorta omnia largiter donare solere. Ad prioris intellectum observandus est peculiaris usus verbi *מקח* non observatus Interpretibus, qui propterea *versum* minus recte perceperunt, quo et *capere*, et sibi *subjicere* dicit instar venationis, et *praedari*. Sic de muliere adultera procum suis palpebris, venationem instituentibus, *capiente* Prov. VI: 25. et de hoste aliquemprehendente et subjiciente adhibetur Jes. XXVIII: 19., et *מקח* *captura* capta bello; praeterea de *praeda* capta Ez. XXIII: 10, 29. XXX: 4. Proprietas est in *carpendo*, unde ad varios usus *capienti* in bonum et malum transit. Adultera itaque hic loco viri dicitur *carpere* *peregrinos*, quate-

Rr 2

nus

aus eos in amores suos allectos in suam potestatem redigit; et bona eorum *carpit*. Quod huc unice quadrat. Duo itaque mulieribus scortatricibus tribuuntur, *alterum* est, quod amafios in sui amores pelliciant, *alterum*, quod eos sibi subijciant, et quaevis dona iis extorqueant, eosque spolient. Applicatio ad Judaeam adulteram instituitur ex contrario, respectu utriusque rei, modo memoratae; his verbis: *et tu dedisti dona tua omnibus amafis tuis, et muneribus excitaſti eos ad veniendum ad te undiquaque in scortationibus tuis.* h. e. longe aliter, ac solent adulterae et meretrices, tu agis, in signum horrendae libidinis, cujus oestro percita es; tu ipsa procos muneribus et donis cumulas, non ab iis accipis, tu etiam ipsa eos provocas et excitas eos donis tuis, ut ad te intrent, et tecum scortentur. Duo itaque adulterae Judaeae imputantur extraordinaria; et consuetudini meretricum adversa, *unum* est, quod ipsa amafios donet ac ditet; cum dicitur, *et tu dedisti dona tua omnibus amafis tuis*, quae nihil habent obscuri, *alterum*, quod ipsa instiget et adliat procos suis largitionibus, et non in amorem sui ardentes recipiat, uti *adultera* facit, *capiens* peregrinos, sicut modo habuimus; quo pertinent verba, et *muneribus excitaſti eos ad intrandum* etc. Verbum שרר usu suo *murationem* denotat ad *corrumpendum* jud. cem, seu in suas partes aliquem *trahendum*, convenit Arab. verbo, cujus usus sic exhibentur *acuis cultum*, *uffis stomachum* *fames*, *importunius rogavit*. Proprietas videtur esse, uti in ודרה, ודר, ודרש, ejusdem originis radicibus, in *fricando*, *effricando* frictu titillante, inde *laetificare*, *exhilarare*, *excitare* ad agendum dicit, seu *effricare* ad agilitatem, hilaritatemque, de quo respectu ודרת et ודר vid. Schult. ad Prov. XXVII: 17 hinc *acuere*, *urere* stomachum apud Arab. *fricando* *excitare* etc. In specie ad *munera* refertur שרר, quibus quasi *fricatur* quis frictu titillante, et uritur seu accenditur ad agendum in nostrum favorem. Ceterum respicitur ad Judaeos, tanquam Assyrios et Chaldaeos suis largitionibus sibi adtrahentes, et se iis, tutelae causa, *spoliandos* *dedentes*;

dedentes; quod ab iis factum esse a temporibus Achazi constat ex historia.

§. CCLXXXVII. 3. Repetitio hujus moris agendi, cum ejus noxio consequente, subjungitur per modum conclusionis vers. 34. *Et, vel itaque, facta est in te alteratio prae mulieribus in scortationibus tuis, et post te non est facta scortatio, et quod dederis mercedem meretriciam, nec data sit tibi merces, et facta es in subversionem.* h. e. alteratio et perversio tua longe est deterior, quam reliquarum meretricum, cum quod te non ambiant proci, sed tu eos, tum quod mercedem non accipias ab iis, sed ipsa des; adeoque cedit etiam tibi hoc in subversionem, ac totalem destructionem. Hic verborum sensus est, quem Interpretes non sunt adsecuti. Not. 1. vocem **הָיָה** in primo membro notare *alterationem*, et in malum conversionem, quam potestatem aliquando adsciscit, uti Job. XX: 14. et Ps. XXXII: 4. uti ad Jobi locum observavit Cl. Schult. sic et Jer. XXIII: 36. et phrasin, *in te est alteratio מן הנשים* vertendam esse prae mulieribus, ut sensus sit, pluiquam in illis major est et gravior tua alteratio quam reliquarum meretricum, quod in seq. vers. 47. etc. plenius deducitur. quae etiam vocalae **מ** est usitata potestas. Vox vero **הנשים** cum **ה** emphat. hic denotat mulieres illas, tui similes, seu meretrices et adulteras. 2. eandem vocem in ultimo membro praeferre significatum *subversionis* et *destructionis*, quem subinde habet. Vid. Schult. ad Prov. VI: 14. Hac ratione vitatur tautologia, et oratio est emphatica, quae perversae indolis et rationis agendi consequens tradit, in totali destructione, inde oriunda, situm; phrasis quoque eo ducit, *et facta es להפך in subversionem.* 3. Denique phrasis, *et post te לא תהיה*, non dicit, similem scortationem non fore in posterum, uti capi solet, quod huc non quadrat, nec phrasis admittit, sed, quod alii pauci jam viderunt, amatos ejus amore illectos, non ambuisse eam, post eam currendo ad scortandum, verum ab ea fuisse muneribus adlectos, ut modo dic-

Rr 3

tum

LECTIONES ACADEMICAE

tum erat. *Post te non facta est scortatio*, te ambiendo, et sequendo non est facta, uti *scortari post idola* dicitur, qui, et ambir, et amore eorum pellectus ea lectatur. Reliqua sunt facilia.

§. CCLXXXVIII. In *secunda* parte revelationis, quae sententiae judicialis pronunciationem complectitur, vl. 35—58. It. occurrit summaria horrendae scortationis, supra expositae, repetita propositio, tanquam causae condemnationis vers. 36. *Sic dixit Dominus Jehova, propterea quod effusa est rubigo tua, et pudendum tuum resectum est, in scortationibus tuis cum amafis tuis, et cum omnibus stercoreibus abominationum tuarum, et secundum sanguines filiorum tuorum, quos ipsis obtulisti.* Quae verba continent 1. inveteratam ac effulam scortationem in genere, his verbis, *propterea quod effusa est rubigo tua, et pudendum tuum resectum est.* h. e. propterea quod ad venenatas illas spurcicies effulas usque exercuisti pudendos concubitus; sic enim tum Junio et aliis nonnullis verba esse capienda existimo, adeo ut sensus sit, scortationes ejus fuisse vehementes et diuturnas, usque ad ultimum terminum, quo meretrix profluvii venenatae spurcicie laborare incepit. Eo enim referenda est phrasis, *effusa est rubigo tua*; quae varie solet exponi, etiam valde dilute de aeris effusione in gratiam amafiorum; quod valde est alienum, nec phrasi consentaneum. Vox Hebr. רֶשֶׁת proprie- tatem habet in *pungendo*, et ita *perforando*, ac quasi *terebrando*, unde inter alia, sicut ad *serpentem*, qui pungit et terebrat, veneno ad intima penetrante, ita ad *aer* et *rubiginem* transiit, cujus est penetrantissima vis et venenata, quae interiora exedit. Hic ubi de meretrice agitur, et cum pudendorum resectione, seu concubitu meretricio, conjungitur, respicitur ad venenatum illum fluxum, quo meretrices per diuturnam et libidinofam scortationem laborant, et ipsae exeduntur, omnibusque sunt fastidio. Conf. Ez. XXIV: 11. de voce *rubiginis*, emblematicè sumta, licet alio casu. 2. *scortationis duplicem modum, alteram in adfociatione peregrino-*
rum

tam tanquam patronorum, alterum in idolorum cultu, his verbis; in *scortationibus tuis, cum amasis tuis* (populis, peregrinis, quibus te in tutelam subiecisti) *et cum omnibus sycoribus abominationum tuarum*, (idola abominanda colendo.) Quae satis clara sunt. 3. horrendum idolatriae adjunctum in mactandis filiis, his verbis: *et secundum sanguines filiorum tuorum, quos dedisti ipsis*. h. e. convenienter caedi filiorum, et propter eam, per eorum coniecrationem Molecho; ut vers. 20, 21. habuimus. Nonnulli codd. Mss. praefereunt *וְדָם* propter sanguines, sicut etiam veteres habent versiones, et jam conjectit legendum Piscator. Quod non est spernendum. Quae ratio saepe apud Jerem. et in historia Manassis 2 Reg. XVI. traditur expresse.

§. CCLXXXIX. 3. Sequitur sententiae condemnatoriae pronuntiatio, et executio per ipsos illos amasis, per quos ipse adulterae et homicidae occideretur et destrueretur vers. 37—43. In qua pericopa sese offert a congregatio populorum, quorum alios dilexerat, alios oderat, scortatrix Judaea contra eam, ejusque denudatio coram oculis eorum, vers. 37. Propterea ecce me congregantem omnes amasis tuas, super quibus autescebas, et omnes quos amasti, praeter omnes quos odisti, et congregabo illos contra te undiqueque et retegam nuditatem tuam coram ipsis, videbuntque omnem nuditatem tuam. h. e. omnes populos, quorum societatem ambisti, et idololatriam secuta es, una cum illis, quos semper odio habuisti, adeoque Assyrios, Babylonios amasis, Philistaeos, Syros, Idumaeos, Ammonitas, Moabitas, contra te congregabo hostes, ipsisque manifestabo nefanda tua contra me facinora, quae ipsi cum indignatione videbunt, et ad te puniendam excitabuntur. Respicitur ad exercitum Babylonicum, ex illis populis constantem 2 Reg. XXIV. Jer. I. 17. et declaratur, Hierosolymam ab ipsis esse cingendam, et obsidendam eo scopo, ut pudenda populi Judaei facinora, tanquam causae excidii, detegantur coram omnium oculis, et populi excitentur ad Judaeos destruendos, quippe a Deo

in manus eorum propterea traditos, ut mox sequitur. Nihil hic curae nostrae relictum est, nisi ultimum membrum, de *nuditate retegenda*, ac *videnda*, quod ad populi Judaei contemptibilem statum, post destructionem, retulerunt, contra phrasin *pudendi*, et *omnis pudendi*, quae differt a titulo *nuditatis* vers. 39. et nexum cum seq.; Deus enim hic dicitur pudenda populi resecturus, idque coram oculis hostium, qui congregarentur contra Hierosolimam, et postea demum populi hostiles dicuntur vestes ejus detracturi, ac nudam exposituri adulteram vers. 39. *Pudendum* itaque hic intelligitur scortationis, uti in superioribus semper; a quo distinguitur *nuditas* populi ab hostibus facienda, vers. 39. Deus autem *retegere* hoc pudendum populi dicitur, coram oculis hostium, quatenus iis sit expositurus *rationem* judicii Dei in populum, quaerendam in defectione ejus horrenda a Deo per idololatriam, ab eo vetitam populo Judaeo, aliaque facinora horrenda contra legem Dei; eaque ratione certiores redderet eos de expeditionum hostilium successu ad destructionem populi. Quod ipsi illi populi quoque agnovissent, Jer. XL: 5 vid. supra vers. 27. de Philistaeis, ac infra vers. 57. Et si vel non agnovissent, nihil obesset, cum sensui et stylo prophetico satisfaceret, si significetur populos hostiles ita punituros horrenda populi Judaei facinora, acsi Deus iis manifestasset, et illi vidissent ipsi. Sistantur enim hostes in scena prophetica tanquam executores judicii Dei, quibus itaque *causae* judicii erant exponendae, et simpliciter significatur, eos populum propterea esse destructuros. Cum itaque Deus dicitur, iis *retegere pudenda omnia* populi, indicatur, Deum iis usurum ad ea vindicanda, eos tanquam executores judicii Dei missurum contra populum Judaeum ad punienda facinora ejus pudenda. Quibus cum solent causae judicii revelari, ideo Deus introducit, tanquam illis retegens pudenda populi. Conf. c. XXIII: 44. §. CCXC. β. Verus conspectus judicii in populum traditur, in eo situs, quod tanquam adultera et homicida tractaretur,

retur, vers. 38. *Et judicabo te judiciis adulterarum effundentium sanguinem, et dabo te sanguini excandescientiae et zelotypiae.* h. e. poenam tibi sine ulla misericordia certo certius infligam, qualis adulteris et homicidis solet, quae est poena lapidationis, gladii, et combustionis; ut mox explicatur, Vid. Sanctius. Ultimum membrum, cujus sensus est, ut facile adparet, adulteram et homicidam esse morte puniendam a Deo, tanquam vindice sanguinis et marito, ignita zelotypia adfecto in adulteram, adeoque severe et sine gratia certo certius; habet tamen in constructione aliquid impediti, quod varie potest et solet expediri. Mihi maxime placet Syr., qui voces *sanguinem* et *excandescentiam* separat, et utramque cum verbo *דן* dare construit, adeo ut Deus declaret, se adulteram et homicidam traditurum cum sanguini, seu ejus vindicationi per sanguinis effusionem, quae gladio fit, secundum legem Gen. IX. *tum excandescientiae et zelotypiae*, seu zelotypiae ignitae; juris vindici, et injuriae ultrici, quae vis est vocis *חמה* Vid. Schult. ad Prov. VI: 34. ad adulteram puniendam severe et certissime. *Zelotypia*, inquit Salomo Prov. I. c. *ignitio (חמה) viri est, neque remollescit in die ultionis.*

§ CCXCI. γ. *Judicium ipsum, per Chaldaeos, et eorum socios, supra memoratos, executioni mandandum, distincte et per articulos propositum vers. 39—41. a. Primus articulus comprehendit Hierosolymae, quae hic speciatim intelligenda est, tanquam metropoleos, per adulteram depictae, expugnationem, fanorum destructionem et spoliationem vers. 39. Et dedam te in manus eorum (scilicet hostium vers. 37.) et diruent fornicem tuam, et destruent excelsa tua, et exuent te vestimentis tuis, et spoliabunt instrumenta decoris tui magnifici, et dejicient te nudam et nudatam. Quibus significari existimem, quod ex parte jam observatum est, Hierosolymae expugnatae, quod hic per phrasin, *dare in manus hostium*, indicatur, *religiosam*, ut sic loquar, destructionem et spoliationem, respectu Templi et altarium, (quae hic *for-**

Ss

niciis

niciis et excelsorum nomine veniunt) omnis apparatus ac ornatus sacerdotalis, et regii, cum omnibus vasis et instrumentis pretiosis, (quae nomine vestium et instrumentorum decoris regii veniunt) denique statum abjectum et vilem, quo a Deo repudiata, et omnibus contempta jaceret Hierosolyma, qualis fuit, antequam Deus eam sibi in sedem adoptavit vers. 7. quod hic exprimitur per *dejectionem in terram nude et nudatae*. Verbum מַגֵּד hic exierit usum, quo *dejectionem et prostrationem in terram* denotat, uti Jer. XXVIII: 2. de Samariae et regni Ephraimitici dejectione in terram, Jer. XIV: 9. Am. V: 7. Ita מָוֹד violentam mortem comprehendit, ut *praeumbere* apud Lat. Job. XVII: 16 et מָוֹד Jud. XX: 43. *Nuda vero et resecta pudendis* de projecta Hierosolyma, quatenus omni sua praerogativa et tutela Dei orbata jaceret vilis et despecta, qualis antea fuerat, quum Deus eam elegit sedem regni et religionis; vers. 7.

§ CCXCII. b. *Secundus* articulus sistit totalem urbis destructionem, sub imagine mulieris, quae lapidibus obruitur, tanquam adultera, et gladio scinditur tanquam homicida, cujusque domus comburitur, tanquam idololatrae vers. 40, 41. *Et adducent contra te coetum, et lapidabunt te lapidibus, et diffident te gladiis suis, et comburent domos suas igne.* Respici ad adulterae lapidationem publicam, coetu coatto, Deut. XXII: 21. Job. VIII. homicidae naecem per gladium Gen. IX. urbis idololatricae combustionem Deut. XIII: 17. ab aliis jam notatum est, et facile adparet. Ad metropolin Hierosolymam adplicium significat ejus totale excidium lapidum dejectione, incolarum caede, et incendio omnis materiae combustilis. Quae omnia ipsi evenisse per Chaldaeos constat. 2 Reg. XXV. Jer. LII. et 2 Chron. XXXVI. *Lapidatio*, quod unice hic notandum est, non est oppugnatio urbis ballistis et catapultis, ut solet passim capi, jam supra enim urbs tanquam expugnata occurrit, sed lapidum ejus murorum, et aedificiorum dejectione, qua *acervus lapidum* facta est, et obruta. Conf. Mich. III: 12. *Lapidare itaque lapidibus*

lapidibus est lapidibus projectis obruere, et de urbe *acervum lapidum* facere.

§. CCXCIII. 2. *Judicii destructionis* consequens subiungitur triplex relate ad vicinos populos, ad ipsam adulteram, et ad Deum vers. 41, 42. 1. Primum respicit ad populos vicinos, ad quorum notitiam haec stupenda urbis catastrophe veniret, his verbis vers. 41. *Et faciens in te judicia coram mulieribus multis.* h. e. judicia, quae hostes in hanc adulteram executi sunt, famosa erunt per vicinas gentes quaquaversum, in exemplum earum, et ad majorem pudificationem ac prostitutionem adulterae, adeo ut, quod hic subintelligendum est, Hierosolyma sit exempli et proverbii loco futura, ut vers. 45. videbimus. 2. *Secundum* est, quo urbs cessaret scortari, et procos adlicere, ibid vers. 41. *Et cessare te faciam meretricem esse, nec amplius mercedem meretriciam dabis.* Quae verba in genere dicunt, idololatriam et adfociationem populorum tanquam patronorum, locum non amplius habituram in urbe et populo: sed in specie considerata aliquid de ambiguo trahunt, studio, ut videatur, captatum, ad utrumque comprehendendum. Potest enim et coacta, et voluntaria, idololatriae ac conjunctionis cum gentibus, omissio intelligi, ita ut nec possit, cum nemo ejus amicitiam et patrocinium velit, et urbs desolata, incolitque orba sit; nec etiam in posterum velit id facere, animis ab idololatria et commercio cum gentibus abstractis, et in melius commutatis, sicut postea factum esse constat. Quae ambiguitas eo majore jure locum habere potest, quod *tertium* consequens, ad Deum spectans, eadem laboret.

§. CCXCIV. 3. *Tertium* consequens, ad Deum maritum urbis et populi respiciens, ita habet vers. 42. *Et sternam* (stratum sedabo et complanabo, quod est *וְנִיחָתִי*, ut vidimus c. V: 13.) *aestum meum in te, et desister zelotypia mea a te, et residebo* (remittam et sedabo iram meam, quod est *וְנִיחָתִי*, ut docuit Cl. Schroeder Obs. ad Orig. cap. V.) *ne irascar amplius.* Sensus est, *ignem Zelotypiam, iru*
S s 2
justi-

justitiam et vindictam ulticem Dei *partim* ad ultimam destructionem deservituram esse, uti c. V: 13. et alibi, ita ut ei plene sit satisfactum, *partim* finem habituram, ita ut non amplius se exferat, sed, quod lubintelligendum est, in gratiam et favorem commutandam esse; ut in ultima parte cap. expresse traditur, non itaque in perpetuum sine fine duraturam. Quo verba, *desisset* zelotypia, et *residebit non amplius irascar*, etiam haud obscure ducunt. Interpretes passim in malum simpliciter sumunt, exceptis Judaeis, et aliis e veteribus, teste Hieron., et Coccejo, qui in bonum vertunt; Utrumque conjungendum est; ut dixi; quod eventui etiam convenit.

§. CCXCV. 1. Tertia pars continet vero suo conspectu justificationem superioris sententiae judicialis, cui itaque recte subnectitur; vers. 43—52. Repetitur autem justificatione. a. a populi ingratitude, et obstinatione in gravissimis suis sceleribus vers. 43. *Propterea quod non fuisti recordata dierum juventutis tuae, nec tremuisti mihi in omnibus istis; etiam ego heus! viam tuam in caput dedi, inspiratum Domini Jehovae; et, (quod) nihil fecisti, illud scelus, summum omnium abominationum tuarum.* h. e. quam justa sit et necessaria mea sententia, modo in te pronunciata, facile adparebit, si terribilis tua ingratitude, et insuperabilis obstinatio, contra omnes meas interminationes, qua nihil tremuisti, nullo metu fuisti adfecta, nihili reputasti immania tua facinora, et summum gradum abominationum, ad animum revocetur. Duas rationes adfert Deus ad justificandam sententiam, *alteram*, quod se ingrati praestiterit pro tot beneficiis in eam collatis, *alteram*, quod nullo metu erga Deum fuerit adfecta, nihili fecerit omnia, quam immania etiam facinora, sed obstinate et sic cure, ac elata manu ea commiserit. Prior ratio facile sese offert in verbis, *propterea quod non es recordata dierum juventutis tuae*, scilicet, nec status miseri, in quo tunc, et ab infantia fuisti, vers. 22., nec splendidi et fortunati, in quo per puram putam meam gratiam collocata es. De quo supra

supra vidimus vers. 22. *Posterior* ratio, in obstinatione et securitate carnali sita, his verbis involuta est, quae minus recte sunt intellecta, *nec tremuisti mihi in omnibus his, et nihili fecisti illud facinus fixum, summum omnium abominationum tuarum.* Sic enim verba vertenda sunt, et ad obstinationem ac securitatem in gravissimis peccatis referenda: quod sicut huc recte quadrat, ita e verbis et phrasibus facile eruitur, si recte capiantur. Quo fini not. 1. voculam **ל** in **וּרְגַזְתִּי** esse ex superioribus repetendam, et verbum **רָנַן** hic non *active*, sed *passive*, ut solet, sumendum, ut significet *commoveri, concuti metu*, a propria potestate *tremui motus nubis tonantis, seu concussionis cum fremitu ac fragore.* De quo vid. Schult. ad Job. III: 17. Sensus ergo est, *populum non fuisse metu aut tremore correptum, non tremuisse Deo, vae intonanti transgressioni legum, et idololatriae, uti habuimus vers. 23., quo hic respicitur.* Confirmat hunc sensum phrasus, *tremuisti mihi in omnibus istis*; sine ullo metu meorum interminationum, meorum iudiciorum, *versata es, et perseverasti in omnibus istis peccatis.* 2. Ultimum membrum, quod verti, *et nihili fecisti fixum scelus hoc, summum abominationum tuarum,* iudicio memorato subiectum, ad ulteriorem rationis ejus, in primo membro praemissae, illustrationem, ut recte intelligatur, observandum, **ל** hic esse *nihil nihili*, ut saepe apud Jobum et alibi, et *nihil facere* esse nihili reputare, aestimare, spernere, tanquam nullius momenti, nullius consequentiae, **וַי** vero dicere *summum*, ut saepe alias, adeoque sensum esse, Hierosolymam nihili fecisse destinatum scelus, et summum gradum abominationum, in idololatria horrenda, corruptione terribili. Quem sensum nemo non videt egregium, et loco aptum esse. In quo si quis acquiescere nolit, poterit vel cum Coccejo interrogative capere **ל** *nonne* fecisti, ad maiorem convictionem populi, ad conscientiam per hanc interrogationem provocati. Sic subinde sumitur Mal. II: 15. et alibi. ubi vid. comm. post. ad Mal. I: 7. vel cum Graeco Interprete, qui vertit

tit *stru*, legere *TD* sic ita, ea ratione, eo in statu. Reliqua nos non morantur, tantum obiter notetur, voculam *MD* vera sua potestate sistere *promptum* et *paratum*, et Arab. *MD*, *MD*, et sono sictam, ut Lat. *heu*, *heus*.

§. CCXCVI. *β*. *Secunda* ratio desumitur ab omnium sapientum et prudentum approbatione, proverbio, inde sumto, demonstrata, qua Hierosolymam pro filia, matris corruptae simili, haberent, eaque ratione iudicio Dei testimonium praeberetur tanquam iuste inflicto foeminae tam corruptae, vers. 44. *Ecce, quicumque dicta sapientia et acuta formare novit, hoc in te utetur; qualis mater, talis filia ejus.* Quorum sensus est, populos, de Hierosolyma sumta parabola, vel sententia acuta, adtestaturos esse et corruptioni ejus, et justitiae iudicii Divini, dicendo, filia est Hierosolyma matri similis, et eadem sorte digna, adeoque eam non patriarchis, unde orta erat, sed Amorrhaeis ac Chittaeis, quibus successit, esse similem, et eandem meritam fuisse sortem, qua aequae ac Amorrhaei et Chittaei ejiciatur terra et excindatur. Hanc enim sensus amplitudinem habet sententia proverbialis, *sicut mater, sicut filia*, scilicet et vitae, et sortis, respectu, uti Jes. XXIV: 2. et alibi. Conf., quoad rem ipsam, Lev. XVIII: 27, 28. et vid. *Sanctius*, qui recte exposuit post alios.

§. CCXCVII. *γ*. *Tertia* ratio derivatur a comparatione Hierosolymae cum duabus sororibus ejus, Samaria et Sodomam, corruptis et graviter punitis, qua Hierosolyma depingitur illis, longe deterior, eo scopo, ut iudicium in eam, quippe sororibus pejorem, magis justificetur. In qua comparatione *a*. Hierosolyma Samaria et Sodomam in scenam producantur tanquam sorores, ex eodem patre Amorrhaeo et matre Chittaea natae; et in moribus similes, vers. 45, 46. *Filia matris tuae tu es, fastidians maritum suum et filios suos, et soror sororum tuarum tu es, quae maritos et filios suos fastidiverunt, mater vestra Chittaea, et pater vester Amorrhaeus est. Et soror tua major Samaria est, ejusque filiae, habitans ad sinistram*

sinistram tuam; et soror tua minor te, habitans ad dextram tuam, sodoma et filiae ejus. Cum Deus modo dixerat, proverbii loco inter gentes fore Hierosolymam, quo, *filiam eam esse matri similem*, diceretur, hinc occasionem sumit instituendae comparationis inter ejusdem matris filias, tres itaque sorores, sibi hac parte similes, Hierosolymam, Samariam et Sodomam, eo scopo, ut in lucem proferret Hierosolymae conditionem moralem, reliquis pejorem, adeoque evinceret, eam magis quam alias esse dignam, quae, ut illis acciderat, destruat. Verba ipsa nihil habent difficultatis, quoad litteram, quare hoc tantum observandum habeo, voces vers. 45. *fastidians virum suum et filios suos*, non pertinere ad matrem, sed filiam ejus, sicut mox de aliis duabus sororibus dicitur, eas *fastidire viros et filios suos*; non ergo matri imputatur fastidium, sed *filiabus* ejus, ut doceatur eas, repudiando viros et filios suos, sibi nomen et titulum *filiarum* matris Chittaeae acquisivisse; quia eo ipso a vero suo marito desciverant ad peregrinos, et in familiam Amorrhaeorum et Chittaeorum venerant. De his gentibus enim vix dici potest, eas sprevisse cum fastidio conjuges suos; cum Deum, qui hic per maritum intelligitur, non habuerint maritum, cui nuncium miserint, sicut Hierosolymae, Samariae, et mysticae Sodomae recte imputatur: ut mox patebit. Praeterea not. est, pro *אחתי* in sing., rectius legi *אחתיך* in plur., cum de *duabus* sororibus agatur, et mox in plur. sermo de iis fiat. Quod observavit jam Calvinus et confirmant Gr. et Syr.

§. CCXCVIII Sed quae est altera illa soror sodoma? de samaria, tanquam metropoli Israelitarum, res satis clara est. Judicandum vero de ea est ex praedicatis, quorum praecipua sunt 1. eam arcta necessitate fuisse Judaeis cum et Israelitis conjunctam, ita ut sororis titulus ei dari possit. 2. ejus sedem fuisse ad dextram Hierosolymae, uti samariae ad sinistram, adeoque versus austrum Judaeae es, cujus facie orientum versus respicit. Quod satis est receptum. 3. Praeci-

puam ejus corruptionem fuisse luxum, superbiam, securitatem et fiduciam carnalem, praeter idololatriam vers. 49, 50. 4. eam fuisse despectui habitam, et contempto in statu tempore prosperitatis Judaeorum vers. 56. 5. denique eam, a Deo destructam, fore restituendam, et Judaeo populo instar filiae, una cum Israelitis, subjiciendam, vers. 61. Quae, si ad animum revocentur, de *Sodomaeis* proprie dictis, cogitare vetant. Nullum enim praedicatum est, quod in eos convenit, cum dudum fuerint e medio sublatis Sodomaei, antequam Juda et Israel in rerum natura fuerint, adeoque pro *sorore* eorum haberi nequeant; nec ulla cognatio inter eos intercessit unquam, nulla etiam ejus restitutio locum habere potest, aut unquam promissa est, accedit, peccatum sodomaeum fuisse non hoc praecipue, quod hic memoratur, uti notum est. Qui itaque populi eo nomine hic censendi sunt insigniti? Ill. Grotius intelligit *Moabitas*, et *Ammonitas*, Judaeorum cognatos ex *Thare* patre Abrahami, unde erat *Loth*, progenitor eorum. Ex mea opinione sunt *Edomitae*, quippe in quos supra producti characteres unice conveniunt; *Edomitae* eo magis in scenam prodeunt, quod Judaeis fuerint propius conjuncti, ex uno quippe Patre Isaaco, unde *Jacob* et *Esau*, praeterea summa emphasi et proprie maxime ad *dextram* Judae habitantes, versus *austrium*, uti notum est. accedit nominum סדום et אדום convenientia, nominis אדום tantum una littera mutata et in deterius flexa, uti subinde in Script. sic אגן in און Gideon pro דבעל adpellatur ירבעם 2 Sam. XI: 21. Conf. alia Mich L. Sic ביתאל in ביתאן vertitur, et בית ארנאל vel ירנאל Hof. X: 14. Habuerunt praeterea illi populi multum simile cum Sodomaeis, in corruptione, et judicio Dei in ipsos, uti de Idumaeis Jer. XLIX: 18 Denique Sodomaeorum potius, quam Edomaeorum nomine videtur usus propheta, non tam eorum, quam Judaeorum causa, ad eos magis convincendos et pudefaciendos, tanquam illis pejores, et majore emphasi *Sodomaeos* dicendos, uti Jes.

Jes. I: 10. III: 9. Jer. XXIII: 14. Deut. XXXII: 32. Quae si non satisfaciant, legi poterit כִּתְּרָא pro כֶּתֶב, quae litterae facile permutantur.

§. CCXCIX. Consideremus nunc hisce jactis fundamentis, Israelitas, et Edumaeos, tanquam *sorores* Judaeorum, alteram majorem ad sinistram, alteram minorem ad dextram, ejusdem praeterea *originis pravae*, et *corruptae conditionis*. 1. *Sorores* sunt et naturaliter et moraliter, quatenus ejusdem sunt originis familiae, Israelitae quoque ex Jacobo, Esavitae ex Isaaco, patre Jacobi et Esavi, praeterea aequae degeneres a progenitoribus, ut Amorrhaeum dici queant habuisse *patrem* et *Chissaeam* matrem, ut mox videbimus. 2. *Sorores* sunt in vicinia habitantes, Samaria ad sinistram, et Esavitae ad *dextram*, vultu ad ortum verso. 3. *sorores* sunt, altera *major*, altera *minor*, a. Samaria seu Israel respectu *Judae* major *cum* ob jus primogeniturae in *Josephum* collatum, et ditionum amplitudinem, tum ob *dominium*, quod ante fuit penes Josephi posteros in *judicibus* Ehude, Gideone et aliis, et rege *Saulo*, quam penes *Judam*, tum ob majorem potentiam, et praetensam auctoritatem, quam Ephraimitae sibi arrogarunt; et unde *accumulationes* ejus continuae ortae sunt in *Judam*. b. *Edomitae* vero sub *minoris* sororis titulo veniunt respectu *Judae*, et *Israelis*, *partim*, quod Edomaei fuerint ex Esavo, jure primogeniturae privato, et in Jacobum translato, cum benedictione patriarchali, *partim*, quod quo tempore Judaei fuerunt sub Davide et Salomone in summo vigore et flore, Esavitae in statu vili, et servili, Judaeis subjecti fuerint, Ps. LX: 10. *partim* quod numero et potentia ac ditionum amplitudine fuerint reliquis minores.

§. CCC. 4. *Sororibus* hisce tribus imputatur, quod *maritos* et *filios* suos cum fastidio spreverint, illos per *adulterium*, hos per *necem*: respectu nimirum *idololatriae*, et *oblationis* filiorum idolis, omnibus illis communis, et contra obligationem, qua Deo, vero marito, erant obstrictae, et in stirpis auctoribus, etiam adsociatae; uti Esavitae tempore Esavi.

T t

Respici

Respicere vero ad *idololatriam*, ex toto capite manifestum est. Indicatur itaque simpliciter, omnes illos Judaeos, Ephraimitas, et Idumaeos fuisse idololatriae deditos, et quidem Judaeos et Israelitas pessimae quoque, qua *fili* offerebantur, 5. Denique communes dicuntur habuisse parentes, matrem *Chittasam*, et patrem *Amorrhaeum*; quatenus in Chittaeorum et Amorrhaeorum mores degenerarunt, et eorum imaginem expresse-
 runt; eosque imitati sunt. Quod qua ratione in Judaeos et Ephraimitas quadret, supra exposui; hic tantum restat ad *Esavitas* illud adplicandum; quod non est difficile, si ad *fitum* illorum attendatur, *Esavitas*, praeterquam quod ex matre Chittaea, uxore Esavi Gen. XXXVI. naturaliter sint progeniti, successerunt in locum et sedes *Choritarum*, ut ibid. habetur, gentis Amorrhaeorum et Chittaeorum, ac australes Cananaeae partes tenuerunt, vicinas illis populis. Sicut itaque *Judaei*, ita et *Esavitae* eodem sensu dici possunt *parentes* eos habuisse; et progenitores suos pios abnegasse, in eorum populorum, quibus successerunt et vicini fuerunt, mores degenerantes.

§ CCCl. b. Pergitur ad *deteriorem* Judaeorum statum moralem describendum, vers. 47—52. Ubi 1. occurrit *propositio*, qua Judaeis imputatur, quod gravius deliquerint, et magis corrupti sint, quam Israelitae, et Esavitae vers. 47. *Et non in earum viis incessisti, et secundum abominaciones earum fecisti, brevi pertaesum (vel parum duntaxat) et corrupti praee illis, in omnibus viis tuis. h. e. idololatrica earum gentium instituta non tantum es imitata, quod brevi te caecavit, vel parum duntaxat tibi fuit, sed te in actionibus ac facinoribus tuis omnibus longe deteriorem praestitisti, partim. quod te magis corruptam demonstrasti idololatriam exercendo, cum nullam habueris rationem, quae te movere potuerit, majores rationes vetantes, et prohibentes, partim, quod majora et atrociora facinora et scelera commiseris, praeter idololatriam. Haec duo existimem maxime intendi, cum Judaei dicuntur magis fuisse corrupti in viis suis, praeter Israe-*

Israelitis et reliquis populis; non quod peiorem exercuerint idololatriam, hac parte enim Israelitae et reliqui populi fuerunt similes, et sicut in initio versus etiam traditur, sed quod mores Judaeorum fuerint peiores; uti phrasis indicat, et mo exemplo Sodomae exponitur accuratius, praeterea quod idololatria ab ipsis admissa signum fuerit animi magis corrupti, cum nullam habuerint rationem moventem, praeter pravitatem animi, secus ac *Israelitae*, qui politicas habuerint rationes, et reliqui, qui longo tempore adsueta erant, et praeterea longe majores rationes absterrentes, quod majores habuerint privilegia, et media idololatriam vitandi per Templum in medio eorum, legis institutionem, pios subinde reges, populum reformantes, et prophetas variaque alia beneficia in eos a Deo collata, Nihil hic insuper notandum habeo, nisi phrasin כְּמַעֲשֵׂהָ denotare, vel *sicut brevi peractum*, vel sicut *parum vel vile, duntaxat*; quem usum habet וְכַּמֶּנֶּסֶת apud Arab. Vid. Cl. Schult. ad h. l. Posset forte legi מַעֲשֵׂהָ כִּי quia ramentum, seu vile contemptissimum ubi est, imo taediosum, quod ferre non possis. De voce מַעֲשֵׂהָ vid. ad vers. 20.

§. CCCII. 2. Propositio facta illustratur et confirmatur per recensionem peccatorum Sodomae, et declarationem repetitam, Judaeos sese utrisque sororibus praestitisse longe peiores vers. 48—51. Ubi a. catalogus textitur peccatorum et criminum Sodomae praeter idololatriam, vers. 48, 49. his verbis. *Vivo ego, inspiratum Domini Jehovae, si fecis Sodom Soror tua, ipsa et filiae ejus, secundum quod tu fecisti, et filiae tuae; ecce, haec fuit perversitas Sodomae Sororis tuae; tumida elatio, satietas panis, et eliquatio fidere faciens ipsi et filiabus ejus adfuit, et manum adflicti ac egeni non firmavit.* h. e. Quam verum est me vivere, tam certum, perversitatem Idumaeorum et novorum Sodomaeorum illorum, longe minorem fuisse quam Judaeorum, quippe sitam praecipuae in luxu, securitate carnali, et superbia; indeque nata insolentia in adflictos et egenos, quibus non succurrerant, sed

injuriā intulerunt. Verba habere conspectum *juramentis*, adeoque certissimam veritatem fortissime adseverare, praeterea luxus, securitatis, et superbiae vitia, cum pauperum contemptu, comprehendere, satis certum est; nec hac parte aliquid habent difficultatis: de vocibus שלח דשקם, quas verti, *aliquatio fidere faciens*, ad earum proprietatem respiciens, quibus denotatur summa tranquillitas et securitas carnalis et insolens, sine ullo Dei aut hominum metu, vid. Schult. Orig. t. II p. 52. et Schroed. disput. ad Orig. cap. VI. Sed alia sunt, minus observata, quae ad verum verborum conspectum faciunt, paucis proferenda. 1. *Primum* est, non de *idololatria*, sed *meribus* hic agi, et vitae instituto; quod ex ipsis verbis facile elucet, non quod idololatrae non fuerint Sodomaei, de quibus hic agitur, sed quod Judaei non ejus, sed morum respectu fuerint in primis peiores. Idololatria utique Sodomaeis etiam discrete imputatur vers. 45, et 50. 2. *Secundum* est, vitia *superbiae*, *satietatis* et *securitatis* hic intelligenda esse, una cum pravis principiis, unde originem habuerunt, et effectis, quae produxerunt, adeoque comprehendendi vanam opinionem de se et sapientia, et opibus et viribus, fiduciam in iis, luxum et libidinem, et fastum vitae, Dei hominumque metu seposito. 3. *Tertium* habet, *afflicti et pauperis manum non firmare*, emphasis habere majorem, quam negativa phrasia ad primam speciem videtur, et includere contrarium, ita ut מן sit, ut saepe alias, *nihil minus*, sed contrarium, praeterea illud expresse addi, propterea quod praecipuum fuerit crimen, cui iudicium Dei in ipsos sit imputandum; respicitur vero in specie ad Judaeos afflictos et egenos, quod jam vidit Grotius, quibus operam non tulerunt, sed insultarunt potius; uti Edomitibus expresse imputatur Ez. XXV: 8, 12. Am. I: 13. et Obadi. 10, 12. 4. *Quartum* est, Sodomaeos, proprie dictos et veteres illos, hic non depingi, sed *novos* ac *mysticos* Idumaeos; uti ex superioribus patet, et hac ipsa descriptione confirmatur. Sodomaecorum enim fuerunt alia quoque

que et atrociora crimina, haec autem Edomitarum et propria, et iis in verbo prophetico passim imputata, Amos I. Ez. XXV. et Obadj. aliisque in locis. Reliqua sunt facilia.

§. CCCIII. *b.* Ratio iudicii Divini in duas has sorores Judaeorum interferitur, et Judaeis in exemplum proponitur, ut inde discant, quid ipsi longe deteriores mereantur. vers. 50. *Et altifrontes fuerunt, et fecerunt abominabile coram me, easque removi, quemadmodum vidi.* h. e. sorores illas tuas, etsi te meliores, tamen propter insolentem superbiam earum et idololatriam, me praesente commissam, sedibus suis expuli, quum iudicalem institui inspectionem. Duo hic memorantur crimina; destructionis eorum populorum causae, *superbia impudens*, et *idololatria*; illa enim verbo *גבה* exprimitur, cujus proprietas est in *frontispicio* amplo et *editissimo*; metaph. oculis, fronti, animo adscriptum dicit superbiam, adrogantiam, impudentiam, sese oculis verbis et factis exferentem. Vid. Schult. ad Prov. *Haec* vero, seu idololatria, voce *abominationis* hic et alibi apud Ezech., insigniri solet, ut facile patet. Sed emphasi non caret, quod additur *coram me*, indicatur enim Deum illis populis fuisse singulari modo praesentem; uti Israelitis et Esavitis in vicinia Judaeae et Hierosolymae, ubi Deus habitabat, degentibus: quae quoque ratio est, quare ipsi Idumaei fuerint propter ipsam idololatriam puniti. *Judicium* ipsum exprimitur verbo *amovendi*, scilicet a sedibus suis et bonis. Quod ipsis inflictum dicitur, quum Deus *vidit*, id est iudicalem instituit eorum visitationem, quod est *videre Dei*, tanquam iudicis; uti Gen. XVII: 21. et alibi. Sed alii legunt *ראיתי* *vidisti mihi*: quod hic locum habere nequit, ut facile cernitur. Ceterum notandum est, hic de *Sodomitis* seu Idumaeis non tantum, sed et Samaritis, seu Israelitis quoque agi, secus ac vulgo putatur, quia non de *una* sorore, sed *duabus* in plur. sermo fit, quibuscum etiam comparatio erat instituta vers. 47. et quibus mox etiam declaratur

ratur soror Judaea deterior vers. 51. Habet itaque hic ver-
sus conspectum parenthesis, sermoni speciali de Sodoma et
Samarina insertae, et eum interruptis, qua misera
earum Sors, ex peccatis orta, Judaeis, longe deterioribus
la exemplum ob oculos ponitur. Subjungiur recensionem
criminum Sodomae, et praemittitur criminibus Samariae,
adeoque sermonem interruptit, et ad utramque sororem
se porrigit, seu Ephraimitas et Edomitas, novae Sodomae-
os; nec obstat, quod *Edomites* nondum fuerint exterminati,
cum Ephraimitis jam inflicto erat iudicium, et reliquis
mox etiam infligeretur, adeo ut *removi* sit, partim feci,
partim faciam propediem; in quo nihil est, quod offendit,
et insolitum est: maxime cum *וְדָן* in fiat. occurrat.

§. CCCIV. c. Pergit, iudicio hoc in utramque sororem
inserto, in comparatione sororum instituenda, et, cum ver-
bo dixisset, Judaeam sororem longe esse Samaritana dete-
riorem, concludit, superiora repetendo, Judaeam utraque
sorore esse pejorem, adeo ut eas ea ratione iustificare possit,
et pudore confundi debeat, vers. 51, 52. *Et Samaria se-
cundum dimidium peccatorum tuorum non peccavit, et spissas
fecisti abominationes tuas prae illis, et iustificasti sorores tuas
per omnes abominationes tuas, quas fecisti; etiam tu fer ig-
nominiam tuam, quae iudicasti sorores tuas; vel pro sororibus
tuis, per peccata tua, quibus abominabilem te fecisti prae il-
lis, iustificatae sunt prae te; itaque etiam tu erubescere, et fer
ignominiam tuam, cum iustificaveris tu sorores tuas. Nihil
hic obscuri; (tantum notetur pro *אחתיך* v. 52. leg. in plur.
אחתיך, ut veteres habent versiones, et seq. phras. re-
quirunt.) nisi in verbo *לל* vers. 52., quod et in malum
pro condemnare, et in bonum pro patrocinari, iudicare pro
aliquo; et in ejus gratiam sumi potest; prius si admitten-
dum, sensus est, improbam Judaeam verbis *iudicasse* Sodo-
maeos ac Samaritanos, tanquam iuste confusos et punitos,
peccatis tamen suis gravioribus potius *iustificasse* tanquam
injuste punitos, cum ipsa longe scelestior adhuc. Itaque sum
tuea-*

tueatur; quare denunciatur ei, et ipsam eandem sortem esse subituram, miseram et contumeliosam. Si posterius, sensus erit, Judaeos suis majoribus sceleribus in favorem Israelitarum et Sodomaeorum judicium tulisse, quatenus minus peccarint, adeoque nimis graviter puniti sint; quod modo dictum erat *justificasti*, ut mox sequitur. Quod non est spernendum, et nexui sermonis recte respondet.

§. CCCV. d. Subjungitur confusionis, Judae infligendae, explicatio, quum Judae tribum, aequae ac Samariam et Sodomaeam, esse removendam, et captivam in exilium abducendam, expresse traditur vers. 53, 54. *et abduxi captivitatem earum, captivitatem Sodoma et filiarum ejus, et captivitatem Samariae et filiarum ejus, et abduxi captivitatem tuam in medio earum, propterea ut feras ignominiam tuam, et pudeas propter omnia, quae fecisti, dum tu consolata es eas.* h. e. Cum tu sorores tuas justificaveris aliquatenus, teque dixi contumelia propterea esse adficiendam, scias velim, te aequae ac illas esse in captivitatem abducendam, et contumeliose tractandam, eaque etiam in re, sicut antea in sceleribus eas justificasti, iis adlaturam consolationem, quod te quoque videant punitam. Interpretes haec verba in contrarium plane sensum verterunt, de reductione captivitatis intelligentes, verbo *שבת* in initio vers. 53. in errorem ducti; quod hic neutiquam admitti potest, 1. quia vers. seq. 54. finem et exitum ejus rei, vers. 53. memoratae, collocat in contumelia a Juda ferenda propter omnia flagitia. Quod plane abhorret a reductione et restitutione populi, 2. quia restitutio, illa vers. 55. demum incipit promitti; quod superfluum plane foret, si hic ea jam fuisset exposita 3. quia in ultimo vers. 53. membro non legitur *שבת* sed *שבה* a *שבת* in captivitatem abducere; et non a *שב* reverti et reducere. Dubium itaque mihi non est, quin *שבת* sit punctandum, uti *שבת*, deficiente uti et alias fieri constat, sic *עשית* vers. 59. pro *עשיתי* utrobique itaque est *שבת*, vitiose punctatum; et sensum fundit facilem, qui

Tt 4

habet,

habet, Deum aequè Judam esse captivum abducturum, uti fecerat Samariae, et Sodomae faceret; et ea re esse contumeliâ ac pudore addiciendam Judam, ac *consolationem* adlaturam Samariae ac Sodomae, cum viderint Hierosolymam eandem sortem subire. Reliqua sunt facilia

§. CCCVI. Inferitur, per modum parenthesis, praedictio restitutionis aequè Samariae et Sodomae ac Hierosolymae, occasione memoratae communis earum captivitatis, per anticipationem, quae mox clarius in tertia parte revelationis et accuratius exponitur; inferitur autem obiter ad Judaeorum confusionem, quod eandem sortem felicem subirent quoque Samaria et Sodoma, et privam non haberet Hierosolyma. Hunc existimem scopum et sensum esse vers. 55. *Et sorores tuae, Sodom et filiae ejus revertentur in pristinas suas sedes, et Samaria et filiae ejus revertentur in pristinas suas sedes, et tu ac filiae tuae redibitis in pristinas vestras sedes.* h. e. Sicut tu communem cum iis habebis sortem in exilio, ita illae tecum in restitutione, quod obiter hic memoro, ad tuam superbiam, qua te nimium extollis, supra reliquas sorores, retundendam. Convenit autem satis inter Interpretes, hic agi de populorum illorum instauratione; quam phrasès omnino requirunt; sed qua ratione *Sodomaeis* conveniat, non idem sentiunt; licet communiter de spiritali intelligant, et euangelica, quia *Sodomae* proprie dictae alia non convenit. Sed nec illa in Sodomaeos, qui non amplius supererant, quadrat, nec *spiritalis*, sed proprie dicta restitutio intelligenda est. Nos hic non haeremus, qui *Edomaeos* intelligimus, de quorum restitutione historia testatur.

§. CCCVII. c. Redit propheta ad Judam confundendum, et contumeliosum ejus statum, una cum reliquis sororibus, repraesentandum, quo defineret Sodomam spernere, sicut antea fecerat, et ipse opprobrio esset reliquis populis vicinis alienigenis, quum fert poenam improbitatum suarum, sicut esse coeperat, quo tempore a Syris, et Philistaeis fuit
contra.

contumeliose tractatus et laceratus; eaque ratione concludit comparationem ejus cum Samaritis et Sodomaeis. Hunc existimo difficilis pericopae vers. 56—58. scopum et sensum esse. Verba ita habent: *et nihil fuit Sodomae soror tua ad famam in ore tuo, die fastuosarum tuarum elationum, usque nondum revelata fuit malitia tua, sicut tempore lacerationis filiarum Syriae, et omnium finitimarum ejus, filiarum Philistaeorum, quae flagellarunt te undique, obstinatum tuum scelus, et abominationes tuas tu tulisti, inspiratum Jehovah.*

Verba mihi videntur comparationem continere status contumeliosi Sodomae in oculis Hierosolymae tempore praecedente, et ejusdem conditionis Hierosolymae in oculis populorum vicinorum, partim ante, partim nunc, quo ferret poenam peccatorum suorum, ad indicandum, Hierosolymam nihil habituram, quo sese supra Sodomam efferat, sed eandem sortem subituram, aequae probro et lacerationi futuram vicinis ac fuerat Sodomae ipsi. Duo itaque sunt pericopae membra, quorum prius probrosum Sodomae statum respectu Hierosolymae praeteritum exhibet, ad illud usque tempus, quo resecta est malitia ejus; posterius ejusdem, et majoris, miseriae Hierosolymae descriptionem respectu populorum vicinorum repraesentat, tempore visitationis ejus judicialis, quo feret poenam peccatorum suorum.

§. CCCVIII. Prius membrum ita sonat, *et nihil fuit Sodomae soror tua ad auditum in ore tuo, die fastuosarum tuarum excellentiarum, antequam revelata fuerit malitia tua.* h. e. Edomitae nullius fuerunt pretii, viles et contemti, in oculis tuis, ita ut ex ore tuo non fuerint fere auditi, maxime tempore summae tuae excellentiae sub Davide et Salomone, sed et deinceps ad illud tempus usque, quo summa tua corruptio visitata est judicialiter, et in publicam lucem protratta, ad eam vindicandam. Vocula מל, ut saepe alias, nihil, nullius pretii et aestimationis, denotat, et nihil esse in ore ad auditum significat, contemtim de aliquo sermonem fieri, ita ut quoad famam nihili fiat, et nihil esse pronuncietur

citur passim. Tales fuisse dicit Esavitas, qui *Sodomae* nos mine hic veniunt, in oculis et ore Hierosolymitanorum, tempore *summæ excellentiæ* Judæorum, scilicet sub Davide et Salomone, uti liquet ex historia, et Pl. LX: 10. expresse habetur; additur, aliquatenus durasse ad illud tempus usque, quo nondum *revelata erat malitia Judæorum*: quæ voces cum præced. conjungendæ sunt, ut recte Piscator vidit, et facile adparet. *Revelatio* intelligitur judicialis, qua Judex eam visitat, cognoscit, et in publicum profert, tanquam puniendam; quod vers. 50. *videre* dicitur, ut ibi observavi. Manserunt Idumæi contemptibiles in oculis Judæorum, quamdiu stetit horum resp., non obstante, quod jugum Judæorum excusserint.

§. CCCIX. Posterius membrum ita habet: *similiter tempore lacerationis filiarum Syriæ, et omnium vicinarum ejus filiarum Philistæorum, quæ flagellarunt te undique, scelus tuum et abominationes tuas tulisti ea.* b. e. Sicut Edomitæ tibi fuerunt opprobrio et contemptui; ita tu esse coepisti vicinis populis, a quo tempore a Syris et Philistæis lacerata es et flagellata, poenæque tuorum scelerum tulisti; feresque ad finem usque. Ad quorum intellectum not. 1. voculam *וְ* esse ellipticam, et *וְ* subintelligi posse per seq. *וְ* absorptum, adeoque significare *secundum hoc*, vel *similiter*, ut Pl. LXXIII: 15. ubi *וְ*, per seq. *וְ* absorptum, subintelligi debet, ut ad eum locum observavi: scilicet ergo est, *similiter* cum Juda esse agendum, sicut egerat cum Sodomæ. LXX recte in *וְ* et Syri. *וְ* quemadmodum vertitur. 2. Vox *וְ* etiam est elliptica, deficiente præpositione, non quidem *וְ*, sed *וְ*, per præced. *וְ* absorpta, adeoque leg. *וְ* a tempore; ut terminus a quo significetur, quando revelari incipit malitia Judæorum, et vindicari a Deo: quando ferre incepit *scelus et abominationes*, ut vers. 58. habetur. 3. Sequentia illud tempus definiunt, et periodi vindicationis divinæ initium exponunt, quando Hierosolyma probe se tractata a Syris et Philistæis, qui eam lacerarunt et flagellarunt, quod

quod tempore Achazi factum est, quo etiam respicitur vers. 27., ut ibi expolui. Et haec est ratio, quare *Syrorum et Philistaeorum* expressa fiat mentio. Vox *חַרְפָּה* proprietatem habet in *carpendo* et *stringendo*, unde ad contemtibilem tractationem, et verbis et re ipsa, transit: verbum vero *חָרַף*, et *חָרַף*, proprie est *ussis*, *urendo laesit*, inde *flagellavit*, eam pro *flagello poenae* occurrit. Vid. Schult. ad florileg. p. 173. Sic *flagellum* pro diro malo a Deo inflictio ad terrorem sumitur Job. IX: 23. 4. Denique, cum Hierosolyma ab eo tempore *scelus* et *abominaciones tulisse* dicitur seu facinorum poenas, includitur *futurum* instans, adeo ut sit, *tulisti* et *feres ad finem* usque, uti Samariae et Sodomae contigit, et tu amovearis et abducaris in exilium; ut vers. 53. habuimus.

§. CCCX. Tertia pars revelationis, instar adpencilis ei adjuncta, (nam ipsa revelatio complectebatur *abominationum* Hierosolymae, earumque vindictae, declarationem, vers. 2. ut ibi vidimus) ad solatium in primis piorum, et eorum confirmationem in fide et spe, ne putarent cum populo et Ecclesia in perpetuum actum fore, luculentum repraesentat promissum de foederis rupti renovatione, et promissorum exuberante impletionem, supra ipsam foederis litteram, in Judaeorum instauratione et Samaritanorum ac Idumaeorum adfociatione cum Judaeis non jam instar *sororum*, sed *filiarum*. Quod tempore Maccabaico litteraliter, sed sub Messia spiritualiter factum est: uti ex verbo prophetico et historia constat. Huc existimem tendere ultimam pericopam vers. 59—63. Cujus tres sunt partes: quarum 1. *prima* renovationem foederis antiqui cum Hierosolyma initi, et firmam perpetuamque durationem exhibet vers. 59, 60. 2. *Secunda* bonum aliquod adjectitium, foedere non contentum, in signum singularis Dei favoris, tanquam superpondium, complectitur, in sororum illarum civili et religiosa subjectione Hierosolymae situm. vers. 61. 3. *Tertia* superiorum repetitionem et illustrationem ac confirmationem continet vers. 62, 63.

V v 2

§. CCCXI.

§. CCCXI. &. Prima pars ita sonat vers. 59, 60. *Quis*
vei profectus, ac dixit Dominus Jehova, et feci tibi, sicut
fecisti, quae speravi exsecrationem frangendo foedus, et recor-
daber ego fueris mei tecum diebus juventutis tuae, et stabili-
tiam tibi foedus aeternum. h. e. postquam tecum ego, sicut
 tu mecum, foedus, exsecratione sanctorum, proterve rumpen-
 do, foederis exsecrationes in te executus fuero, ad animam
 tuam revocabo foedus meum, o Hierosolyma, quod tecum pe-
 pigi, quo tempore te mihi adjunxi uxorem, per quod te so-
 sedem potui regni et Ecclesiae, meaeque praesentiae; nulla-
 que violationis ejus habita ratione per adulteria tua, et sce-
 lera alia, a me sufficienter vincitata, remittam tibi omnia,
 et foedus illud fixum ratumque esse jubebo in aeternum,
 adeo ut in pristinum statum gloriosius etiam sis restituenda
 et ad finem usque mansura. Hac ratione coherent verba
 et hic rerum sensus est. Quod ut elucescat 1. ad structu-
 ram orationis not., duplex 1. vers. 59 et 60. in *וְיָשׁוּב* et
וְיָשׁוּב tibi respondere, ut Lat. *quam, tunc, vel postquam*
tunc, ut sit, quam, vel postquam feci tibi — — tunc, de-
inceps, recordaber — — Qui unus voculae 1. repetitae
 satis est usitatus, et saepe a nobis observatus; hic autem
 sponte sua se offert. 2. foedus ruptum esse in genere Sinai-
 ticum, quatenus sub *exsecratione* sanctorum est in campestribus
 Moabi, quo in voce *וְיָשׁוּב* manifeste respicitur, in specie ad
 Hierosolymam, tanquam ubi metropolitica ejus sedes foret,
 adplicitum; adeoque quo Deus eam, qua talem, sibi adsocia-
 vit: uti vers. 8. habuimus et explicuimus. 3. idem foedus
 intelligi, quod a Deo renovandum et stabiliendum dicitur
 in perpetuum, vers. 60. Cujus certa est demonstratio in
 eo, quod Deus recordaturus dicatur *foederis diebus juventu-*
tis cum ea pacti, nec aliud sit, quod Deus *firmum ratumque*
faceret in perpetuum; posteriore enim membro non dicitur
 Deum *paedurum* esse foedus, multo minus *novum*, sed tantum
stabiliturum in foedus aeternum; utique illud ipsum, cujus
 Deus *recordaretur*; accedit; si *diversum* intelligeretur, dici
 debu-

debuiffe, *non recordaturum*; uti de *arca foederis* Jef. III: 16. et re ipsa de foedere vetere et novo Jer. XXXI: 31, 32. *Foedus vero tempore juventutis* cum Hierosolyma pactum, non est, illud Abrahami, seu gratiae, ut putatur, sed tempore Davidis et Salomonis, relate ad Hierosolymam; uti manifestum est ex vers. 8. ubi vid. dicta. Declarat itaque Deus, populum Judaeum esse instaurandum, Hierosolymam denuo fore sedem regni et Ecclesiae, ubi Deus habitaret, simul splendidam et prosperam futuram, sicut tempore *juventutis*, sub Davide et Salomone, denique ad finem *Oeconomia* V. mansuram, donec compleatur sub *Oeconomia* Nova in aeternum. Hanc enim sensus amplitudinem habet vox **עַלְיוֹן**, ut saepe alias observavimus. Ex quibus omnibus facile euincit, male hic cogitari solere, uti faciunt Interpretes, de foedere gratiae novo et euangelico; cujus hic nullum exstat indicium, non *novum* non *aliud* dicitur, nec *pactio*, sed *stabilitas* tantum foederis memoratur, et diserte illud adpellatur, quod tempore *juventutis* obtinuit: nec obstat vox **עַלְיוֹן**, ut ex dictis patet. Ceterum incepit impleri hoc promissum cum reditu Judaeorum ab exilio, et plenum complementum habuit tempore Maccabaico, sed completum sub *Oeconomia* nova, ut omnia V. *Oeconomia*.

§. CCCXII. 2. *Secunda* pars continet aliquod superpondium, seu exuberans bonum, majus, quam ex foedere populi expectari poterat, bonis itaque foederis adjectum *תַּבְּעֶיךָ*, eaque superans, ex pura benignitate Dei ortum, quo loco sororum haberet pro *filiabus*, *Samaritam* et *Sodomam*: Hierosolymae tanquam metropoli subjectas instar filiarum; vers. 61. his verbis; *et recordaberis viarum tuarum, et erubescas, quum acceperis*, (tanquam possessionem propriam) *sorores tuas majores te una cum minoribus te, etenim dabo tibi illas in filias, et non ex foedere tuo*: Quorum sensus est, Israelitas et Edomitae, antea Judaeis et Hierosolymitanis in origine adsociatos, et in moribus similes, sed diversos et sui juris, tanquam *sorores* tantum, nunc post omnium re-

ductionem et instaurationem, uti vers. 55. dictum erat, a Judaeis esse acquirendos, et in eandem societatem adsociandos, iisque subiectos fore, instar *filiarum*, non quidem virtute foederis, a Judaeis observati, ne quidem tanquam proprium foederis istius promissum, sed ex pura Dei benignitate, et tanquam superpondium, et bonum adiectitium, *triquilon*. Quod litteraliter impletum est temporibus Maccabaeicis, quando Israelitae, et Edomitae Judaeis ac Hierosolymae in una societate religiosa adjuncti, et ipsis subiecti, uti praedictum erat, et ex historia factum esse constat, sed *spiritualiter* ac plene sub euangelio impletum est, uti notum. Nihil hic difficile, nisi in phrasi, *non ex foedere tuo*. Interpretes, qui de spiritali et euangelica adlociatione, et subiectione tantum cogitant, *foedus Sinaiticum* intelligunt, et sensum esse volunt, haereditatem mundi Judaeis non ex eo, sed foedere gratiae, contingere. Verum 1. nulla ratio est, quare foedus Sinaiticum adpellaretur *foedus ejus*, cum aeque sit *Dei*, ac gratiae foedus. 2. foedus Sinaiticum quoque promissum spirituale, Abrahae factum, de gentium benedictione in semine ejus, fuit complexum; uti alibi disputatur, ergo absolute dici non poterat, *non ex foedere tuo*. 3. nulla mentio occurrit *foederis* alius, aut novi; ut ex dictis constat, quae tamen abesse non poterat, dici debuisset, *non foedere tuo*, sed *novo*, tecum pangendo. Quid itaque? mihi alterutrum videtur statuendum, si non, quod malim, utrumque conjungendum. Alterum est, indicari, illud bonum Judae et Hierosolymae non esse dandum, virtute foederis, ab ipsis observati, ad quod itaque eo nomine jus habebant, cum eo jure plane per foedus violatum exciderant: ita accepit Chald., et unus ac alter Interpretum, etiam Grotius. Ferre illud potest phrasis, et confirmat, quod vers. 59. foedus diserte dicatur ab iis ruptum, nec non quod hic praemittatur, eos *viarum cum pudore recordatos*, cum hoc bono mactarentur, argumento, non ex jure per foederis observantiam acquisito illud consecuturos, non ergo

ergo ex foedere ipsorum: accedit, eo etiam nos ducere phrasin ex foedere tuo: quare expresse ex foedere tuo? cum alias semper foedus Dei adpellatur: ratio est, quod foedus ipsorum fiat foedus Dei per ejus observantiam, per quam sunt in foedere, et est ipsorum quoque foedus, et sine qua non est amplius foedus ipsorum. Alterum est, phrasi hac indicari, possessionem illam de qua hic agitur, non esse proprium, ac directe promissum bonum foederis Dei cum Juda et Hierosolyma, sed ejus superpondium et adjectitium bonum. Quod phrasi involutum esse clarius adparebit, si voculae *et* usus admittatur, haud infrequens, quo comparisonem negativam denotat, et *plusquam* significat; ut et non ex foedere tuo sit, plusquam ex foedere tuo: sic Jes. XXIX: 9. inebriati sunt, et non vino, plusquam vino. Prov. VIII: 10. accipite disciplinam et non argentum, plusquam illud. Vid. Schult. ad l. c. et Job XXX: 28. atratus in eade absque sole, plusquam a sole. Sensus ergo erit, populorum illorum adfociationem et subjectionem esse bonum, quod Deus ex singulari favore adjiceret, eo tempore, bonis foederis; quod quidem proprie ad ea non pertinet, sed insuper accederet; quo sensu Seir, sive Edom adpellatur, haereditas Israelis. Num. XXIV: 18. Am IX: 12. Obadj. 17, 19. uti jam observavit Cl. Vitringa Qbf. S. l. V. c. 6. §. 18. Ex quo liquet, de Edomo illud recte dici posse, non ex foedere tuo, sed qua ratione Israeli conveniat, Judae utique et Hierosolymae dato per foedus, cum ea erectum tempore Davidis et Salomonis? Resp. secundum priorem sensum, modo datum, absolute illud dici posse, uti facile liquet, cum Judae nullum jus esset in bona foederis vi foederis observati, adeoque nec in Israel, sed secundum posteriorem restrictius et minore emphasi, aliquatenus tamen, relate ad restrictionem foederis cum domo Davidis et Hierosolyma factam a Deo post lapsum Salomonis, quando Israel separatum regnum, et sui juris factum est, uti constat, quemadmodum hic consideratur, ubi tanquam

forer Judae introducitur; cujus itaque adfociatio et subiectio Judae et Hierosolymae, deinceps futura, conspectum ferre potuit *superpondii* foederis, relate ad illud *restrictum* post Salomonem.

§. CCCXIII. 3. *Tertia* pars beneficii repetitionem, per modum conclusionis, comprehendit, nec nudam, sed cum insigni additamento fructus, quem inde carpere possit Juda et debeat, in eo siti, quod inde discere possit experimento, Deum esse Jehovam, justum quidem in puniendis obstinatis peccatoribus, sed et aequum in condonando poenitentibus, et *veracem* in promissis implendis; praeterea quod, tanto bono contra merita sua maectatus, pudore debeat confundi, et *os claudere*, nihil inveniens in viis Dei culpandum, nihil quo se excuset, aut merita jactet ac privilegia concessa, quippe indebita omnia. Hunc sensum fundunt verba, verl. 62, 63. *Et, vel itaque, stabiliam ego foedus meum tecum, et cognosces me esse Jehovam; ut recorderis (viarum tuarum verl. 61.) et pudore adficiaris, nec os amplius prae pudore tuo aperias, cum placatus tibi condonavero quicquid fecisti, inspiratum Domini Jehova.* Quorum sensum cum modo dederim, nihil superest notandum.

C A P. X V I I.

§. CCCXIV. **U**ndecima revelatio, eodem adhuc tempore facta, continet *aenigma parabolicum super domo Israel*, ut verl. 3. seu similitudinem aenigmaticam, difficillimam intellectu, et majore inquisitione egentem; quare explicatione mox illustrata est secundum *duas* ejus partes, unde *tertia* pars faciles acquirebat explicatus, quae propterea non exponitur. *Triplex* enim simile aenigmaticum proponitur, ad *domum Israel* pertinens; *primum* exhibet summum *razum cedri Libani* decerptum a magna et formosa *aquila*,
et

et translatum in terram peregrinam populosam et opulentam, Canaan dictam, vers. 3, 4. *secundum* repraesentat semen aliquod terrae, ab eadem aquila plantatum in loco fertili, et in *vitem* humiliorem, sed luxuriantem excreescens, sub tutela istius aquilae, quae plantaverat, sed inde deficientem ad aliam insignem quoque ac grandem aquilam, ejusque tutelae se committentem; verum infelici cum successu, cum inde nihil opis acquireret, et a priore aquila funditus everteretur, vers. 5—10. Cujus utriusque aenigmati explicatio mox subjungitur vers. 11—21. *Tertium* aenigma proponit tenerum ramum e summo vertice cedri istius a Deo ipso decerptum, et in sublimi monte Israelis plantatum, ibique in eximiam cedrum excresecntem, sub cujus umbra aves omnes laitarent. vers. 22—24.

§. CCCXV. In *primo* simili aenigmatico vers. 3, 4. *aquila* memoratur grandis, fortis et puichra, summum ramorum cedri alicujus in Libano decerpens, et in Canaanem transferens, his verbis, quae proferam, et ubi opus fuerit illustrabo, *Aquila illa* (scilicet nota et famosa, quasi digito monstrata, quam emphasin habet הוּ in דָּנָשׁ; cum deinceps vers. 7. simpliciter memoretur דָּנָשׁ *aquila altera*) *grandis illa* (corpore nimirum, et viribus bene compacta, et intorta, quae vis est vocis לָדָנָשׁ,) *magna alis*, (alis fortissimis praedita) *longa pennis* (pennis aculeatis praedita longe extensis) *plena coma* longius demissa, *cui erat variegatio acupicta* (quae tota erat plumata, variis coloribus ornata, et pulcherrima) *venit ad Libanum* (montem illum celebrem, et sublimem magna vi intravit, et occupavit, quam emphasin praefert verbum בָּא) *et cepit summum ramusculum cedri, summum stolonum ejus decerpit* (summum tenerum et gracilem ramorum ejus decerpens sibi sumit instar praedae. Hae enim voces conjunctae sunt, et se invicem explicant; illudque, quod dixi, denotant) *et adduxit illum in terram Canaan, in urbe negotiatorum posuit eum.* (cum urbs negotiantium mox subjungatur, *terra Canaan*, in qua erat illa urbs, vide-

XX

tur

DES LECTIONES ACADEMICAE

sive in genere significare terram *mediaterranis*; quoniam istam subinde habet vox *Canaan*, ut supra vidimus c. XVI: 29. Quid autem symbolice significet, mox patebit.)

§. CCCXVI. Explicatio aenigmati traditur vers. 12. quam mox subiungam, *ecce venit rex Babelis Hierosolymam, et cepit regem ejus ac principes ejus ipsosque abduxit ad se Babelem*. Ex quo manifestum est, quod etiam vulgatum: *apud eam expingere Nebucadnezare, regem Babelis, et Libanum Hierosolymam, ramusculum summum, et supremum stolonem cedri*, esse Jechoniam regem, et principes urbis, *Babelem* vero significari per terram Canaan, et urbem negotiatorum, adeoque sensum parabolae aenigmatice esse, Jechoniam cum domo et principibus esse a Nebucadnezare capiendum, et abduendum Babelem, ut ibi tuto degat, et crescat. Quod idem Jeremiae fuit oblatum sub imagine corbis bonorum ficuum cap. XXIV: 5—7. Lineae comparationis harum rerum cum nihil difficilis habeant, seu satis ductae sint ab interpretibus, moras non necesse est trahere. *N.* Nebucadnezar adpellatur *a. aquila magna*, tanquam *rex summe praeditus majestate*, in consiliis et moliminibus acute *cercans, celer, fortis*, fortunatus et triumphandus, cui nihil resistere possit, simul *superbus* et alte volans, et de *rapinis* vivens, ac sanguine aliorum. Quae praecipua sunt *aquilae* adtributa. etc. *B.* *Alae* grandes et fortes pingunt *a. qualitates ejus et regni ejus*, puta *celerem impetum, regni amplitudinem gloriam, ac elationem. c. copias ejus militares copiosas et fortissimas*. Quae strictim memorata latius deduxi in Diss. I. ad visa Dan. emblematica. Ubi etiam de *aquilae* emblemate tigi. *γ.* Longae pennae acuminatae quovis *duces militares*, nec non quaevis *arma bellica* recte censeri possunt depingere. *δ.* Spissa *plumarum copia*, et earum *variatio*, recte refertur ad ingentem variarum gentium et nationum multitudinem, quibus ornatus fuit rex et archē unius, praeterea ingentem opum et divitiarum copiam, summi quoque splendorum.

§. CCCXVII

§. CCCXVII. 1. *Libanus* altissimus et gloriosissimus ejus tractus montium, alibi expingit *Judaeam*, celeberrimam et editu difficillimam terram ob praerogativam populi Dei, ejusque inhabitationis, et tutelae, Jes. XXXVII: 24. ubi vid. Cl. Vitringa, sed hic *Hierosolymam* censetur delineasse, quia vers. 12. ita exponitur. Verum cum Jes. I. c. ex Zach. XI. *Libanus* sit *Judaea*, et saltus arvi frugiferi ejus, seu *sylvae* sit *Hierosolyma*, uti Cl. Vitr. ad Jes., et nos ad Zach. exposuimus, et demonstravimus, hic eodem sensu habentius sumserim, et verbum *Libani* non pro *venire ad simpliciter*, sed *penetrare* intus, uti saepe alias, acceperim, ut sensus sit, *Nebucadnezar*em, instar *aquilae* verticem montis involantis, penetrasse in summam et intimam *Judaeae* partem et *Hierosolymam* occupasse, per saltum et sylvam ejus exspectam, quatenus ibi *cedri*, et aliae arbores altissimae sint; quo etiam ducit nos, quod *summum ramum cedri ceperit*, argumento, penetrasse eum ad locum *Libani*, ubi *cedri* erant. *Hierosolyma* itaque tanquam intima et nobilissima pars *Libani*, seu *Judaeae*, hic occurrit, ubi sedes est *cedrorum*, quemadmodum tota fere *cedris* abundabat tempore *Salomonis*, sic sedes erat domus *Davidis* et regiae per *cedrum* hic delineatae.

§. CCCXVIII. 1. *Cedrus Libani*, hic emphatice et singulariter *cedrus illa*, imaginem gerit domus *Davidicae*, et summus ejus ramus, regem et principes ejus domus ac regni respectu sublimitatis, firmitatis, et usus, quem praebet *avidus*, ut vers. 23. habetur, seu *civibus* sub ejus umbra se tenentibus. Nec ignotum est emblemata *cedri* de domo regia *Davidis*. Vid. infra c. XIX: 10. — Jer. XLII. Jes. II: 13. XXXVII: 24. Zach. XI. Summus vero ejus ramus est rex ipse, in summa dignitate et gloria constitutus, domus *Davidicae* excelsum culmen; hic autem in specie *Jechonias*, ut sequentia demonstrant. 7. Hunc ramum *Nebucadnezar* legitur *decepturus*, sede sua avulsurus, ac abduc-turus *Babel*em, in terra *Chaldaeorum*, uti factum constat.

Gerit autem *terra Canaan* emblemata terrae Chaldaeorum, et *urbs mercatorum Babelis*, regni metropoleos: sicut habuimus c. XVI: 29. Videtur autem eo respici ad frequentiam incolarum, nec non omnium rerum copiam et luxum, simul denique loci celebritatem, tanquam *emporii orbis*. Vid. Ap. XVIII. Indicatur praeterea *solonem* illum decerptum in statu humili et abjecto futurum, non in monte, sed *terra depressa*, uti erat tractus Babylonicus, et vox כנען quoque vi originis insinuat, nec tamen ibi periturum, frangendum, aut consumendum, sed tanquam in horto *aromatario* tutas sedes habiturum, et bene tractandum; quo vox רכלים etiam trahi potest. Quod recte in *Jechoniam* convenit, deinceps honeste ibi habitum, ut ex 2 Reg. XXV. et Jer. LII. liquet. Conf. etiam Jer. XXIV: 6. Sentius ergo est, Jechoniam cum domo sua fore in Babylonia et Babel; tanquam in loco tuto, et lauto, et ibi denuo plantandum esse et incrementum habiturum, tanquam in loco *aromatario*, et *mercatorio*, ubi quies est, et omnium rerum abundantia.

§ CCCXIX. *Secundi aenigmatis parabolici propositio vers. 5—10. et expositio vers. 13—21. occurrit, habetque sequentes partes. N. Prima exhibet seminis terrae plantationem ab eadem aquila in loco superioris cedri, in loco commodo, et ejus scopum ac effectum; vers. 5; 6., ejusque explicationem vers. 13, 14. a. Aenigmatica propositio continet a. plantationem seminis terrae in loco commodo, ab eadem aquila factam vers. 5. Et sumfit de semine terrae, et dedit illud in agro sativo, accipere juxta aquas multas copiosum fluxum. h. e. loco cedri decerptae et abductae accepit illud semen terrae, illudque in agro fertili et aquoso posuit, ut copiose irrigaretur. Quale fuerit semen, ex seq. patebit, hic reticetur, et simpliciter semen terrae, quod in terra humilliore, et non in monte alto, seu Libano crescere solet, adpellatur; simul indicatur non terrae peregrinae, sed soli natalis esse plantam; sed plantatio dicitur facta in loco apto; et fertili, quo pertinet, quod *ager sativus* adpelleretur,*

et juxta *aquas copiosas* constitutum dicatur semen, ut accipere possit *copiosum fluxum*; quem sensum verba קח צמחה fundunt, quae verti, *accipere fluxum copiosum* juxta *aquas multas*. Verbum קח est non praet., ut censi solet, sed infinit. per aphaerelein primae, ut docuit Cl. Schult. Gr. p. 320. Est autem *accipere* pro, *ut accipiat*, qui etiam est usus infinit. Vox vero צמחה non est a צפה sed צוה *fluere*, ut לחלה a חל, et denotat *fluxum copiosum*; uti recte Cl. Simon form. nom. p. 225. quod huc unice quadrat. Interpretes aliter et varie instituunt.

§. CCCXX. b. Plantationis scopus fuit, ut inde vitis excresceret, et floreret, sub tutela aquilae, et in ejus subjectione, his verbis vers. 6. *Posuit illud ut germinaret, essetque vitis luxurians humilis statura, ut spectarent palmites ejus ad ipsam, et radices ejus sub ipsa essent.* Quorum sensus est. semen eo scopo ab aquila fuisse agro fertili et aquoso demandatum, ut inde excresceret *vitis*, libere et spatiosè sese effundens, sed in statu humili et dependente manens, ita ut curae et influxui aquilae maneat subiecta, eique fidelis. Verba exponunt *scopum* aquilae in plantanda hac vite; in eo situm, quod quidem laete excresceret vitis, sed non in altum se efferrer, nec sui juris esset, verum palmites ad aquilam extenderet, et radices sub ea ageret; seu incrementum et floridum statum suum unice acceptum ferret curae et directioni aquilae, adeoque ei fideliter adhaeresceret. Vercula itaque et in primis verbis est, *ut*, et scopum ac finem denotat, ut saepe alias. Vid. comm. ad Mal. III: 1. §. 128. Praeterea verbum ושר posuit illud in fin. versus praecedentis cum hoc nostro est conjungendum, inde male avulsum, hoc sensu: *posuit illud, ut germinaret* etc. Superfluum enim est vers. praeced., nec sensum fundit commodum, cum nostro connexum facilem et aptum habet, ut adparet. Reliqua satis ab interpretibus illustrata sunt. Tantum observetur, *palmites vitis*, qui per se consistere nequeunt, hic dici *spectaturos ad aquilam*, ut inde sustentationem

accipiant, et radices sub ipsa futuras, ut inde etiam siccum suum et alimenta consequeretur; adeoque per omnia ab ejus cura dependeret; et in ejus subjectione maneret fideliter. Relativum in *וְיָרִיתָ* aequè ac in *וְיָרִיתָ* respicit ad *aquilam*, ut ex vers 7. ulterius confirmatur. *c.* Subjungitur effectus plantationis et incrementi seminis, his verbis vers 6. *Et facta est vitis, et fecit ramos, et emisit palmites frugiferos.* Verba non continent repetitionem praecedentium, ut putatur, sed, sicut superiora *scopum*, ita haec nostra effectum tradunt, in eo situm, quod vitis plantata, et curata ab aquila, egregie floruerit, et fructus tulerit. *ramos* proferens firmos, *רָמִים*, et *palmites fructuosos*. *פְּרָמִים*, alias *פְּרָמִים*, ut c. XXXI: 12. a rad. *פָּרַם* vel *פָּרַח*. Vld. Hiller Hierophyt. p. I. c. 3. §. 10. Confirmant sequentia, ubi fructuum expressa sit mentio, nec non quod a *רָמִים* distinguatur, quae vox ramos majores, et firmiores denotat, uti notum.

§. CCCXXI. β Explicatio primae hujus partis, his verbis traditur vers. 13, 14. *Et accepit de semine regni, et popigit cum ipso foedus, et adegit ipsum in iusjurandum, et fortis terrae carpsit; ut sit regnum humile, ne se efferat, ad servandum foedus suum, ad stabiliendum illud.* Quorum sensus est, qui se facile offert, Nebucadnezarem, Jechonia abducto, in ejus locum suffecisse unum de domo regia, Zedekiam nimirum, sed non sui juris, nec in regno sublimi et forti, verum Nebucadnezari subiectum, eique foedere et juramento obstrictum. et exigua potentia praeditum, ne se efferre possit, potentibus regni ablatis, et ut maneret in ejus obedientia, eaque ratione stabilem haberet fidem. Nihil hic not., nisi duplex et diversa verbi *לָקַח* potestas in primo et ultimo membro vers. 13. In primo enim denotat decurtationem e statu communi in sublimiorem et electum; in ultimo vero decurtationem, quae instar spoliis e medio aufert, sumere enim potentes terrae est eos auferre, et sibi rapere, eo scopo, ut, quod sequitur, regnum sit iubeat et maneat.

neat dependens; cum aliqua adlusione ad *arbores* altas et firmas, quales fuerunt *Jechonias* et principes, a Nebucadnezare Babelem translatis: ut supra habuimus, uti diserte, haec ipsa voce **דליל** adhibita, Reg. XXIV: 15. Cohærent itaque verba ultimi membri v. 13. et primi vers. 19. male disjuncta.

§. CCCXXII. Hisce praemissis ducamus lines comparationis, sed verbo, cum nihil admodum obscuri sit. 1. *Semen terrae* est *Zedekias*, eju dem *terrae* non tantum civis, sed et ex domo regia, *semen regni* dictus vers. 13., sed in statu humili positus, ut *semen terrae*, et non planta montana, unde *cedrus* oritur. 2. Ejus plantatio ab aquila facta in agro sativo juxta multas aquas, ut in *vitem* excreceret, significat ejus collocationem in regno utili quidem et frugifero, sed imbecilli, ac dependente, ut habuimus cap. XV. Quod etiam indicatur phrasi, *sumere de semine regni*; quae designat collocationem in dignitate suprema, ut sit *sumendo evehere in regnum*, quemadmodum **לִקְחָה** quoque usurpatur, uti notum. 3. *Plantationis* scopus et modus erat, ut *palmites* et *radices* ad aquilam plantatricem spectarent, indeque *vitis* succum et stabilitatem acciperet. Quod in *explicatione* traditur *duobus* modis effectum; *alter* est in *foedere* et *juramento* situs, *alter* in *roboris* omnis sublatione; qui uterque eo spectabat, ut regnum esset humile et infirmum et Nebucadnezare maneret fidele, eaque ratione firmiter subsisteret. Quod ex historia quoque constat. Mutavit enim *nomen* ejus in signum subjectionis, et *nomen Zedekiae* in signum foederis et juramenti, ab ipso servandi, ei imposuit; et defectio Zedekiae a Nebucadnezare vocatur *rebellio* a Reg. XXIV: 17.—

§. CCCXXIII. 2. *Secunda* pars ob oculos ponit *emblematicè* vitis flexionem radicibus et palmitibus suis ad aliam aquilam magnam, priore, a qua erat plantata, et cui adligata erat, relicta, eo scopo, ut laeto suo solo per se floreret, *realiter*, et *sensu emblematis*, Zedekiam, a Nebucadnezare

ad Pharaonem deficientem eo scopo, ut ab eo acciperet auxilium, quo se in statu suo tueri posset contra Nebucadnezarem, prius occurrit vers. 7. *posterius* vers. 15. *Emblema* his verbis proponitur vers. 7. *Et erat aquila una magna, magna alis, et spissa plumis, et ecce vitis illa glomeravit radices suas ad eam, et palmites suos emisit ad eam, ut irrigaret se ex areolis vel alveolis plantationis suae.* Quorum sensus est, vitem se palmitibus et radicibus, ut sustentaretur, et aleretur, adplicuisse ad aquilam aliam, magnam quoque et potentem; sed altera tamen inferiorem: quare simpliciter *aquila* adpellatur *magna*, et non illa aquila magna, ut supra. Aquila una est stylo Hebr. altera, uti vertunt LXX. nisi quis pro *וְיָאֵל* velit legendum *וְיָאֵל*, quod forte verius est; sic et cap. XI: 19. *וְיָאֵל* pro *וְיָאֵל*. Nihil hic notandum superest, nisi ultimas voces, *adirrigandam eam ex areolis suis*, non esse ad aquilae areolas referendas, ut solet, sed proprias vitis in terra sua, ut ex adf. foemin. liquet. Sensus ergo est, vitem intendisse, ut ope aquilae istius irrigaretur propria sua terra, ex propriis ejus *areolis*, adeoque patrocinio tantum aquilae frueretur contra hostes, sed sui juris maneret, et suis opibus floretceret, non subiecta novae aquilae, ut superiori. Quo manifeste ducit phrasim, *ex areolis plantationis suae*, vel rectius *alveolis*. Vox enim *מְנוֹי* etiam denotat alveolos rivi, quibus aquae in latus inductuntur ad agrum irrigandum; radix vero notat, *inclinari* in latus. Ceterum verbum *גְּלַמְּרָה* reddidi *glomeravit*, ad propriam ejus potestatem, in *glomerando*, *glomeratim volvendo*, sitam, unde pro *vere* sumitur Arab., quod Lat. est a *verum glomerare*; vitis autem eleg. dicitur *glomerare* radices cum pulchra adlusione ad tenuiora filamenta, quibus *radices* solent implicari, simul firmitus *innecti* in terram. Graeca versio recte habet *περιπλέκεται*. Alio vero flexu radix ad *famem* transit, intestinis longa inedia *conglomeratis* et complicatis. *Explicatio* emblematis traditur his verbis vers. 15. *Et rebellavit in eum, mittendo legatos suos in Aegyptum, ut daret sibi*

Sibi equos et populum spissum. Quae facilia, et ex historia Zedekiae ad regem Aegypti a Nebucadnezare deficientis, ut ejus auxilio contra ipsum frueretur, nota sunt, vid. 2 Reg. XXIV: 24. 2 Chron. XXXVI: 13. Jer. XXXVII: 4. Pharaon itaque est altera illa aquila magna, cui sese in tutelam dedit Zedekias; tunc adhuc aquila magna, sed longe minor Nebucadnezare, qui vires ejus jam adtriverat. 2 Reg. XXIV: 7.

§. CCCXXIV. 1. Tertia pars exhibet infelicem rebellionis exitum, emblematicè expictum vers. 8—10. proprie explicitum vers. 15—20. In emblematica descriptione a. praemittitur beneficium ab aquila priorè in vitem collatum; quo in ubere solo plantata erat, et spes erat magnae prosperitatis, si aquilae fidelis maneat vers. 8. In agro ubere, ad aquas copiosas ipsa plantata erat, ad faciendos ramos, et ferendum fructum, ut sit vitis magnifica. Respicitur ad superiorem plantationem a Nebucadnezare, quae hic repetitur et extollitur ad rebellionem adgravandam, et stultum consilium rebellionis significandum, cum in illo statu, sub tutela Nebucadnezaris, florere potuisset vitis Judaica. b. Eradicatio et arfactio vitis ab aquila plantatrice et judicio Divino, nihil j. vante altera illa aquila, describitur vers. 9, 10. Ubi i. occurrit propositio, 2. ejus illustratio et confirmatio. 1. Propositio his verbis comprehensa est vers. 9. *Dic, sic dixit Dominus Jehova; an bene succedet?* (interrogationis nota ה' in תצלח praecedente littera ה' in nomine יהוה absorpta est, et deficit, adeo ut sit pro התצלח uti mox vers. 10. Sen'us est, nihil minus, quam hoc, quod facillimum) *nonne radices ejus evellat? et fructum ejus quassando distrumpet?* (mo vero aquila illa vitem illam radicibus et fructibus violenter privabit, omnes vires ejus frangendo, stolones ejus destruendo, et omni fructu privando: Autor quidem non nominatur hujus destructionis, sed priorem aquilam, cui plantationem et fructificationem debebat vitis, intelligi, facile patet, et explicatio, quae infra traditur, extra dubium collocat.

Y y

locat. Ceterum verbum **רָצַץ** aut **רָצַץ** idem dicit, ac **רָצַץ** et **רָצַץ**, cujus proprietas est in *quassando, dirumpendo*; unde *saedii* usus, quo quis rumpit, etiam *aestatis*, aestu omnia dirumpentis, etc. fluxit.) et *arefcet* (scilicet fructus quassus et disruptus) *omnes carpturae germinationis ejus arefcunt* (tenerae illae, et recentes extremitates, in quibus vis crescendi se exferit. Hanc enim vim habet vox **רָצַץ**. Vid. Schult. ad Prov. XXXI. p. 513.) Quorum sensus est, *vitem esse radicibus extirpandam, et omni vi crescendi privandam, ita ut truncus excisus sit et arefactus, omniisque progenies deleta.*

§. CCCXXV. 2. Illustratio et confirmatio propositionis *duo* continet; *alterum* est, nihil opis adferendum esse ab altera illa aquila, ad hanc extirpationem impediendam, *alterum*, extirpationem habituram conspectum judicii Divini, indeque certo futuram. a. Prius his verbis profertur *vers. 9. et nihil in brachio magna, et in populo copioso, quoad, vel contra, vastare eam e radicibus ejus.* h. e. nihil virium, nihil auxilii, erit in forti et spisso exercitu ad impediendum, quominus radicibus vastetur. Interpretes verba ad Nabucadnezarem referunt, et sensum constituunt, sine multis viribus, sine magno exercitu, vitem eradicari posse; quod nec huc quadrat, nec cum *vers. 17.*, ubi explicatio traditur, conciliari potest. Pertinent verba ad *alteram* illam aquilam, ad quam se adplicuerat vitis, ut statum suum tueatur contra impetum aquilae, a qua se abstraxerat, et sensus est, nihil opis fore in magnitudine virium et copiarum ejus, ad faciendum, ne vastetur ab ea vitis haec. Quod sicut ad rem facit, quia ceteroquin nulla mentio foret opis, quam ab altera aquila expectabat vitis, ita *vers. 17.* unice convenit, ut mox videbimus. Sicut vero *autor* eradicationis non expresse memoratur, ita nec cujus brachium et populus sit; quod utrumque ex superioribus supplementum relictum est, uti facile suppleri potest, cum *duarum* aquilarum modo facta sit mentio. Ferunt denique verba hunc

hunc sensum, modo *verso* instituatur, ut feci, ita ut **N** dicat *non*, vel nihil est in *brachio et populo*, nihil opis et auxilii, ut mox vers. 17., et Praef. **ל** in **לְשׁוֹן** sumatur pro *quoad*, relate ad, vel *contra*; aut *ne*; uti potest; de quo vid. Nold. de partic. p. 397, 403. Sed videtur hic locum habere elegans ejus usus, quo *imminentiam* et *ingruentiam* rei denotat, quem exferit Ps. XXXII: 6. Jer. XLVI: 13., ubi vid. dicta. Quod huc apte quadrat; quia eo ipso tempore, quo vastatio imminebat, adparuit, nihil esse in brachio magno Aegyptiorum; uti habetur vers. 17. Forte rectius et facilius fluere sermo, si **לְשׁוֹן** punctetur alio modo, et derivetur a rad. **לָשַׁע**, *rupit cum fragore, vastavit*, adeoque vertatur, *ad ne disrumpat eam radicitus*.

§ CCCXXVI. *b* Posterius, conspectum judicii divini continens, in ea extirpatione conspicui, simul necessitatem et certitudinem extirpationis declarans, ita habet vers. 10. *Es ecce plantata succedetne? nonne sicut, vel quum, impigerit in eam ventus orientalis, arescendo arescet? super areolis, vel alveolis, germinationis ejus arescet.* h. e. Fieri non potest quin vitis, quam fertili etiam in solo plantata, arefacienda sit et extirpanda; cum a judicio divino illud necessario sit expectandum, quod per aquilam illam est executioni mandandum; quodque, si vel aquila illa illud non faceret, per se illud efficeret. Verba superiori sententiae de vite per aquilam evellenda subjuncta, non idem dicunt; quod superiora, sed *judicium Dei* viti imminere, et certo certius eam extirpationem esse futuram, declarant, ita ut innuant, superiorem eradicationem per aquilam habere conspectum judicii Divini, ea ratione exequendi, sed directe indicent, vitem esse exarituram in ipso suo solo per ventum urentem, si vel per aquilam illud non fieret. Verba enim vitem in solo fertili positam repraesentant, quod per primum membrum indicatur, *ecce plantata an succedet?* scilicet tam bene et juxta aquas mukas plantata, nihil videtur habere metuendum; nec tamen sic prospere ager, si

1.

Yy 2

vel

vel nullum impetum hostilem experiatur. Quod sequentia verba declarant, *nonne, quum impegerit in eam ventus orientalis, arescendo arescet?* nonne, si tale quid ipsi in ipso solo fertili accidat, arescere deberet? *ventus* intelligitur procellosus et urens, qui eo nomine, solet insigniri; et in Oriente est notus, alias etiam *austrinus*, et *deserti*, adpellatur. Vid. in Bibl. Brem. cl. VII. Vitranga ad Jes. XXI: 1. et Schult. ad Job. XV: 2. Bochart. H. p. II. l. I. c. 15. ne alios memorem. Verbum *ventus* proprietatem habet in *adpactione*, et usuteritur in graviore plaga, vehementius incussa. Subjungitur interrogationi, quae adfirmationem involvit, rem illam certo futuram, non jam interrogative, sed adfirmative; *super areolis germinationis suae arescet*; scilicet, quod ex superioribus addendum, si impinget in eam ventus, super ipso suo solo fertilissimo arescet, quod hic per *areolas germinationis* intelligitur, uti vers. 7.

§. CCCXXVII. In altera parte, seu explicatione aenigmaticae parabolae, respectu tristissimae sortis regni Zedekiae, a rege Babylonio ad Aegyptium deficientis, α. praemittitur interrogatio, defectioni memoratae subiecta vers. 15: *an prosperabit, an eripietur, qui haec facit, et rupit foedus et prospere aget?* absit, nihil minus quam hoc. Prius membrum respicit ad auxilium, quod Zedekias sibi ad Aegyptium deficientem promittebat, et negat, illud successum habiturum, posterius vero membrum causam repetit a pravo facinore defectionis et rebellionis, negatque rebellem prosperum fore. β. *Fatum regis*, in regno Nebucadnezaris Babelis morituri, promulgatur, vers. 16. *Vivam ego, inspiratum Domini Jehovae; si non in loco regis, qui eum regnare fecit, cujus juramentum execratorium sprevit, et foedus fregit, apud ipsum in medio Babelis morietur.* Quae satis clara sunt, et in Zedekia, ut constat, impleta. γ. Regis Aegypti auxilium vanum fore, et obsidionem urbis successum habituram, ac multam caedem futuram esse, declaratur vers. 17. *Et nihil robore magno et populo copioso agit cum ipso Pharaon in bello,*

bello, tempore structi aggeris, et aedificatae turris, ad exscindendum animas multas. Quorum sensus non est, ut nonnullis videtur, opus non esse magnis viribus et multo populo ad urbem expugnandam; quod nec scopo nec verbis convenit. Sed, quod alii jam viderunt, nihil opis adlaturum Pharaonem Zedekiae in bello cum Nebucadnezare tempore obsidionis Hierosolymae, ad eam liberandam, adeoque effectum habituram, et ingentem ibi caedem futuram. Phrasis, *non facere cum magna militum et virium copia cum ipso*; Zedekia, in bello, est, nihil efficere, ad ipsum liberandum; quod est facillimum. Respicitur ad verba vers. 9. *et nihil in brachio magno* etc. quae hic exponuntur. Nihil ex hac hypothese superest difficile: quare nihil addo. 2. Repetitio iuramenti violati et foederis rupti, tanquam iustae causae excidii per Nebucadnezarem, vers. 18. *Et sprevit iuramentum frangendo foedus, et ecce dedit manum, et omnia illa fecit, non eripietur.* h. e. successu carebit quicquid fecerit Pharaon ad ipsum liberandum, quia iuramenti et foederis violati reus est. Huc enim videtur repetitio ejus tendere, ut causa traderetur irriti moliminis Pharaonis; cuius modo erat facta mentio. Qua ratione nihil est in oratione superflui. Ceterum *dare manum* est et fidelitatem amicitiamque iuramento promittere, et subjectionem testari, quod utrumque phrasis indicat, ut a Sanctio et aliis jam est observatum; phrasis vero, *dedit manum et fecit haec omnia* idem dicit; ac iuramento se obstrinxit *et tamen*, non obstante hoc *fecit omnia illa contraria*, a Nebucadn. ad Aegyptium deficienti. Ex quo etiam liquet, *dare manum* non ad Pharaonem, ut nonnullis videtur, sed Nebucadnezarem spectare.

§. CCCXXVIII. a. Confirmatio excidii regis ac regni propter violatum foedus et iuramentum, et plenior deductio, vers. 19—21. In qua pericopa a. Deus iuramento declarat regem propterea esse puniendum vers. 19. *Propterea sic dixit Dominus Jehova, vivam ego, si non iuramentum meum, quod sprevit, et foedus meum, quod rupit, etiam dabo illud in*

caput ejus. h. e. juramento declaro, me violatum juramentum et foedus in ipso vindicaturum esse ad ejus perniciem. Voces *si non*, et *dare in caput* cohaerent, dicuntque Deum perjurium et foedifragium ipsi imputaturum esse ad exitium. Praef. 1 in וְנָתַתִּי et *dabo illud*, cum emphasi abundat, qua etiam, et certo dicit; ut saepe alias. Not. insuper est 1. *juramentum* et *foedus Dei* comprehendere sensu divite cum foedus cum Nebucadn-zare juramento in nomine Dei sancitum, 2 Chron. XXXVI: 13. tum ipsum foedus Dei cum populo; ut ibid. expresse additur. 2. *dare* juramentum et foedus violatum in *caput* dicere, ipsi illud in poenam imputare, et cum capitis diminutione ac caede vindicare. Quod facillimum est.

§. CCCXXIX. *b* Regis, ejusque domus, et principum excidium, ac superstitum dissipatio per terram quaquaversum, accuratius exponitur vers. 20., respectu regis, et vers. 21. reliquorum. Verba vers. 20. fere eadem sunt, quae c. XII: 13 habuimus, ac exposuimus; quare hoc unum observ. in מעלו deesse praef. 2, quod ex simili littera sequente ortum; ut saepe contingit. Nec multum negotii facessunt verba vers. 21. quorum sensum jam dedi ad c. XII: 14. Duo tantum not. 1. Vocolam אֵל nominativo praefigi, et cum emphasi, qua illos ipsos denotat, abundare, vel cum נִשְׁמָתֵי vers. 20. construendum, ut sit *cum*, vocem vero מְבַרְרֵי esse vitiosam, et litteris transpositis, legendam esse מְבַרְרֵי quae *selectos* et primarios, ac praecipuos denotat, uti Ver. versiones habent, nisi quis *rectes*, vel *penetrantes*, quae vera emphasis est verbi בָּרָר interpretetur; fortes itaque, et regem, instar *rectium* et *repagulorum* circumdantes ac tuentes; uti est c. XII: 14. Non enim *fugitivi* intelligi possunt; conf. 2 Reg. XXV. et Jer. LII. ubi ad *filios regis* et principes ac fortes viros ejus applicatur. 2. Praef 2 in כָּל etiam nominativi nota est, vel *cum* verti debet; quod utrumque usitatum est, sed potest quoque *in* vel *inter* verti, ut sensus sit, *cum omnibus selectis in turmis ejus*; de

de voce *קץ* pro turba dixi ad c. XII. Ceterum, qua ratione haec omnia ad emblemata *vitis* radicibus, ramis, et fructu, privandae applicanda sint, cum non sit in difficili. moras non necesse est. Totalis enim destructio regis Zedekiae, et universae domus ejus una cum regno, sese in eo emblemate facile offert.

§. CCCXXX. Tertium aenigma parabolicum proponit *tenerum stolonem* e summitate rami cedri altae, a Deo ipso secreti, et in potestatem ac ditionem alterius traditi, ab eodem decerptum et in montem altifrontem, vel sive tumulum egestum, sive roratum et humectum, transplantatum, dein de novo plantatum in monte omnium excelsissimo Israelis, ut ramos extollat, fructumque faciat, et cedrus magnifica evadat, sub qua habitent, et in cujus palmitum umbra aves, cujuscunque generis, sedeant, vers. 22, 23. Cujus parabolae *N. litteram*. 3. sensum emblematicum exponam *N.* Subjectum parabolicae similitudinis est *cedrus* excelsa, eadem, sine dubio, quae vers. 3 fuit memorata, tanquam in *Libano* radicata, et florida: quo hic manifeste respicitur. Duo autem de hac cedro traduntur, *alterum* ad praesentem ejus statum *alterum* ad futurum spectans, *prius* triste et infortunatum, *posterius* laetum et prosperum; quare *prius* in praet., *posterius* in fut. exprimitur. *Prius* his verbis traditur, vers. 22. *et sumsi ego de summo ramo cedri altae, et tradidi.* h. e. summum altissimae cedri ramum carposi ipse ego, inquit Jehova, et tradidi in manus alterius, seu potestatem et ditionem ejus; quod verbo *קץ* absolute hic posito omnino denotatur, ut recte, quod postea vidi, a Coccejo est observatum, significat enim eleganter tradere in manum hostilem, dare in servitatem, donare hosti. Vid. Ch. Schult. ad Prov. V: 9., et locis ibi citatis adde Ez. XVI: 21. et Mich. V: 2. *Propterea dabit ipsos* etc. Interpretes solent in bonum sumere de ramo cedri a Deo *dato* in monte, ut mox sequitur, sed longe rectius in malum accipitur, de ramo decerptio quod est *קץ* proprie, et in statum servilem

vilem ac abjectum tradito, 1. quia illud *dare*, absolute possum, sensum aptum non fuit, utque emphasi omni careret, si aliter sentitur. 2. quia sequitur *noxx* dextrum plantationis istius rami in monte. 3. quia Deus vers. 24. discrete sibi tribuit aequae humilationem ac exaltationem arboris istius, ut noxx adparebit. 4. Accedat in praet. occurrere, et ad ramum cedri alio transportatum vers. 3, 4. manifeste respici. Quid itaque ibi aquilae adscribitur, illud hic sibi vindicet Deus, ut declararet, se ramum tradidisse aquilae decerpendum, quem in posterum denuo plantaret in loco suo, unde erat decerpens: quo etiam facit repetitio pronominis *noxx* ego, et *sum* si ego — — et carpam ac plantabo ego, uti Deut. XXXii: 30. *ego occido et vivifico* etc. quemadmodum et alibi J.-f. X. et XXXVII Deus sibi adserit, quod Assyrius fecerat, ne suae potentiae illud tribuat hostis. Conf. etiam J.-f. XLV. et alibi. Praemittit itaque Deus rami istius cedri fractionem et deportationem per hostem a se factam, ut indicaret, sibi esse illud tribuendum, et eo scopo a se factum, non ut ramus in alieno loco periret, sed inde suo tempore in terram suam transferratur; ut mox sequitur.

§. CCCXXXI. *Posterius*, laetam rami ablati catastropham comprehendens, *duplicem* exhibet plantationem expresse memoratam, et probe observandam, *priorem* in monte *altifronte* et *adgesto* seu *humecto*, *posterio*rem, quae priorem sequeretur, in monte *edissimo* Israelis cum *laetissimo* et *glorioso* effecto. Prior his verbis traditur vers. 22. *de summitate stolonum ejus tenerum excerpam, et plantabo ego in monte altifronte ac adgesto, seu humecto*. h. e. de rami istius, summi a me ac traditi, stolonibus unum excerpam, et abstraham tenerum et mollem, eumque transferam in montem elevatum, et pulchre convexum, ac aedificatum, multoque rore et humore perfusum, in quo ipsum plantabo, et fixas habere sedes faciam. Agitur de *tenero* ac molli stolone, in summitate stolonum rami supremi cedri, quem Deus alio transportaverat; et de eo declaratur, ipsum inde esse *decerpendum*

dum, ex illo loco et sede auferendum, ac plantandum in *monte*, qui non definitur, sed a pulchra convexitate et aedificiorum structura, humorisque abundantia describitur. Eam enim significationem habent epitheta montis, *גבה* et *ההלל*: cujus *prioris* proprietas est in *exsecando* in *convexam* ac pulchre elevatam altitudinem, *posterius* duplex potest esse significatus, *alter*, quo aggestum, et constratum denotat, ac elevatum, a *הלל* unde *הלל* *tumulus*, *collis*, aggestus et stratus, *alter* quo *roratum* dicit et *humeatum*, ex vicinitate *טל*, quemadmodum *תללים* Pf. CXXXVII: 3. recte confertur ad *טל*, ut ibi expolui. Radix autem *טל* proprietatem habet in *motu micante* seu *vibratione*, quae *procul oculum* feriat, unde *rorationis* et *humeationis* usus fluxit, quippe *ros* est superficies aquosa, late diffusa, et vibrans. Uterque sensus hic locum invenire potest, adeoque *montis* qualitatem describere relate ad tenellum ramum cedri, in eo sitam, quod *mons* sit, et modice elevatus, constructusque aedificiis, et multo rore ac humore praeditus. Ceterum in tali monte cum dicitur *plantatus*, haud obscure opponitur statui praesenti, quo erat in *terra Canaan*, et urbe *negotiantium* positus, vers. 4., adeoque indicatur, statum stolonis, a Deo in monte plantandi, fore meliorem, excellentiorem et prosperiorem; nec tamen summe sublimem et fortunatum; cum *mons* tumulatus et stratus tantum memoretur, oppositae ad *montem altitudinis* sublimioris, cujus mox fit mentio, in quo deinceps plantaretur. Etsi vero *situs* ejus montis non definitur, ejus tamen descriptio, et sequens oratio, dubitare non sinit, quin in terra Israelis, seu Judae sit quaerendus, et digitus ad colles, quibus Hierosolyma fuit inaedificata, intendatur; quibus illa epitheta *pulchrae convexitatis*, *aggestionis*, et *structuras*, etiam *rorationis*, recte conveniunt; uti facile cernitur. Conf. Jes. XL: 9. Pf. XLVIII: 2, 3. CXXXIII: 3. et alibi.

§. CCCXXXII. *Posterior* plantatio cum ejus scopo et effectu his verbis depingitur vers. 23. *In monte, loco elato, Israelis*
Z z

Israelis plantabo illum, ut extollat ramum, et faciat fructum; sique cedrus magnifica, et habitent sub ea; omnes aves omnis alae in umbra palmium ejus sedebunt quiete. Quae verba, quod ante omnia observandum est, novam ramusculi istius *plantationem*, qua de monte pulchre convexo transplantaretur in longe celsiorem montem Israelis, longe excellentiorem acciperet statum, describunt, et non eandem priorem *plantationem* repetunt, et illustrant, uti vulgo accipi solet. *Rationes* sunt. 1. Repetitio verbi *plantandi* alias foret superflua. 2. Superior *plantatio* in praet. occurrit, et haec in fut. licet et prior de futuro capi debeat, sed relate ad posteriorem habet conspectum *praeteriti*; pro more Script. quo praeterita in re fut. exprimuntur in praet. Diversa ergo est *plantatio*, et ordine sibi successura, ita ut *altera*, modo memorata sit ordine temporis prior, quam haec nostra exciperet. 3. Prior facta dicitur in monte convexo simpliciter, et aggesto, *posterior* in longe *excelsissimo monte*, uti voce **וְהָיָה** expresse addita indicatur. Vox illa per se denotat *locum aditum*, in specie valde sublimem, quare pro *coelo* etiam absolute posita sumitur, *monti* subjecta altissimum ejus locum, verticem elevatissimum, exprimit, uti Jes. XXXVII: 24. **וְהָיָה וְהָיָה** altissimus locus montium. 4. Denique *plantationi* modo memoratae nihil additur de effectu et successu; hujus autem *scopus* et *effectus* celebratissimus expresse describitur; argumento *priorem* illam praeter *plantationem* nihil praeclari amplius habituram, sed *posteriorem* longe excellentissimo et prosperrimo gavisuram successu, quo in ramos se diffunderet, fructus ferret, et in magnificam cedram excreceret; quae cujusvis generis avibus jucundissima praebere latibula.

§. CCCXXXIII. Hoc praemisso, reliqua levissimi brachio perstringam, cum *linera* emblematis nihil obscuri praeferat. Occurrit 1. *plantatio* nova ejusdem rami jam ante plantati, sed in loco longe sublimiore ejusdem tractus; his verbis: *in monte, loco excelsa, Israelis plantabo illum.* h. e. denuo cum

cum in terra eadem, sed longe sublimiore loco montis plantabo, non, ut ante, in monte simpliciter convexo et aggesto, ac humecto, sed in altissimo montis vertice, in terra Israelis; qui, sublimitatis suae respectu, absolute meretur adpellari **Q**UO altus locus, uti coelum vocari solet. 2. Plantationis scopum et effectum sequentia repraesentant, oratione ita constructa, ut quatuor primae partes scopum comprehendant, quinta vero et ultima pars effectum, uti in versione expressi. Ex quo colligendum est, scopum et effectum in omnibus partibus esse coniungendum. a. Prima pars habet, sarcolum illum prolaturum esse ramos excelsos, fortes et frondosos, quam emphasin habet vox **הָיָה**, et verbum **יָצָא** in altum efferre. b. Secunda pars tradit, fructus ab arbore illa esse proferendos. Cum autem de cedro hic agatur, respicitur ad conos, sic dictos a figura, qui soli sunt cedri fructus, coelum spectantes, duosque digitos et supra longos, obtuso mucrone, ac subfulvos. c. Tertia addit, cedrum fore magnificam, adeoque inter cedros illustrem, magna praeditam firmitate, crassitie, proceritate et odoris jucunditate, ac perennitate prae reliquis arboribus, etiam ipsis cedris. Sunt enim, uti notum, hae eximiae cedrorum qualitates, quibus haec cedrus emineret inter cedros, ac regalem quasi maiestatem praeferret. Vox Hebr. **גָּדֹל** proprie dicit tumorem, vel elationem tumidam, unde transit ad magnificentiam regalem, ut Gr. **κudos**. d. Quarta denique pars habet, homines sub ea, et aves cujuscunque generis in palmitibus ejus, frondosis sedes fixas, tutas, et jucundas habituros esse. Hac enim ratione recte distinguitur, quod sub ea habitare, et in umbra palmitum ejus sedere dicantur aves; ita ut prius ad homines, posterius ad volucres referatur; non enim, ut solet vulgo, habitare sub ea cum avibus construi debet, sed secusim, ut ponitur, capi, sine addito subiecto; et aves ad seq. referri; quare recte homines vel animalia intelligimus, quorum est sub arbore sedere, uti avium in palmitibus. Aves autem omnes, et omnis alio, seu cujuscunque generis, memoran-

morantur, sese cedri palmitibus adpliciturae, et in umbrosis ejus ramis sessurae. Quae nihil habent difficilis.

§. CCCXXXIV. 2. Sensui emblematico, ad quem pergitur, praeftruendum est, *subiectum* remorius, de quo hic agitur, esse domum regiam Davidis non in Jechonia, in exilium abducto, sed et in posteritate Nathanis, unde Messias natus est Luc. III. superstitem, tanquam in ramo summo et stolone exciso, et in peregrina terra collocato. *Turris* enim ramusculus, seu *turio*, mox dicitur sumendus a Deo de summo ramo cedri altae, de *capite stolonum* ejus, quem ramum Deus ipse *carpserat et tradiderat*, seu ablatum in manus et ditionem hostis dederat; uti verba esse intelligenda modo affirmavi. Quo ipso manu quasi ducimur ad Jechoniam, ultimum stirpis regiae, a Nebucadnezare Babelem abductum, et ibi salvum ac incolumem relictum. De quo vers. 3 et 4. actum est. Adpellatur ibi Jechonias iisdem nominibus *summi rami* cedri in Libano, et *capitis stolonum* ejus. *Cedrus* itaque *excelsa*, ut hic adpellatur, est domus regia Davidis, in sublimi dignitatis et potentiae loco collocata in *vertice Libani*, seu Hierosolyma, Judaeae, per Libanum expictae, metropoli, quae olim summa excellentia et prosperitate eminuerat, et varios *ramos*; seu reges et principes, protulerat, duraveratque usque ad Jechoniam, ultimum, eaque ratione *supremum*, stolonum, in quo illa domus finita est. Quae latius non deduco, cum illud pertineat ad vers. 2. et 3. Nunc citasse suffecerit Jer. XXII: 6, 7. Jes. XXXVII: 14. Zach. XI: 1, 2. *Domus* itaque regia Davidis multis stolonibus insignis, in altum elata, firma et dominans, hic repraesentatur de sede sua in Jechonia, ultimo ejus ramo regio, avulsa, ac alio abducta, et in statum vili ac imbecilli posita per Nebucadnezareem quidem, sed a Deo, qui ipso usus est instrumento; quare, quod vers. 2, 3. Nebucadnezari erat tributum, Deus ipse sibi vindicat, quo verba tendunt, *summi ego de summo ramo cedri altae, et tradidi*; quemadmodum supra demonstravi.

§. CCCXXXV.

§. CCCXXXV. Proximum subiectum prophetiae est *tener* aliquis ramusculus, seu *turio*, gracilis, tenuis, infirmus, et despectus habendus, ipsius istius rami supremi cedri, in peregrina terra, et servili conditione positi; appellatur enim de vertice *stolonum ejus*, *tener* scilicet ramusculus. Vox Hebr. נָתַן proprietatem habet in *tensione*, ut in נָתַן, etiam נָתַן conspicitur, unde *teneri* et *tenuis* usus fluxit, licet et Lat. *tener* a *tenu* *tenu* tendo, quasi dicas longius *tensum*; sunt enim *tenera* patini molliora, *seguaciora* et *infirmiora*. Sed quis est figuratus ille *turio*? aliquis posterorum Davidis sine dubio; seu propior, seu remotior; cum inde sumtus dicatur. In quo monstrando Interpretes in diversa discedunt, alii *Zerubbabelem*, alii *Messiam*, alii utrumque intelligunt; *priorem* tantum typum et progenitorem, *posterio*rem antitypum, et sobolem; cui utrique adplicant omnia praedicata, *priori* sensu hyperbolico et tenuiore, *posteriori* magis emphatico et proprio. Utrumque nos quoque hic depictum quidem censemus, sed cum diversis et propriis praedicatis, ita ut *uterque* quidem sit *stolo decerptus* et *plantatus*, sed *prior* tantum in monte convexo et aggesto sine ulteriore successu, *posterior* vero in montis vertice altissimo, et cum prospero successu, quo ramos protulit, fructus fecit, et magnifica evasit cedrus. *Prior* est Zerubbabel, *posterior* vero Messias, *uterque ramusculus tener*, de ramo summo domus regiae Davidis decerptus et in metropoli plantatus, sed *prior* live *posterior* summo cum successu. Qui *duo* eo majore jure conjunguntur, quod ex posteris Davidis non tantum *soli* sint, qui illustrem domum praetulerunt, licet longe diverso gradu et modo, *prior* in initio restitutae domus, *posterior* in fine, sed et prior fuerit posterioris typus illustris et notissimus. Quem conspectum luculenter gerit in illustri prophetia Hagg. II: 23. *Tempore illo* (scilicet post *thronum regnorum* seu regnum Persicum eversum, post *roborem regnorum gentium*, seu Alexandrinum imperium, extirpatum, denique *currum* et *vectores*, seu regna inde, in specie Lagidarum et Seleucidarum, *eversa* seu

seu in provinciae formam redacta; ut vers. praeced. dictum erat) tempore illo dictum *Jehovae exercituum, sumam te Zerubbabel filium Zealtielis, servum meum, dictum Jehovae, et ponam te, sicut sigillum, quia te elegi, dictum Jehovae exercituum*. Quae verba partim quoque ad Zerubbabelem ipsum partim ad Messiam antitypum ejus spectant. Titulus *servi Dei* et dictum *elegi te* ad Zerubbabelem, reliqua *sumam et ponam te sicut sigillum*, ad Messiam pertinent, a Deo ad communionem regni et gloriae Dei adsumendum. Hypothesios, quam jeci, demonstratio cum ex praedicatis, quae sequuntur, sit conficienda, quae satis certa est, et legitima methodus, cum qualia sint praedicata, tale debeat esse subiectum; ad ea me adcingo considerata; posteaquam dictis uno verbo addidero, *nexum et scopum* hujus pericopae in utrumque illum apte convenire. Subjungitur enim parabolicae prophetiae de domus regiae Davidicae in Jechonia et Zedekia extirpatione, docetque eam fore in domo Davidis instaurandam, tenuiter in Zerubbabele mox post exilium Babylonicum finitum, emphatice et illustri modo in *Messia*, inde orituro. Habet enim pericopa conspectum *promissi* de domo Davidis restituenda, et ad pios Judaeorum consolandos, veracitatemque Dei in promissis Davidi factis implendis stabiliendam. Promissum autem Davidi erat regnum aeternum, in Messia 2 Sam VII: 16. Ps. LXXXIX. Jes. LV: 3. et alibi. Solet praeterea promissum de Messia apud Prophetas subnecti liberationi ab exitio Babylónico, tanquam ejus fundamentum scopus et complementum. Quod aibi saepe observatum, nec ignotum, hic latius non exsequor.

§. CCCXXXVI. Commune habent Zerubbabel et Messias tum epitheton *teneri ramusculi* de summo cedri rupo, tum *praedicatum* decerptionis et plantationis, sed in eo differunt, quod *prior* simpliciter plantatus dicatur super monte convexo et aggesto, *posterior* vero super altissimo montis vertice, cum stupendo successu. Sequamur hunc ordinem, et praeconsideremus illud utrique commune 2. singulis proprium.

um. N. Ad prius pertinet a. titulus stolonis teneri, graecis et imbecillis summi rami cedri, in terram peregrinam abducti: quod difficile non habet explicatus. Significatur enim partim origo, partim externa conditio et qualitas: cuius illius respectu uterque erat e domo regia Davidis, huius vero uterque infirmus, tenuis et contemnendus. Prius in Zerubbabele et Messia facile sese offert. Prior enim fuit filius non Pedajae, filii Zealtielis, filii Jechoniae 1 Chron. III: 17, 19. Mat. I: 12. sed ex stirpe Davidis per Nathanaem Luc. III. Messias quoque ejusdem fuit stirpis, ut ex Luc. III. liquet; filius quoque Davidis ex utriusque parentis stemmate, nam et Maria inde erat oriunda Luc. III. Zerubbabel fuit in initio tener et despectus, quippe in exilio natus, ex familia omni splendore et potentia orba, nullius dignitatis itaque potentiae aut virium. Messias quoque ejusdem fuit conditionis in nativitate, educatione, et vita privata: uti ex Evangelio constat.

§. CCCXXXVII. β. Duo sunt, quae de utroque praedictum cantur, alterum est decerptio, alterum plantatio, in solo Israelis montano. a. Decerptio ramusculi teneri hic non ad nativitatem, qua infans a matre separatur, respicit, cum solo jam erat, nec violenta et hostilis est in perniciem, cum plantatio sequatur, nec ab hoste fit, sed Deo agricola benevolo in bonum; verum separatio simpliciter a sede et loco natali, ubi ortus erat stolo, et excreverat aliquatenus; sicut ramusculus alibi plantandus solet decerpi. Significat itaque in Zerubbabele separationem a loco peregrino exilii simul a reliqua familia per electionem Dei, sejunctionem ad statum excellentiorem. Plane quemadmodum קטף sumpsit, proprie est carpsit, et inde in bonum pro selectione in statum meliorem, et malum pro decerptione instar praedae sumitur, priore sensu ex. gr. Ex. VI: 7. decerpse vos in populum e reliquis gentibus, significatur itaque, eum a Deo esse e loco exilii abstractum, simul e communionem reliquorum selesum, et in ducem constitutum. In Messia vero denotatur

partim separationem ad munus publicum obeundum, *partim* decisionem e terra viventium, tanquam muneris ultimam scenam, et medium exaltationis, Jer. LIII: 8. Dan. IX: 26. *b.* Ramusculi decerpti *plantatio*, seu collocatio firma et fixa in alio solo, ut ibi floreant, et crescant, in *Zerubbabele* fuit ejus translatio in Judaeam, ut ibi vim et potentiam exserat in populi commoda, de quo mox, in *Messia* vero ejus collocatio in regno sublimi et coelesti, ut fixas ibi habeat sedes, et in magnificam cedrum excresceret, ut mox exponitur. Quae *decerptio* et *plantatio* qua ratione Deo, tanquam *causae*, adscribatur, cum facile pateat, nos non detinebit.

§. CCCXXXVIII. 2. Conferamus nos potius ad illa, quae singulis propria sunt. *a.* De *Zerubbabele* simpliciter traditur, eum esse plantandum in *monte convexo* et *aggesto* vel *humecto*, absque ut aliquid de ulteriore successu addatur; ex quo recte colligitur, ipsum praeter plantationem nihil singulare habuisse, nec ullum notabilem fecisse progressum, quin in statu humili mansisse, donec fuerit in *Messia*, filio suo, in sublimiore et meliore loco de novo plantatus, uti mox additur. Quod quam verum fuerit in *Zerubbabele* nemini non constat, Familia enim *Davidis* post eum nulla dignitate aut potentia fuit conspicua, usque ad *Messiam*, quare is *furculus* adpellatur *ex trunco exciso* *Isai* Jer. XI: 1. et *sensorium Davidis colapsus* dicitur Am. IX: 11. Quo etiam pertinet, et unde lucem mutuatur, prophetia de *Jechonia* Jer. XXII: 30. *Sic dixit Dominus: scribite virum, qui non prosperabitur in diebus suis, quin imo nemo ex semine ejus prospere aget, sedens in throno Davidis, et dominans amplius in Juda.* Quorum sensus est, ipsum *Jechoniam* prosperitate, gloria et maiestate fore orbatum, malisque expositum nullumque e posteris ejus regiam maiestatem habiturum esse: Conf. etiam Ez. XXI: 26, 27. Illud itaque solum proximo ejus stoloni contingeret boni, quod sedes fixas haberet, et conspicuum locum teneret in medio populi *Judaei* *Hierosolymis*;

solymis; quod hic dicitur *plantabo illum super monte convexo et adgesto*, seu modice elevato, pulchre ornato, et aedificiis constructo; simul solo aquoso et humecto; ubi vigorem aliquem retinere possit, et perennare. Significatur itaque Zerubbabelem, tanquam stirpem regiam, sedem aliquam eminentem habiturum in loco bene aedificato, et benedictione Dei, tanquam *rose*, irrigato, Hierosolymis nimirum, et in Judaea, denuo frequentata et ornata; cujus symbolum est mons *convexus*, *aggestus* et *humectus*, oppositae et ad *terram Canaan*, urbemque negotiantium, Babelem, quo Jechonias erat translatus vers. 3, 4. et ad *montem sublimissimum* Israelis, in quo deinceps plantaretur, ut mox additur: Et si enim non memoretur *situs* montis; ex seq. tamen et re ipsa facile colligitur, terram Judaeae et Hierosolymam indicari. Cl. Altingius Hept. III. diss. IV. qui nobiscum recte distinguit duplicem plantationem, et montem duplicem, ad montem Nazaret existimat digitum hic intendi, in quo Christus educatus est, quia de solo Messia omnia intelligit; quod falsum esse supra observavi; sed nec ullum exstat *istius montis* indicium; nec ulla ratio illum eo nomine insigniendi dari potest.

§. CCCXXXIX. β. Videamus nunc, quid ipsi respectu Messiae tribuatur? *duo* hic memorantur ipsi propria, *alterum* comprehendit altissimum Israelis montem, in quo plantaretur; *alterum* prosperum et gloriosum successum et scopum. *a.* Prius his verbis profertur, *in monte, loco alto Israelis, plantabo illum*, scilicet *stolonem* tenerum in monte convexo plantatum, adeoque Zerubbabelem in Messia, ex ipso oriundo; quemadmodum eodem modo *ponendus* legitur Hag. II. *sigillum in manu Dei*; uti supra exposui; postquam itaque in monte convexo fuisset plantatus, quare, ut ante observavi, in praet. occurrit *plantavi eum in monte convexo*. Messiam vero hic directe intelligi, ex seq. est manifestum, ut mox patebit. Sed quid est *mons* iste, *locus editus Israelis*? Sic enim voces vertendae et capiendae sunt, ut *monti*

Aaa

adda-

addatur *locus editus*, ad eam explicandum et definiendum; et non, ut solet, *mons altus Israelis*, ut *OMNIS* sit epitheton montis, et adjectivum; est enim subit., et *locus editus* significat forma nominis. *Locus* itaque, modo *mons* dictus, mox adpellatur *locus excelsus Israelis*. Respiciunt sine dubio, quod omnes viderunt, ad montanum Hierosolymae, in specie montem Thionis, cum ejus colle Moria, tanquam metropolin et sedem regni Davidici super toto Israele, et religionis Israeliticae, sic vere et proprie dictae, qui emphatice et eximie *locus editus Israelis* adpellatur, non quod omnibus montibus Cananaeae, nedum orbis, ut editior literaliter, quod verum non est, sed quod singulari praerogativa gaudeat, gauderetque in primis, quo tempore Messias in eo sedem fingeret, tanquam arbor regia et divina, cujus respectu omnibus montibus est superior, et sublimior, et summo sensu dici possit *locus editissimus* Israelis: sicut Jes. III. repraesentatur in *vertice montium* collocatus. Quae praerogativa in eo quaerenda est, quod 1. sedes regni et religionis sit, cui totus Israel erat subiectus, et in fide ac religione adhaerebat. 2. sedes sit unici in mundo regni Dei, in eo Davidis conspicui, et verae religionis, purae et divinae, oppositae ad falsam et idololatricam, qualis ante viguit, post Salomonem usque ad exilium Babylonicum; cujus respectu *sedrus* domus Davidicae, quoque inter alia sedem habuisse dicitur, in *Libano*, unde parum *descripta* est in Jechonia, partim excisa in Zedekia; uti vers. 3, 4. habetur. 3. denique sedes fuerit, tempore erecti regni Christi, Ecclesiae et religionis spiritualis et coelestis, ab adjectitiis illis ritibus legalibus et carnalibus separatae et purgatae; qualis fuit Thionis mystica et evangelica, seu Apostolica Ecclesia, Hierosolyma coelestis, oppositae ad *Simai*, montem in Arabia, extra Cananaeam, Ps. LXVIII: 17, 18. et alibi. Quo respectu *Thion* repraesentatur supra montes elevatus Jes. II. et *lapis in Thion* fundatus c. XXVIII. Quae satis nota sunt.

§. CCCXL.

§. CCCXL. In hoc monte, tanquam loco editissimo Israelis, cum furculus, a Deo excerptus, furculus domus Davidicae regiae, Messias, dicitur *plantandus*, significatur 1. regnum Davidis, qua Divini vicarium, esse renovandum in ipso, quare Messias in *throno Davidis* sederet, non qua tali, sed quatenus *thronus Dei* erat, in quo David, tanquam Dei vicarius sedit, uti de Salomone habetur 2 Chron. XXIX: 29. 2. regem futurum super hoc *Tsione* seu Ecclesia Israelitica, vera et Spirituali, uti Ps. II: 6. *regem illum unxi super Tsione, monte sanctitatis meae.* 3. In ipso illo monte publice esse inaugurandum regem et proclamandum: uti factum novimus festo Pentecostes Act. II. quare Petrus ibid. vers. 36. dixit, *sciat tota domus Israel, quod Deus hunc ipsum Jesum crucifixum* (furculum excerptum et excisum) *fecerit Dominum et Christum*: spiritu etiam, quo *unctus est supra confortes* Ps. XLV. effuso e coelo in Ecclesiam, seu populum regni, seu de *capite*, instar *olei*, fluente in *barbam et oram vestimenti* Aaronis Ps. CXXXIII. Denique 4. in ipsa illa Ecclesia Tsionea fixas semper habiturum sedes, tanquam *metropolitica*, ad quam omnes, etiam gentes, confluerent Jesu II: quamque ipse rursus *sustentaret et obumbraret*, instar *cedri*, alte radicatae, et frondosae: quare et cum *lapide*, in Tsione ponendo, comparatur Jes. XXVIII. et Ps. CXVIII.

§. CCCXLI. b. Sed quid fieret hoc *ramusculo plantato*, et quem *successum* haberet? illud haec verba declarant, et *efferet ramos*, et *faciet fructum*, eritque *cedrus magnifica*, et *habitabunt sub ea*, sc. animalia, ut ex Dan. IV: 9. liquet, omnes *aves omnis alae in umbra palmitum ejus sedebunt*. Quibus verbis in genere significatur, regnum et dominium Messiae fore progressu temporis summe gloriosum, firmissimum, perenne, potentissimum, longe lateque extensum et universale per orbem, simul tutum, laetum et omnibus bonis abundantissimum, in quo omnis generis homines secure, jucunde et laute, simul pacifice, degerent. Qui generalis intellectus, sicut facile sese offert, et ex simili emblemate

in somnio Nebucadnezaris, secundum interpretationem Danielis Dan. IV. confirmatur, ne alia proferam, ita nescio, num non satisfaciat, et tutius sit, in eo acquiescere, absque ut singulas partes figurate explicemus. Quod si quis campum illum ingredi, et spiritualibus suis meditationibus, vel piis speculationibus, indulgere velit, is, si verum partium conspectum, quem hic in cedro habent, retinere, ut oportet, aveat, 1. per *ramos* proceros et firmos intelligat vel potentissimum regis dominium, ac gloriosum robur, vel viros in Christo praecllentes, regnum ejus firmantes et glorificantes, alibi per *cedros*, *quercus justitiae*, et similia emblemata depictos. 2. *fructus* cedri transferat ad quaevis dona et bona salutaria, quae gloriosa, quae Christus profert, et offert fruenda. 3. *cedri magnificentiam* adplicet ad spiritua-lem Christi et regni ejus splendorem, firmitatem, amplitudinem et communionem cum *coelo*, ad quod usque se magnifice effert cedrus sublimis. 4. *Habitantes* sub ea, ut sunt animalia terrestria, et *aves* in ramis nidulantes, sint qualescunque, cujuscunque gentis et sortis homines per orbem, qui sese Christo in fide et charitate adjungunt, et sub ejus tutela secure degunt. Sed haec speciminis ergo sufficiant etc.

§. CCCXLII. Ceterum, sicut dicta clarissime demonstrant, in neminem ex domo Davidis haec convenire, nisi solum Messiam, ut facile adparet, ita ad implementum recte percipiendum observandum est, quod alibi ad Dan. adstruxi, et saepe memoravi, regnum Messiae hic depingi, quale vi erectionis et naturae suae esse debeat, et aliquando futurum sit in orbe. Eo enim oculo solent Prophetiae illud considerare, ac si mox tale foret, satis intermediis silentio involutis. Praeterea notandum est, regnum quidem depingi in terra florentissimum et universale, sed non terrestre, et monarchicum, vi externa erectum et stabilitum, quale fuit Nebucadn., cui idem fere aptatur emblemata Dan. IV., et Judaei sibi fingunt: repugnat enim harmonia verbi prophetici,

tici, uti alibi demonstrari solet, conf. tantum nunc Jes. II, XI, LX. Zach. IX. et Dan. II ac VII. Pl. II, XXII et CX. ipsa quoque nostra pericopa nonnulla suppeditat regni spiritualis indicia, 1. quod cedrus magnifica ex tenui furculo creverit, argumento, non a bellicoso principe fuisse erectum hoc regnum, 2. sponte sua, sola ope et benedictione Divina formata sit. 3. quod arbori virenti externae domus regiae Davidicae arefactae successerit, ut mox subjungitur, 4. denique quod homines non sint cogendi ad subjectionem, sed instar *avium* sponte eo convoluturi, ut tutam et jucundam ibi inveniant requiem. Ceterum, quod arbor haec in monte Israelis dicatur radicata, illud non est ita capiendum, acsi ibi tantum sedem haberet, sed quod ibi inciperet crescere, unde per totum orbem diffunderetur, uti de *lapide* in montem mutando habetur Dan. II. et mons Tſion dicitur elevandus super *vertice omnium* terrae montium Jes. II, quo etiam facit, quod omnes *aves* terrae in ejus palmitibus federent, argumento, eos se per orbem esse porrecturos.

§. CCCXLIII. Subjungitur tandem, per modum clausulae totius revelationis, hoc cap. comprehensae, porisma morale et propheticum, in eo situm, quod hi eventus omnes docerent homines, magnos et parvos, Deum esse mundi et Ecclesiae rectorem, qui in ejus administratione mirabiliter agit, sublimes deprimendo et humiles extollendo, viventes et florentes ad nihilum redigendo ac mortuos vivificando et glorificando, aequè Regnorum et Rerum publicarum ac singulorum hominum respectu. Qui scopus est et sensus verborum vers. 24. *Et cognoscent omnes arbores agri, me Jehovah humilem reddere arborem altam, et exaltare arborem humilem, arefacere arborem virentem, et frugiferam reddere arborem aridam. Ego Jehovah locutus sum et faciam. Quae ipsam doctrinam continent, et ejus cognitionem, quam vel debeant habere, vel habituri sint omnes homines. N. Doctrina practica duo involvit providentiae Dei specimina, alterum est, arborem altam humiliari, et humilem elevari,*

Aaa 3

alterum

arborum virentem arescere, et arescentem reflorescere. Interpretes passim existimant, unam eandemque esse in utroque membro sententiam, quae simpliciter per *temporis figuram* sic dictam repetitur in altero membro. Sed sunt vere partes diversae, et ad diversa subjecta applicandae; arbor *alta* humiliata, et *humilis* elevata, aliam suggerit cogitationem, ac arbor *virens* exsiccata, et *arida* reflorescens: posterior enim sententia plus dicit quam prior, cum *humiliata* et *exsiccata* differant, sicut et *alta* ac *virens*, potest enim *humiliari* arbor alta, absque ut arescat, sicut et *virere* potest, licet non sit alta.

§. CCCXLIV. Quo praemisso, sensum parabolicæ propositionis in lucem proferamus, quem existimaverim *partim* particularem et relativum, *partim* generalem et absolutum esse. *a.* Prior quoque duplex est, *alter* directus et magis restrictus, *alter* indirectus, et paulo generalior. *a.* Prior est, qui ex fatis arborum hoc cap. memoratis sese offert, et ad ea restringitur: quod quin proxime et directe hic intendatur, dubitari nequit, cum ex superioribus hoc porisma sit ductum, adeoque iis oportet fuerit comprehensum. Nec magna opus est adtentione ad utriusque sententiæ illustra specimen in praecedentibus detegenda. Prior enim sententia, quae habet, *altam arborum humiliari, et humilem exaltari*, sese sponte sua offert in domo regia Davidis in Jechonia collapsa, et in posteris ejus domus Zerubbabele et Messia instaurata. Arbor itaque *alta humiliata* est Jechonias, seu domus regia Davidica in ipso, cujus emblemata fuit vers. 2, 4. ramusculus summus cedri *altus*, ut vers. 22. discrete appellatur, decerptus, et traditus, ac Babelem deportatus. Quae satis manifesta est *arboris altas humiliatio*, non *exsiccatio*, cum discrete habeatur, ramum decerptum fuisse in urbe negotiantium repositum, scilicet ut adservaretur, nec pereat, aut exarescat. Haec ipsa vero arbor *humiliata* dein est *exaltata*, cum tener surculus inde decerptus denuo plantatus est in monte Israelis, primum colle converso in Zerubbabele, dein

dein editissimo vertice montis, et lacte excrevit in cedrum magnificam, in Messia, uti exposui. Nec *altera* sententia difficiliorem habet adplicationem, cum sese in domo Davidis plane arefacta in Zedekia, et resflorescente in Zerubbabele, sponte sua conspiciendam praebeat. Arbor *virens arefacta* est Zedekias, non quidem sublimis, quippe pervilis; et adtenuatus, ac depressus vers. 14. sub Nebucadnezare, cui erat subjectus, quare *semen terrae* adpellatur, in *vitem* frugiferam tantum excreturum, vers. 5, 6. attamen *virens*, vigenque; ut vers. 8. dein *arbor plane arefacta*, cum ipse fuerit cum universa domo penitus eradicatus et extinctus, absque ut effloruerit unquam. *Alter* vero arbor *arida*, quae effloruit, est filius Davidis, ac modo cum arbore *humiliata* comparatus, nunc majoris emphasios ergo quoque cum *arida*, quia ejus *speciem* praeferebat, nulla spe novae vivificationis sese offerente, et in oculis omnium plane *arida*; quem admodum hoc tempore passim habebatur; et respectu dignitatis regiae terrestri etiam vere erat. Is ipse tamen resfloruit tanquam arbor ex mortua *viva* facta in *tenerissimo* turbine; ut modo exposuimus. praecipue in *Messia*, ex *trunco exciso* Isai initar *surculi* oriundo Jes. XI. Sed arbor *virens arefacta*, etc. resflorescens esse potest domus Davidica in Zedekia plane extincta, verum resuscitata in Zerubbabele.

§ CCCXLV. *b. Posterior* sensus, quoque restrictus; sed paulo generalior, et indirectus magis, cujus memini, respicit ad ipsam remp. Judaicam post exilium Babylonicum, *primum* de aliqua celsitudine *humiliatam* sub Graecis et in primis Seleucidis, et *exaltatam* sub Maccabaeis, dein de summo vigore suo sensim plane *arefactam* sub Romanis, sed de *arida* factam *floridam*, seu resuscitatam in Ecclesia Christiana sub Messia, quippe ex matre Patriarchali, seu Judaica *sterili* nata Jes. LIV: 1. Sic Eunuchus introducitur conqueri, Jes. LVII: 3. quod sit *arbor arida*; seu sterilis, ubi eadem vox occurrit. Possem haec latius deducere, et adstruere,

struere, sed prolixiori esse non licet, et intelligenti quoque satis est. Illud tantum addam, posse *duplicem* sententiam separatim quoque capi et adplicari, ita ut *arbor* de sublimi humilis et abjecta facta sit populus Judaeus de summa gloria sub Maccabaeis in contemptum, et miserum statum, dejectus per Romanos, de *humili* sublimis facta sit domus Davidica in Messia exaltata, ut Maria in cantico suo Luc. I. cecinit, arbor vero *virens* arefacta sit Ecclesia Judaica carnalis, quae religione splendida et florens tradita est plenissimae rejectioni et abolitioni, *arbor* denique *arida* facta *virens* sit populus gentilis ad communionem Dei in Christo transformatus, et Ecclesiae Dei insertus Rom. XI. Quod per vellus Gideonis *siccum* terra *madefacta* rore quoque expictum censetur.

§. CCCXLVI. Sed festino ad sensum absolutum et generalem, in quo desino. Est autem is, quem nunc tantum attingam duplex; *alter* habet, continuas esse in mundo vicissitudines, Deo, tanquam sapienti et potentissimo rectori, adscribendas, tanquam causae supremae, secundum ordinem agentium et patientium ab ipso constitutum, et conservatum; per quas regna, respublicae, familiae, homines singuli variantur fortuna, modo gloriosa et prospera, modo *humili* et misera, aliis de glorioso aut fortunato statu in abjectum et afflictum decidentibus, aliis de humili aut infelici in splendorem et prosperum elevatis. Quorum exemplorum plena est historia. Nec illa, stupenda saepe, rerum catastrophae fato aut casui, aut hominum sapientiae et viribus, verum Deo, supremo moderatori, adscribenda est, uti Script. ubique inculcat, et Sana ratio docet, ipsae subinde circumstantiae haud obscure prudenter suggerunt, non obstante, quod causae secundae suas partes hic habeant. De quo hic non est fufius agendi locus.

§. CCCXLVII. *Alter* sensus, quem in oculis habeo, fert id, quod Jac. IV: 6. consignatum exstat, *Deum resistere superbis, et humilibus dare gratiam.* Cujus simile est Prov. III:

III: 34. *profecto irrisores ipse irridebis, at mansuetis dabis gratiam, nec non* XXXIX: 23. *Elatio hominis defecit ipsum, et submissus spiritu apprehendit gloriam, sicut ante c. XVI: 18. ante confractionem elatio — — bonum est demisso esse spiritu: ne plura proferam. Unum addo ex Job. XXII: 29, nam humiliabunt, ubi dixeris, fastus: et dejectum oculis in amplitudinem vindicabit Deus. Eandem cogitationem. suscitatur phrasibus, arbor alta, proprie altifrons, superba et elata; et humilis ac demissa. Cont. etiam Jes. III: 11. oculi hominum alti humiliabuntur, et deprimetur celsitas hominum, et Jehova solus illo die effertur. Quod ibi fusius extequitur propheta, qui etiam rationem quaerit in solius Dei celsitate, quae pati nequit, ut vilis mortalis sibi tanta adroget, in Dei contentum; cui soli competit omnis gloria et potentia. Accedit, *superbiam hominem a Deo, ejusque cultu, et metu abstrahere, adeoque ejus favori obstruere, et praecipitare in facinora stulta ac violenta, quibus sibi perniciem creant. Modesti contra et mansueti, sicut sibi gratiam Dei, cui adherent, conciliant, ita rebus suis strenue incumbunt, prudenter instituunt, et aliorum animos sibi devinciunt; quorum ergo est terram possidere* Matt. V. Quae latius non deduco.*

§. CCCXLVIII. 2. Hanc doctrinam declarat Deus, ex hiis datis speciminibus ab omnibus gentibus posse hauriri, et esse colligendam, cum dicit, *et cognoscent omnes arbores agri etc.* scilicet, et poterunt cognoscere, et cognoscent. Cujus notabile est in ipso Nebucadnezare, ex propria experientia, exemplum, sed populi gentiles, ad quorum notitiam haec rerum catastrophe venit, agnoscere potuerunt, agnoveruntque etiam varii, Deum esse, qui superbos deprimit, et humiles exaltat; cui haec populi Judaei fata sint adscribenda; maxime sub N. T. id a gentibus est factum, ut constat. Ceterum *arbores agri* esse gentiles, magnos parvos, praeipue magnates, potentes, etc. facile patet.

Bbb

C A P.

CAP. XVIII.

§. CCCXLIX. **D**uodecima revelatio ejusdem temporis; seu anni, hoc et seq. capite comprehensa, nam formula et factum est verbum *Jehovae ad me*, hic tantum, et non seq. cap. occurrit, duas distinctas partes habet, quarum prior injurias Judaeorum expostulationes cum Deo, ac si injuste agat in populo tam severe puniendo, ut ferebant conciones Prophetarum, retundit cap. XVIII., posterior excidium Hierosolymae ac regum emblematicè proponit et confirmat cap. XIX. Prior pars, contra Judaeos in genere directa, eo tendit, ut judicium Dei, populo infligendum secundum interminationes propheticas, justificetur a criminationibus populi, quibus illud injustum esse arguebant ex eo, quod liberi ea ratione puniantur, et non parentes peccatores, vel magis quam illi. Quae opinio praejudicata adeo jam invenerat, ut proverbii locum acceperit, et omnibus in ore fuerit. Deus itaque in hoc cap. 1. dictum illud proverbiale memorat, et cum indignatione rejicit, tanquam falsum et injuriosum vers. 2. *Quid vobis, vobis, inquam, adhibentibus, vel formantibus, parabolam hanc super terra Israelis? dicendo, patres comederunt omphacem, et dentes filiorum obstupescunt.* h. e. quae haec vestra est infania, et injuriosa criminatione, quae proverbii instar jam invaluit, et in omnium ore est, qua terrae Israelis adplicatis dictum illud proverbiale, *patres comederunt acerbam uvam.* Sed non illorum, verum filiorum, dentes *obstupescunt*, eo indicantes, filios innocentes poenas peccatorum parentum, et non suorum, luituros, adeoque judicium meum, per prophetas promulgatum de excidio vestro esse injustum; si infligatur. Mentio hic sit *proverbii*, et forma sermonis indicat, illud a Judaeis esse formatum, ac terrae Israelis adplicatum, sed esse falsum, et injuriosum Deo. Dictum acutum et parabolicum, *patres com-*

comederunt omphacem, et filiorum dentes obstupefcent, nihil habet obscuri Vox Hebr. **כב**, *omphax*, uva acida Arab. est in genere immaturus dactylus, inquit S. hult. clav. p. 260., proprie denotare videtur contractionem rei duras et siccas, sicut *austerus*, *diureses*, ab *duu* arefacio et exsicco ad duritiem. Verbum vero **קחק**, si cum **כחח** comparare liceat in origine dicitur *tusionem*, *contusionem*, inde *hebetationem*, ut Lat. dicunt *retusa*, *obtusa*, quae *hebetata* sunt, vel sponte *hebescent*. Respicitur itaque ad dentium hebetationem per esum uvarum austerarum et durarum; adeoque pravam dentium adfectionem, inde instar mali natam: unde proverbialis locutio formata est ad malum poenale ex peccato ortum denotandum. Cum autem parentes dicantur *comedis*, et *filiorum* dentes hebetatos esse, indicatur, ut facile patet, malum poenale non parentes, sed filios eorum sentire, eosque ob parentum peccata licet innocentes puniri; secundum illud *Horatianum*, *delicta majorum immeritis luos*, *Romane!*

§. CCCLX. *Forma sermonis duo repraesentat: quorum prius est, dictum illud parabolicum a Judaeis esse adplicitum terrae Israelis, et inter eos satis vulgatum fuisse, incertum quo tempore? sed jam ante viguisse ex Jer. XXXI: 29. manifestum est, forte ab eo tempore, quo a prophetis est nomine Dei declaratum, remp. esse excindendam propter peccata Manassis, 2 Reg. XXI: 12. XXII: 17. quod Jerem. diserte alibi c. XV: 4. pronunciavit. Indicatum autem eo voluerunt, in terra Israelis illud dictum veritatem habiturum, si verae sint, et effectum habiturum, interminationis prophetarum; adeoque se innocentes, seu non tanta meritos mala, poenas luere unice propter peccata parentum et majorum. Illud enim sibi vult phrasis, super terra Israelis. Parentes itaque intelliguntur, non tam reges et principes, ut nonnulli opinati sunt, licet non excludantur, quare mox cap. seq. contra eos dirigitur oratio, quam parentes proprie dicti, ut ex toto hoc cap. liquet: nec illi longius remoth,*

uti nonnulli de peccatis majorum in deserto cogitant, sine ulla ratione, sed qualescunque majores jam mortui, stante adhuc Rep., qui hac tanta poena non erant adfecti. Filii ergo sunt, qui hoc tempore vivebant, et eorum *posterius* a Deo excindendi, vel exules futuri. Significatum itaque hoc proverbio voluerunt, vel vanas esse prophetarum interminationes, vel injustum esse judicium, si eos feriat, quippe liberis innocentibus propter parentum peccata infligendum, *partim*, quod ipsi tanta non essent meriti, *partim*, quod inter eos essent *iusti*, eodem judicio involvendi; *partim* denique, quod posterius sui, utique innocentes, eadem mala experirentur.

§. CCCLXI. *Posterius*, quod structura orationis involvit, est, 1. dictum illud esse falsum et Deo injuriosum; quippe viis Dei contrarium cum hominibus nec Israelii hujus temporis congruum; illud enim indicat indignabunda interrogatio, *quid vobis?* et ipsa phrasis, *dictum hoc*, מִן, quae vocula, hic, ut alibi, quid contemnibile, et rejiculum denotat, ut sit, *hoc*, tam falsum injuriosum et spernendum dictum. Confirmant etiam sequentia, quibus hoc dictum falsi convincitur. Rejicitur itaque hoc non tantum relate ad Isaelem hujus temporis, ac si male tantum sit adplicitum a Judaeis, sed absolute, tanquam falsum, et virtutibus ac viis Dei contrarium. De quo alibi disputari solet. 2. Imo vero dictum illud a Judaeis contra conscientiam adhiberi, et terrae Israelis adcommodari, cum ipsi probe scirent, quam corruptus sit populus a Deo excindendus, et saepe a prophetis essent hac de re convicti. Interrogandi forma, *quid vobis?* hanc emphasin omnino continet: ac si diceret propheta, quanta haec est inpudentia vestra, quod hoc dictum in os sumere audeatis; quae vos cepit *insania?* cum ipsi probe contrarium sciatis.

§. CCCLXII. 2. Proposito hoc populi dictorio parabolico et cum indignatione, tanquam falso, rejecto, declarat Deus ea ratione sese cum populo acturum, ut de falsitate ejus tam
clare

clare sit constitutum, ut ne species quidem ejus supersit, et ipse populus convictus cessaturus sit eo amplius uti vers. 8. *Vivo ego, inspiratum Domini Jehovae, si eris vobis amplius uti hac parabola de Israele.* h. e. magna cum adseveratione, tanquam juratus, declaro, judicium meum in Israele ita esse instituendum, ut vel species et occasio defutura sit, hoc dicendi, et populus ipse hac de re convictus desistere debeat ab ejus usu. Verba respiciunt quidem ad futurum, et indicant, cessaturam esse occasionem dicti in posterum, absque tamen, ut inde colligi queat, Judaeos nunc ex vero tale quid dicere posse; cujus contrarium modo vidimus, et mox a Deo deducitur; sed indicant, Deum ipso facto esse demonstraturum, quam falsum sit dictum, adeo ut ipsa species veri peritura, et populus de eo convincendus sit, eaque ratione sponte illud missum facturum. Phrasim, *si eris amplius vobis, uti hac parabola*, indicat occasionem ejus cessaturam, omnem speciem tollendam, et populum palam de falsitate ejus esse convincendum. Quod qua ratione temporibus Maccabaicis, et deinceps factum sit, exposui ad Jer. XXXI: 30.; hic addam in ipso judicio excidii Hierosolymae, ejusque consequentibus, quo hic directe et proxime respicitur, illud ipsum esse patefactum; cum quod peior pars populi, quae Hierosolymae nunc adhuc versabatur, perierit, *mellior* vero pars servata sit in exilio jam degens cum Jechonia; de quo cap. XVII. actum est, et Jer. XXIV. plenius deductum, *tum* quod Dei et legis studiosi, qui *justorum* titulum merentur, hoc ipso judicio eximerentur, *impii* vero majore minore gradu exciderentur, uti cap. IX. prophetae repraesentatum est, et exempla Jeremiae et aliorum, ut Baruchi Jer. XLV: 5. Obed. melechi ib. XXXIX: 15. comprobant, *tum* quod ipsi improbi praevenire adhuc possint judicium, si se convertant, ut vers. 21. etc. fufius declaratur, ad populum de falsitate dicti convincendum, *tum* denique, quod populus in exilio conversus in patriam reduceretur, et plene instauraretur, nec

Bbb 3

unquam,

sequens, usque ad finem Orationis V. veniunt, et tunc considerandas, quod Jer. XXXI. hinc capituli, et hic hinc obfervant verſ. 14. etc. indicant; et tunc adparcat. Adhuc poſſe, populum ſeducere, et ad Deum conſuetum, ſollicitudinem dicitur expectare, et ſententiam eſſe, nec amplius ſermonem. Reliqua perinde ſunt et conſuetudo ad Jer. I. c.

§ COCLXIII. 2. Seſingatur non prius reſcriptio in-
juſtiſe hujus ceteri, eo etiam ſcopo inſeruita, ut populus de
ſententia ejus convinceretur, et ita quoque præpararetur ad
illos ſuo tempore aſſum faciendū; quod futurum eſſe
Deus modo præſentaverat, verſ. 4—20. Ubi a. eorum
propoſitum verſ. 4. A. ejus delictum verſ. 5—20. a. Pro-
poſitum habet, homines a Deo ſecurum conſiderari, et ſibi
acque caris eſſe in Iſraele, adeoque ſingulis ſecundum opo-
ra eſſe a Deo tractandos, bonos bene, malos male, ſive
ſint parentes, ſive liberi, ſine diſcrimine, his verbis verſ. 4.
*Omnes animae meae ſunt, et anima patris, et anima filii,
meae ſunt, anima quae peccavit inſi morietur.* h. e. omnes
homines eandem habent ad me relationem, qui creatorem,
et iudicem, omnes ſunt meae creaturae, ego Pater eorum
ſupremus, iſſique qua talis benevolus, adſque ut pater et
filialis relatio hic in cenſum veniat, et mercedem adferat,
adeoque ſinguli per ſe conſolentur et tractabuntur a me
in premiis et poenis diſtributendis, utique in peccatis mor-
tis, ſeu poena divina, vindicandis; quod non faciam niſi
in peccatoribus, qui meruerint, abſque ut alter propter al-
terius crimen ſit ea poena adſciendus, ſed ſoli peccatores
eum ſubunt, non juſti; ſive ſint parentes, ſive filii. Ver-
ba, quae omnem merentur conſiderationem, duplicem ha-
bent ſenſum, ſaepe minus ad animum revocatum, proximam
ac directum, et remotum ac indiſtinctum; per conſequentiam
inde ductum. a. Prior, qui ex verbis et nexu ſeſe ſpontē
eſſet, Deum in malis poenalibus, quae totalem adſe-
runt deſtructionem, inſtigendis, nullam aliam rationem,
quam

quam singulorum peccata, habiturum, nec relationem paternam ac filialem ad animum revocaturum. Agitur de iudicio Dei poenali, nec qualicumque, sed summo, quod *destructionem* adfert in hoc seculo; uti liquet ex verbo *moris*; quo *mors* temporalis, seu malum ei proximum ac fere aequale, divinitus infligenda intelligitur, secundum interminationem in *lege* Dei per Moſen factam; uti ex verſ. 19., ubi per *sanguinem* seu *caedem* exponitur, confirmatur, et ex *scopo* capitis eluceſcit, eo tendentis, ut Judaeorum criminationi occurratur, quae habebat, ſe excindi a Deo propter peccata parentum: non itaque de *morte aeterna*, multo minus ſpirituſuali, ſic dicta, ſermo eſt. Declarat nunc Deus, eam poenam eſſe ſolis *peccatoribus*, adeoque non filiis propter parentes, aut vice verſa, infligendam, ſi nimirum ſint *juſti*, a peccatis illis alieni; ubi per *filios* intelliguntur proxime et directe *adulti*, et non *infantes*, peccatorum nondum capaces; ut facile patet, et ex ſeq. extra dubium eſſe debet. Sed obſervari meretur, non ſingulares tantum homines, verum hominum *aetates*, ſeu generationes, quoque intelligi, cum quod criminatione Judaeorum non ad ſingulos, ſed et totam gentem, propter majorum peccata delendam, ſpectabat, tum quod *domus Iſrael* diſerte adpellatur verſ. 31., tum denique quod in propoſitionis deductione eo manu quaſi ducamur, ut de *aetatibus* cogitemus, ſibi ſuccedentibus; praemittitur enim pater *juſtus*, dein *ſilius perversus* memoratur, ac tandem *juſtus*, ſeu converſus, ſilius ſubjungitur; quae populi Judaei, ſecundum *tres* magnas aetates, *primam* juſtam, *ſecundam* perversam, *tertiam* juſtam ruſus, exemplo praecedentis admonitam, haud obſcura eſt imago; ut in ſeq. videbimus. *Rationem* vero hujus diſpenſationis divinae, qua juſtos filios non involvit, iſdem poenis cum parentibus peccatoribus, Deus inde reperit, quod *omnes animae ſuae* ſint, h. e. ſibi ſingulae curae et cordi, tanquam creatori et Patri, creaturae et filii, ad quas itaque eandem habet relationem, quaſque aequaliter tractata, non

itaque animae filiorum sunt parentum, sed Dei animae; neque ac parentum animae, adeoque eodem modo tractandae, non secundum parentum sed propria merita. Hic verus est vocum, quibus *ratio* redditur, quare filius non sit morte propter parentis peccata puniendus, sensus, a quo nimium aberrarunt illi Interpretes, qui voces absolute sumunt, acsi Deus vellet dicere, se pro lubu de animabus disponere posse; absque ut rationem debeat, adeoque posse iisdem poenis involvere filios justos; quod scopo et nexui directe adversatur, nec phrasi convenit, quae Deum *filiis* supremum patrem omnium animarum; qui itaque omnes curat, et pro meritis tractat.

§. CCCLXIV. *b.* Praeter hunc sensum directum et proximum serunt quoque voces *indirectum* et remotiorem, per legitimam consequentiam inde eruendum, quem eo magis admittere licet, quod Propositio sit generalis, et absoluta, adeoque, quam late potest, extendenda. Continet vero sequentes veritates magni momenti, quas omnium animis alte inpressas velim. 1. *Prima* est, eandem esse Dei ad omnes homines, qua *Creatoris* et Patris supremi, relationem, per quam amor et cura ejus ad omnes sese porrigit, adeoque objectum bonitatis Dei hac parte esse *universale*. De quo alibi disputari solet. Hic notasse sufficit, Deum magna cum adseveratione declarare, et tanquam quid magni momenti considerandum velle, quare *ecce* praemittitur, et Deus *jurans* introducitur, *omnes animas esse suas*, et quidem magis quam parentum sunt filii, argumento, paternam ejus esse supra parentes relationem ad animas hominum in genere. 2. *Secunda* est, Deum in malis poenalis hujus seculi distribuendis rationem relationis paternae ita non habiturum unquam, ut innocentes, et justi liberi tantum propter peccata parentum puniantur, sive sint infantes, sive adulti liberi, illi innocentes hi justi. Fluit haec doctrina ex universali propositione, non restringenda: Ex quo colligendum est, a. peccatum Adami non *immediate* posteris ad poenam impu-

imputari, sed *mediate*, mediante corruptione nativa, ut hic recte observat ipse Calvinus. Quod eo magis hinc adstruitur, quia ne quidem temporales poenas innocentibus et justis filiis propter parentes esse infligendas declaratur, malo minus itaque *aeternas*. Et si enim liberi adulti directe et proxime intenduntur, cum tamen Deus testificetur, *omnes animas esse suas*, et universaliter adfirmet *filium non esse puniendum propter parentem*; ad infantes, quippe homines et innocentes, eaque ratione pro capto suo justos, quominus applicetur, nihil est, quod impedit. *b. Liberos*, si parentum peccata in ipsis quoque vindicentur, vel poenale malum ipsos quoque attingat, uti fit nonnunquam, et Deus quoque in decalogo ac alibi se facturum esse declarat, hoc ipso etiam in iudicio exilii Babylonici adparuit, sicut Thren. V: 7. dicitur, *liberos*, inquam, eo in casu, *vel* eorundem peccatorum esse participes, adeo ut eorum quoque debitas suant poenas, *vel* mala illa non *poenas* loco ferre, sed ad probationem, et purgationem, et a Deo alio modo compensari, vel instaurari: uti et hoc tempore contigisse constat. *g. Tertia* denique habet, Deum in iudicio purae iustitiae, ubi nullae aliae rationes in censum veniunt, quo cuique reddit secundum opera, constanter hanc regulam observare, secundum quam omnes seorsim considerantur homines, et soli peccatores puniuntur, liberis innocentibus justis propter parentes peccatores eadem mala non participantibus. Eo enim manifeste tendit declaratio, *omnes animas esse Dei, et animam, quae peccavit, esse meritoriam*, scilicet *solan*, et non propter eam alias animas, poenam non meritas. Quale iudicium cum in hoc seculo non habeatur; quia aliae rationes providentiae impediunt, sed in futuro, ei haec declaratio absolute et in omni emphasi ac latitudine est applicanda, quod script. etiam ubique adfirmat, et sana ratio facile docet. Ex quo itaque colligendum est, infantes in statu infantiae mortuos in parentibus peccatoribus, et irrisipientibus, non esse considerandos, sed respectu status proprii tractandos,

Ccc

tractandos, longe minores ergo, quam potentes peccantes, in potestatis meritis. De quo non nisi ex speciali revelatione aut eventu quid certum potest affirmari. 4. Quare est, quam subtingere avertit, tunc declarationem respectu tali potestatis non esse per omnia et absolute extendendam ad Oeconomiam gratiae, sed potestatem dispensationem, sed in eo nulla sit justitiam potestatem respectu Theorem habenda ratio; cum in favoris gratia demonstratione Deus aures aperire possit, ac in ipsius exercitio; et hic tantum de potestate sermo sit; atque ut Deus declaret, quid libere innocentibus aut jactis velit propter parentes justis concedere. Potest utique, fava hac declaratione, meritis insistentes, durante infanti, in posteribus suis libris considerare et tractare, et ad alios justis propter parentes justos etiam mox praemia dare, uti declaravit, se in mille generationibus futurum esse Ex. XX. et alibi. Sic et ipsas poenas propter justos parentes potest differre, non obstantibus peccatis liberorum, uti ipsius facere aliunde constat. Quod verbo attingisse sufficere.

§ CCCLXV. A. In propositionis deductione tres citantur casus, ad declarationem Dei, modo memoratam, illustrandam et confirmandam, parentis justis victuri, filii ejus perversi moriendi, et ejus rursus filii, parentem non imitantis in pravitate, sed justitiam sectantis, victuri. Qui tres casus in medium adferuntur vers. 5—19. 2. in subjungitur propositionis repetitio, et explicatio plenior vers. 20 R. Tres isti casus expresse memorantur, quia tot praecise sunt propositione comprehensi, parens justus, et filius pravus, parens pravus, et filius justus, comprehendunt omnes propositionis partes, quae dari possunt, respectu adutorum, de quibus hic tantum expresse agitur. Sed ordo casuum, quo a justo parente initium sumitur, et in filio injusti parentis iusto finitur, videtur eo imprimis scopo electus, ut de aetatibus populi Judaei cogitarem, primo justa, secunda prava, et tertio rursus justa: quae, si rem in genere consideres, facile demon-

demonstrantur; *prima* enim est sub Davide et Salomone, *secunda* sub Rehabeamo et sequentibus regibus, *tertia*, tempore exilii, et liberationis ab eo. Quae periodi licet *variā* habeant exceptionem, attamen, re in genere considerata, et secundum maiorem populi partem, recte eo oculo conspici possunt; uti facile patet, et sequentia confirmabant.

§. CCCLXVI. *Primus casus est parentis iusti, et victuri.* vers. 5—9. Ubi *a.* iustitiae ejus fusior datur descriptio vers. 5—8. *β.* ipsum, qua talem esse *victurum*, declaratur, vers. 9. *α.* In descriptione sese offert *a. propositio* vers. 5. *b.* ejus deductio per partes vers. 6—8. *a. Propositio* ita habet vers. 5. *Et vir quum fueris iustus, fecerisque jus ac justitiam.* Quae verba hac ratione manifeste cohaerent, ut posterius membrum sit prioris explicatio; unde elucescit, *justum* hic adpellari, qui *facit jus et justitiam*, non itaque evangelice per fidem et imputatam justitiam, sed *legaliter* justum, seu secundum legem Moysi, quantum requiritur ad bona externa Oeconomiae legalis consequenda. Quod sequens deductio extra controversiam ponit; ut mox patebit, et nos alibi demonstravimus Diff. S. I. III. c. 6. §. 13. *Facere vero jus et justitiam*, licet non excludat peccata, per poenitentiam et sacrificia expianda, plenam tamen comprehendit et ad finem usque observantiam, uti vers. 24. expresse quoque inculcatur, et facile patet. Sed quid est, *jus et justitiam* facere? officia, ni fallor, praestare et strictae *justitiae*, aequitatisque, et *charitatis*, adeo ut *prior* vox omne illud comprehendat, quod sive in judicio, sive extra illud, Deo et proximo debemus secundum strictum jus, *posterior* vero ea, quae amor proximi supra strictum jus a nobis postulat, quod posterius officiorum genus et alibi nomine צדקה venit, ut ad Jer. IV: 2. et alibi observavi. Confirmat nostram interpretationem catalogus officiorum, qui mox sequitur, quo duplex illud genus expresse et distincte memoratur.

§. CCCLXVII. *b.* In propositionis deductione x. officia
recen.

representantur; quae proximo secundum strictum ius debeant. *Israëlitae* vers. 6, 7. his verbis; *super montibus non comedis, nec oculos offerri ad stercore domus Israël, et uxorem proximi sui non visitas, nec ad mulierem menstruam accedis, et hominem opprimis, pignus suum debiti restituisti, rapinam non rapis.* Quae non sunt difficilia; quare uno alterove defuagar observata. 1. Primum est, comedere super montibus, et oculos tollere ad stercore domus Israël, hic occurrere inter officia, proximo debita, adeoque indicari, cum proximo non esse communicandum in idololatria ipsius, si vel domus Israël esset, seu dominans esset idololatria, exemplum non sequi, sed palam se ab eo abstinere; ad proximi satisfactionem et emendationem. De hoc conspectu testatur, quod comedere in montibus memoratur, et stercore domus Israël expresse adpellentur. Negatur itaque communicatio cum Israël idololatre, et respicitur ad sacrificia, indeque instituta convivia, in montibus, in honorem idolorum: uti constat. Not. usus *ut* pro *ut*, vid. vers. 15. suscipit enim *ut* omnem modum adhaesionis, etiam a superiore parte, uti Thren. III: 41. *tollere cor ad manus: super*, ita ut in precibus ipsum cor super manibus adpercat. 2. Secundum est, utrumque, non visitare uxorem proximi, nec rem habere cum menstruata muliere, respicere ad interdictum adulterii, quod ad propriam uxorem, cum menstrua habet, extenditur, cum sic abutatur propria uxore tanquam adulter: utrumque etiam coniugatur Lev. XVIII: 19, 20. et posterior gravi poena exterminii e populo puniendum declaratur ib. XX: 12. 3. Tertium est, oppressionem alterius pertinere ad interdictum necis proximi, late intellectum, quo omnis generis truncatio et oppressio prohibetur. Radix *ut* proprie est *detruncavit*, inde *radicavit*, et sic debilitavit, nervo strisso. 4. Quartum est, pignus pro debito retinere, et rapinam facere referri ad interdictum furti et rapinae, cum pignus retinere sit proximo eripere, quod eius est, seu alienum ipsi subtrahere; quare expresse verbum erat respectu

respectu pauperum, in lege Ex. XXII: 25, 26. et Deut. XXIV: 6. Ceterum צַדִּיק, ut id obiter observem, sedem habet in *noxu*; unde derivata apud Hebr. et Arab. facile fluunt, in specie *debiti*, et *reatus*, seu criminis, quo caput alicujus obligatur, et connectitur.

§. CCCLXVIII. 2. Sequuntur officia *charitatis* et *liberalis* beneficentiae vers. 7, 8. *panem suum esurienti dabit, et nudum teget veste, in usuram mordentem non dabit, et foenus multiplicans non accipiet.* Haec enim conjungenda sunt, tanquam ad officia charitatis erga proximum egenum pertinentia, quibus ipse ex pura liberalitate nostra iustentatur, tum per eleemosynas, tum per mutuo data sine usura et foenore; quippe quod posterius hic, et in lege Lev. XXV: 36. diserte ad pauperem et egenum refertur. Quid vero inter צַדִּיק et צַדִּיקָא *usuram* et *foenus* interfit, non constat. Solet ad Rabbiorum exemplum prior vox ad *pecuniam* posterior ad fruges et fructus referri, nescio quam vere, illud certius est, *priore* voce foenas adterens et *mordens* proximum, *posterioris* *usuram*, bona nostra *multiplicantem*, significari, quae utriusque vocis potestas est. Usurpantur vero promiscue, et צַדִּיקָא de *pecunia* et *bonis* seu frugibus adhibetur Deut. XXIII: 19. Ceterum *usuram* et *foenus* sumere, ac *gratificari* tenuibus quoque opponuntur Prov. XXVIII: 8.

§. CCCLXIX. 3. Subjunguntur officia *justitiae* seu *juris* exercendi inter litigantes, sive per modum *arbitri*, sive *judicis*, quibus nec manus admovet inclinando iudicio in *deteriorem* partem, nec ipse pravam fert, a veritate alienam, sententiam, vers. 8. his verbis: *ab iniquitate in iudicando abstrahet manum suam, iudicium veritatis faciet inter virum et virum.* h. e. nec cuiquam iudicia fieri faciet, nec ipse feret, sed rei congruum, iustum ac aequum pronuntiabit iudicium, sine personarum receptione, aut ex pravis principis avaritiae aut ambitionis. Tantum not. צַדִּיקָא propriam sedem habere in *bilanciis*, quum laevis propendit in alteram partem, unde transferuntur ad *injustitiam*, ut Gr. ἀδικία,

et studium partium Job. XIII: 7. Ps. LXXXII: 2. *quousque judicabitis inclinatione iniqua lancium.* 4. Denique concluditur catalogus officiorum generali praeceptorum et statutorum Dei observantia, his verbis vers. 9. *In statutis meis ambulabis, et judicia mea observabis ad faciendum veritatem* generalis est officiorum, quae Deo et proximo debemus, propositio, qua catalogus superior apte finitur, ut indicetur, cum superiora officia intuitu Dei, et ad ipsi obediendum, praestari a justo, tum reliqua omnia a Deo injuncta, hic expresse licet non memorata. Tantum not., *facere veritatem* sese late extendere ad omne quod justum, aequum et bonum est, simul involvere *constantem*, et ex animo ortam, observantiam, quae propria est vocis *tenens* potestas in *firma* *tenione*, et constantiam adfert ac intensum studium in agendo.

§. CCCLXX. β. Huic descriptioni subnectitur divina declaratio, qua talis, qui in illis officiis sedulus et constans fuerit, pronuntiatur *justus*, et ei praemium *vitae* adjudicatur vers. 9. *justus ipse vivendo vivet inspiratum Domini Jehovah.* h. e. divina sententia talis vir pronuntiabitur *justus* et *victurus*, judicio Dei non e medio tollendus, sed vita longaeva et prospera gavisurus in terra, secundum promissum in lege saepe factum. Duo itaque declarantur, *alterum* est, ipsum esse *justum*, *alterum* esse *victurum*. Antea dictum erat vers. 5. *si fuerit justus*, et partes justitiae erant enumeratae, nunc ipsum fore *justum*, adeoque significatur, eum sententia divina talem esse declarandum, et justificandum, adeoque *jus* ipsi ad *praemium* justitiae adsignandum esse, in eo situm, quod *victurus sit vivendo*, seu certissime *victurus*. Qui verus est vocum sensus et conspectus. *Justus* itaque hic est, qui *justificatus* est, seu *justus* pronuntiatus a iudice, adeoque *jure*, ipsi adsignato, praeditus ad *praemium* justitiae; ipsum vero illud praemium seu *bonum*, ad quod *jus* ipsi datur, est *vita*, opposita *morti*, adeoque a *morte* liber pronuntiatur, et *vita* ipsi adsignatur. Sed *quae* et *qualis* *vita* hic intelligitur? Resp., primo et directo sensu *non*

non *aeterna et beata*, sed *temporalis* in hoc seculo, a Deo in lege promissa. Rationes sunt sequentes. 1. Quaeulas populi criminationi, qua se ob peccata parentum *mori* debere, et *vita* privari exposulaverant cum Deo, opponitur; declarando, *justum esse victurum*, secus ac illi objecerant. Oportet itaque *vita* intelligatur, morti opposita, qualem illi intendebant, quae est *temporalis*, 2. *justitia* legalis est, et non evangelica, ex fide in Messiam supra descripta; ut vidimus; *vita* itaque et ea oportet sit, quam *lex* promittit, quae est longaeva bonorum hujus vitae possessio, uti notum est. 3. *Mors*, cui opposita est, *caedem*, divinitus in poenam inflictam, denotat, qua e vivis tollitur peccator, vers. 13., ut in seq. videbimus. Attamen sensu indirecto, per consequentiam inde elicitio, admitti potest vitam aeternam quoque intelligi, seu ad eam concludi posse, si haec officia in fide et amore Dei in Christo observentur: quem admodum etiam fit Lev. XVIII. et cum *justus ex fide* dicitur *victurus*, Hab. II. et alibi.

§. CCCLXXI. *Secundus casus* est *justi patris filii* per-versi *merituri* vers. 10.—13. Ubi a. filii refractarii lineas ducuntur vers. 10.—13. β. sententia condemnatoria pronunciat, vers. 13. α. In descriptione a. memoratur filius, qui non *omnia* illa facinora, sed unum illorum tantum patravit, vers. 10. et 11. init. b. qui omnium reus est, vers. 11.—13. α. Prius his verbis exponitur vers. 10, 11. init. *Es progenuerit filium effractorem, fundentem sanguinem, et vel aut, fecit tantum unum de illis, et ipse omnia illo non fecit*, h. e. si justus pater procreaverit filium, qui sanguinem violenter effudit, aut unum aliquod aliud scelus patravit, secus ac pater, qui nullum. aut, qui tamen omnia non fecit facinora prava. Hunc existimaverim verborum esse sensum, qui ut elucescat notandum est, 1. *primum* membrum stricte esse capiendum, non de eo, qui omnia per-rumpit jura, et grassatur per caedes et qualescunque oppressiones, sed *homicida* culposus est, aut simile, sed *vici-*
Ccc 4 num

292 LECTIONES ACADEMICAE

sum et aequale fere patravit; quod vers. 18. *oppressionis* nomine, paulo generaliore venit. Quod si displiceat, 1 in *וְאֵין* verbi debet *aut*, ut sit praecedentis limitatio, et oppositio. 2. Secundum membrum aliud quodcunque facinus vetitum, modo memoratum, comprehendere, ita ut sensus sit, cum *solummodo* unum aliquod de supra dictis criminibus fecisse. U in *וְאֵין* cum emphasi abundat, ut *de uno* sit unum aliquod singulare; qui usus apud Arab. frequens est, nec in Script. insolitus, uti Deut. XV: 7. et alibi. Vid. Schult. ad Har. conf. III. p. 146, 165. et dicta ad Jer. III: 23. Sed quid est *וְאֵין*? Chald. fratrem interpretatur quem illi sunt secuti, sed 1. voce *וְאֵין* noster propheta utitur eo in casu, 2. dixisset *וְאֵין* vel *וְאֵין* *fratri suo*, ut in aliis Script. locis, ubi eo in casu occurrit. 3. quid emphasios habeat *וְאֵין* pro *fratre*, hic tantum et vers. 18. occurrens, non liquet. Anni, quod Coccejo non displicet, pro *interjectione* habent, ut sit, *feceris, ah! vel unum ex iis*. Sed illud etiam minus abruptum est, nec quare hic et vers. 18. tantum illud *ah!* interferatur, et quid emphasios habeat, adparet. LXX. et Syr. penitus omiserunt. Quod ad me adtinet, si *וְאֵין* *vae* sumi posset pro se suspirio digna, seu *crimine*, quod *וְאֵין* *vae* producat, verterem, *facere vae* seu *ah!* sed verius et facilius videtur, leg. *וְאֵין* et vertendum, *solummodo*, duntaxat, unum ex illis; uti et vers. 18. quod hac aptissime quadrat, uti facile ternitur. Quod atque rectius est, quam quod nonnulli *וְאֵין* pro *וְאֵין* somant, cum sine exemplo sit, et plane superfluum. 3. *Tertium* membrum, vers. 11. *et ipse omnia illa non fecit*, dupliciter capi potest, pronomine *וְאֵין* ipse vel ad patrem, vel ad filium, relato. *Prior* ratione oppositio erit inter filium et patrem, et sensus, quem LXX expresserunt, filium non instituisse vestigiis patris; oratio vero hac ratione concinnanda erit: *et feceris filius vel unum duntaxat de iis, quorum nullum fecerat pater*, quem sensum voces recte admittunt, *et ipse omnia illa non fecit* h. e. nihil eorum, quorum filius vel unum patravit, Com-

Commendat vocula *וְהוּא* et ipse expresse addita, qua opus non fuisset, si de filio sermo continuaretur. Sed, si ad *patrem* referatur, sensus non est, quod passim putatur, ipsum nihil praeceptorum adfirmantium fecisse; sed non omnia illa scelera, modo memorata, patrasse, adeoque praecedentis membri ulteriorem explicationem vel adfirmationem continebit, hoc sensu, quem nonnulli recte viderunt, *feceris dumtaxat unum ex illis, et ipse non omnia illa facinora patraverit*: quod etiam recte admitti potest. Interea vehemens me tenet suspicio, pertinere haec verba ad filium foedifragum, perruptorem et latronem, oppositè ad filium qui unum tantum illud fecit, adeoque *וְהוּא* non ante *וְהוּא* fecit esse vitiosum, ac tollendum, ex praeced. voce *וְהוּא* ortum: quum oratio recte fluit: *sed ipse, filius praeferatur, omnia illa fecit; quia etiam super montibus etc.* Posset quoque *וְהוּא* non censeri loco motum, et voci vers. 10. *וְהוּא* praemittendum, ita ut de patre filii nequam capiatur, hac ratione *et non fecit pater* (loco *וְהוּא* etiam legi posset *וְהוּא* pater) vel unum ex illis, et ipse filius, omnia illa fecit.

§. CCCLXXII. b. Subjungitur filii magis perversi, et omnium illorum facinorum rei, descriptio vers. 11—13. his verbis: *quum etiam super montibus comedit, et uxorem proximi sui vitiauit, humilem et inopem detruncavit, rapinas rapuit, pignus non restituit, et ad stercorea sustulit oculos suos, abominabile fecit, in foenus dedit, et usuram sumpsit.* Quae cum supra habuimus, eadem enim, ordine parumper turbato, sunt, quae supra, nullam injiciunt moram; tantum observandum est, *וְהוּא* esse, ut verti, *quum etiam*, et sensum fundere, filium perversum non unum tantum, ut modo casus erat positus sed omnia illa facinora patrare, quae Pater justus vitaverat, adeoque alium casum constitui; longe pejorem. Posset etiam *וְהוּא* censeri eandem habere usum, quem *וְהוּא*, et significare *quanto magis*, qui omnia illa fecit. Praeterea not., *abominationem facere* vers. 12. *id.* pertinere ad *idololatriam*, cujus praecesserat

Ddd

mentio,

mentio, licet mox latius extendatur, phrasi quoque generaliore.

§. CCCLXXIII. *§. Sententia condemnatoria ita habet vers. 13. et vivus (an vivus erit?) non vivet, cuncta illa fecit abominabilia, morte morietur, sanguines ejus in ipso erunt.* Cum interrogationem praemississet Deus, quae tanquam absurdum rejiciebat, ipsum fore vivum, mox respondet, et declarat positive, et cum multa adseveratione, talem filium non esse *victurum*, sed causa abominationum, quas fecit, certo certius morte puniendum, adeoque morte violenta, in criminum poenam, e medio tollendum; quem sensum fundit phrasis *sanguines ejus erunt in ipso*, h. e. ipsi impurabuntur, et necis ejus causa erunt a iudice infligendae. Concinit phrasis vers. 20. *improbilas impii super ipso erit*: vel potius sanguinum ejus effusio, seu poena capitalis ejus, erit *in ipso* non in alio, sed causam habebit in ipso. vid. vers. 17 et 18. Significat itaque Deus, patris justitiam filio non profuturam, si ab ea penitus degeneraverit, sed filium propter peccata et scelera sua esse luiturum poenam, peccatis illis denunciatam, adeoque Judaeos, qui se ob parentum scelera puniri querebantur, esse eorum reos, et propterea puniendos; quemadmodum ipsis saepe est per prophetas intumatum: Perversus enim hic filius imaginem fert generationis pravae, quae post tempora Salomonis exorta est, diu quidem a Deo propter Davidem toleratae, sed tandem severe puniendae; uti hoc tempore fieret.

§. CCCLXXIV. *Tertius casus est impii et injusti patris filii pii et justii non morituri propter patris improbitatem, sed contra victuri vers. 14—17. Quae pericopa cum eodem ordine decurrat, et pura puta sit repetitio vers. 5—9, non non detinebit; nisi respectu unius aut alterius phrasios, quae differt a superiori. I. loco, pignus ejus debiti restituit vers. 7. hic habetur, vers. 16. pignus non pigneratus est; sive quid plus dicat, ne sumtum quidem ab eo pro debito pignus a paupere, sive idem denotet, non retentum, aut*
animo

animò et effecta retinendi non sumtum, ut sit sensus dives, et non sumere pignus sit sumtum non retinere, sed restituere. 2. loco ab iniquitate avertit manum suam vers. 8. hic habetur *וַיִּטְּ אֵת יָדוֹ* avertit manum suam, quae vox varie redditur, communiter per *adflitum* et *inopem*, quum *avertere manum* sumitur de manu opprimente et spoliante, ut sensus sit, cum manum laedentem ab *adflito* abstrahere, sed contra verum phrasios sensum, et usum vers. 8. et XVI: 49. addi itaque deberet *וְלֹא* non, ut Chald. et Syr., quos Pellicanus secutus est, intulerunt, hoc sensu: *ab adflito non avertit manum suam*, scilicet adjutricem. Sed rectius *וַיִּטְּ* pro nomine substant. habetur, ut sit pro *וַיִּטְּ* vel *וַיִּטְּ*, et vertatur ab adflitione, succum exprimente, et effundente, quae est radice *וַיִּטְּ* potestas, avertit manum suam, cui recte respondet *וַיִּטְּ* ab iniquitate avertit manum suam vers. 8. Quo sensu LXX hic recte verterunt, *non adducit*. Ceterum declarat hoc exemplo Deus pios inter Judaeos esse poenali calamitati eripiendos, et generationem sequentem a parentum institutis pravis abstinentem esse instaurandam.

§. CCCLXXV. Subjungit Deus sententiae, modo prolatae de filio justo non morituro propter iniquitatem Patris, confirmationem ex superiorum temporum experientia, ab ipsis Judaeis agnita, qua constabat, solos peccatores, criminum capitalium reos, esse morte punitos, salvos filios justis, quia parentis exemplum non erant imitati, sed justitiam contra sectati. Quod cum ipsi seiant, et tunc, cum casus exstitit, confessi sint, facile patebat, quam importune nunc Deo exproarent, se propter parentum scelera puniri, cum ipsi norint et agnoverint hanc non esse, nec fuisse unquam, Dei viam cum populo; simul innuitur tempus venturum, quo idem rursus agnitori sint, improbo proverbio, *patres comederunt omphacem* etc. abolito, ut vers. 3. dictum erat, Hanc existimo sensum et verum conspectum esse pericopae vers. 18. et 19. his verbis: *pater ejus, (filius) iusti alicujus, et ex seq. pater ejus, quid oppresserunt, sapientiam, factum duntaxat*

et, vel seu; quod non bonum (peffimum) fecit in medio populi ejus, et ecce mortuus est in sua iniquitate (scilicet solus, et non filius justus, ut ex seq. patet) et dixistis (scilicet tunc, cum istud factum est) quare non tulit poenam filius propter iniquitatem patris (vos ipsi rationem dedistis, quare (istud non acciderit, hanc nimirum) et, seu quia, filius iste cum patre non occisus) jus et justitiam fecit (propter hanc rationem dixistis, filium mansisse salvum) omnia mea statuta servavit, et faciet illa, vivendo vivet (itaque persuasi esse debetis, filium, quem dixi victurum, omnino et certo certius illam sortem habiturum, qui omnia mea praecepta observavit, et faciet in posterum.) Interpretes vers. 11. habent pro repetitione superioris sententiae condemnatoriae in patrem improbum; et vers. 19. existimant Judaeorum objectionem in primo membro proponi, his verbis, quae interrogative capiunt, et dicitis, vel, ut nonnulli, si dicitis, quare non fert filius iste poenam iniquitatis patris? reliqua vero responsionem continere ad illud interrogatum. Sed 1. non habetur vers. 18. ecce morietur, sed mortuus est, argumento, non repeti superiorem sententiam, quae in fut. promunciata est, sed de praeterito agi, seu rem factam memorari. 2. Judaei vix introduci possunt per interrogationem dicentes, quare non tulit filius poenam iniquitatum parentis, illi enim hoc affirmabant, et culpabant in Deo, uti mox vers. 25. et 29. et dicitis, vias meas non esse rectas. Debebant itaque et hic introduci dicentes, fert filius iniquitatem patris, quod Deus refutare deberet. Rectius ergo sine interrogatione capiuntur verba, quare non tulit filius iniquitatem patris, uti Exod. III: 3. et seq. et filius judicium fecit pro ratione habentur, quare filius, non ferat, quam ipsi illi Judaei dederant, hac ratione: et dixistis ipsi, quare filius non ferat iniquitatem patris, quia justus est; hanc rationem ipsi dedistis hujus rei. Provocat itaque Deus ad superiora tempora, quibus ipsi agnoverunt, filium justum non fuisse morte adfectum cum patre injusto, et de improbitate sua,

sua, in proverbio contrario adhibendo, convincantur, sed simul insinuat, Judaeos idem in posterum confessuros esse, quum Deus ipso facto demonstrabit, eos eripiendos esse hoc judicio, quod ipsis imminebat, et infligeretur, sicut vers. 3. dictum erat, cessaturum illud proverbium. *Ultima* vero verba, *omnia mea statuta observabis* etc. habenda sunt pro Dei verbis, ut ex voce, *statuta mea* liquet, et statuendum est, illa a Deo subjungi ad superiorem sententiam vers. 17. confirmandam, sicut mox vers. 20. fit per generalem conclusionem; quae etiam ratio est, quare in fut. occurrat, *vivendo vivet*; uti vers. 17. Reliqua ex dictis sunt facilia, tantum not. 1. voculam **אין**, hic vel idem denotare, quod **אין** tantum, adeoque legendum **אין** vel potius **אין** unus, solus, et loco esse motum, ac verbo **אין** praemittendam, ut sensus sit, patrem scelestum *solum* esse in iniquitate mortuum, non filium cum patre. Vocem **אין** pro solo sumi constat. Vid. Jud. XXI: 6. et alibi. 2. **אין** in **אין** esse pro aut, ut sensus sit, quia *oppressionem, rapinam, fecit aut quod non bonum est*, aliud quodcumque pessimum facinus mortis dignum. Haec enim est, quod 3. not., emphasis phrasios **אין** non bonum, nihil minus quam tale, sed *pessimum*. Qui satis constans est phrasios usus apud nostrum prophetam. 4. Phrasis **אין** non dicit, *ferre iniquitatem pro ejus poenam*, sed *ferre poenam in*, seu *propter*, iniquitatem; uti **אין** hic constanter sumitur. Ferre autem sensu divite est, pro poenam, malum ferro, subintellecta voce **אין** ex seq., uti alias *ferre peccatum* pro ejus poenam, satis frequenter.

§. CCCLXXVI. Sequitur nunc conclusio generalis, quam Deus declarat, singulos homines *suae*, non alienae *justitiae*, suis, et non alienis, peccatis convenienter esse a Deo tractandos vers. 20. *Anima, quae peccavit, illa morietur, filius non feret ob iniquitatem patris, nec pater feret ob iniquitatem filii, justitia justis super ipso eris, et improbitas improbi super ipso eris*, seu ipsi imputabitur, et ei convenienter tractabitur, *justus vivet, et impius morietur*. Quae ex superiori-

bus, et dictis ad vers. 4., satis elucescunt; nec ulteriorem disquisitionem requirunt. Tantum verbo notatur *a. peccare*, in phrasi, *anima quae peccavit*, emphatice esse sumendum pro atrociter peccare, seu quid morte dignum committere; penitus a norma vitae et scopo felicitatis aberrare; quam emphasin habet; ut notum, verbum *1207. a. justum et improbum* esse perseveranter, et obstinate talem, ut *justus* non deficiat a iustitia, et *improbus* non resipiscat: uti mox a Deo ipso exponitur et deducitur.

§. CCCLXXVII. Subjungit Deus cum ad titulos *peccatoris* et *justi* exponendos, tum ad ulteriorem refutationem improbi proverbii, et populi convictionem, si peccat, propria culpa perire, quod resipiscere nolit, *improbum* resipiscentem non moriturum, sed victurum, *justum* deficientem non victurum, sed moriturum non *semel*, sed *bis*, propositum ad maiorem persuasionem; vers. 21—29. Cujus pericopae *scopus* est, quem dixi, *partim* clarius exponere sensum superiorum thesium *justum* victurum et *improbum* moriturum, per utrumque esse intelligendum, qui *perseverat* in eo intituto, ne putarent, *peccatori* esse desperandum, et *justum* securum esse posse quacunque ratione deinceps vixerit, *partim* impium dictum, *filium puniri*, etiam *justum*, ob *peccata parentis*, ulterius refutare, cum tantum absit, ut hoc verum foret, ut ipse *improbus* parens *victurus* sit, si resipiscat, *partim* denique Judaeis *viam* monstrare ad suam et reip. salutem, ac iudicium destructionis, ipsis imminens, avertendum; in *conversione* eorum sitam; ad quam etiam deinceps directe adhortatur populum vers. 30.— Continet vero pericopa, ut facile patet, *seriam* et solennem declarationem Dei, *peccatorem* se convertentem esse victurum, et *justum* deficientem esse moriturum, *illum*, non obstantibus peccatis, quae fecit, *hunc* non obstante *iustitia*, quam exercuerat. Quae declaratio non *semel*, sed *bis*, ad maiorem confirmationem, facta est, seu facta vers. 21—26. repetitur vers. 27—29. Utrique *parti* subiungitur *iustificatio* viarum Dei, opposita crimi-

criminationi Judaeorum, et *vitarum* populi condempnatio vers. 25, 29. Prior tantum pars hoc habet peculiare, quod Deus ad ulteriores sui justificationem; et populi instructionem consolatoriam inferuerit solennem testificationem, se *morte peccatoris non delectari*, adeoque eum se convertentem, non moriturum esse vers. 23. Qui versus nostram tantum requirit operam; reliqui enim omnes sunt intellectu faciles, nec moram injiciunt.

§. CCCLXXVIII. Verba ita sonant vers. 23. *An delectando delectarer morte improbi? dictum Domini Jehovah; an non? vel profecto non, sive nonne delector in eo, quod cum converteris se et vel etiam, vivat?* Confirmat Deus, quod modo de peccatore se convertente dixerat, eum victurum esse, ex eo, quod non delectat ipsum mors peccatoris, sed ejus conversio et vita. Quem sensum confirmat locus parallelus c. XXXIII; 11. Non itaque declarat, simpliciter eum esse *victurum*, quod modo fecerat; sed sibi illud longe acceptius esse *morte* peccatoris, adeoque confirmat superiorem declarationem, suam delectationem in eo, et non in morte peccatoris testificando. Tantum orationis structura in hunc sensum haud uno modo flecti potest, vocula *הלא* enim vel ad superiora vel sequentia referri potest, si prius fiat, sensus erit, sive reddatur *an non?* sive *profecto non*, quod quoad sensum perinde est, Deum in morte peccatoris non delectari, adeoque expresse negat, quod teste per interrogationem praecedentem fecerat. Nec insolens est, negationem ejusmodi interrogationi subicere, sed cum sequente etiam construi potest, sive *בשׁוּב* vertatur *cum se converteris*, uti in seq. fit, sive, *in convertere se*, vel in eo, quod convertat se et vivat, priore ratione delectatio Dei in eo erit sita, quod *vivat*; posteriore in conversione aequae ac vita ejus; repeti itaque ex praeced. debet verbum delectari et interrogatio fortiter adfirmabit, quod loco parallelo est conjunctius. Quaecunque ratione sumatur, sententia erit, Deo non mortem peccatoris, sed ejus conversionem et vitam esse gratiorem,

Ddd 4

adeoque

adeoque peccatori non esse desperandum, adsi omnis spes remissionis ac vitae decolasset, et Deus peccatorem sine ulla gratia vellet occisum, sed eum se convertere debere, et de gratia Dei certum esse posse; non itaque Deum nolle mortem peccatoris, qua talis in peccato perseverantis, quod longe secus est, et virtutibus Dei contrarium; sed velle ejus vitam per conversionem, imo etiam ipsam malle conversionem quam obstinationem in peccatis, et irrepiscenciam, seu Deo gratius esse, ut resipiscat et vivat, quam ut in peccatis maneat, et moriatur.

§. CCCLXXIX. Hic licet sit sensus *directus* et proximus, qui de *decreto* Dei, quo quid futurum est definitur, aut *gratia* convertente, qua ipse resipiscenciam in peccatore operatur, nihil defini; *indirecte* tamen, et per legitimam consequentiam, verba se latius extendunt, et gravissimas continent veritates, quarum aliquas tantum proferam. 1. *Prima* est, Deum peccatorum mortem et *irrepiscenciam* absolute decreto, ex solo beneplacito Dei orto, non definitivisse: quippe quod huic solenni declarationi adversaretur, tum inde sequeretur, Deum omnino *velle* mortem peccatoris, et *nolle* ejus conversionem. 2. *Secunda* est, *mortem* peccatoris non ex Dei beneplacito et libera voluntate fluere, sed ex *virtutibus* Dei, quae eam exigunt, adeoque esse quid, quod Deus tanquam sapiens, justus et aequus, iudex mundi infligit, nec prius, quam desperata est resipiscencia, nec majore gradu, quam virtutes illae Dei necessario postulant. Quod a nobis determinari nequit, sed Deo relinquendum est. Mortem enim peccatoris, qua talem, non vult, nec in ea sibi complacet; adeoque propter quid aliud vult, et per virtutes ac relationes suas compulsus. 3. *Tertia* est, quam Paulus 1 Tim. II: 4 et Petrus 2 ep. III: 9. expresse-
runt, Deum *velle omnes homines servari, et ad agnitionem veritatis venire, neminem perire*. Quae quousque se porrigat, sententia, hic locus non est inquirendi, sufficit notare eam ex eo manifeste sequi, quod *nolit mortem peccatoris, sed*
malit,

malit ejus conversionem et vitam. Quod si verum, oportet nemo nominum sit in physica impossibilitate salutis constitutus, sed omnes habeant sufficientia media, vel remote vel proxime, ad conversionem et vitam. Qui enim vult finem vult media. De quo alias solet disputari.

§. CCCLXXX. Praeter hunc versum nihil occurrit, quod nostram postulat curam, modo illud unum notatur, quod in utraque parte de *justo* ad injustitiam redeunte habetur, vers. 24, 26, illud male trahi ad disputationem de *perseverantia sanctorum*, cum *justus* hic non sit evangelice, sed legaliter *justus*, uti supra vidimus, qualem posse, et subinde deficere, nemo negare potest. Quod si ad *evangelico justum* adplicandum sit, pro hypothetica locutione capi poterit, eoque tantum spectare censer, ut *justus* iste in timore, et tremore ambulet, et salutem suam operetur, cum possibile per se sit defectio, et perseverantia sit per media, ab ipso adhibenda, efficienda. Praeterea *justum* deficientem non esse qualemcunque peccatorem, sed apostatam a lege et foedere Dei, qui impius sit impenitens; ut ex ipso textu patet.

§. CCCLXXXI. Finitur denique haec refutatio pathetica adhortatione ad resipiscentiam, ex superiore declaratione, cuique secundum opera esse rependendum, educta vers. 31—32. Ad quam pericopam, facilem quippe intellectu, haec duo tantum habeo notanda. 1. ultimum membrum vers. 30. non esse tam dehortatorie, *ne sit* etc. quam declarative, *non erit* etc. vertendum, et continere promissum, de *iniquitate* patrata non nocitura peccatori converso, seu domui Israelis resipiscenti; Verba sunt, *et non erit vobis in scandalum*, seu causam lapsus et ruinae *iniquitas*, h. e. non imputabitur vobis praeterita perversitas et injustitia, in reatum mortis, ut ejus causa in exitium praecipitetur, quod hic est מִשְׁשָׁל. 2. *Cor novum* et *spiritus novus*, ita distingui possunt, ut per *cor* intelligatur intellectus et judicium, per *spiritum* voluntatis adfectiones et actiones, quae alias *animas*

E e e

nomine

nomine veniunt, uti Deut. VI. *spiritus* vero pro *adfectione* animi satis usitatus est. Vult itaque Deus, ut sanius de viis Dei et suis cogitent et judicent, quod est *ser novum* facere, quo totum hoc caput collineavit, praeterea alias et meliores induant erga Deum, et legem suaeque officia, adfectiones, quod *spiritum novum* facere significat. Qua ratione autem illud ipsis imperetur, vel suadeatur, cum sit a Deo, Interpretes satis exposuerunt, nec difficile est, ex harmonia Script. S.

C A P. X I X.

§. CCCLXXXII **I**mprobi dicti proverbialis, *patres* comedissemus omphaces, et *filiorum* dentes obtusos factos fecisse, refutatione peracta, adeoque Judaeis de perversitate sua, tanquam causa ruinae reip., convictis, propheta jubetur domus regiae Davidicae, in qua spem suam habebant repositam, excidium, ex parte jam factum, ex parte faciendum propediem, ob oculos ponere, per modum carminis lugubris, ejusmodi in casibus cani soliti, cum ut Deum populi excidio non delectari, ut cap. praecedente evictum erat, potius misereri, indicetur, tum in signum ejusmodi cantici, a populo accinendi, tempore excidii istius domus, uti vers. 14. fin. habetur, *lamentum hoc, et erit in lamentum*. Est autem *lamentum* duplex, prius super regum domus Davidicae excidio jam existente, in certum praeludium totalis ruinae istius domus, *posterius* super excidio plenario instante; prius sub emblemate *leonum* a gentibus captorum, absque ut spem populi impleverint, *posterius* sub imagine *vitis* excellae, firmae et florentissimae, ignita tempestate adustae et aresfactae. Prius occurrit vers. 1—9. *posterius* vers. 10—14. Utrumque pertinet ad *principes Israelis* eorumque ruinam, ut inscriptio habet, et ipsum argumentum docet; adeoque *intus domus*

domus Davidicae limites ejus interpretatio contineri debet, sed quae hic tanquam unicum reip. columen considerata est, cui spes populi erat innixa, quippe qua salva, salva erat resp., quaeque censebatur in aeternum, secundum promissa Dei, et populi opiniones, duratura.

§. CCCLXXXIII. In *priori* emblemate *a.* tribus Juda, unde et in cujus medio erat domus Davidica, repraesentatur tanquam *leona* inter leones recubans, et *catulos suos* in medio leonum juvenum educans; ad indicandum ejus majestatem, et fortissimum dominium, vicinis populis metuendum, vers. 2. Quid *mater tua leona inter leones recubasti, in medio leonum juvenum educavisti catulos suos?* h. e. tribus tu o reges et proceres Judae, generosae domus Davidicae *prosapia tribus*, inquam, tua, quae magnificis viris et fortibus cincta tam fuit illustris et potens, omnibus populis metuenda suosque regiae majestatis alumnos, inter fortissimos suos juvenes, in spem potentissimi regni educavit antea, et firmavit, quid, qualisve nunc est? quam contempta et infirma? quidve nunc agat ad statum suum firmandum? Hunc existimo esse sensum, et scopum verborum, quem vocum structura, sequentia, et comparatio cum altero emblemate vers. 10. clare exhibent. 1. Vocum structura exigit, ut voculae *quid?* omnibus sequentibus vocibus subjungatur, cum illae manifeste cohaereant, et uno tenore decurrant, haec ratiō: *mater tua leona, quae cubuit inter leones, in medio leunculorum educavit catulos suos, quid?* scilicet nunc est, et agat? quantum mutata ab illa, quae olim erat; quam antea majestuosa, libera, metuenda, quam nunc contempta et inbecillis? Qui satis notus est particulae *quid?* usus, quo factum inficiatur, vel imminuit, etiam desperatum esse indicat. vid. tantum Ps. VIII: 5. Ez. XV: 2. Job. IX: 3. XIX: 28. 1 Sam. X: 27. 2. Sequentia clare docent, quam infirma sit haec leona hoc tempore, cum duo leonum ejus exempla contineant, ab hominibus subjugatorum, ut mox patebit. 3. Alterum emblemata *vitis* comparationem quoque

E e e 2

pristi-

pristini status florentis et praesentis miseri repraesentat: ut in seq. videbimus. Respicitur itaque his verbis ad statum tribus Judae praeteritum, liberum, gloriosum et potentem, quo intar *leaenae* erat, in medio leonum, et *catulos* suos educabat inter *leunculos*, ac firmos et potentes reddebat, et tales etiam experta est, quemadmodum in primis a temporibus *Davidis* ad *Josiam* inclusum usque. Ex quo simul patet, emblemata hoc non in malum, sed bonum ad magnanimitatem, majestatem et potentiam tribus Judae, et domus Davidicae, significandam, hic esse sumendum, quemadmodum Gen. XLIX: 9. quo hic videtur respici. De quo ad illum locum plura dixi, huc pertinentia: quare paucis hic absolvam. *Leaena* emblematicè est ipsa tribus Juda, Hierosolymis, tanquam in *lustro*, seu metropoli, *recubans*, quatenus libere, secure, majestuose, et potenter agat, et vicinis sit metuenda: quod est *recubare* instar leonis, Gen. XLIX. ubi vid. dicta; *mater*, quae origo et tutatrix, domus regiae Davidis; solet enim populus cum *foemina*, ut notum comparari; *Leones*, inter quos recubare dicitur, sunt vel reliquae tribus Israeliticae, in quarum medio recubat, vel viri principes et fortes, quae politici, quae Ecclesiastici, vel in genere statum securum et firmum denotant: utique de populis vicinis hic non est cogitandum, ut solet, quia illi hic alio nomine veniunt, quo *gentes* adpellantur. *Catuli* ejus sunt regiae stirpis Davidicae alumni, et progenies; reges et principes domus Davidicae, qui ab illa *matre* progenerati *educantur* in spem regni, et promoventur ac firman-
tur, *leones*, seu reges majestuosissimi, et fortes futuri. *Leones*, inter quos educantur, sunt quivis alii principes *juvenes*.

§ CCCLXXXIV. β. Proferuntur nunc mox specimina imbecillitatis hujus *leaenae*, longe diversa a superiorum temporum, ad interrogationem praecedentem explicandam et demonstrandam, desumpta a duobus vel tribus regibus, in spem leonum fortium, et domitorum populorum vicinorum, educatis, sed misere captis et tractatis; manifesto indicio;
quan-

quantopere degeneraverit leaena, et in quam vili ac misero nunc sit statu; quidve expectandum habeat propediem in posterum. a. *Primum* specimen, quod producitur, praebet filius Josiae *Joachas*, in locum patris occisi in praelio cum rege Aegypti, postquam instar *leonis* regnum egregie tuitus erat, evectus, ea spe, ut sese talem etiam praetaret *leonem*, sed qui brevi a rege Aegypti *captus*, et in Aegyptum abductus est, vers. 3, 4. his verbis; *Es*, vel *stenim*, *evexit unum e catulis suis, leo factus est, et instigatus est ad capiendam praedam, hominem devoravit, et audiverunt de ipso gentes, in fovea eorum captus est, abduxeruntque ipsum hamis in terram Aegypti.* h. e. Me ex vero dixisse, tribum Judam, fortissimam illam leaenam, ab antiqua virtute et fortitudine plane degenerasse, et in vili ac debili statu versari, secus ac antea, exempla clare demonstrant, *etenim* (hanc enim significationem hic habet *ו* in *לך*), provexit modo unum e filiis, catulis suis, in *regem*, ea spe, ut praedam ageret, et *homines* devoraret, seu populos vicinos domaret, spoliaret; sed mox cum illud ageret, a gentibus, illo audito, invasus, captus, et in Aegyptum abductus est in exilium. Ex qua paraphrasi sicut de nexu et scopo, ita et sensu verborum clare satis constat; ita ut parum supersit observandum. Significatur, *Joachasum* filium Josiae, de quo hic agi omnes consentiunt, et ex *abductione* in Aegyptum manifestum est, 1. fuisse ab ipso populo regem factum, quod clarum est ex eo, quod mater, *leaena*, ipsum *evexerit* et *leo* sit factus: 2. *unum* quidem fuisse e *catulis*, seu stirpe regia filium Josuae, sed non *primogenitum*, uti liquet, cum quod *unctus* legatur 2 Reg. XXIII. quod in primogenito locum non habuit, tum quod 23 annos natus fuerit, cum frater ejus Jojakim post tres menses rex factus habuerit 25 annos. Videtur autem praelatus a populo propter animositatem et virtutem bellicam prae reliquis fratribus, adeoque quia aptior videbatur regnum tueri contra Aegyptios, qui Josiam profligaverant; uti Prae-

do non male observavit; quo verba vers. 3. quoque ducere videntur. 3. Eum in throno collocatum, et regem factum, ut videbatur, *strenuum*, quare *leo* dicitur factus, magnam prae se tulisse spem regni contra vicinos et hostes tutandi, cum ad praedam agendam fueris instigatus et adusfactus, et homines devoraverit; seu hostes inceperit cum successu adgredi, quod indicatur, cum dicitur, *hominem devoravit*, partim in spe populi, ut vers. 5. innuitur, de quo mox, partim grassationis initium faciendo, ut *devoravit* sit, devorare incepit: quo nihil est tritius. Interpretes solent hoc de ipsius populi Judaei vexatione, et oppressione, ab ipso facta, interpretari; quod quis merito miretur, cum nihil sit a verbis et scopo alienius. a. quia populus Judaeus cum *leone* comparatur, et hic *leo* homines dicatur devorare, non ergo ipsum populum Judaeum. b. quia, ipsa capta, populus legitur *spe sua* excidisse vers. 5., scilicet quam de ipso, tanquam leone *devoratore hominum* conceperat; manifesto indicio respici ad populos hostiles ab ipso subigendos, et temp. vindicandam ab oppressione eorum. y. Per leonis molimina gentes excitatae dicuntur contra ipsum, ad ipsum capiendum vers. 4. ubi gentes, hoc de ipso audite in ipsum surrexisse traduntur. Quo clare indicatur, ipsum non suum populum, sed alios esse adgressum, cum prius gentes non incitasset ad eum capiendum; sed quidem posterius. d. accedit, facinora sequentis leonis, in ipsius locum evehti, manifeste ad populos vicinos respicere, vers. 7 ut mox patebit. Quo sensu admissa, ratio, quam historia silet, sese offert, quare rex Aegypti hunc regem throno deturbaverit, et in Aegyptum abduxerit, non tam quod jure non esset electus, quam irrequieti esset et audacis animi, ac vicinos vexaret, et ab Aegyptiis, qui patrem occiderant, videretur vindictam sumpturus. Reliqua, quae sortem regia declarant, sunt facilia, et ex historia nota.

§. CCCLXXXV. b. Secundum specimen praebet successor ejus Jojakimus, una cum filio Jechonia, qui postquam eadem

dem latrocinia instituerat, eandem sortem expertus est a vicinis populis et Babylonis, vers. 5—9. Interpretes secum dissident circa Jojakimum praecipue et Jechoniam, sed nos utrumque conjungimus, cum Jojakimus praetermitti nequeat, et in ipsum facinora, hic memorata, rectius quadrent, populorum in circuitu impetus in eum, expresse memoratus, ei etiam rectius conveniat; *Jechonias* vero excludi non possit, cum *abductio* Babeli ei rectius adtribuatur; quae omnia mox fient manifesta. *Patrem* autem et *filium* sub emblemate unius leonis conjungi, nihil habet, quod offendant, minus, quod *filius* tres tantum menses post patrem regnaverit, et eandem sortem subierit. Hac jacta hypothesi, pericopam secundum eam explicemus. Occurrit a. regiae novi ejusdem stirpis constitutio a leaena, in *leonem*, postquam viderat se spe sua in priore excidisse, vers. 5. *Et vidit, quod obhaereret, quasi in luto, periisses expectatio ejus, et accepisset unum e catulis suis, leonem constituit ipsum.* h. e. cum, Joachazo capto et abducto, viderat populus Judaeus, sese spe sua, de Joachazo concepta, delusa, in luto obhaerere, et ad incitas redactum esse, attamen unum ejusdem stirpis regiae sibi concessum esse, datum accepisse in regem, animis resumtis eum sibi constituit, et excitavit regem *leonem*, qui sui juris sit, et idem institutum, quod decessor inceperat, ageret, remp. tuendo, et vicinos populos domando. Quae paraphrasis, ut in lucem prodeat, observandum est, *duo* de leaena affirmari, quorum *prius* ad *statum* pertinet, in quo erat, priore leone abducto; *posterius* exponit, quid ipsa egerit. *Prius* illud *duo* continet, ad statum populi Judaei depingendum spectantia, *alterum* est eum spe sua excidisse et desperatum fuisse, *alterum*, eum novum regem sibi datum *accepisse*, et aliquid spei animo concepisse: *prius* his verbis profertur, *et vidit quod in luto obhaereret, spes sua periisset* h. e. advertit populus se spe sua de Joachazo delusa, ad incitas fuisse redactum, et fere desperandum: respicitur *mon-*
Ecc 4
feste

fesse ad Joachasum abductum et in opere suscepto impeditum, quocum *spes* populi de rep. firmanda et ditanda fuit prostituta, *tum* populus fere animis despondere coepit de rep., quod *posterius* indicatur verbo נִפְחָז quod est. Niph. rad. נִפְחָז, cujus proprietas est in *volvendo*, in specie in *luto*, unde in luto haerere et luctari dicit, et ita in statu, quo exitum non reperiatur: ut exposui ad c. XIII: 6. Ex quo simul pater, populum eo scopo Joachasum fecisse regem, ut reip. libertatem et prosperitatem defenderet et augeret, ut modo observavi. *Posterius*, ad statum ejus perueniens, cujus memini, his verbis continetur, *et accepisset unum e satulis suis*, scilicet, *et vidit*, quod acceperit, pendet enim etiam illud a verbo נִפְחָז *et vidit quod*; adeoque denotat, populum advertisse, se novum regem esse *consecutum*, unum e stirpe quoque eadem regia. Graeca quidem versio *aliam* habet, adeoque נִפְחָז legit, quod ferri potest, sed non est necessarium cum ad vers. 3. *tum* respiciatur, ubi eadem occurrit phrasia. Discrimen vero phrasios notetur in *superiore* et *hoc* rege; de illo dictum erat, quod ipsa *leena* eum *evexerat*, sed de *hoc* tantum, quod *acceperit*; quo clare indicatur, hunc regem non a *leena* esse *evectum*, sed aliunde sibi datum recepisse. Quod exacte quadrat in *Jojakimum*, a rege Aegypti populo datum, ut ex historia constat; simul difficultatem tollit, a nonnullis contra *Jojakimum* hic intelligendum motam, quod non ipse populus, sed rex Aegypti, eum fecerit regem; illud ipsum enim est, quod hic habetur, et nos ad *Jojakimum* ducit. Sequitur nunc quid ipse populus eo in statu fecerit, quod *posterius* est, hic expressum, cum additur, *leonem ipsum constituit*, scilicet ipsum illum, quem in statu desperabundo *acceperat* sibi datum regem, de illo fecit ipse populus *leonem*, cum jam rex factus erat. Antea de Joachaso dictum erat, *leenam ipsum evexisse*, et factum esse *leonem*; hic habetur de *Jojakimo* eum a populo *acceptum*, et tunc *constitutum leonem*. Quo haud obscure significatur, populum eum, jam regem factum, eum adduxisse

adduxisse, ut sese gereret liberum et strenuum regem, reip. liberae vindicem et promotorem, vicinos populos reprimendo, et subigendo. Quod factum est, cum a rege Aegypti primum defecit, dein a rege Babylonio, una et altera vice, et sui juris esse coepit, seseque *leonem* proprie gessit.

§. CCCLXXXVI. β. Sequitur mox narratio facinorum ejus, qua *leonis* seu regis liberi et bellicosi, vers. 6, 7. *Et grassatus est in medio leonum, leo factus est, et instigatus ad rapiendam rapinam, hominem devoravit, et arcus ejus perdidit, et urbes eorum evacuavit, et adtonita stetit terra et plenitudo ejus prae voce rugitus ejus.* Quae eodem modo, quo superiora vers. 3., capienda sunt de voto populi et iniuriis adgressionis, adeoque relate ad vicinos populos hostiles, non ipsos Judaeos, cujus manifestum est indicium quodque in vers. 7., qui ad Judaeos nullo modo applicari potest, cum nec urbes eorum dici queat destruere, nec *terra*, *ejusque plenitudo*, adtonita facta Judaeae conveniat, phrasus est generalior, quam ut ad Judaeam restringi queat. Nihil hic nobis relictum est observandum, nisi quoad *primum* et *secundum* membrum vers. 7. Verbum enim vers. 6. *יִדְּלוּ* non *ambulare*, sed *grassari*, latrocinia exercere, denotare, alibi saepe observatum est, uti ad Ps. XII: 9. Zach. VI: 7. *Primum* membrum *duplicem* continet difficultatem, *alteram* in verbo *יָדָע*, *alteram* in voce *אַרְמֵנָה*, sed *posterior* jam est expedita a nonnullis, qui non *viduas*, quibus hic locus esse nequit, ut facile cernitur, sed *arcus* esse intelligendas, ex confusione cum voce *אַרְמֵנָה* viderunt, quae eo facilior est, quod observo, quod radices *אַרְמֵנָה* et *אַרְמֵנָה* ejusdem sunt originis et potestatis originalis, in *forti* et *structa* *ligatura* sitae, notio unde arcis et palatii, seu aedificii firmitatis, et compactioris structurae fluxit, quae et *אַרְמֵנָה* et *אַרְמֵנָה* adpellatur. Sed quid est *יָדָע*? si haec lectio retinenda sit, usus verbi *יָדָע* *judicialis*, seu hostilis, adoptandus est, quo visitationem et cognitionem judicis vel hostis, ad puniendum

Pff

dum

dom vel perdendum denotas. De quo vid. Schult. ad Job. XXI. 19. et Dieu ad Jud. VIII., sed cum *וַיִּתֵּן* in *Kal* eo sensu sumatur pro *poenas luere*, seu experiri judicem non hostem, rectius puniretur in *Hiph.* *experiri facere*, *punire*, *perdere*; licet etiam *cognoscere* adhiberi posset, ut *cognoscere mulierem*, pro concumbere cum ea, sic iudex vel hostis dici posset *cognoscere* aliquem, pro punire, perdere: sed Chald. et LXX. videntur legisse *וַיִּתֵּן* eum *וְ*; quod praefert Bochi. H. p. I. l. III. c. 4. non incommode, modo propria verbi potestas in *quassando*, et omni vigore et copia privando, attendatur, sensusque statuatur, palatia et arces fuisse incolis et opibus privatas; alias enim a leonis emblemate paululum distederetur, cujus non est palatia frangere proprias, sed *homines*, quorum respectu itaque *quassatas* intelligi deberent *arces*; sicut mox de *urbibus* dicitur, eas esse *vastatas* ab hoc leone, h. e. vacuas et desertas redditas, hominibus occisis; quem usum haud infrequentem habet verbum *וַיִּתֵּן*, de locis, incolis destitutis, et infrequentibus, usurpari solitum: uti Cl. Rhenferd. notavit oper. p. 632. Ceterum talia fuisse molitum Jojakimum, et adgressum, licet historia non tradat, ex re ipsa tamen facile colligitur, indeque confirmatur, quod *turmas* populorum vicinorum ipsum invaserint | 2 Reg. XXIV., non facturae, nisi se talem erga vicinos populos gessisset.

§. CCCLXXXVII. *γ.* Sortem infelicem hujus leonis frequentia verba tradunt vers. 8, 9. *Et tetenderunt*, vel *adderunt* vocem, *contra ipsam gentes in circuitu e provinciarum*, et *repe circa ipsum expandebant*, in *fovea ipsorum praehansue* ist, et *posuerunt ipsum in cavea hamis attractam*, et *abduxerunt ipsum ad regem Babelis*, *abduxerunt ipsum in munitiones*, ne audiat amplius vox rugitus ejus super montibus *Israelitarum*. Quae sicut continuam habent adhesionem ad leonem, vel reti, vel foveae capi solitum, et uncinis tractum in *caveam*, ibique adservari solitum, ne amplius rugitus ejus terreat, ita denotant, regem Jojakimum a turmis gentium vicinarum

ciuram esse invasum, captum, et regi Babelis sive occidendum, sive arcte custodiendum traditum, quod utrumque contigit Jojakimo, prius ipsi, postea in filio Johojachino, cujus utriusque fors hic, ut supra dixi, conjungitur, quo referri potest verbi *abducentibus* repetitio. Jojakimo proprie conveniunt, quae de gentibus in circuitu, ipsum invadentibus et capientibus, ac ad regem Babelis abducentibus vinotum, habentur, ut ex 2 Reg. XXIV. manifestum est, sed *abductio* in munitiones soli Jechoniae competit, Babelis abducto, et carceri incluso, uti constat. Ceterum emblemata cum a Boch. I. c. satis illustratum sit; verbo tantum observabo verbum, *וְיָדָהּ* et *dederunt* vers. 8. duplici ratione expediri posse, altera intellecta, et ex praeced. repetita, voce *וְיָדָהּ*, ut sit, *dederunt vocem* contra ipsum, uti solet in leone in rete compellendo; fieri, de quo vid. Boch. I. c., altera, ex originali verbi *וְיָדָהּ* potestate, in *tendendo*, unde *contendere* et omnibus viribus agere. Vid. Schult. ad Prov. XXI: 26., ut sit, *tenderunt contra ipsum* etc., seu omnibus viribus adgressi sunt.

§. CCCLXXXVIII. *Alterum* emblemata vitis succulentae, excessivae, frondosae et ramiferae, vento urente adustae et arefactae, latius sese extendit, quam prius, nec quid factum jam esset, sed propediem fieret, ob oculos ponit, totale scilicet excidium domus regiae, cum populi Judaei desolatione, in praeterito propositum, quia conspectum *lamenti* habet, cujus usus postea foret, destructione jam facta, ut ex clausula liquet, *lamentum hoc*, et, seu *quod erit in lamentum*, quo clare significatur, lamentum hoc postea locum habiturum inter superstites Judaeos. Representat itaque non unius aut alterius regis Davidicae domus interitum, ut praecedens emblemata, sed totius regiae domus, respectu dominatus et regni; quemadmodum in Tsedekia contigit. Respicitur vero in hoc emblemate ad Gen. XLIX: 11, 12. Ex. XV. et XVII. se alia loca, quibus populus Judaeus hoc emblematae expingitur, commemorem. Occurrit, utpote hicat supra,

418 LECTIONES ACADEMICAE

o. descriptio status florentis et excellentis tribus Judae in domo regiae Davidica, in quo antea fuit vers. 10, 11. *Mater tua sicut vitis in sanguine tuo juxta aquas plantata, fructifera ramosa fuit proae aquis multis, et fuerunt ipsi virgae roboris excellentis, ad sceptrum dominantium, et sublimata est altitudo ejus, (cujusque virgae) summum inter ramos, et splendida emicuit in sublimitate sua, in spissitate palmitum ejus.* Quorum sensus est, tribum Judae fuisse vi regii sanguinis per singularem Dei benedictionem antea florentissimam et excellentissimam, ac reges inter principes plures produxisse fortes, gloriosos, et multos, adeoque instar vitis, ad aquas plantatae, et sublimes ramos ac palmites producentis, maximeque fructuosae et illustris. Sermo dirigitur ad domum regiam, ut antea, et tribus Judae adpellatur *ejus mater*, uti supra habuimus; comparatur vero cum vite in *sanguine ejus* scilicet domus regiae, quatenus ejus succo plena erat et gravis, adeoque stirpem regiam in se habebat, quae in ramos excellentes excrevit. Adluditur ad *succum vitis*, qui *sanguis* adpellatur, ob colorem et vim vitalem, uti Gen. XLIX: 11. ubi vid. dicta, et significatur, tribum Judae in se habuisse semen regium, ejusque virtute fuisse splendidam factam, et populo, instar vitis, utilem ac desideratam. Interpretes passim, paucis exceptis, qui verum viderunt, in voce *sanguinis* valde laborarunt, et varie instituerunt; quibus non licet immorari. Addo tantum, si nostra interpretatio ad sensum non inpetret, vel cum Chaldaeo leg. *נרמה* *adsmilata est sicut vitis*, seu *viti*. vel potius, cum phrasis sit paulo insolentior, et verbum *נרמה* superfluum, *נרמך* *vineae tuae* legatur, ut sensus sit, tribum Judae, matrem domus regiae Davidicae, esse *vitem* in vinea, seu reliquarum tribuum societate, eminentem. Inter varias lectiones Kennicottii quoque occurrere deinceps vidi. Haec *vitis*, eo succo plena, *plantata* est ad *aquas multas*, cum in regiam tribum est erecta in terra Cananaea Hierosolymis, ac benedictione divina est irrigata, cujus virtute *fructuosa* facta est, et *ramosa*,

mosa, populo praebeuit summam felicitatem, et in magnam multitudinem excrevit. *Virgae* vero *roboris et excellentiae*, quam utramque significationem habet vox *yy*, quas produxit, sunt reges domus Davidicae potentes, illustres et gloriosi, quare additur, explicationis ergo, *in sceptris dominantium*. Additur, virgas illas factas esse sublimes valde inter reliquos principes tribus Judae, et splendoris ac late diffusas in propaginibus suis. Quod ad regiam domum facile potest applicari. Pertinent itaque verba, *et sublimis est facta altitudo ejus summa inter ramos et splendide emicuit in sublimitate sua, in spissitate palmitum suorum ad virgas*, modo memoratas, et non ad *vitem*; quod genus masc. quoque requirit, quo hic utitur propheta; in sing. vero occurrit, ut de unoquoque, vel omnibus virgis cogitaremus. Vocula vero *yy* hic *summum* denotat, et sensus est, sublimitatem virgarum seu regum, fuisse summam inter reliquos principes, ramos dictos. Hac ratione si emblematica descriptio capiatur, cuncta sunt facilia, et in domo Davidica praecedentium temporum veritatem nacta: uti constat.

§. CCCLXXXIX. β. In miserae sortis hujus vitis descriptione emblematica a. totalis ejus destructio repraesentatur vers. 12. *Et evulsa est, aestuatione in terram projecta, et ventus Orientalis arefecit fructum ejus, effractae sunt et exaruerunt virgae roboris ejus, ignis consumpsit eas* h. e. postquam regia domus hujus tribus esset penitus destructa in ultimo ejus rege per violentos et potentes hostes, ipsa tribus est loco suo mota, et in pudendum ac abjectum statum redacta. Est aliquod *ἵσχυον πρὸς τὸν* in verbis. cum primum membrum, *evulsa est, vitis projecta in terram*. sit reliquis posterius, quo etiam fut. cum *ἡ* relativo in *שׁוֹמֵר* respicit, signum consequentis arefactionis fructus et virgarum vitis. Ante enim vitis vento urente fuit adusta in fructibus, et virgis suis, quam evulsa est et projecta in terram. Arefactio et virgarum confractio per ventum urentem, qui hic et alibi adpellatur *orientalis*, et propterea ignis fit mentio,

Fff 3

depingit roboris, et dignitatis, tribus, simul regiae domus
totale excidium per Babylonios, praecipue in ultimo rege
Tsedekia, quare in sing. memoratur *virga roboris* igne con-
sumta. Quo facto, mox secuta est ipsius *viris* seu populi
Judaei eradicatio, et e loco suo ablatio, ac prostitutio, in
quibus nihil est difficile.

§. CCCXC. *b.* Sequitur transplantatio vitis eradicatae, et
refectae in fructibus et virgis suis, in terram peregrinam,
siccam et aridam vers. 13. *Et tunc plantata est in deserto,*
in terra arida, et siticulosa. Quibus verbis status populi Ju-
dae in exilio describitur, post ejus destructionem totalem,
modo memoratam; qualis erat, eo tempore, quo hoc lamen-
tum a populo adhiberetur; quo respicit particula *nunc*. Ex
quo manifestum est, terram exilii intelligi, respectu popu-
li exilis desertam, et aridam ac siticulosam terram, qua non
florere possit, sed magis perire debeat, sicut et perit ge-
neratio illa prava, quae hoc tempore in Judaea erat, re-
liquis quidem salvis, sed servis et vilibus ac contemptis. De-
nique *c.* subjungitur proxima origo destructionis, et ejus
consequens respectu domus regiae vers. 14. *Et emicuit ig-
nis e virga ramorum ejus, qui fructum ejus consumpsit, nec
existit in ea virga roboris excellentis, sceptrum ad dominan-
dam.* *h. e.* Quod de igne, et vento urente et virgarum
absumptione modo dixi, illud sciendum est fuisse ex ipso
rege et principibus ortum, et effectum habere durabile ac
perpetuum respectu domus regiae; etenim destructionis an-
sam praebuit ipse rex cum principibus, qui iram Dei et
Chaldaeorum provocavit per rebellionem et perfidiam, vid.
c. XVII: 15 — et destructio regiae domus erit perpetua,
cum nulla inde oritura sit virga robusta et excellens, quae
dominium supremum exercent, ac liberum. Pertinent ita-
que verba ad superiora illustranda, respectu *originis* et *con-
sequentis* excidii. Origine repetitur ab ipso rege et princi-
pibus, rebellantibus, quo respiciunt voces, *ignis emicuit e vir-
ga ramorum ejus, qui fructum consumpsit.* *h. e.* causa et ansa
con-

consumtionis orta est a rege ipso, et principibus, *rex enim est virga*, et principes sunt *rami*, ut modo vidimus: *ignis* est ventus urens et ignis modo memoratus, seu ira Dei et regis Babelis. *Consequens* est perpetuum domus regiae *excidium*, quo tendunt verba, *nec existit in ea virga roboris excellentis ad dominandum*; nullus rex liber, potens, et dominans e domo regia. Quod ex superioribus satis clarum est. Sunt, qui referunt verba, ad reliquiarum in Cananaea excidium per Ismaelem, Gedoliae occisorem, ex regio sanguine; sed 1. ignis idem intelligitur, qui supra, quo *fructus* vicia est absumtus; adeoque *origo* ejus hic tantum panditur, 2. *Virga* ramorum est non aliqua e regio sanguine, sed ipse *rex*, in hac pericopa.

C A P. X X.

§. CCCXCI. **D**ecima. tertia revelatio facta est anno septimo, mense quinto, die decimo, deportationis Jechonise, et regni Zedekiae, adeoque cum instabat obsidio Hierosolymae, et annus Sabbaticus, uti observavit Cl. Vignolius Chron. S. p. I. p. 782., quo hic haud obscure respici ex seq. patebit, occasionem praebente adcessu seniorum Israelis ad Prophetam, ut Jehovam quaerent, seu de re magni momenti per prophetam consulerent; vers. 1. Ubi potissimum quaeritur, *quid* interrogarint, et *quo* anima? a. *Ad prius*, cum illud discrete non memoretur, varie respondent Interpretes: communiter putant in genere eos solantia verba petisse de sorte Israelitarum in Judaea, et exilium in Babylonia. Sed Junius conjicit, eos consuluisse, num non satius esset per orbem dispergi, quam una manere; Rev. Hamman putat, eos se sollicitos demonstrasse de totius populi defectione, si in exilio mancant, Vignolius denique censet, eos rogasse num annum Sabbaticum aequè in exilio

ac in terra Cananaea observare debeant, quia Zedekias videbatur id nunc facturus, et tempus ante fores erat, uti modo observavi. Quod postremum admitti potest, si latus extendatur ad omnia *tempora festa*, quia phrascs vers. 12, 16, 20, 21, 24. generaliores sunt, quam ut ad annum Sabbaticum restringi queant, praeterea si pro parte aliqua consultationis habeatur. Ex responso enim Dei, seu argumento revelationis, nec non intimis eorum cogitationibus, quae vers. 32. proferuntur, colligi posse videtur, eos rogasse de favore Dei in terra peregrina retinendo per Sabbatorum observationem, non obstante cultu idololatrico, qui inter gentes, in quorum medio versabantur, exercebatur et dominabatur, cui sese adcommodare posse videbantur, maxime, cum Deus cultum idololatricum in populo suo toleraverat, et eo non obstante eum favore suo profecutus fuerat, ex Aegypto educendo, in Cananaeam immitendo, et ibi quibuscumque bonis diu cumulando; quod nunc in terra gentium adhuc magis fieri posse videbatur. Huic quaesito omnes partes responsionis prophetae recte et unice quadrant, et eo cogitationes eorum vers. 32. quoque ducunt, ut suo loco adparebit. Praesupponunt itaque exules, se in terra peregrina semper mansuros ibique a Deo, ut antea in Cananaea, esse conservandos et tutandos, uti ex vers. 32. et responso Dei contrario patet, et rogant, num non Sabbatorum Dei observantia ad cultum ejus sufficiat, cumque ea conjungere liceat idololatriam seu religionem gentium, in quorum medio degerent, et manerent? quam permissionem probabilem facere videbatur, quod Deus in ipsa Cananaea, et antea populo, non obstante idololatria, benefecerit, et populo permisisse videri posset, quo pertinet, quod Deus per prophetam evincat, se populum propterea punivisse, et ei ex abundante gratia benedixisse, eo scopo ut ad Deum redeat, donec populum contumacem abjecerit, praeterea diserte neget, se talia praecepta idololatriae probasse unquam vers. 25, 26., denique populum non esse

esse restituendum, nisi missa idololatria, et e medio subla-
tis idololatriis, quod futurum esse promittitur. In hac hy-
pothesi acquiescimus, et reliquas suo loco relinquimus,
cum nihil probabile habeant, nihil, quo se commen-
dent.

§. CCCXCII. β. Quod vero ad *animum* eorum adinet,
ex quo *interrogatio Dei* per prophetam fluxerat, eum fuisse
Deo ingratum ex vers. 3 et 4. facile elucescit, cum Deus
neget se *interrogari* ab iis, et responsum iis daturum esse,
sicut sincere quaerentibus solet, contra velit, ut propheta
cum iis disceptet, eosque damnabiles esse arguat. De quo
mox. Sed accuratius inquirendum est, quanam fuerint
pravae cogitationes et adfectiones eorum, relatae ad ipsum
interrogatum eorum. Referri possunt, ut existimo, ad in-
credulitatem et *studium idololatriae*; cujus utriusque clarum
est indicium vers. 32 ubi cogitationes eorum occultae in
lucem proferuntur, his verbis ipsis attributis, *erimus sicut*
gentes, sicut familiae terrarum, ad colendum lignum et lapi-
dem. h. e. in terra gentili manebimus in perpetuum, nun-
quam reversuri in Cananaeam, et idololatriae, sicut reliqui
gentiles adhaerescemus. Quod utrumque hic intendi; sicut
verba docent, ita sequentia extra dubium collocant, quibus
utrumque illud negatur futurum esse: ut postea patebit.
Fuerunt itaque *infideles*, promissis Dei de populo restitu-
endo non credentes, et *idololatriae* dediti, cui renunciare
nolint; quemadmodum c. XIV: 3. ipsis verbis iis imputa-
tur. Ex quo etiam elucescit, eos non sincere, et animo
instruendi ac obediendi, verum hypocritice, et impuro ani-
mo adcessisse ad Prophetam, ut Dei voluntatem inquirent.
Conf. c. XXXIII: 31.

§. CCCXCIII. *Occasione* revelationis narrata, Deus ante
exponit prophetae perversum eorum animum, et scopum
ac summam revelationis tradit, quam ipsa verba iis pro-
nuncianda ipsi iungat. Praemittitur itaque *prologus ad*
prophetam instruendum, cum de animo ipsorum, tum de

Ggg

scope

scopo et summa responsi, ipsis dandi. *Prins his verbis vers. 3. Loquere cum senioribus Israelis, et dices ipsis, sic dixit Dominus Jehova, an ad me rogandum vos venistis? vivam ego, si interrogaveritis, inspiratum Domini Jehovas.* h. e. ante omnia ipsis declaro, eos non venisse animo sincero me interrogandi, nec etiam me ita ab ipsis interrogari, ut favorable responsum, ad vota ipsorum, accipiant. Indicatur itaque, eos animo pravo et hypocritico sine scopo instructionem petendi et obediendi rogare, nec responsum favorable relatu-ros esse. Conf. cap. XIV: 3. et ibi dicta. *Posterius his verbis profertur vers 4. An judicabis ipsos? profecto judicabis, fili hominis; abominationes patrum ipsorum notifica ipsis.* h. e. Quid responsi itaque ipsis pravo animo me per te interrogantibus dabis? num judicium meum iis promulgaturus es, quod ipsis infligetur? imo vero id facies, et eum in finem eos reos esse, et gravi poena dignos, demonstra-re aliud deducta ab ipsis progenitoribus eorum in Aegyptum, et deinceps per omnia tempora; meaque vias cum ipsis, quatenus eos puniverim, et quare iis pepercerim, in lucem profer, ut pateat, quam alienus ab idololatria fuerim, et sim, meaque gratiae unice sit acceptum ferendum, quod eos non deleverim, sed beneficiis mactaverim, idque adhuc in posterum facturus sim, sed idololatria inter ipsos extir-pata. Qua paulo fusiore paraphrasi, ex verbis ipsis et se-quente concioneeducta, sensum, veram conspectum, et sco-pum verborum expressi; ad cuius illustrationem not. 1. *Ju-dicare* hic esse judicium nomine Dei promulgare, quo digni sint, et adficiendi; est enim hic verus verbi intellectus, nec alio sensu prophetae competit, ac quo dixi; solet vero prophetis adtribui, quod Deus facit, quatenus illud pronun-ciant, et praedicunt, uti habuimus Jer. I: 10. Confirmat postquam interpretationem c. XXII: 3. ubi eadem phrasia occurrit, nec alium fert sensum; quem etiam requirit nos- tro loco, quod sine copula subjungatur, *notifica ipsis abomi-nationes patrum* scilicet ipsorum, a progenitoribus subto jacta-

ho, tanquam *causam* judicii condemnationis. 2. repetitionem verbi *judicabis* cum *¶* praefixo, non esse inanem, nec simpliciter ad rei confirmationem, sed complexi interrogationem, cum responso adfirmante, ita ut *¶* in *priori* sit nota interrogationis, in *posteriore* vero adfirmationis, uti in versione expressi, *an judicabis? imo vero judicabis*; quem utrumque usum, ut constat, habet vocula *¶*, et styli elegantia hic admittit, ita ut diverse somatur in eodem orationis tenore: quod non est insolens. 3. Cum *patrum* peccata jubentur in lucem proferenda, illud non est cum exclusione Judaeorum hujus temporis capiendum, sed eo tendit, ut defectionem esse antiquam, continuam ac inveteratam, adpareat, simul ut elucescat, qua ratione Deus idololatriam semper condemnaverit, populum puniverit, et contra populi memita ex pura puta gratia benigne tractaverit, et tractaturus sit; uti ex tota concione liquet, secus ac interrogatores sibi persuadebant, acsi Deo minus odiosa esset idololatria, cum populum semper clementer habuerit, non obstante idololatria.

§. CCCXCIV. *Scopus* itaque concionis prophetae est, populo ob oculos ponere, tantum abesse, ut idololatriam adprobaverit, aut permiserit unquam, ut omnia *beneficia* in populum collata, omnia *praecepta* et monita, populo data et facta, omnia *judicia*, quibus eum adfixit, aut quae ei minatus est, eo collinearint praecipue, ut ea extirparetur, et populus ab ea abstraheretur, donec, cum omnia media frustra ceciderint, populum abjecerit, non, ut eum plane missum faceret, sed tandem restitueret, verum non nisi idololatria et idololatriis plane extirpatis in medio populi, quemadmodum post exilium contingeret. Respondet ergo Deus per prophetam *directe* ad cogitationes et adfectiones eorum infideles et idololatrias, quas rejicit et refutat, simul *indirecte* ad *interrogatum*, declarans sibi sabbatorum observationes cum idololatria in exilio plane *displicere*; quippe sit-bata esse signa cultus et foederis Dei, ab eo non

separanda, nec in terra peregrina, sed Cananea observanda.

§. CCCXCV. *Primus specimen animi Dei ab idololatria permittenda alieni, et populi ad eam inclinati, irae Dei propterea in eum accensae, et gratiae populo factae oblonge aliam rationem; quam quod idololatriam adprobaverit, repetitur a populo in Aegypto, quo tempore inde educendus esset, et mox eductus est. vers. 5—10. In qua pericopa ordine memoratur, 1. qua ratione Deus se populo addicto in Aegypto manifestaverit, tanquam *Jehovam*, Deum ipsorum, et paratum monstraverit ad promissa patribus facta implenda, et populum liberandum, vers. 5, 6. Quae verba cum non sint intellecta difficilia, et satis illustrata ab Interpretibus, tantum observo, a cuncta pertinere ad tempus Moysi, quo a Deo ad populum in Aegypto vexatum missus est, et non ad *Abrahami* tempus, quod nonnulli auctant, cum quia de *semine Israelis* agitur, tum quia nomen *Jehova* memoratur tunc manifestatum, tum denique quia cum actuali liberatione connectitur vers. 6. Voces enim, quod *b.* notandum est, in *die illo* vers. 6. manifeste respiciunt ad praecedentia, et significant, *eo ipso tempore*, quo modo memorata contigerunt, Deum levasse manum ad populum liberandum. Hac ratione enim cohaeret oratio: *die vel tempore, quo elegi Israel* — — — — — *eo ipso tempore* inquam, *levavi manum meam* etc. Denique *c.* phrasus *levare manum* diverso modo accipienda est vers. 5 et 6.; denotat enim *priore versu* promissum juramento confirmatum, Abrahamo primum factum Gen. XV. et repetitum tempore Moysi Exod VI: 7., sed *posteriore versu* adgressionem operis ad promissum implendum, et populum educendum ex Aegypto, ac in Cananeam introducendum. Quam utrumque intellectum praebet, uti ab aliis jam est observatum, phrasus *levare manum*.*

§. CCCXCVI. 2. Sequitur *quid* Deus a populo tunc requisiverit, ut idololatriae renunciaret, et *Jehovae soli* adhaerescere.

haeresceret, in signum odii Dei in omnem idololatriam. vers. 7. *et, seu tunc, dixi ipsis, quisque abominanda oculorum suorum abjicite, neque stercorebus Aegypti vos polluite; ego sum Jehova Deus vester.* Quae sicut pro hypothese habent; populum fuisse idololatriae Aegyptiacae deditum, de quo et aliunde constat, ita demonstrant, Deum ab ea esse alienissimum, et populum eo scopo voluisse ac ea conditione vindicatum, ut ei nuncium mitteret, et soli Jehovah serviret. Quod expresse memoratur, ut adpareat, Deum ferre non posse idololatriam; quo tota haec concio tendit. In phrasibus nihil est obscuri; *abominanda oculorum esse idola*, post quae scortantur oculis suis, uti c. VI: 9: *facillimum est, nec aliud quaerendum mysterium.* Ceterum, etsi hoc praeceptum non legatur in historia tunc datum, facile tamen illud praesumitur, a Mose et Aarone aliisque factum esse, quod hic sufficit, cum insolitum non sit nonnulla reticere in historia. 3. Subjungitur obstinatio populi in idololatria, quae tanquam rebellio in Deum repraesentatur, in signum rursus odii Dei in eam, vers. 8. *et obstrigillarunt mihi, nec me audire voluerunt, quisque abominanda oculorum suorum non abjecerunt, et stercore Aegypti non fecerunt missa;* Quae facilia sunt, et ex eo quoque confirmantur, quod continuo contra Deum murmurarunt, et vitulum aureum fecerunt. 4. Additur indignatio Dei, inde concepta, et quidem tanta, ut, si nihil aliud intercessisset, quod iram Dei repressisset, populum in ipsa Aegypto delevisset, ibid., vers. 8. his verbis: *et dixi, effusurum me excandescentiam meam in ipsos, ad consummandam iram meam in ipsis, in medio terrae Aegypti:* tanta nimirum fuit mea indignatio, ut vel ad animum dixerim, vel et declaraverim, illud me facturum esse, scilicet, si eorum contumaciam tantum adtenderem, nec aliud me moveret ad iram sedandam. Indicatur simpliciter, quid meruerit populus, et justitia Dei postulaverit; ut significaretur, quam grave crimen fuerit in oculis Dei idololatriae studium inter Israelitas. 5. Exponitur illud, quod iram Dei

Dei cohibuit, longe diversum ab idololatriæ adprobatione aut permissione, sola consideratio scilicet nominis et gloriæ Dei, ne ei aliquid detrahatur inter gentes, ac si Deus vel mutabilis esset et minus constans in promissis, vel potentia ac viribus destitutus ad ea implenda; vers. 9, 10. *Et feci propter nomen meum, ne forte profanaretur coram gentibus, in quarum medio erant, quia* (id enim hic est ~~ut~~ ut saepe alias) *notum me feci ipsis* (Israelitis ut ex vers. 5. patet) *coram oculis ipsarum* (gentium, in quarum medio erant, quibus imperaveram, dimissionem populi, et multis poenis infligendis exegeram; pertinet enim ad gentes, modo memoratas) *ad educendum ipsos, e terra Aegypti* (eo scopo nec Israeli coram gentibus manifestavi (et adduxi ipsos e terra Aegypti, et adduxi eos in desertum (cum potentiae meae demonstratione ego illud feci, et non homo) Insuper hoc unum notetur, *facere* Dei vers. 9., et *educere* populum vers. 10. secum cohaerere; adeoque *facere* Dei nihil aliud esse ac *educere* populum.

§. CCCXCVII. Secundum specimen praebent viae Dei cum populo in deserto, seu potius Israelitis majorennibus ex Aegypto in desertumeductis; cum tertium specimen desumatur ab altera generatione in Cananæam translata. Quae pericopa, vers. 11—17. eodem ordine decurrit, et eodem collineat. a. Deus narrat, quid populo, in desertum Arabiae ducto, fecerit, ad eum ab idololatria abstrahendum, et Deo devinciendum, vers. 11, 12. *Et dedi ipsis statuta mea, et judicia mea ipsis nota feci, quae qui fecerit homo, et viros per ea. Et etiam sabbata mea dedi ipsis, ut sint signum inter me et illos, ad sciendum, me esse Jehovam, sanctificantem eos.* Quae cum satis clara sint, uno alterove observato defungar. 1. Primum est, omnes Dei leges, in deserto latas, sine discrimine et exceptione, morales, politicas, et religiosas, seu rituales et caerimoniales, intelligi vers. 11. cum quod generalis sit phrasis, tum quod omnes illae latae sint in deserto, tum quod Stylus Script. id exigat;

exigat, et vitae promissum totius legis observantiae sit adnexum. Conf. tantum ex innumeris aliis Lev. XVIII: 4, 5. Deut. VI: 25. 2. *Vitae* promissum primo et directo sensu comprehendere vitam temporalem, longævam et felicem ac liberam ab aliorum populorum iugo, in terra Cananaea; ut hic recte Sanctius demonstravit, et alibi fufius disputatur. Sed sensu spirituali, relate ad foedus gratiae, tunc renovatum, quoque vitam aeternam complecti. Quod etiam alibi fufius protari solet. 3. *Sabbata*, a Deo instituta, in specie memorari, non quod *statutis* et *judiciis* Dei, modo nominatis, non essent comprehensa, quod secus est, cum ad statuta et jura Dei manifeste pertineant, sed quod maxime ad *scopum* faciebant, ut Judaei convincerentur, ea sine legum reliquarum observantia nihil valere, et cum idololatria consistere non posse; adeoque ad interrogantium cogitationes et praetextus fortius refutandum. Erant enim ad idololatriam inclinari, et rogaverant, num Sabbatorum observantia non sufficeret in exilio, eaque cum idolorum cultu consistere posset, et sufficeret. Docet itaque Deus, relate ad has cogitationes et verba eorum *sabbata* cum tota lege connexa esse, et idololatriae maxime adversa, cum instituta sint in signum foederis, ad illud magis confirmandum, ut populum ab idololatria abstrahendum, et soli Jehovah, Deo ipsorum, adstringendum. Huc enim pertinet, quod dicantur *signum inter Deum et populum, ut cognoscant Deum esse, qui sanctificat eos.* h. e. qui eos a commercio gentium separavit, et sibi adstringit, ut sint populus *Deo sacer*, seu *Jehova sit Deus ipsorum*, ut vers. 20. habetur. Hic enim primus et directus est verbi *sanctificare* sensus, salvo spirituali et mystico: de quo alibi agimus. Voces enim *sancti* *sanctitatis* et *sanctificare* eum sensum passim habent in lege, et sub Oeconomia legali, uti constat et in *libris Diss. S.* pluribus demonstravi. Ex quibus quod 4. not., simul colligitur, leges per Moysen datas eo in primis spectasse, ut populus ab idololatria abstraheretur, et: *separatus ac*

sanctus esset Dei populus, ei soli adstrictus et devotus; adeoque idololatriam populi israelis Deo esse valde exosam. Qui totius concionis *scopus* est.

§. CCCXCVIII. β. Sequitur narratio idololatriae Israelitarum et legum Dei transgressio in deserto, nomine *obstrigationis*, et contumaciae rebellionis contra omnia Dei monita et obtestationes, in signum rursus aversionis Dei ab idololatria vers. 13. *Et obstrigillarunt mihi domus Israel in deserto, in statutis meis non ambularunt, et iura mea exulcerato animo repudiaverunt, quae qui feceris homo vivet per ea, et sabbata mea profanaverunt vehementer.* Quae clara sunt, et ex historia populi in deserto notissima. Respicitur simul in verbo **DXD**, proprie *exulcerari*, *ulceribus et tabe diffuere*, inde exulcerato esse animo, et a re vehementer abhorrente, ad continuas populi murmurationes contra Deum, et in verbo *profanare* ad sabbatorum scopum, tanquam signum foederis sancti inter Deum et populum, oppositae itaque ad *sanctificationem* seu observationem eorum, tanquam signorum inter Deum et populum. γ. Subjungitur *indignatio Dei* in excidium populi exitura, nisi alia ratio Deum cohibuisset. Quod *a.* in genere proponitur vers. 13, 14. *b.* explicatius traditur et deducitur, vers. 15—17. *a.* Generalis propositio habet, Deum declarasse se populum totaliter excisurum esse in deserto, sed propter nomen suum, ne diffamaretur inter gentes, non fecisse, vers. 13, 14. *Et dixi, me effusurum excandescentiam meam in ipsos in deserto, ad consumendos eos; sed feci propter nomen meum* (scilicet quod feci, iis parcendo vers. 17.) *ne pollueretur coram gentibus, ante quarum oculos eos eduksram.* Quae etiam luce sua fulgent. De re ipsa constat ex historia populi in deserto. V.d. ex. gr. Exod. XXII.

§. CCCXCIX. β In propositionis deductione Deus enarrat, se populum quidem non ad internecionem usque deduxisse, uti minatus erat, et iuste potuisset, filiis eorum salvis relicto, attamen graviter punivisse, ita ut tota illa generatio

generatio majorennis ex Aegypto educta perierit. Hic verus conspectus et scopus est verborum vers. 15—17. *Et etiam ego suscepi manum meam ipsis* (juramento declaravi ipsis, et etiam executus sum; conf. Ps. XCV: 11. Num. XIV: 21.—XXXII: 10.—Deut. I: 34.) *ne introducā eos in terram hanc, quam dedi* (promittendo ipsis) *fluentem lacte et melle, decus omnium terrarum; propterea quod jura mea repudiaverunt, nec in statutis meis ambularunt, et sabbata mea polluerunt, quod post stercore eorum cor ipsorum ambulabat* (studium idololatriae fuit ratio et causa ipseorum meorum statutorum, quippe ei adversorum) *et conmixit oculus meus super ipsos, ne perdam ipsos, nec feci cum ipsis consummationem in deserto.*) Perdidit quidem, ut juravi, generationem illam pravam in deserto, (sed peperci liberis.) Exponit itaque Deus, qua ratione, quod modo in genere dixerat, executus fuerit, iram ex parte tantum effundendo in populum; sed non ad finem et consummationem usque, quod soli clementiae Dei erat acceptum ferendum, non quod idololatriam aliquatenus probaret, aut toleraret.

§. CCCC. Tertium specimen suppeditat generatio secunda in deserto, a Deo expresse admonita contra Patrum instituta, sed eadem secuta, a Deo tamen in terram Cananaeam introducta, ex sola gratia et clementia, et cum expressa interminatione exilii, si, Dei statutis spretis, idololatriae operam daret, vers. 18—26. Ubi a. occurrit admonitio Dei generationi isti in deserto facta, de Patrum institutis deferendis, et Dei faciendis, vers. 18—20. Quae verba legi possunt, cum ea recensere et interpretari necesse non sit. Solus liber Deuteronomii sufficit demonstrando, id, quod hic habetur, fuisse a Deo factum, β. contumax illius quoque generationis inobedientia, et obstinata rebellio contra Deum et statuta ejus vers. 21. *Et obstrigillarunt mihi filii isti, in statutis meis non ambularunt, nec jura mea observarunt ad faciendum ea, quae qui fecerit homo vivet per ea, sabbata mea polluerunt;* scilicet in deserto, jam jam in-

Hhh

reducendi in Canaanem, ut ex seq. patet. 7 *Debetur* De-i de iis delendis, sed propter rationes alias executionis non mandata. vers. 21, 22. *Es dixi me effusum excusationem meam super ipsas, ad consummandam iram meam in ipsis in ipso deserto: as reduxi manum meam, et feci propter nomen meum* (quod reduxerim manum eos deletarum, id feci propter nomen meum) ne pollueretur coram gentibus, ante quorum oculos eduxi ipsos.

§. CCCCI. 2. Interminatio tamen addita exilii, si in Cananaea sequerentur illa instituta idololatrica, a Dei voluntate tam aliena, vers. 23—26. Cujus pericopae sequentes sunt partes. a *Prima* continet interminationem, juramento confirmatam, dispersionis inter gentes quaquaversum, in ipso deserto ipsis factam, vers. 23. *Etiā ego sustuli manum meam ipsis in deserto, ad eos inter gentes dilabi faciendum, ad dispergendum eos in terras peregrinas.* Quae verba comprehendunt interminationem prophetica, certo implendam, populo in deserto quidem factam, sed in Cananaea implendam, quae habet, populum e patria esse excutiendum, et in peregrinas terras dispergendum inter gentes: non itaque ad populum in deserto pertinet, ac si Deus interminatus esset dispersionem, tunc futuram, sed quae per benignitatem Dei non facta fuisset; ut nonnulli acceperunt. Verba enim interminationem continent certo futuram, uti liquet ex *juramento* addito, quod phrasia *levare manum* denotat, qualis certo semper executioni mandatur, vid. vers. 15. et manifesta involvant executionem ex sedibus patriis; adeoque ad populum, in Cananaeam jam immissum, respiciunt; quem Deus populo in deserto declaravit esse dissipandum; cum jam jam ingrederentur Cananaeam, ut inde discerent legem Dei accurate observare in Cananaea. Quo eodem sensu capiendum est, quod habetur Pl. CVI: 26, 27. Respicitur ad interminationes propheticas a Mose factas Lev. XXVI. Dent. XXVIII. et alibi. Ceterum ad verba not., respici in *propheta* ad aq. *in dilabentes*, de quo vid. Cl. Schult. Orig. t. I. c. 4. et in *propheta* ad *ventilationem* granorum et palcarum. §. CCCCL.

r §. CCCCLII. b. Secunda pars exhibet rationem et causam huiusmodi iudicii, quum ipsis infligeretur, his verbis vers. 24. et 26. *lin. propterea quod iura mea non fecerunt, et statuta mea spreverunt, et sabbata mea polluerunt, et post stercorea patrum suorum fuerunt oculi ipsorum, propterea siderabo ipsos, ut cognoscant me esse Jehovam.* Haec enim verba secum connectenda, intermediis parenthesi inclusis, ut mox observabo, continent rationem iudicii Dei in Israelitas, jam in Cananaea degentes, in eo sitam, quod statuta Dei sui que deque habuerint, et patrum idololatrica securi sint. Respondent itaque sibi *propterea quod*, et *וְכִי* vers. 26, ut sensus sit, propterea quod hoc fecerunt, propterea eos siderabo, repetitur *וְכִי* quia nonnulla intermedia erant inserta. Solent verba vers. 24. conjungi cum praecedentibus, minus apte, cum in praet. occurrant, et rationem continere debeant, quare Deus dispersurus sit populum in Cananaea; rectius tunc dictum fuisset, *si spreverint mea statuta.* Significatur itaque, Judaeos jam hoc tempore statuta Dei contumaciter repulisse, et patrum idololatrica observasse, et propterea Deum quoque sententiam, Patribus in deserto notificatam de populo dissipando inter gentes, esse executioni mandaturum, uti nunc partim factum erat, partim fieret, quod verbo *וְכִי* exprimitur, proprie *siderabo eos*, tanquam urente et pettifero adflatu, inde *vastabo, desolabo*, ut quae uredine jacent vastata. Quod saepe alias observavimus. Additur finis seu effectus, *propterea id faciam, ut me esse Jehovam, justum et veracem cognoscant.* Quod etiam saepe antea habuimus.

§. CCCCLIII. c. Verba intermedia per parenthesin inserta ad illustrandum et demonstrandum, eos non Dei, sed patrum statuta esse secutos, ut modo dictum erat, simul infirmandum ulterius, quam alienus sit Deus ab idololatria ferenda, et quantopere idololatrica statuta a Divinis differant, ita habent vers. 25, 26. *et etiam ego dedi ipsis statuta non bona, et iura quibus non vivunt? et impuros eos*

Hhh 2

fe 6

*feci per donaria sua, transfere faciendo contra primogenitus
meos? n. e. recte dixi, eos mea statuta neglexisse et patrum
legem; egone cum deus ipfis statuta non bona, et jura mor-
tuorum? aut longinquum? egone imperes eos fecissem per dona
et primogenitos in consecrationem Moiseo per agnam; nihil
mihi: quam hoc abstrusum? non mea sunt, sed patrum
instituta, non ego praescripti, sed ipsi elegerunt, ego abhor-
reo quam maxime: vid. Jer. XXXII 35. quid ergo inter-
rogantes illi rogant, non sabbata mea observata suffici-
ant, et statuta idololatrica cum iis conjungere licet? quid
est, quod possent, mihi minus odiosum esse idolatriam?
Verba itaque per parentheses sunt inserta ea, quae dixi,
occasione et scopo; adeoque interrogative capienda, ad-
majorem et fortorem negationem cum averfatione conjunc-
tam et indignationem; Quae hypothesis sicut nihil habet in-
fanti, cum parentheses et interrogationes ejusmodi sint sa-
tis usitatae, ita sese commendat, 1. quod scopo et acui
apte conveniat, ut modo vidimus, 2. quod Deus non ipsum
ob oculos per prophetam poni expresse jubeat, eos, et
non Deum, fuisse auctores idololatriae multiplicis in Cana-
na; et propterea Deum ab ipsis interrogari posse. 3. quod
hac ratione verba verum suum sensum retineant, et ab om-
ni c. iustitiae libera sint.*

§. CCCIV. Interpretes in tres partes circa haec verba
scissi sunt. a. Sont ex Veteribus et Recentioribus, qui sta-
tuta cerimonia, moralibus addita, intelligunt, et non ido-
lolatrica: qui vehementer impingunt in verum vocum sen-
sum, nexum et scopum: de quo alibi solet fasces disputa-
ri. Hic verbo suffecerit notare. 1. voces hanc interpreta-
tionem non ferre; cum epitheta, non bona, et non vivere,
vero suo sensu, et constante usu nostri prophetae, pessima,
et certissimum mortem comprehendant; imperum esse, et tran-
sire facere primogenitos, et alibi, et hic in praeced. et seq.
de idolatria usurpetur. 2. nexum cum non permittere,
cum de generatione secunda in deserto non tantum agatur;
sed

sed et de Judaeis in Cananaea, ut ex superioribus liquet.
 3. *Scopum* secundum hanc hypothesein nullum tradi posse, si enim affirmative capiantur, ut faciunt, *poenas*, posteris infligendae, conspectum ferre deberent; qui hic alienus valde est, si leges caerimoniales intelligantur. Pura non addo.
 4. Alii, sed pauciores, ipsa Dei judicia, ipsis denunciata, ad mortem intelligunt; contra verum et constantem significatum et usum, cum vocum *statutorum* et *jurium*, tum verbi *dare alicui*, etiam hoc in capite. 5. Alii rectius quidem idololatrica instituta intelligunt, uti nos, sed in verbo *dare ipsis* haerent; cum Deus dici positive nequeat ea *dedisse*; plus enim dicit, etiam ubique in hoc cap., quam *permittere*, *concedere* habendum, quod ipse vetas, et averfariis. *Tradere aliquem peccatis* seu in peccata, recte dicitur, sed non *dare* alicui praecepta prava et abominanda; involvit enim semper aliqualem *approbationem*, seu permissionem legitimam. Cui per nostram hypothesein recte et unice succurritur, interrogative capiendo, ad majorem negationem cum indignatione aliqua exprimendam, vel etiam, quod eodem redit, ironice et sarcastice, et *etiam ego dedi*, scilicet, quod ipsi sibi imaginantur, pulchre, belle, ego, qui praecepta bona et salutaria dedi, qui tantopere averfor ea, et id semper declaravi, ac demonstravi, ego, scilicet, *dedi ipsis* etc.

§. CCCC. *Quantum* specimen petitur ab Israelitis in ipsa terra Cananaea per omnia tempora hucusque, qui arguuntur et rei peraguntur idololatriae, a quo tempore Cananaeam tenuerunt, ad hoc usque tempus. Quod modo insinuatum, in praecedente pericopa, Deus nunc directe et graviter ipsis imputatum vult per prophetam. vers. 27—29. In qua pericopa, praemissa formula expressi jussus Dei, a. declaratur, Israelitas, per solam Dei benignitatem, non obstante contumace eorum rebellionem, fuisse introductos in possessionem terrae Cananaeae, vers. 27, 28. his verbis: *Adhuc il-*
lud, contumelia me adfecerunt Patres vestri, cum in me praes-

Hhh 3

varicasi

*varicati sunt praevaricatione, et introduxi eos in terram, ad quam ipsis dandam manum fustuli. h. e. durante hac tanta blasphemia ipsorum, qua me per praevaricationes suas ad fecerunt; ego promissis, juramento confirmatis, steti, et in possessionem Cananaeae eos immisi. Hac ratione verba capienda sunt, et secum construenda; secus ac vulgo fit. Nihil hic not. superest, nisi voculam **וְ** adhuc cum verbo adduxi eos cohaerere, ut sensus sit, adhuc in blasphemiam mea viventes in Cananaeam duxi; quod idem est, ac non obstante, quod tales fuerint: praeterea vocula **וְ** hoc, significat grave et enorme crimen, et cum **וְ** cohaeret, ut sit; adhuc illud scilicet obtinebat, tam atrox flagitium, hoc nimirum, quod contumelia me adfecerint, uti mox subiungitur. Vocula **וְ** haud raro grave crimen denotat. Vid. 2 Reg. XI: 11. Jer. V: 7. Mal. I: 9. Pl. LXXIV: 18. alibi. Reliqua sunt facilia.*

§. CCCCVI. β. Exponitur cultus eorum idololatricus per totam terram diffusus, vers. 28. *Et viderunt omnem collem excelsum, et omnem arborem densam, et macerunt ibi victimas suas, et obtulerunt ibi indignationem domorum ipsorum, et posuerunt ibi odorem jucundae eorum requiescentiae, et libarunt ibi libamina sua. Quae omnia exeunt in cultum, non veri Dei in excelsis, sed idolorum, per quaevis sacrificia, thurificationes et libationes, nec aliquid habent obscuri, nobis relictum, nisi hoc unum, in voce **עֵם** ante **קִרְנָם** respici ad humana sacrificia Molecho, quorum et antea et post fit mentio, nomine donariorum; vox enim **עֵם** denotat inter alia indignationem vehementem ex corde valde conturbato; ut alibi observatum est; adeoque donaria intelliguntur vehementissimam indignationem cientia, qualia eximie fuerunt humana sacrificia, quibus primogeniti consecrabantur idolis: quorum mentio hic etiam omitti non poterat.*

§. CCCCVII. γ. Additur contumacia in eo cultu contra continui Dei monita, et propriam infelicitis sortis ipsorum. inde

inde ortae, experientiam ad hoc usque tempus, sub sarcas-
tica et illusoria orationis figura, vers. 29. *Et dixi ipsis,*
quae quantaeque est celsitudo! beatitas quanta! qui eo ve-
nistis; utique vocatum est nomen ejus altitudo, ad hunc usque
diem. h. e. continuo ad hunc usque diem vos de vanitate
et perniciæ hujus cultus idololatriæ admonui, vobis sarcas-
tice, ad vestram convictionem et pudefactionem, dicendo
per prophetas, *quanta est celsitudo, quanta felicitas vos, quam*
vos, eo cultu defungentes, vobis vane et falso procudistis
nomine, quo altare vestrum adpellatur, nixi et decepti, ad
hunc usque diem, cujus contrarium experti estis. Oratio
est sarcastica et ironica, quæ contrarium involvit; ad po-
pulum prostituendum instituta, et eo tendit, ut contumacia
populi contra omnia monita et experimenta in eo cultu per-
severantis, fortius exprimat; repetitur ad populi expecta-
tionem, qua de cultu idololatriæ sibi promittebat celsitatem
et felicitatem, Conf. Jer. XLIV: 28. et adluditur ad no-
men altaris seu excelsi, in quo idola colebantur, **כמה** satis
vulgatum; unde ironica desumitur oratio, qua exaggeratur
celsitudo et felicitas populi, inde orta, ad indicandum nihil
minus inde redundasse ad eum, sed omnia contraria. Quæ
interpretatio sicut ad rem facit, et egregium fundit sensum
scopo et nexui valde consentaneum, ita verbis, recte in-
tellectis, bene respondet. Quod ut adpareat, not. est 1. vo-
culam **מה** hic habere vim exaggerandi, ac extollendi, satis
usitatam, et voci **אשר** quoque mente esse præmittendam;
quod facillimum est, ut in versione expressi. 2. Vocem
כמה in primo membro notare *celsitatem* firmiter nixam,
qui usus satis est notus, ut in phrasi, *celsa terræ, nubium*
etc. unde unde etiam illa potestas orta sit; forte a rad.
נח, ו in **נ** ejusdem organi mutata **נח**, uti in aliis litte-
ris obtinet. Vid. Schult. clav. p. 216.— Radix vero **נח**
eadem est ac **נח** proprie *tendera, nisi*, unde **נחמה** *nixum*
gelsiore structura, ut Gr. *βυος* a *βαν* *nitor*; denotat itaque
celsitatem nixam, firmam, et sublimem quodcunque. 3. Nomen
Hhh 4 esse,

esse, et non pronomen relativum, **וְאַתָּה**, et cum **וְאַתָּה** *vos* constructum sententiam facere completam; ut sit, quam, vel quanta *felicitas corusca vos!* pro, quam felices et corusci vos! non enim cum seq. construi potest **וְאַתָּה**, ut solet, ac si esset, *quo vos venitis*, non enim **וְאַתָּה**, sed **וְאַתָּה** habetur, *qui venitis*; Vocem autem **וְאַתָּה** coruscum felicitatem denotare, ex **וְאַתָּה**, **וְאַתָּה**, **וְאַתָּה** satis elucet, et eodem sensu venit nostra vox **וְאַתָּה** Pl. X: 6. ut ibi exposui. 4. Voces, et vocatum est nomen ejus **וְאַתָּה**, seu hoc nomine communiter venit altare excelsum idololatrium, esse additas, ut indicaretur, eo alludi in sarcastica exclamatione, *quanta celsitudo*; et populum idololatrium, ex eo nomine sibi videri posse promittere *celsitatem*. 5. Denique ultimas voces, *usque ad diem hunc*, pertinere ad totum versum et indicare, celsitudinem ac felicitatem, una cum nomine populo contigisse per idololatriam usque ad hunc diem; praeterea, Deum quoque per prophetas illud idem sarcastice continuo ad hunc diem usque *dixisse*, ad populo illudendum et eum convincendum de vanitate idololatriae, ejusque noxiis effectis. Haec interpretatio difficilis hujus versus, qui Interpretes torisit, si cum eorum interpretatione comparetur, forte palmam auferet; quod aliis relinquo judicandum.

§. CCCCVIII. Hisce speciminibus contumaciae populi per omnia tempora hucusque prolatis, sermo dirigitur ad Israelitas in exilio, et eorum seniores, qui ad prophetam venerant Deum interrogatum, quo per modum conclusionis, indigni pronunciantur responso Dei, uti in principio ipsis erat indicatum, praeterea intimae eorum cogitationes et adfectiones pravae deteguntur, et refutantur, eaque occasione luculenta promulgatur praedictio de exilii reformatione et instauratione perfecta. Quae summa est pericopae vers. 30—44. Cujus sequentes sunt partes. N. *Prima*, per modum conclusionis, repetit superius dictum, quo prostruti fuerant, tanquam hypocritice Deum quaerentes, et responso indigni, ratione addita ab eorum idololatria ad exemplum patrum:

patrum: vers. 30, 31. *Propterea* (cum tantopere per omnia tempora fuerit corruptus populus nec nunc melior in exilio) *loquere ad domum Israelis* (cujus seniores ad te venerunt, adeoque per eos) *sic dixit Dominus Jehova: an via patrum vestrorum vos impuri facti, et post abominabilia eorum vos scortati, et offerendo dona vestra, transire faciendo filios vestros in ignem, omnibus stercoribus vestris usque hunc diem, et ego (an a vobis talibus inquam, ego) interrogarer, domus Israel? vivo ego, dictum Domini Jehovae, si interrogabera vobis.* Quae verba ex superioribus satis clara sunt, tantum not. versus cohaerere, ea ratione, qua in versione expressi, uti Piscat. jam observavit. Interrogationis forma per omnes partes est extendenda, et sensum fundit facilem: an, cum tales sitis, ego interrogarer a vobis? 2. *Secunda* pars intimas cogitationes et adfectiones, quibus imbuti ad Deum rogandum accesserant, in lucem profert, et rejicit vers. 32. *Et quod in spiritum vestrum adscendit non erit, quod vos dicitis, erimus sicut gentes, sicut familiae terrarum ad colendum lignum et lapidem.* Quae verba non sunt, ut putatur, sponte renunciantium praerogativae populi Dei, et terrae promissae, ac intimam cum gentibus societatem eligentium; sed infidelium, et de restitutione populi exulis desperantium, adeoque damnatorum ad reliquarum gentium sortem, simul inclinatorum ad idololatriam gentilem. Quod ex responso Dei manifestum est, quo illud futurum esse negat, et populum restituendum et reformandum esse declarat, et luculenter promittit, ita ut idololatriae et idololatri non amplius locus sit futurus in Israele restituto. Intimae itaque eorum cogitationes huc redibant; populum a Deo in perpetuum esse abdicatum, adeoque religioni gentium nunc secure posse sese committere; quod posterius malebant.

§. CCCCIX. 1. *Tertia* pars, qua Deus distincte et fuso exponit, quod dixerat, cogitata ipsorum non futura vera, continet a. propositionem vers. 33. b. ejus fusiorem deductionem per varios articulos vers. 34-44. c. *Propositio*

LECTIONES ACADEMICAE

generalis ita habet vers. 33. *Vivo ego, inspiratum Jellorae, si non manu valida, et brachio extenso, atque exandescens effusa, regnem super vobis.* h. e. Tantum abest, ut, quod vos cogitatis, futurum sit, et ego populum meum abdicem verim in perpetuum, ac idololatriae permiserim, ut juratis adfirmem et pollicear, me cum demonstratione potentiae ac justitiae in hostibus ac impiis e populo delendis, piisque et mei studiosis vindicandis, *regem* vestrum et judicem ac vindicem acturum esse, et publice pro tali agnoscendum ac colendum. Promittit Deus, oppositae ad superiora populi cogitata et dicta, se *regnaturum super ipsis*, adeoque eorum regem, judicem et vindicem, quod ad *regere* pertinet, futurum et mansurum, talem se praestando, et pro tali habendum a populo; imo majore emphasi, quam antea, *throno* quippe revocata, quemadmodum saepe praedictum est a prophetis futurum post exilium Babylonicum. *Promissum* itaque est, et non *judicii* declaratio, ut multi acceperant, acsi Deus populo volenti nolenti sese praestaret *severum* et violentum dominum; plane contra sensum phrasios, et sequentem deductionem, nec non *scopum* ad superius dictum refutandum. Addit Deus, quod Interpretes eos in devia abstraxit, se *regnaturum cum manu forti, brachio extenso, et exandescens effusa*, h. e. cum potentiae et justitiae vindicativae, ut adpellatur, demonstratione; sed, quod not., non relate ad populum, acsi eo modo regnaret violententer et poenalter, sed ad *hostes* ac impios e populo, eos delendo, ac populum ab iis liberando ac purgando, uti ex seq. manifestum est, *partim*, quod populum se a ratione dicatur *revolvetur*, *partim*, quod rebelles et idololatrias populi eliminaturus, et populum ab iis purgaturus dicatur. Accedit aliud ad liberationem populi ex Aegypto, ex ratione factam, uti notum est. Quo in seq. ubique respicitur.

§. CCCX. *¶* Tutor propositionis deductio per sequentes articulos instituitur. a. *Primus* est, *populum exaltem esse e*
terris

teus peregrinis recolligendum et educendum, cum demonstratione potentiae et iustitiae, utriusque agnitione, publicè vers. 34. *Et educam vos a populis, et collegam vos a terris, per quas diffusi estis, manu valida, et brachio extenso ac ex- candescens effusa.* h. e. mea potentia et ira effusa in hostes et oppressores vestros efficiam, ut vobis libertas concedatur peregrinas terras deferendi, uti a pluribus vestrum etiam fiet. Respicitur haud obscure ad iudicia in Babyloniam, et regna orbis data Cyro; qui etiam in eo manum Dei agnovit, et populo plenissimam abeundi concessit potestatem Ezech. 1. et alibi. Haec cum satis clara sint, mirum accidit, nonnullos Interpretes haec referre potuisse ad Judaeos per vicinas gentes dispersos aut dispergendos, indeque ex ira Dei extrahendos, et in Babyloniam transferendos in poenam. Quo nihil a phrasi *recollectionis* et *eductionis*, ac scopo et nexu est alienius: praeterquam quod sermo non ad Hierosolymitanos, aut eos, qui sponte aufugerant ad Ammonios, aliosque vicinos populos, vertatur, sed caeciles, quorum senioribus hic respondetur a Deo. Interpretes in errorem duxit, quod cum *iras signis* Deus id faceret, quodque mox demum sequatur, eos in *desertum populorum*, per quod Babyloniam intelligunt, esse ducendos, sed prius jam est expostum, cui addatur, digitum intendi ad *eductionem* populi ex Aegypto, ut modo observavi, ea ratione factam cum potentiae signis, et *iras* demonstratione in Aegyptiis mani rubro deletis. De posteriore mox dicam.

§. COCCXI. b. *Secundus* articulus continet populi liberati reformationem in deserto Arabiae per separationem ab idololatriis et foederis renovationem vers. 35—38. In qua praeterea rursus sese offert *propositio*, et ejus clarior *expositio*. *Propositio* ita habet vers. 35, 36. *Et adducam vos in desertum populorum, et ex aequo ac justo componam vobiscum ibi facio ad faciem, quemadmodum composui cum Patribus vestris in deserto terrae Aegypti, sic componam vobiscum, in spinas Domini Johanas. h. e. Sicut cum Moysi et Aaron vestris, sic*

AEgypto in desertum Arabiae Petraeaeeductis, ibi in deserto ex aequo et iusto egi, ut solet homo cum homine, foedus ineundo, et amicitiam, certis legibus fixis, mutuum firmando, et secundum eas leges vos tractando; ita vobiscum ex Babylonico exilioeductis in desertum Arabiae desertae instituam, idem foedus renovando, et societatem mutuum iisdem legibus formando, secundum quas vos tractabo. Interpretes varie hic instituerunt, nonnulli etiam valde aliena sunt sectati, ut Coccejus, qui ad Judaeos, per Romanos subjectos, et dispersos, et Ecclesiam Christianam ab iis separatam applicat, ingente commisso saltu, et sine ullo fundamento; valde coacte praeterea et contorte. Mirum est; Interpretes hic haerere potuisse, cum diserte institutus comparatio reducum e Babylonia cum Israelitis, ex AEgypto in desertum Arabiaeeductis: cui si inhaesissent, ut par erat, simul ad phrasin *deserti terras Aegypti*, quae desertum Arabiae ab AEgypto ipsa distinctum insignitur, adscendissent, praeterea defectum praepos. ב in *ארץ terra Aegypti* observassent, ut plene sit *in desertum e terra Aegyptieductos*, sicut Graeca versio habet, in *deserto populorum* definiendo non adeo laborassent. Intelligitur enim illud *desertum*, per quod e Babylonia in Cananacam tendere deberent; uti fecerunt, teste historia Ezrae. Ipsa vero Babylonia intelligi nequit, cum vers. 38. diserte dicatur, idololatriae tenacea inter Judaeos, ex terra peregrinationis egressos, non venturos in Cananacam. *Desertum* itaque populorum est proprie intelligendum de *Arabiae deserto*, ita dictum, quod variarum nationum incolas habeat; nisi rectius legatur *בארץ ב* uti vers. 42. et hic memoratur, quatenus per illud tendere debuerint reduces in Cananacam. Quo etiam respicitur Jes. XLVIII: 21. *et non finiverunt in desertis locis, per quae eos duxit* etc. scilicet reduces e Babylonia; ubi vid. Cl. Commentator. Eodem quoque digito intenditur Hos. II: 16. *ecce me addicientem eos, et ambulare facientem in desertum* et per illud, *et lacus sum ad os ejus*:

est: qui locus nostro est parallelus; et eadem ratione capiendus.

§. CCCCXII. Hoc in deserto dicit Deus se cum reducibus *disceptaturum facie ad faciem* h. e. ex aequo et iusto, amice ac more humano transacturum; populum de aequitate et iustitia viarum suarum, cum ipso convicturum, et antea inimicitia deposita, societatem mutuam renovaturum, certis fixis legibus; uti Deus fecerat cum maioribus ex Aegypto eductis in deserto Arabiae per Moysen. Quem sensum verbis consonum, sequens deductio extra dubium collocat. Hof. II. vero illud dicitur, *ad cor populi loqui*: quod eodem reddit. Ceterum licet historia reducum non expresse tradat, tale quid accidisse reducibus in itinere per desertum, improbabile tamen non est, Deum per Josuam, Zerubbabelem, aliosque prophetas, simile quid fecisse; sicut olim per Moysen et Aaronem, et populum ibi pactum cum Deo sollemniter renovasse, uti Ezr. VIII. narratur ab Ezra factum, cum Cananaeam petebat cum sociis; sed, si nihil simile fuerit factum, ad implementum sufficit, reduces in itinere fuisse a Deo benigne habitos, curatos, et tutela sua ductos, ac in populum peculiarem receptos, quo sensu Jes. XLVIII. Deus traditur iis rupem fidisse, et aquas suppeditasse. Ubi vid. Cl. Vitringa.

§. CCCCXIII. Propositionis deductio, seu expositio, quae dictis lucem infundit, ita sonat vers. 37, 38. *Et transire vos faciam sub virga, et adducam eos in vinculum foederis, et repurgabo e vobis rebelles et irrumpentes in me, e terra peregrinationum eorum educam ipsos, in terram Israelis nemo veniet, et cognoscetis me esse Jehovam* h. e. Disceptatio et transactio mea in aequitate et iustitia vobiscum, in deserto versantibus e Babylonia eductis, in eo erit sita, et hunc habebit effectum, quod vos, nota quasi impressa, instar ovium pro meis sum agiturus, et foedere mihi devincturus vobisque normam agendi traditurus; refractarios vero et rebelles, si quos invenerim inter vos, eos, si val

e Babylonia eduxerim, e medio vestrum separabo, ac populum, ita ut vobiscum in terram Israelis non redeant, adeoque vos ab omni idololatria purgati me secundum praeceptum meum sitis culturi. Hunc existimo illustris hujus pericopae esse sensum et scopum, qui ut sese prodet, not. 1. vers. 37. tradi, reduces esse declarandos populum Dei peculiarem et foederatum, ac a Deo tutandum, eique devinciendum. In phrasi, *transire facere sub virga*, respicitur ad oves, quae recensentur, et notamur pro peculio agnoscuntur, non itaque ad *decimandum*, aut *provas a falsis discernendum*; sed recensendum, et pro suis agnoscendum. Vid. Boch. H. p. L. l. II. c. 14. Quo etiam ducit phrasis sequens, *adducere in vinculum foederis*, qua significari videtur, eos et cum Deo et secum invicem esse foedere, in societatem unam constringendos. *Vinculum foederis* est foedus vinciens, constringens, et in unam societatem compingens. Vox מִצְוָה est pro מִצְוָה, uti communiter statuitur; licet Cl. Schult. detect. §. 24. ad rad. צוה reduci posse, et de vigore ac virore *habeto foederis renovandi* capi autumet: quod nobis longius remotum videtur. Radix vero צוה proprietatem habet *inplexu stringente* et ad necessitudines, et cognationes sese porrigit. Quod huc recte quadrat.

§ CCCXIV. 2. Subjungit Deus eos fore coetum purum et a commixtione cum idololatriis repurgatum, secus ac antea contigerat; adeo ut, si inter eos rebelles, et immixti reperti fuerint, exterminandi sint in ipso itinere, sicut Israelitis in deserto Arabiae evenit, qui propter continuam rebellionem ibi mortui sunt, in Canaanem non adgressi. Hunc sensum fundit vers. 38. ad cuius intellectum tantum observo, a. *terram peregrinationis* esse peregrinam terram, in qua tempore exsiliu fuerunt, oppositae ad *terram Israelis*: diserte enim habetur, eos e terra peregrinationis eductos non venturos in terram Israelis; b. verba hypothetica capi posse, *si vel eduxero eos*, tamen non revertens particula

particula **EST** ante **YMO**, per concurrentiam similitum literarum ablorpax: quod non est insolitum, adeo, ut, non adfirmetur, tales rebelles inter eos futuros, sed ponatur, quod fieri posset, tales esse, ad indicandum coetum reducendum fore ab idololatriis purum et nullos secum permixtos habiturum idololatrias in terra Israelis, quippe ante delendos vel segregandos, quam redierint in patriam. Hic enim sensus simpliciter est, et scopus verborum absque ut positive adfirmetur, idololatrias in itinere ad terram Israelis in medio reducum fore, et inde separandos esse. Quod alijs prophetis et historiae quoque perfecte convenit, ut notatum. Interpretes hic varie instituunt, et se sine ratione implicant, etiam aliena valde sectantur, quos missos facio. Dicitis addo pro **MO** **AL** si sing. numerus quem offendat, legi possit **MO** **venient**, 1 per sequentem vocem deficiente: sicut LXX. et nonnulli M^{ss}. Kennicoti quoque consentiant.

§. CCCCXV. *Tertius* articulus comprehendit verae religionis sine mixtura idololatriae exercitium in terra Cananaea a reducibus exacte et ad Dei complacentiam instituendum, praemissa ad praesentem domum Israelis idololatriae deditam admonitione, de Deo potius renuntianda, quam idololatriae amplius adhaerendo; cum Deus tales amplius ferre nolit, et illi a populo, in Cananaeam reducendo, sint semovendi. Qui geminus est conspectus pericopae vers. 39—44. *Admonitio* praemissa his verbis profertur vers. 39. *Es vos, domus Israel, sic dixit Dominus, Jehova, quisque stercora sua intra colit, et post; si vos mihi auscultare volitis, nec nomen meum profanato amplius donis vestris et stercoribus vestris. h. e. Cum ferre amplius nolum idola ab iis coli, qui nomine meo se adpollant, eosque a societate populi mei, ut modo dixi, separaturus sim, reduces denique me pure sint culturi et solum in terra Israelis, ut mox dicam; vobis, qui idololatriae adhuc estis dediti, edico, ut, si mihi curae praebeere velitis, et idololatriae renunciare, vos idololatrias*

triae et idololatriae toti adjungatis, nec meum nomen adfirmatis, meique cultum cum idololatria jungatis; *ist* ergo et abite a me, colite idola vestra, et nunc et post, nec nomen cultumque meum cum idololatria societis; ad illius contaminationem et prostitutionem, ut huc usque fecistis. Quae paraphrasis cum sensum et scopum verborum in se clara collocaverit luce, verbo tantum observo 1. sermonem dirigi ad praesentem domum Israelis, cujus seniores ad prophetam venerant, quae idololatriae adfixa manebat, et cultum aliqualem Dei cum ea conjunctum volebat. 2. *scopum* esse, ut, si ab idololatria non abstrahatur, declaretur, Deo nihil cum ipsis aut nunc aut postea fore commercii, nec sortem habituros esse in medio populi Dei in Cananaea, cum ibi in posterum nullus locus idololatriae sit futurus. 3. *emphasin* habere verbum *ist*, in phrasi, *ist* colite, involvit enim abitum a Jehova, et publicam ejus abnegationem; nomine populi Dei plane cessante; imo, *ist* simul est diffundere a me, et abite in malum rem. 4. Denique ante *ist* esse ellipsin voculae *ist* facile ex ipsa voce et *postea* supplendam, ut sensus sit, *ist* colite stercora vestra, nunc et *postea*, in perpetuum, ab dico vos plane, et vos mihi renunciate. Qua ratione in vocula *ist* nihil difficile.

§. CCCXVI. Pericopae, cui admonitio erat praemissa, quae nunc sequitur, duae sunt partes, quarum prior habet, Jehovah in terra Israelis esse secundum legem ejus a toto Israele reduce colendum, sine admixta idololatria, cum in patriam fuerit reductus. vers. 40, 41. Quia in monte sanctitatis meae, in monte loco edito Israelis, dictum Domini Jehovah, ibi colent me omnis domus Israelis universa illa in terra, ibi gratos habebis eos, et ibi requiram oblationes vestras decerptas, et primitias donorum vestrorum cum omnibus sanctis vestris, odoramenta requiescentiae gratos vos habebis: quum vos eduxero e populis et congregavero vos e terris, in quas diffusisti estis, et sanctificabor in vobis coram oculis gentium. h. e. Quod vobis, si mihi immorigeri manseritis, reas vestras habere

berē jussi, nec a vobis me coli velim, aut in patriam reditum negaverim, illud hanc inter alia habet rationem, quod in reducibus in terram Cananaeam ego solus secundum praescriptum meum sim colendus, et in iis summam meam acquiescentiam habiturus, ac sanctificandus sim coram gentibus, oppositē ad pollutiones nominis mei inter eas a vobis. Ex qua paraphrasi *nexus* et *sensus* pericopae clare intelligitur. In vocibus et earum structura parum est difficile, quod ab Interpretibus non est expeditum, de epitheto *montis*, *loci editi Israelis* dixi ad c. XVII: 23. Duo aut tria tantum supersunt notanda. 1. *primum* est, voces, *universitas ejus in terra*, esse, *toti vel omni Israel*, modo memorato, additas, ad universitatem Israelitarum in terris quaquaversum degentium significandam, eo scopo, ut indicaretur, Israelitas in Cananaea non tantum, sed et in terra quaquaversum, Deum verum, in Cananaea sedem tenentem, esse culturos: quemadmodum post exilium Babylonicum factum esse constat, et saepe a prophetis praedictum est. Hanc emphasis confirmat, quod alias plane superflua foret phrasis, *tota illa in terra*, cum modo dictum erat, *ibi in monte sancto totam domum Israelis*, Deo gratum cultum exhibituram esse. 2. *secundum* est, verba *in odoremento requiescentiae grates eos habebō, et sanctificabor in ipsis coram gentibus*, coherere, et intermedia vers. 41. esse quasi parenthetica; de quo diversitas structurae in hisce duobus membris et intermediis satis testatur. In primo enim et ultimo membro adhibetur fut. temp., *acceptos habebō et sanctificabor*, sed intermedia incipiunt cum verbis *quum eduxero ipsos et congregavero*. Sensus ergo est, Deum in populo congregato in Cananaea acquieturum esse, et *sanctificandum*, oppositē ad pollutionem praecedentem per idololatriae commixtionem cum professione nominis Dei.

§. CCCCKVII. Quaeritur de quo populo hic agatur, et qualis cultus intelligatur? Interpretes maximam partem de Ecclesia Christiana et cultu evangelico interpretantur; id

Kkk

eq

eo se imprimis fundantes, quod carnalem Israelum Deo modo abdicaverat, vers. 39. Quod subleatum est fundamentum, cum ibi de praesente domo Israelis, et idololatriam sermo tantum sit, ut modo vidimus. Israelum proprie dictum, et cultum iudaicum, intendi, i. omnes phrasas docent, sine necessaria ratione spiritualiter non capiendae. 2. restrictio ad terram Canaanicam per ibi omnino requirit. 3. connexio cum eductione ex exilio, et congregatione dispersorum, quoque postulat. 4. Confirmat denique sequens pericopa, ut mox patebit etc. Nec tamen nego, pericopam sese latius extendere, et mysticum Israelum ac cultum simul includere, tanquam complementum instaurationis et reformationis Israelis, postea futurum. Cujus indicium sicut in phrasibus *acquiescentiae* et *sauctificationis Dei coram gentibus* est, ita cum maxime in epithetis montis Thionis, quibus mons *sauctitatis Dei*, et *locus editus Israelis* adpellatur, quae nos haud obscure ad Ecclesiam spirituales et coelestem ducunt, ut ex dictis ad c. XVII: 23. elucescit. Quod verbo tetigisse suffecerit.

§. CCCCXVIII. *Posterior pars pericopae triplex exhibet recollectionis et reformationis populi consequens. a. Primum est, eum tunc cogniturum et agnitorum esse, Deum esse Jehoram, in promissis veracem, in viis suis iustum et bonum, eo quod reduxerit populum in terram promissam patribus, vers. 42. Et cognoscetis, me esse Jehoram, quum adduxerim vos in terram Israelis, in terram, ad quam patribus vestris dandum sustuli manum meam: quod expresse additur, ut, Deum in promissis implendis esse constantem, appareat. b. Secundum est, eum cum poenitentia et taedio ac fastidio recordatarum esse omnium abominationum, quibus pollutus fuit antea. vers. 43. Et ibi recordabimini viarum vestrarum, et omnium facinorum vestrorum, quibus pallui estis, et taedio fastidiente disrumpimini in facibus vestris propter omnes malitias vestras, quas fecistis. Conf. Jer. XXXI: 19. et ibi dicta. c. Tertium est, agnitorum esse populum, gratiam*

nam tantum Dei esse puram putam, cui hoc tantum beneficium acceptum ferri debeat, longe contra merita sua, vers. 44. *Et agnosceris me esse Jehovam, in eo quod egerim vobiscum propter nomen meum non secundum vias vestras malas, et secundum facinora vestra corrupta, domus Israelis, inspiratum Domini Jehovae.* Verbum יְהוָה recte vertitur in eo quod feci, structura orationis et sensu id requirento. Sensus enim est, populum in eo, quod tam bene egerit Deus cum Israele, cogniturum esse, *Deum esse Jehovam;* qui non secundum prava facinora populum tractaverit, sed pro summa sua benignitate et veracitate, cui omnia illa beneficia essent accepta ferenda. Conf. vers. 9, 14, 22. Pl. CXV: 1. et alibi saepe, ut Ez. XXXVI: 22, 32.

C A P. XXI.

§. CCCCXIX. **D**ecima quarta revelatio, eodem tempore facta, c. XX: 45. et XXI. comprehensa, ejusdem quidem est tenoris, et argumenti, sed variis ex partibus, totidem distinctis revelationibus, constat, ut ex formula, et factum est verbum Jehovae ad me, quinque repetita, constat. Argumentum est triste excidium populi Judaei in Cananaea per Nebucadnezaretem mox efficiendum, una cum appendice excidii Ammonitarum c. XXI: 28. — certam ob rationem ei adtexta; ut postea videbimus. Quid ansam praeberit huius revelationis, inutile est quaesitum, cum nihil faciat ad ejus intellectum. Sufficit, prophetam resumere iudicium excidii in Hierosolymitanos et Judaeos, ad Judaeorum incredulitatem magis expugnandam, et eos de instante excidio convincendos, ut ex vers. 49. quoque colligitur. Aperte subjungitur praecedenti convictioni, qua criminosi populi, a majoribus facto iudicio, erant in laqueam prostrati, itaque commode ad iudicium

Kkk 2

Da

Dei in corruptum et contumacem populum adnuncianda.

§. CCCCXX. *Prima pars revelationis interminatoriae et terribilis, vers. 46—48. cap. XX. comprehensa, male a cap. seq. est avulsa, ut passim observarunt Interpretes, cum manifeste cohaereat cum cap. seq., ubi parabolica oratio explicatur. Continet praedictionem totalis excidii Judaeae et Hierosolymae, parabolice propositam, seu emblematicae; figura desumpta a sylva arborum aridarum et viridum, iis referta, igne non extinguendo absumpta. a. Jubetur propheta faciem vertere ad austrum, et stillare ad meridiem, ac prophetare contra sylvam agri meridionalis, et combustionem ejus praedicere vers. 46, 47. *Fili hominis pone faciem tuam in viam austrum versus, et stilla ad meridiem, et vaticinare in sylvam agri meridianam. Et dices sylvae australi, audi verbum Jehovae, sic dixit Dominus Jehova, ecce me in te succendentem ignem, et consumet in te omnem arborem viridem, et omnem arborem aridam, non exstinguetur flamma flagrantissima, et percutientur in ea omnes facies ab austro ad Aquilonem. h. e. vultu firmiter et hostiliter fixo versus austrum, stillantis instar verba prophetica funde minacia et exitialia contra Judaeam totam incolis bonis et malis refertam, et urbibus ac vicis in superficie ejus plenam; instar sylvae densae et arboribus cujusvis generis et graminis ac herbae abundantis; et dic, totam illam sylvam cum arboribus, et omni, quod in superficie ejus est, igni inexstinguibili esse absumendam; ita ut nihil in ea intactum supersit, sive in cineres redigatur, sive amburatur, et omni vigore ac flore privetur. Nihil hic difficile, quod nostra indiget opera, sylvam esse Judaeam, ad austrum Babyloniae, ubi versabatur Ezechiel, et ipsius Cananaeae, arbores esse homines, virides et aridas esse justos ac injustos, c. XXI: 3. ignem succendendum esse judicium Dei per Chaldaeos exsequendum, inexstinguibilitatem ejus esse, illud ad finem usque duraturam, et combustionem denique ipsam ejus desolationem,**

lationem, incolis partim occisis, partim in miseriam redactis et abductis, et facile intelligitur, et ab aliis jam est expositum. Duo tantum aut tria habeo, quae moneam.

1. Voces conjunctae, להבת שלהבת, non sunt superfluae, sed ardentissimam ac fulminis instar urentem flammam denotant; vox utraque est a להב *flagravit flamma* puriore, sed שלהבת est ex forma conjug. שמעל *Schaph-hel*, praemisso ש *tervili* ex אשר, dicitque ardentissimam flagrantiam. Vid. Schult. Gr. p. 268. et 306. quare de fulmine usurpatur Cant. VIII: 6. Job. XV: 30. 2. Cum dicitur omnes facies esse arsuras a meridie versus septentrionem, illud non est cum nonnullis capiendum de Judaea et Babylonia, ac si sensus foret, incendium a Judaea exorsum deinceps etiam ipsos seu Judaeos in Babylonia, vel, ut Coccejus, ipsos Babylonios correpturum, et deinceps populos reliquos, ut passim solet, nec etiam ad terminos Judaeae restringendum, sed ad populos vicinos, a Nebucadnezare subigendos, referendum est; ut mox videbimus ad c. XXI: 4, adeoque ביה non est in ea sylva, sed in eo igni, וי enim est masc. et שר foemin., temus ergo est reliquas omnes terrae intermediae facies esse eodem igne corripiendas, de quo mox.

§. CCCXXI. Secundae partis revelationis, quae superioris est explicatio, c. XXI. 1—7. ansa praemittitur vers. 49. c. XX, in eo sita, quod propheta coram Jehova fuerit conquestus de Judaeorum insultatione ex infidelitate orta, quod non nisi obscuras proferret, et ineptas parabolas; vers. 49. Et dixi, (scilicet parabolica hac revelatione facta) ah! Domine Jehova, illi dicunt mihi (sc. false et irrisorie; quod aliquando est אמר, ut alibi observavi et supra habuimus, c. XI: 3. XIII: 12.) *nenne similitudines parabolicas profert iste?* h. e. nullum revelationum et concionum fructum apud hos homines, coram quibus loquor, habeo, quam quod ab iis irridear, et contemnar, tanquam ineptus perplexiloquus, qui obscura fundo aenigmata, nullius sensus aut incerti et ambigui, ostentationis ergo, vel

ne intelligat ulli, adeoque instar infanti; ne itaque tantum parabolas loquar, sed rem nude et simpliciter enunciare liceat, ad ipsorum pudefactionem. Quod posterius hic involutum esse, sequens revelatio, ipsi mox facta, indicat. Continet enim nudam revelationem excidii Judaeae et Hierosolymae, ad superioris aenigmati explicationem, et additur, ad majorem convictionem populi, ut propheta lugentis personam praeferat. Duæ itaque partes sunt. 1. Prior expositionem tradit superioris parabolaë vers. 3—5. Ubi *a.* jubetur vatum ponere contra Hierosolymam ejusque sanctuaria, et totam terram Israelis, ac stillando prophetare. Verba sunt vers. 2. *Fili hominis pone faciem tuam versus Hierosolymam, et stilla contra sanctuaria, et propheta contra terram Israelis.* Verba elegantiae causa divisa sunt, et facile ordinanda, ut *ponere faciem, stillare et vaticinari* ad Hierosolymam, sanctuaria, et terram referantur, *sanctuaria* in num. pl. memorantur, sive excellentiae causa *Templum* ita adpelletur, sive ad ejus varias partes respiciatur, sive denique quaevis loca sacra, vel vere vel falso sic dicta, per terram sparsa, intelligantur. Ceterum hinc liquet, quid sylvæ agri in parabola expinxerit, terram aim. Judaeam totam, et in specie Hierosolymam.

§. CCCXXII. *ß.* Argumentum prophetiae minacis hæc verba repræsentant vers. 3, 4. *Et dicis terræ Israelis; sic dixit Jehova, ecce me contra te* (tanquam judicem et gloriæ meae vindicem, Jehovam in minis quoque veracem, ipsum illum Deum tuum, qui tantæ in te contulit bonæ, a te sprete: præfens ad. um, ut te invadam et puniam.) *et educam gladium meum e vagina sua, et exscindam e te iustum et improbum* (judicium destructionis in omnis generis cives tuos, bonos et malos, exercebo per gladium Nebucadnezaris, qui iudicium meum est mox executurus. Quod itaque in parabola *ignis*, illud hic *gladius Jehovæ* dicitur, ad indicandum, terram exscindendam *toto* cum omnibus ejus adjunctis, *fame et peste*; quibus, ut arbores igni, domine e terra

terra cum omnibus ejus bonis delentur. Sed qua ratione cum c. XVIII. et IX. conciliatur, quod *justi* aequae ac *impii excidendi* dicantur? resp. vel *justi* titulum restringendo, vel *excidii* intellectum dilatando, adeo ut vel *justi* sint relate ad *impios* minus *impii*, saltem a culpa, et officii neglectu in corrupta civitate non immunes, uti Hab. I: 13. et alibi, vel *excidendi* e terra late sumatur, de quovis terminio e terra, et statu servili ac afflictio in exilio,) *propterea, quod excidi e te justum et improbum, propterea emicabit* (id enim proprius est. *XX*) *gladius meus e vagina is omnem carnem ab austro versus septentrionem*, (judicium meum, per Nebucadnezarem exsequendum, non te tantum feriet, sed, hoc facto, denuo exercebitur, et vicinos populos omnes ab austro ad septentrionem eodem excidio involvet; idque etiam *tui causa*, ne populi reliqui materiam habeant tibi insultandi, et nomen meum blasphemandi. Hic sensus et scopus est verborum, minus perceptus ab Interpretibus, exceptis Hebraeorum magistris, et aliis apud Sanctium et Pradum, sed quem ipsa verba et eorum structura haud obscure exhibent 1. enim dicitur, *propterea* Deum omnem carnem ab austro ad Aquilonem esse excisurum, quod in Judaea id fecerit. 2. excisio omnis carnis proponitur, tanquam posterior excidio Judaeae, nam *וְכָרַת* est in praeter. et *וְכָרַת* in fut. adeoque sensus est, *propterea quod excidi e te — ideo emicabit —* ergo postea. 3. Accedit, omnem carnem de Judaeae civibus capi non posse, cum illi nomine *justorum* et *impiorum* modo essent memorati; adeoque reliqui populi vicini, a populo Dei diversi, nomine carnis insigniri soliti, alias *Adami*, intelligendi sunt. Conf. denique Jer. XXV: 29. et ibi dicta. Ceterum respondent haec verba parabolicae phrasi c. XX: 27. fin. *et adinventur eo, igni, omnes facies ab austro ad aquilonem*, ut facile cernitur, et verum ejus sensum, supra datum, confirmant. 4. Subjungitur judicii effectum, in eo situm, quod *cognosceret omnis caro Deum esse Jehovam, qui gladium suum firmavit*,

frinxit, absque ut recondatur, donec omne iudicium impleverit, vers. 5. quod idem est, ac supra c. XX: 48. nec difficile intellectu.

§. CCCCXXIII. ב. Posterior pars continet gravissimi terroris et luctus signa a propheta, jussu Dei, facienda coram exulibus, ad majorem eorum convictionem, in signum horrendi luctus ciendi ab omnibus super calamitate ingruente et facta; vers. 6, 7. *Et tu, fili hominis, suspira, in confractione lumborum, et torsione amarulenta, suspirabis coram ipsis* (ex imo pectore et gutture educ spiritum, ipsis videntibus contribulibus tuis, instar ejus, cujus lumbi confringuntur, et viscera amarulenta ac venenata potione torquentur. Verbum *אֲנַח* est *ἀναπνεύω* a sono fictum. dicitque suspirium ex imo gutture eductum, ב. vero in *נִשְׁכָּח* et *נִמְרָח* est nota comparationis, et dicit *sicut*, ut subinde iumitur, licet magis emphatice. Vid. Schult. ad Job. XXXIV: 36. *Confractio lumborum* est lumbi et crurifragium, valde dolorosum, et *נִמְרָח* est proprie contorsio. inde venenum torquens. Sensus itaque est, prophetam tam acerba suspiria ducturum, qualia fieri solent ab iis, quorum lumbi franguntur, et viscera torquentur. Sanctius post alios putat, ad parturientis dolores respici, alii aliud habent, sed phrasēs ad id, quod dixi, manifeste ducunt.) *Eritque quum dixerint tibi, quare tu tanta ducis suspiria? tum dices, propter rumorem, quum venit, et liquefces omne cor, flaccidae erunt omnes manus, et caligabit omnis spiritus, et omnia genua fluent aquis, ecce venit et actum est, inspiratum Domini Jehovae.* (interrogantibus de ratione suspirii tui responde, te ob oculos ponere adfectiones populi Israelis, tempore ingruentis calamitatis, quae cum in desperationem et summam consternationem conjiciet; quod tempus declarabis instare, adeo ut dici possit jam *venisse*; cujus effectus erit totalis destructio populi. Oratio ita cohaeret, ut propheta *primum* declararet, qualiter adfecti fuerint calamitate praesente, dein addat, *adesse*, et *actum* esse de rep. et populo. Huc enim pertinent

pernent ultimae voces, *ecce venit*, et *factum est*. h. e. ecce tam prope est, ut dici possit *venisse*, et *actum* jam esse; id enim dicit *הוֹיָא actum est*. Vid. Mich. II: 4. et ibi dicta. Reliquae phrasae nostra opera non indigent, de ultima *suunt genua aquis dixi ad c. VII: 17.*

§. CCCXXIV. Tertia pars revelationis vers. 8—18. adfectuosam continet orationem, et abruptam nonnunquam, ac difficiliorem intellectu: cui nescio an lucem inspergere possim. Videamus quousque in eam penetrare detur. *Primum* ejus membrum repraesentat gladium exacutum et splendide politum, ad mactationem ingentem faciendam et terrorem incutiendum optatum, adeo ut propheta mox erumpat in lamentabilem exclamationem super feroculo sceptro populi Dei, quod aequae ac omne lignum spernit hic gladius, vers. 9, 10. *Fili hominis! vaticinare, et dicas, sic dixit Jehova, dic: gladius est gladius exacutus, et quoque laevigatus, ad mactationem mactandam exacutus est, ut insit ipsi fulgur laevigatus est, ah! feroculum sceptrum filii mei! gladius est hiare faciens omne lignum, vel exulceratus in omne lignum.* h. e. gladius iste meus e vagina eductus, cujus modo mentio est facta, non est qualiscunque et vulgaris gladius, sed exacutus, acie penetrantissima praeditus, ad ingentem mactationem faciendam aptissimus, simul fulgurantem splendorem evibrans ad terrorem incutiendum. ad cujus conspectum non possum non *vae* et *ah!* proclamare in sceptrum filii mei, seu populi mei Israelis, sceptrum illud superbo et feroculo gaudio exultans, est enim gladius, qui omne lignum, et sic hoc etiam sceptrum, adspernatur, ac scissum quasi tabe diffuere facit. Judicium intelligitur Dei terribile, irresistibile, in omnia regna et omnes populos, per Nebucadnezarem exsequendum, et non, quod Coccejus patat, per Romanos; sine ullo fundamento, et inmani saltu, cum modo de judicio Dei per Nebucadn. erat actum; et hic ad eundem gladium manifeste respicitur. Nihil hic nostrae curae relictum occurrit, nisi in ultimo membro

vers. 10., quod varie vertitur, et explicatur. Vulgatio est interpretatio, *aut*, vel *an*, *exhilarabimus?* *virga filii mei*, sive qua castigatur, sive qua castigat ipse alios, *spernis omne lignum vel arborum*, nec ulli parcat. Quod quam sit abruptum, et languidum, facile adpaser, nec convenit structuras vocum *וַיִּשְׁמַח* et *וַיִּשְׁמַח* cum prior sit masc. gen., quare rectius redderetur in eam mentem, *virga castigatrix filii mei*, qua castigari alias solebat, nunc est mutata in *gladium acutum*, omne lignum adpernans; ut, quod Coccejus jam vidit, *וַיִּשְׁמַח* subintelligatur ex praeced. et seq. Per *filium* autem intelligere *filium Dei*, ut sensus sit, ejus *virgam* vel *sceptrum* esse *gladium* omne lignum *spernentem*, nimis est remotum. Alias versiones et expositiones mitto, meam illustrasse contentus.

§. CCCCXXV. Verba sunt parenthetica, quibus Deus vel propheta ad superiorem gladii descriptionem in acerbissimas lamentationes erumpit, super sorte populi sui, quae superbum et exultans dominium ejus per hunc gladium confringeretur, una cum reliquis regnis vicinis omnibus; qualis lamentatio et ante et post hic occurrit, et hic apte inseritur, cujus indicium est in vocula *וְ*, quae et pro *וְ*, ut pro *וְ* etiam *וְ* usurpatur Am. V: 16. Cl. Dieu ad Jes. XXVII: 9. jam advertit *וְ* hic esse exclamandi particulam *וְ*. Vid. etiam ipse ad Job. XXII: 11. sic et Arab. ac Syris in usum est. Praeterea vox *וַיִּשְׁמַח* non est prim. fut. *exhilarabimus*, ut vesti solet, sed nomen verbale, seu part. pass. conj. Niph., idem ac *וַיִּשְׁמַח*; aequae enim *וַיִּשְׁמַח* ac *וַיִּשְׁמַח*, *וַיִּשְׁמַח* dicitur. Vid. Schult. Gr. p. 365. Construi vero debet cum *וַיִּשְׁמַח* *sceptrum*, ut sit, *וְ* *ah! feroculum sceptrum filii mei!* superbum illud, et cum aliorum contentum exultans, ac hilare sceptrum dominans populi, qui *meus* est filius, uti Israel appellatur, Ex. IV: 22. Hos. XI: 1. et alibi; mox etiam *וַיִּשְׁמַח* *populus meus*, *sceptrum* vero ejus appellatur *וַיִּשְׁמַח* quod fuerit splendidum, simul superbum et exultabundum, cum aliorum populorum contentum. Quam
vera

vera vis est rad. *רמ*, sita in oculo obliquo et limo, unde est, se efferre vel prae voluptate, vel abundantia divitiarum, diciturque laetitia cum ferocia et superbo aliorum contemptu conjunctam. Vid. Schult. clav. p. 298. et ad Job. VIII: 19. *sceptro* majestatis populi Dei, *fili* ejus adplicitum vocabulum, depingit regni, et regiae majestatis qualitates bonas malas, quibus bonis et potentia sua laetata, sese insolentem et superbam, ac gloriabundam praestitit, cum reliquorum populorum contemptu. Super hoc *sceptro* lamentatur propheta, vel Deus, quod *gladius* sit exacutus, qui *omne lignum* exulcerat, vel averfatur, adeoque et hoc *sceptrum*, lignum quoque, nec reliquis melius, aut potentius; quo sequentes voces pertinent, *NON* *exulcerans*, vel *exulcerate averfans*, *omne lignum* ex praeced. et seq. subintellecta voce *רמ* gladii, foem. gen., ut modo observavi. Sensus ergo est, gladio exacuto miserabilem esse sortem *sceptri filii Dei*, quia gladius iste spernit, vel diffuere facit *omne lignum*, adeoque et hoc *sceptrum*, *lignum* tantum: respicitur in phrasi *omnis ligni* ad c. XX: 47. ut facile cernitur. Radix vero *NON* proprie est *exulcerari*, *ulceribus aotabe diffuere*, ac vulneribus hiare; unde ad animum translata exprimit vehementem aversationem, ac iracundam rejectionem. Vid. Schult. ad Job. VII. et Prov. Sumitur et *transitive* et *intransitive*, adeoque et *exulcerare* vulneribus et *tabe* quasi diffuere facere, et *exulcerari*, seu *aversari* denotat; quod utrumque huc adplicari potest, ut in versione expressi. In dictis licet requiescere possem, addam tamen, pro *רמ* legi posse *רמ* vel *רמ* littera *א* per sequentem absorpta; vel voci sequenti male addita, ut sit *רמ רמ* sensu non incommodo, quo vertitur, *nihil*, pura vanitas est, nihil solidi habet feroculum *sceptrum filii mei*, gladius enim respuit *omne lignum*.

§ CCCCXXVI. Secundum pericopae membrum gladium sistit in manum carnificis datum, et lamentationem prophetae propterea sensus repetit, vers. 14—19. Ubi a. traditio

LII 2

gladii

gladii in manum carnificis his verbis exprimitur vers. 11.; *et dedit illum laevigationi ad manu prehendum; iste exacutus gladius, et iste laevigatus est ad dandum in manu occidendi*. h. e. sicut gladius laevigandus traditur, ut manu prehendatur ad occidendum, ita hicce gladius exacutus est et laevigatus; ut tradatur in manum carnificis. Structura sermonis implicuit Interpretes, qui illam expedire non potuerunt; neque qui sit ille *dans* laevigationi; per quem alii *filium*, modo memoratum, alii Chaldaicum intellexerunt. Sed facilia erunt omnia, si prius membrum pro antecedente vel *protasi*, posterius pro consequente seu *apodysi* habeatur, et *דן* *dedit* impersonaliter capiatur, pro quocunque, ut in paraphrasi expressi: *quicumque* vel *sicut qui dat*, quod idem est ac, *sicut datur, gladium laevigationi, ut manu teneatur*, ita hic gladius exacutus est et laevigatus, *ad eum dandum in manu occidentis*. Qua ratione omnia apte fluunt. Sensus ergo est, gladium illum modo memoratum, eo scopo esse aptatum, ut *carnifici* in manus datur ad occidendum: qui, ut facile patet, hic est *Nebucadnezar*, iudiciorum Dei executor terribilis, famosus iste *carnifex*, etc.

§. CCCCXXV. II. β. Jubetur mox ad hoc Dei dictum propheta lamenta propterea ciere vers. 12. *clama et ejula filii hominis, quia iste est, vel irruit, in populum meum, iste in omnes principes Israelis, pede impacto detrusi sunt in gladium cum populo meo; complode femur*. Quae duobus tantum indigent observatis nostris; alterum est, verbum *דח* hic exferere singularem usum, quo *hostilem impetum* denotat, ex primigenia *cadendi* potestate, quae radici *דח* inest. Vid. 2 Sam. XI: 23. 1 Reg. XI: 15. Ps. LV: 19. Ez. VII: 4, 9. alterum est, *דח* esse particip. verbi *דח*, ut recte Janius, et notare proprie *pede impacto detrusum*; radix proprie dicit, *vehementius iniegit*, *pede illiso trusus*; Ezr. VI. Ps. LXXXIX: 45. Quod huc unice convenit. Sensus est, *proceres illos cum populo universo esse in terram quasi protrudendos cum vehementia, ut gladio feriantur, ad eorum totalem*

totalem destructionem. Respicitur in *procerum* mentione expressa ad *sceptrum* modo memoratum. Reliqua sunt facilia. 2. Subjungitur, ad maiorem confirmationem dictorum, vers. 13. *Quid adtritum est, et quid? si etiam sceptrum excorians vel adspersus sit gladius? nihil erit.* h. e. populus Judae jam variis malis est adtritum, et quam imbecillis sit luculenter probatum; *quid itaque fiet, si etiam gladius excorians, vel spernens, sceptrum ejus extiterit? nihil erit,* plane in nihilum recidet. Interpretes varie instituerunt, et mirifice luserunt, quibus non inmoror; nostra Interpretatio, quam ex parte unus aut alter, ut a Lapide vidit, sua facilitate sese satis commendat. Verbum *כח* cum populo; et, non gladio, ut nonnullis placet, quippe soem. gen., construendum debet, ut nexus etiam docet, et propriam vim suam, qua *terere* denotat, exserit, adeoque significat, populum jam variis malis esse afflicto, adtritum, et ita probatum, quam facile destrui possit, simul quam incorrigibilis sit. Sic pro tentare malis, affligi et adteri Job. VII: 18. et alibi. Sequitur, *et quid?* scilicet, cum eo fiet, *si etiam sceptrum adspersus* seu excorians, nimirum *gladius*, irruerit, ut recte Coccejus et supra vers. 10. habuimus; intelligitur ultimum iudicium in domum regiam per Nebucadnezarum; respondetur ad hoc interrogatum, *non erit* h. e. nihil erit, plane excindetur; quem elegantem usum *כח* frequenter admodum habet.

§. CCCXXVIII. Tertium pericopae membrum, vers. 14—17. a. iustum Dei continet ad Prophetam, ut denuo vaticinetur, addita *complosione manuum* vers. 14. his verbis: *Es tu fili hominis vaticinare, et manus complode.* h. e. perge in vaticinando, ut cepisti, de gladii actuali immissione in populum meum, et *manuum complosione* ob oculos pone alacritatem hostium, simul meam in eo acquiescentiam; ut ex vers. 17. manifestum est. Non ergo hic est dolentis, gementis, et desperabundi, sed excitantis, exultantis et triumphantis; ut nonnulli recte observarunt. Satis lamenta-

tus erat; nunc aliter se gereret, et signum praeferret acri-
tatis hostium, certissimi eventus, et acquiescentiae Dei.
¶ *Argumentum* vaticinii, quod sequitur, comprehendit gla-
dii exacuti, et in manus carnificis dati, uti supra erat re-
praesentatum, actualem immisionem caedem ac destructio-
nem. Quod *a.* proponitur vers. 14. *b.* confirmatur vers.
15. *a.* Propositio his sit verbis vers. 14. *Es, vel etenim,*
applicabitur gladius dupliciter, tripliciter gladius occisorum, iste
gladius occisoris magni illius, intime penetrans in ipsos. h. e.
dic prophetans, gladium esse dupliciter et tripliciter verten-
dum, ante et in utrumque latus, quaquaversum, illumque
esse gladium homicidarum, et magni inprimis istius carnifi-
cis, eumque ad intima quaeque penetraturum esse populi
Israelis. Quorum sensus est, impetum hostilem Nebucadne-
zaris quaquaversum penetraturum per omnia, etiam intima,
adeoque certissimam et totalem destructionem producturum
esse. Antea gladius erat ob oculos positus, tanquam exa-
cutus et politus, simul in manum carnificis datus; nunc ejus
actio terribilis describitur, qua in omnes versaretur partes,
et per omnia penetraret. Praesupponitur itaque gladius in
manu interfectoris, quod supra dictum erat, et hic tradi-
tur, eum esse versandum ab interfectore, qui hic mente in-
telligendus est, et quidem dupliciter tripliciter, et penetra-
turum in omnes et omnia, etiam intima quaeque et abdi-
tissima, nihilo relicto intacto et integro. Tria itaque hic
memorantur, 1. gladii duplicatio et triplicatio, vel versatio
ejus duplex et triplex, ad indicandam ejus actionem et im-
missionem quaquaversum; et saepius repetitam, ad ultimam
destructionem usque; sive duplicatio tripliciter sit in genere
vehementissima, et saepius iterata ad finem usque; phrasis,
his ter, pro summo gradu satis usitata; ut recte observavit
Sanctius, sive respiciatur ad partes anteriores et duas latera-
les, ut sit versabitur, ante et ad utrumque latus, seu qua-
quaversum; ut mox vers. 16. traditur, 2. gladii repetitur
definitio, et dicitur, gladium, de quo sermo fit, esse eun-
dem,

dem, modo descriptum, et ab interfectorebus. ac magno illo in erfectore jam manu teneri; *gladius confessorum* iste *gladius confessoris magni*. h. e. homicidarum, et carnificis famosi, seu Nebucadnezaris et ejus militum. Vox חלל hic non passive, sed active sumenda est, dicitque non *confossum*, sed *confodientem*: quod recte notavit et adstruxit D. Kennicott *Diff. super ratione textus Hebraici* p. 103. cui tamen in omnibus, quae profert, locis, non adfentior. Sed hic alium non fert sensum. Quod si *gladius mactatorum* dici posset, qui multos mactavit, quae minus facilis phrasid est, quid erit *gladius confossi magni*? Rectius ergo per *confossum* vertitur, ut Simon form. nom. p. 172. et per abstractum pro concreto est *confessor*. profanator ad caedem et laniationem; quae vera est rad. חלל potestas: ut alibi observavimus saepe. Sed חלל etiam punctari potest, ut sit vel in fin. Pih., vel part. pro מחלל uti occurrit Ez XXVIII: 9. 9. Denique ejus *effectus*, quo per omnia ipsorum *penetraret*, ad intima quaevis usque, subjungitur, cum dicitur, *qui intima penetrat ipsis*. Quae nihil habent obscuri. Tantum not. verbi quoque posse חרר pendula *laxatione* ipsorum capitibus jam imminens, ex propria radice חרר, in *laxando* sita, potestate, unde *latibuli* et *velamenti* fluxit usus, denotat enim *aulaeum laxius* et *pendulum*. Vid. Lette ad carmen Caab. p. 153.

§. CCCCXXIX. b. Confirmatur dictum vers. 15. *Propterea ut fluat vehementius cor, et multum sit offendiculum, in omnes portas eorum dedi fulminantem micationem gladii, ah! vel tantummodo, facti ad fulmen, politi ad mactationem*. Ad quae illustranda 1. not. voce משרים proprie *offendicula*, ad quae quis adfectus adhaerescit, et in perniciem ruit, denotari *media ruinae populi*, seu hostilis gladii invasiones: uti Jer. VI: 21. ut ibi observavi. 2. מכות proprie dicere *splendorem et micationem fulminis* a rad. Arab. *splenduit* et *quaquaversum emicuit fulmen*; quod quam apte in *micantes gladios*, quae phrasid Senecae est de *Constantia* c.

5., et hunc locum quadret, ex seq. manifestum est. *Denique* 3. verbum **מַעַס** non est vertendum *abvolutum* vel *vagina* vel *veste*, occurrit enim gladius *strictus* et sese versans quaquaversum ad *maetandum*, sed *exacutum*, non ex **עַ** *tylo* acuto, ut nonnullis placet, sed **מַעַס** *radere*, inde *polire*, *nitidum* facere et acutum ad caedendum. Vid. D. Nanninga in disput. ad V. T. loca sub auspiciis Cl. Schroederi p. 34. Sed forte rectius, cum phrasia *radere* ad *maetationem*, et usus verbi **מַעַס**, sit insolentior legitur **מַרְסָה** uti vers. 11. quod varians lectio apud Kennicot. quoque praefert. 4. Tandem not. voculam **אֵן** esse pro **אֵן** *duntaxat*, solummodo, ut sensus sit, gladium esse unice factum et politum ad fulminandum et *maetandum*, non ad alium aliquem finem. Particula gementis *ah!* hic locum invenire nequit, cum *plaudentis*, non *lamentantis* gestum hic praeferat propheta; ut supra vidimus. Confirmat varians lectio apud Kennicot, sed suspicor veram lectionem esse **אֵתְרָה** ab **אֵתְרָה** uti mox sequitur, adeoque verti debere *gladii acuti*; sicut Jes. XLIX: 2. habetur **חַרְבַּת חֵרֶת**, et nostro cap. v. 28. **כַּתְוִיחָה** *gladius acutus*, ut mox notabo. Occurrit quoque **אֵן** pro **אֵתְרָה** supra c. XVIII ut ibi notavi.

§. CCCCXXX. γ. Subjungitur, per modum conclusionis, gladium pro lubitu esse grassaturum quaquaversum, Deo ipso adplaudente vers. 16, 27. Ubi a. occurrit apostrophe ad ipsum gladium, qua permittitur, in o jubetur, pro lubitu grassari vers. 16. *exacue te met subtilissime dextrorsum, impressionem fac sinistrorsum, quocunque facies tuae fuerint constitutae*. h. e. acerrimam fac impressionem in regiones Australes Septentrionales, et quascunque alias, quas volueris; permitto tibi, quin jubeo, ut facias. Nihil hic nobis fere relictum est, nisi hoc unum observandum, verbum **אֵתְרָה** hic genuinam suam potestatem exserere, qua dicit *acuere*, ad subtilissimam aciem elimare et terminare; unde *unius* etiam usus fluxit, quatenus est extremitas elimatissima omnis rei, et ubi omnium partium cohaesio et enumeratio terminatur.

Sed

Sed divitem praeterea sensum habet, quo denotat acutissimam et acerrimam virium exertionem, adeoque *impressionem*, cujus mox fit mentio. Verbum vero *פני*, ut Gr. *προσθως*, *impressionem* hostilem et bellicam denotare, saepe alias est observatum. Ceterum *dextrorsum sinistrorsum* est Austrum et Septentrionem versus, ut vers. 4. habuimus, et additur, *quocunque facies tuae constitutae sunt*, ad liberum alium cursum ipsi concedendum: adeoque indicatur, gladium Nebucadnezaris esse in omnes terrae partes grassaturum; nec tantum in Judaeam: ut vers. 4. vidimus. Ceterum, cum *פני* facies tuae sit mascul. et *מערות* foemin. generis, rectius separatim sumuntur, ut per se stent, posterior vero vox a rad. *מער* repetatur, hoc sensu: *quocunque facies tuae sint versae, vacillationes et lapsus*, ac ruinae, erunt. Radix *מער* proprie est *vulsi flexim* mollitiae, inde in 4^{ta} *flexos et vulsos reddere*, ita ut stare nequeant, sed cadant. Vid. Pf. LXIX: 24. β. Permissio non tantum Dei, sed et adplausus, una cum ejus ratione, traditur vers. 17. *Et etiam ego complodam manus, et acquiescere faciam effervescentiam meam, ego Jehova dixi*. Quibus significatur, ut facile adparet, impressionem gladii certissimum habituram effectum, et judicium Dei severissimum esse exsecuturam, donec irae Dei fuerit satisfactum. *Adplausus* Dei indicat, rem Deo probari, et efficiendam; *acquiescentia exandescitiae* Dei exprimit finem, et effectum impressionis, ad judicium Dei faciendum. Conf. c. V: 13. et Zach. VI: 8. et ibi dicta.

§. CCCXXXI. Quartum pericopae membrum, vers. 18—32. gladii se quaquaversum versantis primos impetus, auspicato factos, in Judaeos, et dein Ammonitas, repraesentat. Cujus sequentes sunt partes. *Prima* sistit Nebucadnezarem quasi dubium, quo sese in expeditione contra populos *australes* vertat primum, num Judaeos, an Ammonitas? quippe qui *primi* ipsi occurrebant, adeoque flecteretne sese *dextram* versus ad Judaeos, an *sinistram*, ad Ammonitas? seque tandem auspiciis captis determinantem versus

M m m

Hiero

Hierosolymam, vers. 19—23. Ubi a. occurrit hujus rei delineatio a propheta facienda, et Judaeis exalibus ob oculos ponenda, ut sciant regem illum auspicato venturum contra Hierosolymam, et rem certo executurum esse, vers. 19, 20. *Es tu, fili hominis, pone tibi duas vias, per quas intret gladius regis Babelis, quas ambas ex una terra egrediantur, et signum manuale exasciato, in capite viae urbis exasciato, viam pones, ut intret gladius Rabbath filiorum Ammon, et Judam versus Hierosolymam ad eam obsidione arctandam.* Quibus jubetur propheta in tabula, aut arena, pingere duas vias ex una terra egredientes, alteram versus Ammonitas, alteram Judaeos, simul signum manuale positum et conspicuum ponere in via versus Hierosolymam, tanquam indicium viae, quam e duabus ingrederetur Nebucadnezar. Duo itaque praefigurantur a propheta, *alterum* Nebucadnezare in bivio staturum quasi dubium, quo se verteret, ad Ammonitas, an Judaeos? *alterum*, ipsum, signo aëto, sese moturum versus Hierosolymam. Prius indicatur, quum duas *faceret vias*, ex una terra ortas, quod vers. 19. In priore membro ipsi imperatur, et dein vers. 20. explicatius traditur, ubi duae illae viae dicuntur ducturae, *altera* ad Ammonitas et eorum metropolin Rabbat, *altera* ad Judaeos et eorum Metropolin Hierosolymam, ad *arctam obsidionem*; vel urbem *munitam*: quo utroque modo capi potest vocabulum מִצְרֵי, prout vel a צָרָה derivatur, vel pro voce composita habetur ex צָרָה ad, ut modo, et מִצְרֵי, sive sit nomen et *obsidionem* dicat, sive verbum צָרָה *arctare obsidere*, et sit, ad *obsidione arctandam* eam: quod in medio relinquo, licet posterius videatur probabilius, cum ratio non sit, quare Hierosolymae hoc epitheton *munitas urbis* hoc loco aptaretur expresse. *Posterius* vero, cujus memini, his verbis exprimitur, *manum exasciato, in capite viae urbis exasciato*, h. e. signum, quod viam, manus instar, monstret ingredendam, bene positum et exasciatum fac, illudque in *capite*, seu introitu, viae versus urbem, conspicuum colloca. Verbum

ben כִּי non est, ut verti solet, *eligere*, quod est יָבִי , sed *polire, exasariare*, edolare ad nitorem usque; inde ad *usum* *aptare* et *creare*, seu opus omnibus numeris absolutum facere, quale quid jubetur *facere* primum, dein factum *erigere*, ut in omnium oculos se ingerat. Posterius enim כִּי divitem habet sensum, et conspicuum, bene politum facere erigendo denotat. Vox vero וְ manus hic est signum monstrans; quemadmodum 2 Sam. XVIII: 18. Vid. Cl. Vitr. ad Jes. LVI: 5. in *not.* Sed ambigui quid est in nomine *urbis*, in cujus viae capite signum esset ponendum, num utraque, Rabba et Hierosol., an sola Hierosolyma, sit intelligenda. Mihi, cum Piscatore, posterius vid. verius, non tantum, quod sing. num. adhibeatur, et וְ *absolus* ponatur pro *urbs* נָאִי הָעִיר sic dicta, et nomine *urbis* notissima, sed in primis, quod propheta expresse jubeatur *signum* *coruscum* in capite *vias* ponere, quo vix opus erat, si ad utramque urbem respiciatur, quodque hic repraesentet Nebucadnezzarem non tantum in *bivio*, sed et se determinantem, ad Hierosolymam petendam, uti mox in adplicatione ad Nebucadn. exponitur.

§. CCCCXXXII. β. In *signi*, a propheta repraesentati, expositione a. Nebucadnezzar sistitur in bivio, dubius quo se vertat, eumque in finem auspicia captans, ut determinaretur vers. 21. Quia *stat rex Babel juxta matrem vias*, in capite *duarum viarum*, ut *divinationem instituat*; *laevigat sagittas*, *rogat Teraphim*, *inspicit jecur*. h. e. Nebucadnezzar, dubius inter Ammonitas et Judaeos, contra quos feliciter expeditionem suscipiat, cujusvis generis divinationes instituit per sagittas politas, et splendentes, icunculas loquaces, et viscera animantium respondentia. Quae divinandi species, qua ratione fuerint factae, hinc non potest colligi, cum simpliciter habeatur, sagittas fuisse vel politas et splendidas factas, quem usum habet verbum קָלָקָל , ut et Eccles. X: 10. et vox קָלָל Ez. I. vel agiliter instar rei levis commotus a קָלָל *levis* fuit, *Teraphim* fuisse rogatos, et *jecur* in

Mmm 2

spectum,

spectum, quare inutilis est hujus rei disquisitio; de variis modis per virgas, et sagittas, vaticinandi apud populos vid. Grot. h. l. et van Dalen de Divinat., ubi etiam de reliquis agit speciebus. De sortitione per sagittas apud Arab. vid. Pocock. specim. hist. Arab. p. 325. et Kuipers ad Ali p. 97. Nobis haec tanti nunc non sunt, b. augurio et divinatione determinatus ad Hierosolymam obsidendam et oppugnandam vers. 22. *Ad dextram ejus fuit, vel cecidit, divinatio, Hierosolymam* scilicet, *ad ponendum arietes, aperiendum os in destructione, tollendam vocem in clangore, ad ponendum arietes contra portas, ad fundendum aggerem, aedificandam turrem.* h. e. divinatione instituta cecidit fors dextram versus contra Hierosolymam, ad eam oppugnandam et obsidione cingendam. *Primum* membrum, quod vertitur, *ad dextram ejus fuit divinatio, scilicet Hierosolymam*, significat, regem fuisse per divinationem determinatum ad expeditionem suscipiendam *dextram* versus, seu *Hierosolymam*; *dextra* enim Nebucadnezaris, e terra sua venientis, spectabat ad Judaeam, sicut *Sinistra* ad *Ammonitas*; ut supra observavi; *Hierosolyma* per adpositionem nominatur ad *dextras* significationem designandam. *Divinatio fuit ad dextram* dicit eam cecidisse, quod est proprie *דָּרָךְ* *ad dextram*, secundum membrum pertinet ad *urbis* oppugnationem, per arietes impositos, et muri contractionem, ac militum clangentium irruptionem. *Tertium* vero membrum *urbis obsidionem* repraesentat, ut voces, de quibus ad cap IV: 2. dixi, indicant. Utriusque fit mentio, et obsidionis et oppugnationis, distincta, quod obsidio duraverit aliquandiu, et urbs dein vi expugnata sit Conf. 2 Reg. XXV: 2—4. Jer. XXXIX: 1, 2. Praeterea cum obsidio interrupta sit, et dein recepta, bis repetitur, *ponere arietes*.

§ CCCCXXXIII. Ceterum num Nebucadnezar vere dubius haeserit, quorsum se primum verteret, et divinatione instituta fuerit contra Hierosolymam impulsus, an propheta ipsam simpliciter talem in scenam, produxerit, ad indicandum,

dum, ipsum omnibus probe pensitatis, et auspicato eo tendisse, dubium est, nec tanti, cum de *scopo* constet, quem modo exposui, scilicet regem divinitus actum venire: auguriorum enim et divinationum mentio eo tendit, ut doceretur, ipsum divinitus fuisse impulsus et motus, et expeditionem per consequens fore certam et felicem, quae effectum sortiretur intentum. Loquitur propheta convenienter opinioni et consuetudini gentilium, et significat auguria capta fore certa, non quod iis aliquid tribuat, sed quod convenienter eorum opinioni et ritibus loquatur, et id, quod dixi, tantum significatum velit. Quod a stylo Script., in primis poetico et prophetico, non est alienum; vid. ex. gr. Ies. XIV: 9.— Quid? quod Deus hominibus, superstitiosis artibus divinandi usis, aliquando veritatem revelaverit, ut exempla sunt in Bileamo, muliere Endoria tempore Sauli, et Magis tempore nati Christi.

§. CCCXXXIV. c. Subjungitur eventus expeditionis, Judaeis et regno ac urbi funestus vers. 23—27. Ubi a. sese offert propositio vers. 24. b. ejus deductio vers. 25—27. a. Propositio habet, Judaeos se deprehensos deceptos suis falsis auguriis ac opinionibus, et ipsum eorum regem, impium ac perjurum, esse capiendum, vers. 23. *Et fuit ipsis sicut divinare falsum in oculis ipsorum, juramenta juramentorum ipsis, et ipse acri pollentem vigore faciens iniquitatem, ut adprehendatur.* h. e. omnia Judaeorum auguria, et promissa ipsis facta, deprehensa sunt in oculis ipsorum, seu per ipsam experientiam, vana et falsa; juramenta, quibus obstricti sunt, saepius repetita, et ipse rex, iniquitatem et perjurium acerrimo vigore pollere faciens, in causa erunt, quod in potestatem hostis redigantur. Hunc existimem verum esse verborum sensum, quae Interpretes valde diviserunt, et me aliquandiu torserunt, qui ut elucescat, not. i. *primum* membrum comprehendere vanitatem expectationis Judaeorum, ipso facto coram ipsis demonstratam; his verbis: *et est, vel eris, ipsis sicut divinare, vanum ip*

Mmm 3

oculis

oculis ipsorum, scilicet Judaeorum, de quibus hic omnino agitur, et non Nebucadnezaris, uti Coccejus et alii nonnulli putant; nam de Nebucadn. in singulari factus fuit sermo, et mox sermo ad Judaeos vertitur, *ipse* etiam mox memoratus est rex Judaeorum, nam sequitur, ipsum esse *capiendum*. *Divinare* vero *vanum* et *falsum* non est Nebucadnezaris divinatio, Judaeis pro vana habita, ut passim accipitur, sed ipsorum Judaeorum, quorum expectatio, etiam divinitus, ut putabant, per fallos vates et augures facta, eluderetur; quod huc usque quadrat, et phraes quoque requirunt; quippe quibus denotatur, *divinare ipsis* futurum in *vanum*: sed comparatio cum vers. 29., ubi idem de Ammonitis traditur, extra dubium collocare videtur. Opponitur hic *divinatio* Nebucadnezaris divinationi contrariae Judaeorum, *illa* addixerat, urbem esse capiendam, *haec* contrarium promittebat: declaratur nunc *divinare* Judaeorum ipsis fore *vanum* et *falsum*, uti vers. 29. de Ammonitis, idque *in oculis ipsorum* h. e. ipsis insipientibus, et praesentibus esse deprehendendum falsum. Respicitur ad praesudicia Judaeorum et promissa vatum falsorum, ipsis facta, quae hic declarantur vana et falsa futura. Conf. Jer. XIV: 14.

§. CCCCXXXV. 2. Duo reliqua membra veram causam tradunt traditionis populi et regis in mare Nebucadnezaris, quaerendam in juramenti ipsorum, et regis perfidia continuum ac obstinata, his verbis: *juramenta juramentorum ipsis*, et *ipse acrem reddens iniquitatem adprehendendum*, scilicet ab hoste; adeoque in causa sunt, quare *capiendi* sint, occurrit enim in pass. *וְהָרַחֵק*, et mox vers. 24. ita exponitur, sensus ergo est, *juramenta* et *perfidiam* ac iniquitatem regis *ipsis* fore *adprehendendum* a rege Chaldaeorum, seu causam subjectionis et excidii. Cum *juramentis* addatur *iniquitatis* vigor excitatus, manifestum est, juramenta intelligi violata, et cum *juramenta* absolute occurrant, cogitare licet de foedere seque cum Deo, ac Nebucadnezare, juramento firmato; quod sequentia confirmant, ubi peccata et defectiones eorum in

in genere memorantur, tanquam causa subjugationis. *Juramenta juramentorum* itaque sunt plura, et saepius repetita, solenniter facta, quibus Deo et Nebucadnezarum erant obstricti, et violata perniciem adtulerunt: vid. 2 Reg. XXIV: 19, 20, Ezech. XVII: 16, 18. et alibi. Additur in specie regis defectio et perfidia obstinata, his verbis: *et ipse acerrime vigore pollentem faciens iniquitatem*, scilicet sibi, et *ipsis* eris ad *prehendendum*, ut capiantur, et ipse et illi. Singularis et selecta phrasus est, *מכרי עץ*, minus intellecta, quod vera potestas rad. *מכר* fuerit ignorata, quam sitam esse in *acri vigore*, et fragrantia, observavit Cl. Schult. ad Prov. X: 7, unde met. recordari quasi dicas *fragrare acri vigore*, et in Hiph. *הזכיר* *adolere*, *suffimenta cremare*, seu fragrantiam acrem excitare. Hic vero *iniquitati* adplicitum verbum *הזכיר* significat, tam acri vigore pollentem facere; adeoque famosam aobilem, constantem et obstinatam, simul acerrime spirantem, et penetrantem in vindictam facere. Transiit enim apud Arab. etiam ad acrimoniam et vigorem bellicum; quem *iniquitas* regis et populi provocavit.

§. CCCXXXVI. β. In deductione propositionis ρ. repetitur excidium populi, e causa ejus in ejus iniquitate, ad summum vigorem adducta, sua, clarius traditur vers. 24, *Propterea sic dixit Dominus Jehova; propterea quod acrem odorem spirantem fecistis iniquitatem vestram, dum revelatas sunt defectiones vestras, ut conspicua fiant peccata vestra, cum omnibus facinoribus vestris, propterea acris memoria vestri facta est, manu capiemini.* h. e. propterea quod odorem iniquitatis vestrae, defectionibus vestris revelatis, acerrime spirantem effeceritis, ita ut summum adtigeris gradum, et vindictam, ab ea sumendam, spiraverit et requisiverit, propterea acris etiam memoria vestri facta est a iudice et vindice, vosque manu *capiemini*, in potestatem Chaldaeorum ac servitutem redigendi. Verba ex supradictis non sunt intellectu difficilia; tantum notetur differentia act. et pass. conjugationis in *הזכיר* in primo et ultimo

Mmm 4

ultimo membro. *Prius* verbum itaque exponit, eos acrem fecisse iniquitatis odorem, suis sceleribus publicatis; *posterius* vero, eorum propterea recordationem esse apud Deum factam, et Deum excitatum ad eos puniendum.

§. CCCCXXXVII. *b.* Regis et regni domus Davidicae destructio in clariore luce collocatur. 1. Regis impii Zedekiae vers. 25. *Et tu, profane improbe, princeps Israelis, is es, cujus dies venit, tempore opportuno iniquitatis consummatae finis, scilicet venit.* h. e. quod modo dixi, ipsum acrem odorem iniquitatis spirantem esse adprehendendum, illud ad regem Israelis improbum pertinere declaro, etenim, ut te adloquar, tu, qui profanus es et profanatus ad caedem, ac improbus, princeps Israelis, tu is es, inquam, cujus dies decretoriae poenae venit, tempore iniquitatis acrem odorem spargentis, venit finis. Not. 1. in וְנָא esse ellipsin pronominis נָא ipse, ut sit, tu is, cujus venit dies: de quo dixi ad Pl. X: 7. 2. diem et finem sibi respondere, et finem quoque, cum verbo venit construendum, adeoque sensum esse, diem ultimum, qui finem adferet, adesse; dies ergo est iudicii decretorii, qui regnum ejus fuit. Sic dies et alibi sumitur, vel similiter, Gen. VI: 3. Pl. CXXXVII: 7. et alibi. Vid. Schult. ad Job. III: 5. Denique 3. tempus וְ iniquitatis esse iniquitatis consummatae, quae summum gradum attigit, et in summo est vigore, quum acrem odorem spargit: ut vers. 23. et 24. habuimus. Hac ratione cuncta faciles habent explicatus, et oratio recte fuit. Aliorum expositiones mitto. Addo in וְנָא et profani in vita et moribus, et profanati ad caedem et quaevis mala significatum recte admitti posse, quem utrumque habet vox; ut notum.

§. CCCCXXXVIII. 2. Ad regni domus Davidicae destructionem, cum fine et iudicio regis conjunctam, respicit sequens pericopa, apte subjuncta, vers. 26, 27. sic dixit Dominus Jehova, *removere fasciam, auferre coronam, haec non haec est, humilem exaltare, altam humiliare. Contorsionem,*

mem, contorsionem, contorsionem penam ipsam (notando vel irruendo in eam,) *etiam haec non erit, donec venerit, cujus est judicium, et dabo illum, vel illi.* h. e. regiam hanc dignitatem cum regno, corruptam et perversam, fastosam et sublimem, e medio auferam, cum non sit vera et genuina majestas, nec durabilis et firma, sed nihilum futura; contra, humilem elevabo, et ei, cujus est judicium facere, et cui competit, dabo illam, quum venerit; sicut veniet, regis illa majestate corrupta remota. Quae externi regni Davidici, tanquam corrupti, destructionem, nunc in Zedekia, postea in aliis regibus denuo exortis, faciendam, et spiritalis regni erectionem in Messia, genuino Davidis filio, vivis coloribus depingunt, uti explicatio docebit, harmonia verbi prophetici, et implementum, tempore Domini nostri exaltati, confirmat. Interpretes communiter etiam in genere admittunt. Illustrata haec est pericopa a Discipulo meo, dum fuit, egregio D. Radbodo in disp. Acad. meae sub auspiciis scripta et defensa publice, de triplici coronae Judaicae contortae everfione, ejusque loco coronae Messiae erectione ad Ezech. XXI: 27. Quae omnino consulenda est; quare brevioribus nobis hic esse licet. Continent verba *a. propositionem* vers. 26. *β.* ejus deductionem, seu expositionem respectu *causae* everfionis coronae Judaicae, et ejus termini ac complementi vers. 27.

§. CCCCXXXIX. *a. Propositio* his sit verbis vers. 26. Sic dixit Dominus Jehova, *remove fasciam, auferre coronam, haec non haec, humilem elevare, et altam humiliare.* h. e. e medio auferetur majestas haec Judaica, a vera majestate Davidica longe diversa, nec firma et durabilis; quippe fastosa et sublimis, deprimetur, et humilis ac modesta in altum ac sublime extolletur, secundum regulam providentiae Divinae, et promissa Davidi facta. Verba parum habent impedii, modo notetur. 1. Voces, *fasciam et coronam*, non diversas dignitates, *sacerdotalem et regiam*, sed unam eandemque, regiam scilicet, denotare; adeoque *fasciam co-*
N n n
rona,

non, seu ornamento regio, insignem, significat. Cuius enim *fasces* additi esse debent ad significandam *fasces* regionem, ut Jer. LXII 3. *fasces* regni, nec vox *REGES* abfuit potest, de *fasces* regni capi potest: accedat perinde hanc principem ad principem *Israhel* modo memoratum vers. 25. Rursum vero *epes* proprie est. *reges*, *solus*, *ducere* quod in formam *regnum*, unde *epes* caput est *regnum*, *fasces*, quae caput circumvolvunt. Vid. Schroder ad Jer. III cap. 20. Quae cum sit generalis vox, addatur ad eam restringendam *REGES* *reges*, ut de *fasces* *regni*, *corona* *regni*, *coronatus*. 2. Verbo, *removere*, *auferre*, *dimovere*, *auferre*, occurrere forma infiniti, quae hic est loco fut., ut idem dicat, ac *removendo* etc. seu *removendo* *removendo*. Vid. Grail. Gr. S. I. III. tr. III. can. 44. Quod non est difficile.

§ CCCCXL. His praemissa, ad *fasces* verborum expositionem pergamus. Primum membrum, *removere* et *auferre* *fasces* *coronam*, *picinam* et *totalem* *regni* *domus* *Davidicae* *destructionem* *denotare*, facile adparet, et satis triuivum est; quare ei non immorabor. Cuius insignem prophetiam Jer. XXVIII: 1—4. de regno *Ephraimitico* abolendo, simili fere sub imagine. Cum autem hic agatur de regno *Judae*, ad illud referendum esse dictum, manifestum est. Secundum membrum, *haec* *non* *haec*, et causam ablationis involvit, et ipsam ablationem confirmat. Sensus vocum, quae de aenigmate quid trahunt. est. 1. *coronam* *illam*, modo memoratam, non esse eam *Davidicam*, quae esse debet, sed longe ab ea diversam; sicut non in deditione adpellatur *coronatus*, 2. *coronam* *hanc* non esse, aut firmam et perennem, aut veram *illam*, quae esse debeat, et futura sit in aeternum. Posterius pronomen *REGES* hic usum exierit, quo rem ipsam, ejusque essentiam denotat, adeoque firmam et perennem. De quo vid. Schulz. ad Job. V: 27 sic etiam sumitur Ps. LXXIII: 16. In deditione illud exponitur per voces, *haec* *non* *eris*, *deus* *vestri* — — — et *dabo* *ipsi*. Tertium membrum praecedentis

gentis est illustratio et confirmatio, docetque, coronam fastosam deprimendam, et ejus loco humilem aliam extollendam esse; secundam regulam providentiae Dei, qua superbis resistit, et humilibus dat gratiam, et convenienter praedictionibus Dei, de regno Judae superbo humiliando, et regno Davidis humiliato denuo elevando in Messia. Hic sensus et scopus est verborum, *humilem elevare et altam humiliare*. h. e. ita soleo facere, ita faciam, Regnum Judae excelsum et fastosum ad nihilum redigam, et humiliatum in sublimem feram. Prius nunc factum est, et posterius in Messia fiet: ut ex seq. clucescit. Interpretes varie instaurant, pauci, ut Castalio, veri aliquid viderunt.

§. CCCXXI β. In propositionis deductione a causa eversionis regni Judae et domus Davidicae regiae, in corruptione ejus quaerenda, clariore in luce collocatur, simul insinuari videtur, eversionem tribus vicibus eandem ob causam esse faciendam, vers. 27. in priore membro; *contorsionem*, *contorsionem contorsionem ponam ipsam*, notam infamiae ipsi iniurendo, et in eam impetum faciendo, quod utrumque adfert verbum **כִּוְּן**. Radix enim **כִּוְּ** et **כִּוְּן** denotat eam notam imponere, signum imprimere Job. IV: 18. Nah. I: 14. adeoque *contorsionis notam ei inungere* erit, dicetque, eam tanquam contortam coronam traducere, et ludibrio exponere, tam hostiliter invadere, vid. Schult. ad Job. I: 8. quando dicit, Deum in contortam coronam hostilem facturum impetum ad eam destruendam. Sed adsumi quoque potest rad. **כִּוְּן**, cui Arab. **כִּוְּן** respondet, unde in prim. perf. fut. Hiph. **כִּוְּן** et **כִּוְּן** proprie *scissurare*, tanquam urente et pestifero adflatu, inde *vastare*. Vid. ad Jer. XLIX: 20. et Ez. XX: 26. Quod ab hoc loco non est alienum. *Causa* hujus judicii comprehensa est voce **כִּוְּן**, quae proprietatem habet in *distorsione*, et usa suo *iniquitatem*, aequi et justii contorsionem, et mentis perversitatem, plane desperatam et insuperabilem, denotat, a qua hic non est discedendum, *etiam*

Nnn 2

nulla

nulla ratio est, quae huc aptius quadret, nam *everfionis* modo facta erat, et mox fit mentio, et ei opponitur *jus ac judicium* in eo, cui corona erat danda. *Trina* vero repetitio etsi ad emphasin augendam, et gravitatem ac certitudinem rei denotandam referri possit, non male tamen adplicatur ad *trinam* coronae corruptionem et everfionem, in Tiedekia, Herode M. et Agrippa M. quemadmodum in citata disputatione recte est expositum et demonstratum.

§. CCCCXLII. *b. Tempus everfionis coronae, ejusque translatio ad alium, his verbis subjungitur, etiam illa non erit donec venerit, cujus est judicium, et dederim illi. h. e. ipsa illa corona humilis exaltanda non erit, nisi cum justus ille advenerit, cui jus in eam est, cuique eam dabo. Possent voces, etiam ista non erit, referri ad coronam corruptam evertendam, ut sensus sit, eam contortam ante in nihilum esse redigendam, quam venerit legitimus ejus haeres, adeoque *N* per nihil verti, ut saepe alias; sed rectius fuit oratio, si de corona vera Davidica, humili facta, et exaltanda, intelligatur, ut sensus sit, coronam corruptam esse evertendam, praeterea alteram illam humilem non esse elevandam, nisi quum venerit Messias. Qua ratione emphasie voculae *etiam* retinetur, a contortae coronae everfione distinguitur, et ei recte subnectitur, denique *humilis coronae exaltatio* exponitur: sicut enim *contortae coronae fideratio* ad fastosae coronae humiliationem respicit, ita nunc recte humilis elevatio illustratur, et respectu *temporis*, quo fieret, et *personae*, in qua. Cujus utriusque traditur noticia 1. *temporis* quum dicitur, *etiam illa*, scilicet humilis corona, *non erit*, nimirum exaltanda, *donec venerit* etc. 2. *personae*, quum additur, *cujus est judicium, et dabo ei*. Quo indicatur tum *qualitas moralis* hujus personae, qua jus et aequum amat, et sectatur, et ad eam normam regnum administrabit. Vid. Jes. XI: 3, 4. et ibi Cl. Comment. tum *jus in regnum*: quod utrumque vox *donec* denotat. Reliqua sunt facilia.*

§. CCCCXLIII.

§. CCCXLIII. Subjungitur, per modum adpendicis, destructio Ammonitarum, per eundem gladium Dei in manu Nebucadnezaris, secus ac illi, falsa divinatione decepti, opinarentur, cujus occasionem praebeuit, quod Nebucadn. supra introductus erat in ambiguo stans, quo se flecteret, ad Hierosolymitanos, an Ammonitas, et per auspicia capta determinatus ad Judaeos invadendos: ne itaque Ammonitae putarent, gladium ad Judaeos tantum esse paratum, et deinceps cessaturum, adeoque se salvos futuros, obiter subnectit Propheta eos eandem sortem quoque in terra haud diu post subituros, quod postea ex professo repetit et agit cap. XXV. Duae sunt *pericopae* partes, minus observatae, et propterea male explicitae ab Interpretibus; *prior* exhibet vanas Ammonitarum opiniones et voces de gladio non se, sed Judaeos tantum petiture, *posterior* tradit contrarium, et eorum excidium quoque per eundem gladium esse efficiendum, adfirmat. *Prior* occurrit vers. 28, 29, et 30. in primo membro: *posterior* vers. 30—32. Prior his verbis comprehenditur, vers. 28—30. *Et enim dixisti, gladio! gladius es, apertus ad mactationem, politus ad consummandum, ut fulgures, vel ad laevigandum te, (dum videns tibi vanum, et divinant tibi mendacium) ad dandum te super colla profanatorum impiorum, quorum dies venit, tempore iniquitatis finis venit, reduc in vaginam suam.* h. e. falsis et vanis visionibus et divinationibus decepta filia Ammon, *dixisti*, sermone ad gladium verso, eum esse unice strictum et politum contra impios Judaeos, quorum consummata est iniquitas et sermone inde directo ad homicidam, qui gladium tenet, eum gladium conditurum in vaginam ejus, adeoque a mactatione ulteriore esse cessaturum. Quae paraphrasis, ut sese adprobet, *duo* praemittenda sunt observata vel *tria*. 1. *Primum* est, verba esse Ammonitarum, quibus gladium istum contra Judaeos, non se, esse destinatum, jactitabant; cujus indicium in eo est, quod Deus mox contrarium adserat, vers. 30., ad ea verba refutanda: confirmat quod hinc unice verum

form sensum acquirat phrasis, *ad dandum te super colla impiorum* etc. ut mox adparebit. Verbum itaque אָמַן vel punctandum est in foem., cum de gente Ammon. in foem. loquatur propheta in seq., et ad Ammonitas directe referendum, ut sit: *et, vel etenim, dixisti gens Ammonitica* etc. vel, si punctatio servetur, et de propheta capiatur, *dices*, ut modo in principio versus, per ellipsin intelligendum est verbum אָמַן, ut sit: *dices, dixisti*; sicut ad Pl. XVI: a. observavimus.

§. CCCXLIV. 2. *Secundum est*, sermonem ab Ammonitis verum primum ad ipsum gladium, dein mox ad occisorem, qui eum in manu habet: de qua diversitate objecti sermonis testatur, quod oratio de gladio modo in *secunda* persona fiat, *ad dandum te*, modo in *tertia*, *reduc in vaginam ejus*; quae mutatio eo facilior est, quod in sermone ad gladium tacita fuerit injecta mentio *ejus*, qui gladium tenebat, cum dicitur, gladius politus *tu es ad dandum te super colla impiorum*. h. e. politus es ab occisore, ut *te des* etc. quando mox apte sermo flectitur ad eum, ut condat gladium in vaginam suam. Qua ratione cuncta recte fluunt, et faciles accipiunt explicatus. 3. *Tertium est*, voces, *dum vident tibi vanum*, et *divinant tibi falsum*, esse parentheticas, ut recte Syr. vidit, vel loco motus, pertinent enim ad gentem Ammoniticam, quae hic introducitur loquens; et ratio datur, quare ita loquatur, quia a falsis vatibus decepta erat neque ac Judaica, vers. 23. Vid. Jer. XXVII: 9. Cohærent itaque cum *dixisti*, ut sit, *dixisti dum vident tibi vanum* etc. et sequentia, *ad dandum te*, pertinent ad gladium, ac cum vers. 23. construenda sunt immediate, unde verus eorum intellectus unice pendet.

§. CCCXLV. His admissis pericopa, alias difficilis, quae Interpretes valde cruciavit, et in aliena atropuit, redditur facilis admodum explicata, adeo ut paucis desungi possim. *Sermo ad gladium a gente Ammonitica directus*, ita habet: *gladius apertus es ad manifestationem* (strictus et acutus factus; quod

quod hic dicit verbum **פָּתַח** *aperire*; solent Interpretes de gladio evaginato tantum capere, sed praecipue intenditur acies gladii exacata; stylo enim Orient. *aperire* gladium est *exacutare* et in *mucronem exasperare*. phrasi Taciti, tribuunt enim ei *as*; unde Pf. LV: 22. **פְּתִיחוּ** *sunt acuti gladii*; ut ibi observavi,) *politus ad consummandum, ut fulgures*, (Turbat haud parum verbum **לְהַכִּיל**, nec expedire possum. Regulariter est a **כָּוֶל** et dicit, *ad capacitatem vastam complectendum*; quod quid huc faciat, maxime cum sequatur, *propter fulgur*; nescio. Rectius quadraret **לְהַכִּיל** *ad consummatum usque*; sed nihil desinio. Probabilis tamen mihi nunc videtur, leg. **לְהַכִּיל**, quod idem ac **לְהַכִּיל**, ut sit *ad laevigandum*, quo nihil hic aptius est. De **קָלָל** et **קָלַקַל** vidimus ad c. I. et XXI: 21.) *ad dandum te super colla profanatorum impiorum; quorum dies venit, tempore iniquitatis finis venit*, (quae ad vers. 25. respiciunt, et ibi exposita sunt; intelliguntur Iudei, tanquam huic gladio destinati, ut absumantur. Cohae- rere verba cum gladio *exacuto et polito*, et ejus finem ad destinationem trahi, ex supra dictis constat. Interpretes in phrasi *dare super colla* exponenda varie ludunt; et *alieno* valde sectantur. Sed alium non patitur sensum, ac quem dedi. Gladius datur *ad collo* quatenus tenditur ad mactandos homi- nes,) *reduc in vaginam suam* (tu, qui gladium exseruisti, et mactasti. eo facto in vaginam conde, vel condes eum; est enim **וּשְׁבַע** in Hiph. infinit. vel imperat., quod perinde hic est. Sermo vertitur ad homicidam, et sensus est, mactatio- nem esse finitam.)

§. CCCXLVI. Posterior pericopae pars, responsum ad haec Ammonitarum verba, adeoque argumentum *dicti* Jeho- vae continens, et a verbo *dices* vers. 28. dependens, ita sonat vers. 30—32. quae recensebo, et per partes, ubi opus fuerit, exponam, *in loco, ubi formata es in terra con- stituae tuae* (in solo patrio, ubi nata, educata, et pulchra, dives ac fortunata facta es; de voce **מְכֻרָה** vid. ad cap. XVI: 3.) *judicabo te* (examine instituto judiciali, et senten-

tia pronunciata, condemnabo te) *et effundam super te spumantem meam effervescentiam* (quae emphasis est vocis **eff** in igne (instar ignis, **eff** saepe similitudinis est et comparationis) *excandescentiam meam ebullientem afflabo super te* (irae meae, seu iustitiae severae, effecta te experiri faciam) *et tradam te in manum virorum flagrantium* (qui flagrante ardore, quicquid adtingunt, consumunt, more et animo belluino. Quam sensus amplitudinem adfert **trad** proprie vi aestuante tumuit, inde flagravit, exterminavit, vastavit, et derivatum ad animal brutum transfertur, vehementiore aestu vorandi adfectum) *procudentium perniciiei* (**proc** proprie est cudere, tundere, nomen inde tundendo sulcare, arare, et inter alia cudere, procudere malum. Vid. Schult. ad Prov. III: 29.) *igni eris consumptioni seu devorationi, sanguis tuus erit in medio terrae* (bello, et fame ac peste absumeris,) *non memoraberis amplius*, (nomen tuum non erit amplius celebre, tanquam populi liberi, et alicujus pretii) *quia ego, Jeshova locutus sum*. Reliqua mitto, et de implemento dicam ad cap. XXV., ubi ex professo de judicio Dei in populos vicinos agitur.

FINIS PARTIS PRIMAE.